



TRVNCONII
—
De custodienda
Puerorum
Sanitate

Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.566






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.566



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.566



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.566






16.566

Phenig, Heliorati

XV

TRVNC



IACOBI
TRVNCONII
PHILOSOPHI
AC MEDICI

De custodienda Puerorum Sanitate.

Ante Partum, in Partu, & post Partum

De curandis eorumdem morbis ex Hippocrate, quousque
Caninos Dentes emiserint.

ACCESSIT

Tractatus de Variolis, & Morbillis, &
Epistola eiusdem Auct. de Prauis Febribus cum peticulis, quæ anno
MDXC. & XCI. per Italiam vagarunt.

AD SERENISSIMAM
D. CHRISTIANAM
LOTHARINGIAM
MAGNAM ETRVRIÆ DVCISSAM.



FLORENTIAE,
APVD PHILIPPVM IVNCTAM. MDXCIII.
Cum Licentia Superiorum, & Priuilegio.

SERENISSIMAE
CHRISTIANAE
LOTHARINGIAE

Magnæ Ducissæ Hetruriæ.

IACOBVS TRVNCONIVS
SVMMAM FELICITATEM D.



Vm tuæ Serenissimæ cel-
situdini iam notū foret,
nullam in vrbe hac Flo-
rētissima inueniri mulie-
rem, quæ obstetricalem
artem alioquin vtilem, &
maxime omnium neces-
sariam, ita didicerit, vt difficultatibus in par-
tu contingentibus, oportune tutoque parie-
ti opem afferre sciat, sed imperitarum obste-
tricum culpa sæpius contingere, vt infantes
periculose agant. Idcirco tua Celsitudo,
tamquam princeps humanissima, erga om-
nes vrbis mulieres pietate adducta, commu-

+ 2 ni


ni earum saluti consulendum esse decreuit.
Quum obrem obsterrices edocere medico-
rum esse partes, cum recte dixisset, iussit pa-
riter, vt ex ipsis obstetricibus, quæ magis
apta comperiretur, ita instrueretur, vt in quo
libet laborioso partu ingenio, & arte succur-
rere valeret. Ita namque, & Moschio ille
Græcorum medicus celebratissimus consule-
bat inquiring; Sic namque obstetrix esse de-
bet vt muliebrium causarum sit edocta, &
medicinali exercitatione perita. Ego autē,
qui tuæ Celsitudini pro viribus inservire
perpetuo addictus fuero, tunc eius præceptū
pro singulari gratia dum acceperim; vt pium
sanctūque eius desiderium exsequeret, quā
primum inter cæteras obstetrices, aliquas se-
legi aptiores docibilioresque compertas, &
eas qua valui arte instruxi: Vt insuper singu-
læ, quæ ad hanc artem se dicari velint, præ-
cepta artis addiscere possint, opusculum edi-
di, in quo de obstetricali arte agitur, quod vt
singulæ documenta ex eo recipere queant,
vernacula lingua à me transcribendum cura-
bitur. Verum quoniam antequam ad sui or-
tum ducatur puer, per nouem menses, & vl-
tra

tra imperfectus, & viribus inualidus in ma-
tris utero, tamquam in angustissimo cecoq;
carcere, in se totus conglobatus vinculis de-
tinetur; & tunc temporis tum externarum,
tum etiam internarum rerum, varijs iniurijs
subiciatur, quibus infantes ipsi ante matu-
rum partum quādoque extinguuntur, & ab-
ortus sequitur. Qua de re ut ab ijs illesus
præseruetur puer, & incolumis cum matre
gerente ad partum ducatur, opusculum aliud
primum in ordine edidi; in quo grauidarum
regimen continetur, & etiam singulorum
accidentium, quibus grauidæ ipsæ mulieres
infestari solent, tum præseruatio tum curatio
in eo traditur, ut ante partum etiam infans
conseruetur, & ad partum feliciter accedat.
Deinceps in ordine secundus tractatus iam
dictus de obstetricali arte sequitur, in quo
docetur quæ & qualis debeat esse obstetrix,
& de eius officio recte administrando, ut à par-
tu mulier illesa extricetur, & ex eo puer tutus
emergat. Et quoniam postquam in lucem
editus est puer, ex obstetricis manu in nutri-
cis manibus delegatur, ubi vel lactis defectu,
vel eius vitio, vel ob ipsarum inscitiam, vel
+ ; quia

quia negligentes fuerint, non raro infantes
perichitari solent; idcirco vt post partum
etiam sanus præs(er)uetur puer, tertium addi-
di tractatum, in quo de eiusdem præs(er)uatio-
ne agere, per regimē nutricis, opere pręci-
um esse duxi. Et tandem cum multis tentari mor-
bis puerum post partum contingat, quorum
non pauci ob ipsorum naturam, quę humido
mersa censetur, vt mari salga originē ducunt,
vt summus Hippocrates peruulgauit, alij ve-
rò ipsorum morbi à sanguine, quo in matris
utero alti fuere, ortum trahant, & à vitioso
lacte pariter à nutricis vbere sumpto; alij ve-
rò ineuitabili naturę pręscripto à dentitione
promoueantur, vt in gingiuarum perforatio-
ne ab ijs pręcipue dentibus, qui canini dicū-
tur, ob id cum præs(er)uationem puerorum do-
cuerimus dum sani existunt, deinceps de quo-
rundam morborum curatione ex Hippocra-
te cum ipsi egrotauerint, tractatum quartum
in ordine adiungere, consilium mihi fuit, vt
non modo in partu, sed ante partum quoque,
nec non post partum donec caninos dentes
emiserint, eorum sanitas absque vitio pręser-
uetur, vel si forte morbo aliquo interim vt se-

pe

pe contingit ægrotauerint, artis præsidio, &
Deo Opt. Max. fauente curari valeant. Acci-
pe igitur Princeps Serenissima atque omniū
humanissima, opus tuæ Celsitudini dicatum,
ex quo singuli ipsum legentes, in tui gratiam
fructus carpere valeant. Tibi verò æque ac
Serenissimo Magno Duci Serenissimoque
Principi, & cæteris ex regia tui familia ipse-
met auctor natura iam, & spōte totus se dica-
uit. Tuus igitur est Trunconius, tuique ex
eo veluti ex trūco editi sunt fructus, qui si be-
nigne abs te ex vsu colligētur, reuirescet qui-
dem ille iam senescens, & in dies magis gra-
tos tibi fructus edere, pro viribus conabitur.
Et quamuis libelli munusculum paruum ex
se sit, magnum profecto fiet si abs te fuerit hi-
lari fronte receptum, & insigni tuo splendo-
re illustratum.




* 4 AD

AD CANDIDOS
LECTORES.

IACOBVS TRVNCONIVS

Auctor .



NON me latet candidissime lector, quod fortasse non deerunt, qui meam libelli huius editionem, tamquam utile ac necessarium opus probent; sicuti alij, qui prima facie legentes, eandem improbent, ex eo quod non noua proferam, sed quæ à plurimis huc usque prodita fuerint, Et ita ipsi superflui vitium mihi impingant. Nec alij insuper deerunt, ut deesse non solent, ubi recentiores de aliqua re pertractant, qui me hoc crimine culpent, quod operis huius lucubrationes meæ non sint, sed aliorum easq; suffurauerim. Duplici sic crimine accusatus si fuerim, à quolibet me excusatum impunemq; fore ostendere licet. Ad primum dicendum sane videtur

videtur quod nihil dici possit, quod prius non dictum fuerit, ut apud omnes in confesso habetur. Scio etenim quod inter recentiores non desunt, quem admodum, & non deerant ante illos, qui de regimine utero gerentium, & qui de officio obstetricis, & partu, & qui de Infantium sanitate tuenda suis scriptis prodiderunt, sed illis sic responderi velim, quod quo magis à pluribus calcatur via, eò magis plana atque facilior redditur, & idcirco quãvis alij hac ipsa pertractauerint, nihilominus opera hac se inuicem consequentia nemo unquam, quod sciam hac serie methodoq, & breuitate huc usque in fallor, in albo posuit. Ad secundum autem quod hac ex alieno agro suffurauerim, negare non possum, fateri debeo. Ex amplo namque ac fertilissimo antiquorum, atque maiorum agro, ut Arist. Hippocratis, Galeni, Pauli, Aetij, Auicennae, Haly abb. Celsi, Celij Aureliani, Oribasii, & ceterorum antiquorum praecepta suffuravi, à quibus omnis nostra scientia manare unusquisque fatebitur. O utinam, & ipsi sic suffurari didicerint, qui me hoc crimine impingunt, non aliam siquidem mererentur penam quam à singulis laudari hominibus, sic namque medicam artem non ignorarent, sed antiquorum praeceptis non oblitì sed eis magnopere

pere addicti artem ipsam callerent. A maioribus
namque fontibus haurire praecepta, scientia perfe-
ctionem fore perpetuo ratus fui neque id ambi-
gendum puto. Legere igitur non dedignentur non
mea sed ipsorum antiquorum asserta à me verò
recta serie, & methodo ac qua fieri potuit breuita-
te redacta. Nam quicumque utero gerentis, vel
nutricis regimen siue obstetricis officium exoptat,
pro pueri conseruanda sanitate, presenti hoc opere
addiscere valebit, praeterea quisquis praesidia desi-
derabit, quibus grauidarum symptomatibus opem
ferat, ac quibus pueriles morbi sanentur singula li-
bellum hunc legendo venari plane valebit. Interim
valete Lectores candidissimi nostri non immemores.

D. MICHAEL COLVMBUS



D. PETRI

DOMINI
PETRI ASIRELLII
CARMEN.
Ad Lectorem.



ARTVS ante graues, in partu quaq; tueri
Post partum pueros discat honesta nurus.
Ex Trunco viridi medica quin arbore letos
Nunc mulier fructus colligat alma suos.

AD AVCTOREM
D. MICHAEL COLVMBVS.



XCELSVS tibi lucina Iunonis honores
Mandanti nitidis, Trunconi docta, papyris,
Assurgunt patres queis dulcia pignora cura
Atque amor est chare sobolis studiumque
nepotum.

Assurgunt itidem dulces experte hymeneos
Matrona fatum, & partus quod ferre labores
Perdiscant, cuncti per quos discerpier artus
Dura, & creduntur late ossa dehiscere hiatu.

Sed mage nascentum deuincta est turba, quod amplum


15737.1

Pandis

Pandis iter dias ipsis in luminis oras,
 Irrumpant facile, ut thalamos, & vincula soluant,
 Et nati vegetam attingant longamque senectam
 Omnibus erepti, qui membra tenella laceffunt
 Atroces morbi, macies seniumque Philippi
 Atque ὄγκος vastus capitis tumor, & qui
 Per totum informes erumpunt corpus achores,
 Et papule turpi sanie crebroque fluentes
 Et terra subito allidens ἐπιφύει corpus
 Motibus ac tremulis quatiens conuulsa membra,
 Et teneris saniosa herentes faucibus Aphæ
 Quique graui laniant, lumbrici viscera morfu.
 Tonsillæ βατράχος, singultus, nausea, Tussis
 Struma Intertrigo, Vesica calculus, Alui
 Profluuium, & geminos circum fœda hernia testes,
 Σίφις, Vomitus alia, & sexcenta malorum
 Portenta heu nimium teneris infesta puellis,
 Quæ tua Trunconi hæc cunctos monumenta per annos
 Victura ostendunt tuto remouere, parata
 Unde tibi eternum tanta est iam gloria, nullis
 Terrarum trifidiue coercita finibus orbis.



DOMINI
IOHANNIS BAPTISTAE
ADIVNCTII
BURG.
AD LIBRVM.



*N*OVA temperies sub verni temporis horā
Arboribus præst, alijsque orientibus herbis
Ast hominum generi, dū cæpit ducere vitā:
Ne cita mors rapiat cunctantem in limine
factum;

*Aut infantibus egregiam qui nouerit opem
Ferre, piamque pusillis demum extendere manum;
Te citra solum, omnium ò doctissime Liber,
Quis melior legitur? Sed ante utinam editus esses.
Olim præses diua puerperis habita Iuno
Te venientem fugisset; quin illico cedens
Sponte locum, & tibi (nunc quod fit) ius omne dedisset
Incolumem seruandi natum, uteroque gerentem.
Eia age, rumpe moras, nil tandem veritus: Ecce
Parentum omne genus gaudens, prolesque futura,
Præsidjs*

*Præfidijs munita tuis ; tum stirpe superbi ,
 Seu quos maior alendi natos cura remordet ,
 Legibus, & ditione ampla , imperioque potentes ;
 Inuidorum compefcent morsus , ac tibi vinctos
 Compedibus feruari hostes ; laceffere demum
 Ni definant , viuas ut letus ; propere dicent.*



Errata maioris momenti ita corriges .

P. L.	Err.	Corr.	P. L.	Err.	Corr.
3	1	sua lege suam	123	25	quoniam lege quando
6	16	lege chorilodines	126	12	autem lege item
7	16	exercitium adde paucum	127	10	resumant l. resumantur
9	12	mouere lege habere	123	27	similiter lege similem
26	24	perq; l. vel & adde vices	134	19	lege meliusque degere
32	18	seruandi lege seruandum	141	14	habent lege habet
41	7	abluant lege abluantur	142	21	tepefacta adde sumantur
41	17	dextero adde fiet vsu	150	13	extepente lege expetete
41	18	lege ex quo in principio linee.	161	17	ad nares lege ad aures
51	20	fit lege, sic quælibet	164	24	quam lege quæ
52	19	occlusus lege occlusum	175	9	proximo lege paroxismo
52	23	24. & 25. numeros positos sub nominatiuo ablati- uo legatur vt 15. 7. & 6	184	4	analogiam l. analogismu
54	18	comercia lege comercio	185	17	lege imitator curet
58	21	22. lege 21	188	29	primo lege proprio
80	10	utrum lege utero	202	13	infans caninos lege infan- ti canini
91	2	ignorare lege ignores	203	8	si reuiscet lege renirescet
109	4	lege exardesceret ni	205	17	compositi lege consopiti
115	5	lege sed cum	208	7	excretricibus l. excretis
116	23	infantem lege infantis	220	14	comitiali l. in compositione
122	10	Exrepente leg. expetente	225	4	in lege ni
			238	3	humectandi lege exiccadi

Handwritten text in a medieval script, likely Latin, arranged in several lines at the top of the page.



Main body of handwritten text in a medieval script, organized into two columns flanking the central decorative initial.

IACOBI TRVNCONII
MEDICI AC PHILOSOPHI
Tractatus Primus.

De conseruanda sanitate grauidarum, ipsarumq;
gestati foetus, ac de praeseruatione abortus.

*Qua & qualis materia sit pro conseruanda sanitate
seligenda, & ubi vsurpanda.*

CAPVT PRIMVM.



TERO gerentibus tum ipsa-
rum sanitatis, tum foetus quē
in vtero gerunt conseruatio
nec nō ab earum abortu, praē-
seruatio debetur. Et quoniam
dum vtero gerunt accidentia
quædam ipsis velut familia-
ria haud raro contingunt, eo-
rundem correctio pariter exigitur; vt amborum sani-
tas vsque in parturitionis tempus incolumis serue-
tur, quæ partes conseruandi videlicet, atque corrigē-
di sub ipsamet custodiendi arte iure merito contine-
ri debent Gal. auctore lib. 6. de sanitate tuēda. Suppo-
sito igitur qđ sanitas quæ cōseruari debet, simmetria
quædam sit ex quatuor qualitatibus emanās subiecto
corpori cōueniēs circa similes partes: in instrumē-
talibus uero simmetria ex ipsarū similariū cōpositio-
ne,

ne, numero, magnitudine, & figura cōsistat Gal. atq. 1. de sanitate tuēda ca. 1. & quisquis hæc cōmode tue-
 ri valeat, is optimus sanitatis cultos erit: Galenus sub-
 dit citato loco. Et qm̄ custodiēda cuiuslibet sanitatis
 studiū circa tria hæc prima genera versari debet, atq:
 medēdi methodus, corporibus videlicet, causis, & si-
 gnis, vt Galenus inquit citato lib. cap. 15. corporibus
 quidem, vt ipse inquit, ijsque & sana iam sunt, & co-
 statu seruari debent. Signis vero quæ ipsis accidunt,
 ex quibus corpora ipsa dignoscuntur. Causis autem,
 ex quibus custodia sanitatis perficitur. Supponamus
 igitur vtero gerentis corpus cuius conseruationem
 intendimus sanum esse ex eius actionibus dignosci,
 & idcirco eius sanitatē, & gestati pariter in vtero fœ-
 tus conseruandam esse, vt est præsēntis negocij institu-
 tum. Reliquum itaque est, vt causarum salubrium,
 atque sanitatem conseruantium materia seligēda sit,
 vbi autem materia hæc salubris pro conseruanda sa-
 nitate vsurpanda sit, Galenus docuit in suo libello ad
 Trasibulum cap. 18. vbi inquit; conseruans sanita-
 tem continetur in illis quibus velimus nolimus cor-
 pus nostrum vtitur, & eorum illis quæ iuuare, & offi-
 cere valeant: in ijs & circa hæc tuendæ sanitatis artem
 versari arbitramur. Ipsæ autem sunt res non natura-
 les dictæ, vt Galenus asseuerauit in arte medica cap.
 85. & idcirco à sex fontibus qui eas scaturiunt peten-
 dæ fuerint. Verum quoniam iam dicta genera, ma-
 teria quædam sunt in salubrium causarum, at vsu op-
 portuno adhibito causæ fiunt conseruatrices, atque
 salubres,

salubres, idcirco ab vnoquoque fonte sua causarum materia qualis, quantum, quando, & quo modo oportet seligere licebit: nam si à modo deliquerint, in salubres redduntur. Galenus inquit in suo de arte medica cap. 85. Fontes igitur adire, & ad causarum idoneam materiam seligendam, & reliquas respuendas, iam nos accingi tempestiuum videtur.

F O N S P R I M V S.



PRIMUM fontem iam aggressi, qui aerem spirat ab ipso aerem seligemus ad temperatum, & qui non admodum frigidus, vel calidus, immunisq; ab imbribus & ventis existat; vitandus quoque erit austrinus, ut monuit Hippocrates lib. suo 3. aph. 12. in ipsa constitutione siquidem ex leui occasione grauidæ mulieres abortiunt. Vitandus quoque est Septentrionalis ventus, ut qui destillationes promouere valeat exprimendo, & subinde tusses quæ molestæ admodum grauidis mulieribus esse solent & abortum promouere, ut monet princeps ille Auicenn. lib. 3. sen. 2. tr. 2. c. 2. Aer quoque vitandus est prauum, tetrumq; odorẽ spirans, huiusmodi namq; prauo odore cum aere per inspirationem attracti, abortiendi occasionem non raro afferunt, & cæterorum prauorum morborum authores sæpius fuerẽ, quemadmodum ubi lucernæ extinctæ fuerint 8. de hist. animalium cap. 24. Vitabitur igitur externus noxiusq; aer, & prout decet ad libitumq; parabitur ab utero gerentibus, in

A 2 ædibus

4 IACOBI TRVNCONII DE
ædibus se continendo, & iucundis, suauibusq; odoribus
eiusdem aeris prauitatem emendando, & quoad
poterunt prauitatis causas abijciendo: & hæc de aere.

F O N S S E C V N D V S.



E C V N D V S fons deinceps petendus
erit, qui ea scaturit, & fundit, quæ per
os in cibo, & potu sumuntur, & ab ipso
ea haurienda sunt, quæ coctu facili-
ora sint, boniq; succi sint, & eleganter
alant. Sint quoque in primis suis qualitatibus con-
temperata qualitate prædita, & in passiuis ad siccum
moderatè, ac modicè vergant. Vitanda itaque erunt
alimenta immoderatè calida, vel frigida, ac immodi-
cè humectantia, ipsorumq; vitandus erit immodera-
tus, atque intempestius vsus: & præcipue in primis
mensibus, vbi non repurgata menstrua à fœtu adhuc
non vincuntur; & idcirco redundant in venis, & pi-
cam pariunt. Panis igitur sit ex nitido puroq; frumē-
to, & optima farina, probeq; fermentatus, & decēter
coctus, carnes sint ex laudabilioribus, vt pulli, vel
capi, columborum paruorum, turturum, fasianorū,
& auicularum mōtanarum, & inter quadrupedes ca-
ro ædi, veruecis, paruorum vitulorum, & similium.
Comedat etiam oua recentia tremula, & fercula ex ip-
sis cum pane cōfecta, & cum succo agrestæ, vel limo-
num, vel aranciorum condita. Inter legumina con-
ceduntur lentes abiecta prima aqua in ipsis incoquē-
dis, oriza, & ordei farina. Inter olera, & pro acetarijs
conce-

conceduntur lactuca, endiuia, borrago, & oxallida. Inter pomaceos fructus conceduntur pira, citonia, & granata; abstineāt autem ab amaris omnibus, & acutis edullijs in quorum numero Auic. enumerauit capares, lupinos, & acerbas oliuas; Vitare quoque debent edullium quodlibet menses prouocare valens, in quorum numero ab Auic. recensentur faseoli, cicer, & sisamum, cum quibus adnumerari quoque debent singula diuretica, & quæ aperiendi venas, vel quæ ciendi aluum vim aliquam habeāt, cibaria quoque flatuosa summopere cauenda erunt. Et si inter ea quæ minus conceduntur aliquod grauida inspexerit, & inspiciendo flaganter exoptaret (vt illis contingere solet) ne ipsius ita vehemēter exoptati edullij character imprimatur in infante, ob cuius maculam deturpari valeat, modica eius quātitate grauidæ desiderium expleri poterit. Potus vero in prandio & cena & hora qua aliquid pro cibo sumpserit vinum sit gustui gratum, & odorum, & colore rubrum. Eiusmodi vina namque magis à me probantur pro grauidarum vsu, quàm vina alba cum ob ipsorū sub adstringentē facultatem, qua prædita sunt ventriculum, & ceteras inde naturales partes magis roborent, alba vero potius laxēt, nam si paucifera ea fuerint, diuretica nimium erunt, & flatus progignentia; si verò ex generosis fuerint caput magis tentant, ac replent. Hæc fuisse Hippocratis sententiam Auic. ostendit lib. 3. fen. 21. tract. 2. cap. 2. per hæc verba inquit. Et Hip. quidē dixitumat in potu vinum nigrum & quæ sequun-

6 IACOBI TRYNCONII DE

tur. At in locis vbi rubra vel nigra hæc non sunt in
vfu, vino albo vel fuluo vti poterunt, vt extabit con-
suetudo modo sit decenter linfatum & eius sit mode-
ratus vfus.

FONS TERTIVS.



OMNVS ab hoc fonte, nec nō vigilia,
& vtrumque tanquam salubris causa
eo quo decet moderamine capiendum
erit. In nocte tantum igitur atque in
mane prout earum cōsuetudo extabit
gravidæ mulieres somnum conciliare debent: Som-
num vitent meridianum & ab assumpto cibo. Vigi-
lia vero eis procuranda est in meridie, atque in ma-
ne secundum consuetudinem & id magis in primis
mensibus vbi corpus à nimia humectatione præser-
uari expedit; alioquin præ nimia humiditate vteri li-
gamēta laxantur, & pro pondere cothirodines disrū-
puntur, & abortus inducitur, quemadmodū Hipp.
5. aph. 45. attestatur.

FONS QVARTVS.



MOTVS & quietis tum quantitas, tum
qualitas nec non congruum vtriūque
vfus pro sanitate seruanda tum fœtus,
tum vtero gerentis inter salubres cau-
sas feligenda sunt. Motus igitur vel
exercitium debet esse moderatum, immoderatum si-
quidem

quidem vteri acetabula dissoluit per quæ fœtus alimentum recipit. Vnde princeps Auicennas hoc monens inquit; Occupentur exercitijs temperatis, & deambulatione tenui absque superfluo, superflua enim abortiri facit; deinceps causam reddit inquit, & illud ideo quoniam ipsæ replentur propter illud, quod accidit eis de retentione menstruum. Hoc similiter expressit Rasis continente 22. nec non Aetius sermone suo 16. ca. 12. inquit, prohibendæ etiam gestationes in curribus & violenta exercitia. Immoderata ea exercitia cauenda præcipue sunt in primis tribus mensibus, nam sicuti ex arboribus iam efflorescentibus ex leui quocunque motu flores decidunt, ita fœtui ab acetabulis & cothilodinibus primis mensibus dissolui ob immoderatos motus contingit. Primis igitur mensibus grauidarum exercitium esse debet; & hæc de quantitate. Exercitij qualitas primis dictis mensibus cum leui motu, & non absque ingenti cautela esse debet. Si verò ex ijs vtero gerentes sint quæ sublimioris sunt fortunæ, & ex magnatibus extiterint, exercitiū sit in sella à peritis hominibus, & omni cum dexteritate transportata, vt alias Serenissima Magna Ducissa consuevit. Ceteræ vero leui deambulatione vtantur & breue sit ipfarum iter, & si pedibus extra domum progredi non valeant lecticarum vehiculo vtantur. Tempus vero exercitij tunc esse debet cum ipfarum stomachus ieiunus fuerit ante prandium, vel ante cœnam. Quies autem an primis mensibus potius imperanda sit vtero gerentibus quàm

exercitium, videtur quod sic, si præsertim considerare-
 mus quòd tunc temporis acetabula humido excre-
 mento magis repleti solent, quo subinde repleta per
 motum laxari, nec non disrumpi possunt, quod in quie-
 te minus contingere solet. Respòderi sic debet, quòd
 vteri acetabula humido excrementitio tunc temporis
 plena magis sunt, quàm in reliquis gestationis tempo-
 ribus, & idcirco moderatum magis leueq; exercitium
 eis instituitur, vt abortus præcaueatur: & hoc nõ abs-
 que ratione, quandoquidem quæ grauidæ ociosam
 sedentariamq; vitam degunt ijs calor imbecillior red-
 ditur, & cruda excrementa magis acervant, quæ dein-
 ceptus recrementa ab vniuerso corpore in publicã vte-
 ri sentinam delapsa, vt singulo mense consueuerant
 acetabula replent, quæ postea præ pondere disrum-
 puntur, & abortum pariunt, vt Hipp. monuit in suo
 5. apho. 45. & sic per intempestiuam quietem aborti-
 tiendi adaugetur causa, & id illis præcipue gravidis cõ-
 tingit, quæ exercitio assuetæ prius fuerint. Vnde hoc
 rimatus philosophorum Princeps in suo 2. politico-
 rum cap. 16. sic monens inquit, prægnantes quoque
 mulieres curam habere corporum oportet nõ pigre-
 scentes, & iter quoddam facere debere ad Deorum sa-
 cra, vt quæ sortitæ sint concipienda honorẽ. Quies
 igitur adsit in nocte, & in mane vsque in assuetã ho-
 ram, & præcipue ab assumpto cibo, & quoties graui-
 da ipsa eius corpus labore fatigari senserit. Quarto
 vero, & quinto, nec non sexto mense quemmadmo-
 dum fructus iam editi, sed acerbiores adhuc existẽtes
 tenaciter

tenaciter in arbore continentur, ita & fœtus tunc tēporis iā effōrmatus, & firmiter effectus, & fortiora sui ligamenta euaserint, tutius tunc temporis exercitium fuerit. Septimo autem, & octauo mense quemmadmodum poma matura cum fuerint ex leui quocunque motu ex arbore decidunt, & sic infantes iam grandiores effecti vterum magis grauant, acetabulaq; simul, ac ligamenta suo pondere fatigant ac laxant, vt ex quopiam inde motu moderamen excedente, acetabula ipsa dissolui valeant, & abortum excitare: nam fœtus ad vterum connexus, & eadem mouere proportionem quam fructuum cōnexu habent ad plātas Gal. voluit lib. 4. aph. comm. 1. & Auicenn. lib. 3. fen. 21. tract. 2. cap. 10. Hoc tempore igitur leuiori motu, & exercitio est vtēdum, & caute magis, ab immoderatis vero summo opere cauēdum erit; quies enim dictis mēlibus exercitio praualeat debet. Nonum autem cum iam attigerit mensem tutius se exercere paulatim poterit, ac suauiter se balneare si balneo assueta fuerit. Cum vero parturitionis tempus iam proximum fuerit, frequentius, & libere magis se exercere poterit, modò motus singulos, quibus in vtero infans distorqueri posset magnopere caueat. Coitus autem in primis quatuor mēlibus euitari debet, necnon in septimo, & octauo, in nono vero sicut in sexto cum moderamine, & non absque cautela vri poterit.



FONS

10 IACOBI TRVNCONII DE
FONS QVINTVS.



B hoc fonte ea quæ euacuanda sunt, necnon quæ retinenda elicimus. Aluus quotidie exoneranda erit, & si sua sponte non egerat ea quæ ventrem lubricant, vel quæ ciunt seligenda fuerint, vti sunt pruna damascena iusculo galinacco incocta, & zaccaro condita ante alium cibum sumpta posteaq; iusculi illius haustulum superpotabit, & hoc in principio prandij vel cenæ vti debet, vel simili modo coryntiadis passulis vtatur, & si hæc non sufficiat leui balano vti poterunt, vt ex Zaccharo cocto, ex sapone, ex melle & sale, vel speciebus ieræ simplicis paratis, & cæteris eiusmodi; quod si hæc etiam minime sufficiant leui aliquo enema vti poterunt, vt ex iure Veruecis fœniculo, vel anisis in ipso incoctis, & cum oleo violaceo, ac etiam cherini portiuncula, & Zaccaro saleq; simul mixtis enema infundi poterit, cum cautela tamē, ne in administrando ipsum flatuositatem ventumq; recipiat. Retinenda sunt quæ ex aluo nimium fluerent, vtero gerenti namque si aluus plurimum fluat periculum est ne abortiat Hip.inquit 5.apho. 34. Quo pacto vero si plurimum aluus fluat reprimendus sit suo loco dicetur: Præterea cum retinendi sint menses in toto gestationis tempore cauendum vnicè est ab ijs, quæ ipsos ciere vel prouocare valent. Si namque vtero gerenti purgationes eant impossibile


REG. GRAVID. TRACT. I. II

possibile est foetum esse sanum, vt magnus Hipp. per-
uulgauit in suo 5. aph. 60. Cibus quoq; iā sumptus re-
tinendus est, & si vomitibus. (vt grauidis contingit) re-
ijciatur, quo pacto retineri debeat suo loco dicetur.

FONS SEXTVS.



EBET grauida praesertim mulier ab
hoc fonte trahere quae animo suo hila-
ritatem afferant, respicere vero quae me-
tem ipsam returbare valeant, & ab eius
tranquillitate arcere animum, quem-
madmodum Arist. monuit in suo 7. polith. cap. 16.
inquiens mens tamen contra quam corpus est in tra-
quillitate traducenda. Aetius similiter hoc monuit
sermone 16. cap. 12. inquiens. Praegnantibus quae re-
cens cōcœperunt à timore tristitia, ac omni forti me-
tis perturbatione asseruandae sunt. Auic. etiam lib. 3.
fen. 21. & non superfluat eis quod faciat tristari, & ti-
mere. Euitare debent igitur animi curas, & quae mo-
lestiam eis afferre valeant, & hilares existentes de bo-
no foeliciq; suae gestationis euentu continuo sperent,
& prouidæ sagacisq; naturæ beneficio, Deo summo
opifice fauente donec suum ediderint partum confi-
dere nunquam desistat.



Præseruatio

Præseruatio simulatque curatio additur quorundam symptomatum quæ grauidas mulieres exercere solent.

CAPVT PRIMVM.



SOLENT grauidæ mulieres, & præcipue in primis tribus mensibus, ac etiã non nullis in quarto mense aliquibus symptomatibus infestari; quæ singula ferè ab vna tantum causa originem ducunt, videlicet à non repurgatis mensibus, & ab ipso fœtu adhuc non euictis, sed in venis, & præcipue circa ventericulum regurgitantibus; vti est pica, pedum tumor, ventriculi fluctuatio, spûta crebra, stomaci mordicus dolor, cibi fastidium, Hæc recensentur à Paulo Aegineta lib. i. cap. i. Ultra hæc quoque consequuntur ventris rugitus cum dolore, alui fluxus, renum, & lûborum dolor. Non alienum igitur fuerit (Paulus ipse inquit) præsidia quibus ab eis vindicetur vter gerens in medium afferre, & primo à Pica exordiamur.

De picacei affectus curatione quo sæpius grauidæ mulieres infestari solent.

CAPVT SECVNDVM.

GRAVIDÆ mulieres primo ferè, vel secundo mense hoc affectu infestari solent, & ab eodem vsque

usque in quartum mensem exerceri; In quarto men-
 se autem partim à foetu sanguine menstruo alimento
 dum increfcit largius absumpto, partimq; concocto,
 & partim à muliere vomitu euacuato affectus ipse se-
 dari, ac penitus aboleri solet. Ab aue diuersicoloris
 affectus pica dicitur, & est symptoma in genere noxę
 functionis appetendi, tum diminutę, tum etiam de-
 prauatę lesę: appetunt namque tunc mulieres terram
 cymoliam, extinctos carbones, gipsum, & similia, &
 cibos boni succi auersantur, & ipsorum pauca est
 appetentia. Ut sic appetendi facultas diminute suo
 fungatur munere causa est, diminuta suctus actio.
 Plenę suctus uti deberet, non fit, quia non adest vena-
 rum inanitio, & indigentia; at repletio licet non beni-
 gni alimenti, sed prauorum humorum ex redundan-
 tibus menstruis, quorum praua qualitas est depraua-
 tę sic appetentię causa. Quantitas vero, ut diminu-
 ta sit, & parum appetat, quę appetenda essent. Ete-
 nim per eorundem mensium confluxum in uentri-
 culum eorum praua qualitate oris uentriculi intem-
 perantia fit, quantitate autem venarum ad ventricu-
 lum pertingētium fit repletio; & hæc de proximis af-
 fectus causis. Antecedens verò ipsius affectus causa
 redundantia est retentorum mensium embrione suę
 conceptionis initio, parum de ipso pro alimento ab-
 sumente, sed in uentriculi venas regurgitans. Pro-
 creantes ipsum causę sunt naturalia membra; man-
 dans vero ad ipsum vterum, vniuersum corpus exi-
 stit: Hæc de dignotione. Audacter prædicendum
 est

est quod si affectus alius non complicetur ab eiusmodi picaceo affectu liberabitur mulier, de tempore ubi quartum mensem grauidationis attigerit prædici poterit: de modo autem, ipsa fœtus nutritione, naturæ opere, & artis præsidio. In curatione in primis prouidendum est, ne praua amplius recrementa progignantur, & erit potius præseruatio, quæ fiet sic, si grauida mulier probe alatur, & est primum opus, cuius gratia cætera perfici debent, alimenti siquidem duplex est ratio Aristotele auctore lib. 2. de generatione animalium, altera videlicet nutriendi, augendi alia. Sed ut eiusmodi opus facilius præstari valeat, quæ modo vitiata est appetentia ad naturam suam, & absque vitio omni ingenio interim est restituenda, restituetur verò naturalis ciborum boni succi appetentia, si quæ in ventriculo & eius ore vitiosa redundant excrementa ab ipso & eius ore remoucantur, & iam affluxa, & effluxura inhibeantur, ne ad ipsum amplius tendant. Inhibebitur autem effluxus in ventericulum, dum puer increascens sanguinis ipsius partem pro nutrimento absumet, partem verò aliam in membranis amnion videlicet, & allanthoidem dictis natura recondet. Interim igitur cogenda est vtero gerens, ut alendi scopum perficiat cibis boni succi, & qui leui negotio concoquantur sic namque augebitur infans, & eius robur, & iam vitiosum genitum sanguinem citius euincet. Dum primum iam dictum scopum perficere studebimus, secundus pariter respiciendus erit, ut videlicet quæ redundabit vitiosa materia à ventriculo euacuetur.

tur.

REG. GRAVID. TRACT. I. 15

tur. Euacuatio autem vniuersalis cum per pharmaca ab utero gerentibus non tolleretur, ea omittenda & particularis est seligenda, quæ videlicet à ventriculo fit per uomitum qui sic (vt grauidis contingere solet) sponte fiat, leniter potius prosequendus, quam sistendos erit, vt Aetius sermone 16. cap. 10. de pica scriptum reliquit. Si sponte igitur adsit vomitus vitiosorum humorum sinendus est, sin minus aqua tepete vel melicrato pauci aceti addito, si humores fuerint crassiores, vel aqua ipsa tepete cum oximelite vomitus proritari poterit, modò nimia ventriculi & inferioris ventris agitatio, & concussio vitetur, sic namque euacuandi scopo satisfacere ualebimus. Vt uero uentriculi facultates, coctrix uidelicet exactius concoquat, & contentrix quod continendum est cōplectatur, atque retineat, excretrix uero quod noxium, est facilius expellat, & appetitrix probe appetat, hoc duplici fieri poterit instrumento. Primum assumendorum fonte scelectum, & erit condecēs affectui alimentorum usus. Secundum uero ab his quæ extrinsecus fiunt, uel administrantur, uel erit uentriculi illinitio, uel ceratum ipsi uentriculo applicandum, necnon cum aliquibus per os sumptis. Quæ alimenta uel cibi seligendi sint iam dictum est, quod boni succi, coctūq; faciles esse debeant. Sed cum grauidæ cibos auersentur, & absurda potius appetant, obsoniorum uarietate, & iucunditate sunt alliciendæ. Conferunt igitur ad appetitum bonorum ciborum excitandum oliuæ muria condite, & pira, uel malā citronia malaq;

malaq; pumica, ac pira singula quæ gustui earum iucunditatem afferant, sed assata magis, quàm cruda poma hæc erunt eis concedenda, uel quocunque alio modo cum cæteris edullijs parata, pro condimendo concedi poterunt. Carnes animalium sint non pingues: laudabiliores erunt montanarum auium assatæ magis, quam elixæ, & aranciorum, uel limonum succo, uel agresta, uel aceto conditæ. Laudantur quoque pisciculi saxatiles assati, & aceto, uel iam dictis alijs succis conspersi. Et si appeterent caseum, laudat ipsum Auic. in proprio capite de appetitu prægnantium si assetur super prunas, donec exsiccetur quod humidum in ipso reperitur, quoniam excitat appetitum. Inter cætera edullia, quæ appetitum excitant Auic. amilum cum sale laudat, de quo Paulus Aegineta inquit in suo 1. lib. cap. 1. quod præ cæteris amilum siccum ualet ijs quæ terram, & lutum appetunt; Aetius uero inquit quod amilum recens iuuat eis, uice terræ appetitæ oblatum: Et Oribasius idem siccum similiter celebrauit. Auicennas nec non laudauit citato loco sinapin, de quo inquit: Ipsum enim abscindit humorem malum, & excitat appetitum, & est ultimum in reducendo ipsum: Paulus quoque Aegineta sinapim laudauit citato nuper loco, & etiam Oribasius lib. 5. cap. proprio. Poterit quoque uti cum musto, uel sapa prout consuetudo extat. Inter olera cico-reum, & portulaca ab autoribus celebrantur: inter species aromaticas piper, & gariofilli; inter cætera iuuantia sunt eis moderato usu concedenda & hæc de esca

esca, quæ gravidis concedi poterit ut appetentia exci-
tetur, & cæteros boni succi simul gravidæ ipsæ uescân-
tur. Potus autem uinum esse subrubrum debet lim-
pidum, & odorum pro consuetudineq; linfatum: si
uero rubrum respuant, & album appetant eis conce-
datur modo sit subadstringenti qualitate præditum.
Potus sit moderatus & cibi quâtitatem non excedat
ne fluctuet in uentriculo, & si qua est exundatio iam
facta sedetur. Si quis autem plura ad id conferentia
edullia uenari exoptat, clarissimum Celiū Aurelia-
num inspiciat in suo lib. 3. tardarum passionum cap.
2. & hæc de primo instrumento. Aliud roborandi
instrumentum à fonte eorum quæ per os sumuntur,
ut hoc uidelicet.

Rec. amili purissimi dr. i.

Synap̃is scr. s.

Gariofilorum scr. i.

Zaccari dissoluti in aqua rosarum & mētæ unc. i.

Misce fiant tabellæ de quibus utatur in mane, &
haustulum uini superbibat.


Vti quoque hoc præsidio ualebunt quoties comedē-
di lutum, uel terram eis desiderium aderit. Ab eo fon-
te uero qui fundit ea quæ extrinsecus occurrunt uel
admouentur cataplasma seligerem quale est quod ab
Aetio, & Paulo, nec non ab Oribasio celebratur uide-
licet ex Enante, balauſtio, rosis, galla, cumino, cythi-
si, ex smirnij coma, fœniculi semine, uel, etiâ palmu-
lis uino incoctis, & simul admistis. Et si fortasse su-
spectum habeatur smirnium de quo Dioscorides in-

B quit,

quit, quod si smirnum incoquatur, & mulieri pudendo approximetur abortum inducit: licet ventriculo sit applicandū, minime pudendo: nihilominus omitti poterit. Non minus laudarem ad hunc usum ceratum ab eodem Aetio præscriptū ex malis cotoneis cum posca tritis, & leuigatis addito croco & nardino cerato excepta. poterit quoque hoc linimento ventriculus illiniri, & loco emplastri uel cerati, ipso uti uidelicet.

Rec. olei nardini	} an. unc. s.
olei citoniorum	
pulueris gariofillorum	} an. scr. s.
masticis	
croci gr. iij.	
cere & aceti parum	

Misce fiat unguentum mediocris cōsistentiæ, cum quo stomachus illinatur semel in die, & antequam de nouo illinatur inunctum quod fuerit, uino maluatico, uel aqua uitis cotone prius intincto, eoq; tepente detergatur, quo deterfo denuo inūgatur, & sic prosequēdo singulo mane, uel ut usus exposcet roborandi scopo satisfacere ualebimus; & Deo fauente picaceus curabitur affectus, & inapetentiæ, & uomitus crebręq; expuitiones, & uentriculi fluctuatio, uel demorsus sedabuntur, & post tertium mensem plenē curabuntur.



De

De pedum tumore grauidarum.

CAPVT TERTIVM.



ON raro solet tumor edematofus grauidarum pedes exercere. Istius affectus causam peruestigare in pregnantis haud difficile fuerit, quandoquidē proxima causa crura, & pedes in tumorem attollens ex tumoris qualitate, & differentia visu tactuq; præcipue discernitur, si namque ad tactum cedat, & indolēs sit iam edema esse, & pituitam subesse uel crassum uaporem in tumescentibus partibus decumbentem planè constabit. Humor hic uel crassus uapor à superioribus robustioribusq; partibus tantquam inutile, ac noxiū ad infimas atque imbecilliores facile propellitur, & eò facilius cum crasso ipsi humori suapte natura facilis sit, proprio grauium motu inferius descensus. Humor hic uel uapor à praua illa crudiori; colluie mēstrui sanguinis seccernitur, qui ab ipso cōceptu ne destruatür fœtus à natura retinetur, & idcirco cum per uteri cloacam ab eo se exonerari natura amplius non ualeat, sed ab utero ad hep̄ar, atque in uentriculum ex uniuerso corpore redūdet in dies quoque, tum à prauo hoc sanguine, tum etiam ab insuetis atque absurdis pro cibo, à grauidamuliere ingestis, uel paucitate nutrimenti ob earum imminutam appetentiam fit, ut in grauidis ipsis mul-

B 2 licibus,

lieribus, tum uentriculi, tum etiam hepatis calor at-
 teratur, & utriusque membri temperamenti simme-
 tria aliquantulum perfringatur, & sic utriusque coctio
 imminuatur, & plura in dies crudiora recrementa gi-
 gnantur, quæ subinde tanquam superuacanea, & na-
 turæ ipsi grauius ad ipsas partes propulsentur: & iam
 antecedentem causam attigimus. Proximè illius quæ
 subiacet causæ ex tumoris qualitate, & differentia in-
 dicium se præbet. Proinde si sero, & mane idem fere
 persisterit tumor qui ad tactum cedat, & pressa cute
 lente redeat, pituitosi humoris materiam subesse in-
 dicabitur. Verum si in sero auctus, & in mane ma-
 gna ex parte tumor delituerit, & quod digito cõpri-
 mitur citius redeat, uaporis crassioris partem attollé-
 tis indicium fuerit. In curatione sanè tollenda causa
 est, quæ partes in tumorem attollit: at cum proxima
 hæc causa discuti, uel ad unguem amoueri nõ ualeat
 nisi antecedentis effluxus inhibeatur, inhiberi autem
 minime ualeat nisi quod in uētriculo, & hepate, atque
 in uniuerso corpore redundat excrementum ab ipsis
 partibus dematur, id autem usque in quartum men-
 sem assequi minime ualeat auctore Gal. 1. de simp.
 causis cap. 7. & Actius serm. 16. cap. 10. & Auicenn. lib.
 3. fen. 13. tract. 2. cap. 10. idcirco si dolor aliquis non
 urgeat, uel si deambulatio, & progressiuus motus nõ
 multum impediatur, nec de aliquo ulcere suspicetur,
 aliud negotium facessere medico non licebit præter
 institutam probam uictus rationem quandoquidem
 hac seruata, quemadmodum de picacco affectu est di-
 ctum.

atum quarto mense hic ut ille persanabitur affectus;
& si nihilominus in aliquibus contingere potest, ut
usque in partum ob uitam sedentariam, & ob gestati
pueri degrauationem, ut tumor eas partes occupet, &
idcirco si tumor nimiū mulierem grauaret, nimiūq;
occuparetur uel ab humore, uel crasso uapore subsi-
stente in utroque casu opem ferre medicus debet, &
ratione urgentis extra methodum illegitima curatio-
ne uti ei licebit. Quid pro curatione agendū sit Pau-
lus Aegineta, Aetius, Capadocius, Oribasius, nec nō
Auic. citatis locis unanimiter ostendunt. Paulus sic
inquit.

Rec. Antillidis q. s. aceto leuigetur, & tumescenti-
bus partibus applicetur.

Item folia braslicæ q. suf. in latum extendantur, &
desuper ligentur.

Item sic terræ cimoleæ ex aceto rosaceo mistæ q.
suf. & partes affectæ illinantur. Vel sic

Rec. aceti opt. unc. iij.
alluminis dr. ij. simul calentibus crura illinantur, &
leuiter perfricentur. Vel sic

Rec. mala citria q. suf. decoquātur in aqua simpli-
ci, vel quod magis mihi arrideret in aqua Tetuciana,
vel balneoli ubi Termale ipsæ aquæ aderunt, & cum
hoc decocto crura, & pedes abluantur: singula hæc
sunt à prædictis authoribus cōprobata. Poterit quo-
que ad eundem vsum hac alia lotionē uti.

Rec. florum vel foliorum saluicæ m. ij.

Rosarum m. iij.


Lauandulæ m. j.

Citini flores unc. ij.

Lixiuij dulcis ex cinere sarmentorum vitis lib. xij. Addito aceti parum ferueant simul ad tertias cōsumptionem, demum percoletur, & cū eiusmodi lixiuio crura, & pedes singulo mane ante prādium, vel in ferro ante cœnam abluantur, & calido linteamine exsiccentur, & quousque opus fuerit prosequantur præmisso interim debito victus regimine, vt de picaceo affectu fuit dictum.

De Vomitu.

CAPVT QVARTVM.



VOMITVS est excretricis facultatis ventriculi naturalis motus, quo ipsum cōtristans sursum impetu reijcitur. Quod autem naturæ eiusmodi opus sit Gal. ostēdit lib. 2. de sympt. causis cap. 3. vbi inter cætera id attestātia inquit. Etenim vomitu quidem sic mouetur vētriculus sicut in partu vterus, & paulo infra inquit. Nēpe quod eiusmodi motus naturę quidem opera sunt, sed tamē propter causas, quæ naturā moueri sic cogūt symptomaticis quæ præter naturā sunt adnumerantur. Comparatum namque à natura est, vt ventriculus post assumptos cibos os suum inferius claudat, nec nihil abire sinat prius quam planè sit concoctus videlicet cibus,
non

non secus ac gravidarum mulierum uteris contingit, qui tum fœtus gravitatem, tum sui distensionem novem mensibus pertulerūt, atque hoc tempore ad vnguem ita toto conniunte ore fuerunt, vt ne stili quidem mucronē reciperet, donec in ipsis fœtus absolueretur: tunc namque ad eius expulsionem præparat se, & collum quod prius se cōstrinxerat tantum aperitur, quantū fœtui facilis præstetur exitus; sic namq; gravidarum vtero ventriculum cibum continentem comparauit in suo lib. 2. de simp. causis ca. 3. vt in sequentibus etiam liquido constat. Veruntamen si interim actionem hanc continēdi aliquid intermittere ventriculum cogat, quemmadmodum vbi fœtus corruptela vterum cogit, vbi totis viribus adnexus arctissime se cōtrahit, quo corruptum fœtum excludat, ita ventriculus à re infestante laceratus eius retracto, compressoq; fundo quicquid ei ad noxium est excutens sursum vomitione reijcit Gal. inquebat citato loco. Quæ modo sit causa, vt grauida mulier cibum non contineat, sed vomitu ipsum reijciat, vtique vel cibi, vel instrumenti, vel facultatis vsusq; vitio id cōtingere est dubio procul asserendum. Ciborum vitio cōtinget, si ipsi prauis sint succi, vel vitiosa aliqua qualitate præditi, vel si sumentis ingrati fuerint, eosq; idcirco mulier aborreat, vel si prauis non fuerint, immoderate tamen sumpti virtutem ipsam sint sua mole grauantes. Instrumenti autem si ventriculus intemperantior fuerit redditus, vel si vitioso humore menstruo retento sanguine, vel prauis eius vaporibus v-

triculus, & eius os scatuerit quibus permixtus iam sumptus cibus eandem prauam, corruptamq; qualitatem acquirat. Vfus vitiosus erit, si cibi quantitatem nimius potus excedat, ita vt cibus in capacitate fluctuet, neque complectatur, vti deberet à cōtentrice contineri non valens. Facultatis vero vitium est virium dissolutionis vitium, ex quo neque amplexari, neque cōtineri cibum valeat, quod dignoscitur si cibus purus, & nullo vitioso humore permixtus reijciatur. Imbecillitas hæc, uel ab intemperie plerunque humida, uel alia, uel quocunque modo exsolui cōtentricis robur accidat; sed cæteris alijs omissis causis eas tantummodo attingemus, quæ cibum euomendi grauidis occasionem præbent. Sunt autem, uel praua, quæ ingeruntur edullia ob deprauatum appetitū, vel ventriculi vitiū, vbi à sanguine menstruo, vel eius vaporibus os male afficitur: nam licet boni succi sint alimenta, nihilominus, vel quia à praua intemperie prauam acquirunt qualitatem, vel quia prauis ipsis humoribus permiscentur, hac de causa praua eorum adepta qualitate sensitiua facultas, quæ in ventriculi ore eximij est sensus tūc noxam percipiens expultricem excitat, quæ sic excitata illico ad vomitum adnritur, neque ab eius conatu, impetuq; expellēdi cessat, quouſque eius quod infestat ab ea sursum expleta reiectio fuerit. Potest quoque ratione cibi contingere quando fuerit mulieri ingratus, vel ratione deprauate appetentiæ ipsum aborreat, uel si quamuis laudabilis esca sit, nihilominus ob imminutam appetentiam

tentiam fastidiuerit, & hæc de causis. Signa ex reiectis, & excretis sumi poterunt ex ipso uisu. Ante curationem prædicendum profecto fuerit, quòd si male affectus uenter ob retentos menses in causa fuerit, usque in tertium mensem, uel prope quartum perfecte sanari minime poterit, ut de picaceo affectu dictum fuit; uerum si prauorum ingestorum uitium in causa fuerit, utique si Medico obediens sit uomitione sedabitur. Curatio igitur tum in ciborum offerendorum, tum etiam in medicamentis sumendis, & in extrinsecus faciendis ventericuli curatio consistit. Si igitur deprauata sit ciborum appetentia regatur mulier, ut supra de picaceo affectu est dictum, si vero imminuta tantum fuerit omni ingenio conetur mulier cibos boni succi, coctumque faciles sumere, ut est panis ex optima farina triticea decenter fermentatus, & coctus qui sit sale aliquantisper, & anisis confectus: carnes sint laudabiliores, ut pullorum, paruorum coluborum, auicularumque montanarum assatae potius, & succo, vel pumici mali, vel aranciorum, aut agrestæ conditæ, & inter quadrupedes, ut sunt edinæ, vitulorum iuuentulorum, & ex his quas minus fastidiuerint; Ex obsonijs uero ut cappares, citonia mala vino generoso incocta, vel assata cum zaccaro, in fine mensæ nec non pira similiter cocta, mala appia, nec non mala pumica, uua pensilis, & oliuæ muria conditæ. Pro potu utatur vino rubro, vel albo si mulieri iucundius fuerit; linsatur aqua limpidissima prout mulieri ex usu fuerit, & hæc de alendi scopo cui in affectu eiusmodi, est

est præ cæteris incumbendum, cum & vtero gerentis, ac pariter fœtus respiciat vires. Interim molienda esset euacuatio eorum, quæ in ventriculo superfluunt, eiusq; intemperiem fouet, & fortasse eorum prauam qualitatem ijs qui in dies ingeruntur cibis impertiuntur. Verum cum eiusmodi per pharmacum euacuatio à grauidis non tolleretur, & præcipue ante quartum Hip. monente; idcirco opus hoc naturæ est permitendum, atque sperandum est, quod natura ipsa vomitu, & coctione in dies augescente fœtu ventriculū vsque in quartum mensem repurgabit, & ipse ventriculus paulatim ad sui temperamenti simmetriam tandem redibit. At quoniam frustra vixq; euacuari possent recremēta ipsa nedum à natura, neque etiam ab arte si noua alia iugiter, & in dies progigneretur, præcauendum idcirco est, ne alia loco eius quæ euacuabitur denuo succedat. Hoc fiet autem si præter congruam uictus præscriptam rationem ventriculus roboretur. In primis ut adiuuetur natura ad præparandum, atque concoquendum, nec non ad deterfionem prauorum humorum in ventriculo existētium iusculum hoc pararem, & summo mane exhiberem, & si eis fortasse ingratum foret, ipsumq; fastidirent; exhiberem per duas perq; tres tantum, vt abluatur, & detergatur uentriculus; si eo sumpto ad uomitum proritetur, sin minus per aliquot dies exhibitionē prosequeretur, ut sic.

Rec. mellis rosacei colati
Syr. de corticibus citri } an. onc. s.

iusculi

iusculi galinacei in quo efferbuerint cicoreæ, mē-
tæ, an. dr. iij.

Mali citonei frustulū; de quo iure accipe unc. iij. s.

Misce cum dictis syrappis capiat in aurora

Si verò iusculum aborreret, mel rosaceum, atque sy-
rup. dictum absque decocto sumere valebit cum co-
cleare per quatuor, vel quinque dies: & si rosaceum
mel, atque syr. aborreat tantundem Hispani mellis
eius vice sumere poterit. Interim ventriculus robo-
retur sic

Rec. panis crustam assatam: maceretur in vino ru-
bro atque contundatur eique addatur.

Rec. pulueris gariofolorum

Masticis

Mentæ siccæ

Rosarum rubearum an dr. j. s.

Aceti acerrimi. unc. iij.

Misce fiat emplastrum quod tepide vētriculo ap-
plicetur parum ante cibum, tepidumq; seruetur per
aliquod spatium ab assumpto cibo, vel sic

Rec. mentæ romanæ

Abſinthij an. m. j.

Masticis dr. ij.

Gariofilorum dr. iij.

Rosarum m. j.

Mellis, vel piri cotonei frustula

Citini, vel flores mali granati m. s.

Ferueant in vino nigro cum dimidia parte vini faler-
ni,

28 IACOBI TRVNCONII DE
ni, vel alterius generosi ad tertias, deinde coletur, &
cum spongia ventriculo applicanda fiat fomentatio
singulo mane ante cibum, & pluries reiterato, hoc li-
nimento vngatur post exsuccationem.

Rec. olei de spico } an. vnc. s.
Olei citoniorum }

Gariofilorum scr. j.

Masticis scr. s.

Corallorum rubeorum scr. j.

Ceræ, & aceti parum. misce fiat vnguentum vnga-
tur stomachus post fomentum, & antequam reitere-
tur inuēctio, cum elixeruite stomachus ante illinatur:

Poterit quoque hoc vti electuario si oportuerit, vt

Rec. pulpæ malorum citoniorum assatorū unc. iij.

Pulpæ ceraforum, quæ amarina dicuntur. unc. j. s.

Diaforbiton. unc. s.

Sinapis cum sapa conditæ. unc. j. s.

Misce, de quo singulo mane cocleare unū sumat.

De dolore ventris grauidarum.

CAPVT QVINTVM.



RAVIDIS mulieribus crebro contin-
git, ut ventris dolor eas exerceat, ac nō
leuiter exacerbare soleat, ita vt aborsus
periculum immineat, vel eius non le-
uis timor mulieres grauidas ipsas incutiat. Oritur hic
quidem.

quidem à crassis flatibus in locis subcalidis hepatis à cruditatibus sublatis, & humorum prauitate ex prauoq; ingesto ab eis alimento, & in ipsum vëtre[m] depullis. Intus siquidem inclusi, & per anfractus discurrentes extensuum dolorem illum proritant. Tota igitur curatio in hoc versari debet, vt sedetur dolor, flatusq; pariter discutiantur. In primis igitur præmissa debita victus ratione, vt supra hoc præsidio tanquã familiarissimo tuto vti licebit.

Rec. ouorum lutea nu. iij.

Olei cherini vnc. j.

Olei anisorum vnc. s.

Croci parum.

Misce fiat frictatum, & vbi est dolor applicetur.

Poterit quoque hoc alio præsidio vti si illud non sufficiat, vt

Rec. Hip. sacculum ex millio, fursure, & sale, addatur cineres, & super tegula simul calefiant, & immisceantur, & vino maluatico, vel alio generoso cõspargantur, & sacco immissa supra ventrem extendantur, vel sic

Rec. matricariæ

Camomillæ

Anethi

Baccarum lauri

Anisorum

Fœniculi an. q. suff.

Ferueant in vino græco, vel alio generoso, in quo decocto decenter calente mollis spōgia immergatur, quæ

30 IACOBI TRVNCONII DE
quæ satis expressa, & adhuc calens linea petia obuoluta dolenti parti admoueatur, ac sæpius reiteretur. Interim quoque poterit eiusmodi tabellarum cōferre vsus, videlicet

Rec. nucis muscatæ } an. dr.s.
Spetier. diacimini }

Spetier: diatrion pipereonis scr. s.

Zaccari dissoluti cum stillatitia aqua cinamomi, & pauco oleo anisorum, si oleū ipsum non respuat mulier confice tabellas, de quibus accipiat mulier ieiuno stomacho, & haustulum vini superbibat; vel si hæc nō contulerint, enema hoc iniicere non fuerit alienum.

Rec. anisorum

Fœniculi

Camomillæ an. m. s.

Ferueant in iure pulli de quo accipe lib.j.

Olei cherini

Camomellini } an. unc. ij.

Zaccari rubri vnc. j.s.

Butiri recentis vnc. j.

Luteum oui nu. j.

Salis quòd satis est misce, & infundatur.

De renum, & lumborum dolore.

CAPVT SEXTVM.

SI renum, & lumborum dolor grauidas mulieres exerceat ob consortium, quod ipsæ partes cum
vtero

vtero ducunt mediantibus vasis, & ligamentis, quæ
 partibus ipsis inherent, & vteri membranis inserun-
 tur, aborsus periculum non leue impendet, vt Hip-
 monet lib. 1. de morbis mulierum nume. 42. idcirco
 quamprimum ipsi dolori, & eius causis succurrendū
 erit. Si dolor consensum feriens in conspectum ni-
 mium se proferat, vt eius causa tantum peruestigetur,
 atque comperta tollatur præcipue exposcit (ipso inte-
 rim minime neglecto) vt aliqua ex parte sedetur. Do-
 loris causa dubio procul est vteri onus ipsis partibus
 impertitum, tum ob consortium, tum ratione liga-
 mentorum quibus vteri membranæ, quæ secundæ di-
 cuntur arctissime lumbis colligantur, tum etiam ra-
 tione excreticis vteri ad lumbos tanquam ad sui vi-
 cinia deponentis, quemmadmodum & ad alias cor-
 poris partes deponere solet, vt ex Hippocrate citato
 loco elicitur, nec non à Gal. asseritur lib. 5. apho. com.
 53. Noxia vero sunt retenta mensium recrementa.
 Vt igitur ab vtero deriuentur, quæ noxia grauant, nec
 non reuellantur, ea tum quæ iam lumbos occupant,
 tum etiam quæ in ipsum tendunt recrementa; idque
 nec per venæ sectionem, neque per soluentia medi-
 camenta à grauidis mulieribus tolleretur, clistere vtē-
 dum erit iuxta monitum Hipp. lib. de nat. mulierum.
 nu. 12. hoc siquidem præsidio ab vtero deriuabimus,
 ac pariter à lumbis, & renibus, & si quid in fluxu est
 ab vna ad aliā partē iuxta fiet diuersio, sensibilisq; cua-
 cuatio, & fœcū, & noxij cuiusq; humoris, ac et flatuū
 si illis ī partib⁹ fuerint iclusi. Enema igit sic instituerē.
 Rec.

Rec. Iuris pulli galinacei in quo efferbuerint.

Camomillæ flores, & anisi quantū suffecerit lib.j.

Olei violacei unc.iiij.

Olei cherini vnc.ij.

Zaccari rubri unc.j. s.

Luteum oui nu.j.

Salis quantum suff. misce, & tepenter infundatur cum cautela, ne flatus in iniiciendo recipiat.

Verum si conceptus nō attingeret adhuc tertium mensem à clistere abstinere, si præcipue sua sponte aluus egerat, & in primis ad leuiora me conuerterem, vt ad inunctiones sicuti etiam vbi enema fuerit celebratum. Interstinguerem igitur an dolor ipse à calida, vel frigida materia fieret, & quæ esset partium intemperies. Quod si intemperies frigida fuerit, & ab humidis recrementis foueatur retentorum mensium: tunc ob partium contemperamentū, nec non ad præseruandi fœtum, & præcauendum abortum, & ad eas partes roborandas sic dolentes partes illinirem.

Rec. olei mastice vnc. j.

Cōrallorum rubeorum.

Boli armenici an. scr. s.

Croci grana vij.

Ceræ q. suff. fiat vnguentum molle cum quo fiat partium illinitio, vel sic

Rec. olei anetini

Olei costini an. unc.s.

Vnguenti de comitissa unc. j. Misce vngantur dolētes partes. Et si calida esset intēperies tūc sic parare.

Rec.

Rec. olei mirtini }
Olei mellini } an.unc.s.

Pulueris corallorum rub. }
Boli armenici } an.scr.s.

Cære quantum sufficit fiat vnctio cum qua partes
illinantur vel sic.

Rec. infrigidantis gal. }
Vng. de comitissa } an.unc.s.

Succi aranciorum parum; misce vngantur affectæ
partes; & si fortasse contingeret (vt solet) quod men-
sium alborum, vel rubrorum aliquid appareret, & de
aboru idcirco timeatur: tunc sic.

Rec. granorum tintorum subtiliter puluerizato-
rum dr. s.

Corallorum rubcorum.

Margaritarum non perforatarum an. gran. vj.

Misce exhibeatur cum sorbili ouo. Vel sic

Rec. mastice finissime puluerizatæ. dr. s.

Setæ sericeæ finissime trituratæ gran. iiij.

Capiat cum sorbili ouo, vt est dictum. Vel sic

Rec. electuar. diamargariton dr. j. capiat in mane,
& haustulum vini rubri stiptici superbibat, quod ele-
ctuarium laudatur à doctissimo Serapione, nec non
idem præfidiū laudauit Ianus Damascenus. Interim
dum hæc fiunt, & quam primum præmittenda est illa
ciborum, & potus ratio, ac etiam ceterarū, quæ ex vsu
sunt non naturalium rerū, prout supra in cæteris ca-
pitibus institutum fuit.

De ventris stipticitate in grauidis.

CAPVT SEPTIMVM.



ARDA pigraq; fit alui deiectione grauidis mulieribus, quod quidem symptoma, quod alios morbos excitare solet cum excrementorum prouetus, & eorundem retentio ultra debitum, & naturæ consuetum tempus inter morbificas causas merito reccēsuerit Gal. in suo 1. de sanitate tuenda primo, secundo, & tertio capite. Vt grauidis mulieribus egerendi sit difficultas binæ statuuntur causæ, vna videlicet intestinorum adstrictio ob vteri dilatationē, alia vero est fœcum durities quæ ab esculentis, acerbis, sic cioribusq;, & adstringētibus oritur, vt cap. de pica vidimus. Adstrictioni intestinorum sane occurri non potest, cum vteri dilatationem impedire nō liceat ob fœtus incrementum. Alteri vero causæ videlicet fœcum duritiei, sic occurrendum fuerit. Quæ duriores ficcioresq; sunt fœces, erunt emolliendæ, vt facilius natura eas excernere valeat, vel erunt arte euacuandæ. Ad fœces, & aluum emolliendā pruna damasceana in iure pulli, vel veruccis incoqui poterunt, & in prima mensa, & ante alium cibum cum zaccaro exhiberi poterunt, & post earum commestionem parum iusculi illius in quo fuerint incoctæ cum paucis zaccaro superbibant. Quantum ad hunc usum conferant

Quintus

Quintus Scribonius eleganti carmine ostēdit, vbi inquit. Prunaq; conueniūt quæ mittit clara Damascus. Si hæc nihilominus non conferant, arte enema parādum erit sic

Rec. decocti maluarum, & camomillę in iure pul-
li, vel veruecis decocti lib. j.


Olei violacei vnc. iij.

Olei cherini vnc. j.

Butiri recentis vnc. j. s.

Luteum oui nu. i.

Salis quod sufficiat: misce infundatur enema, cauēdo tamen ne flatus mulier cum enemate recipiat. Ad duris fœcibus intestinis repurgatis, atque ablutis, præseruanda tunc erunt ne similes aliæ descendant, ibiq; morando siccescant, ac sic nimium durescāt: minime vero siccæ adeo fœces denuo intestina occupabunt, si non amplius progignantur non progignentur autem si acerbis, siccisq;, ac adstringentibus esculentis mulier se continendo, cibus vtatur boni succi, & qui concoctu faciles, & emolliētis facultatis minime expertes, quales sunt, pinguiora iuscula capi, Veruecis, lactentium vitulorum, & eorundem animalium elixæ carnes, oua recentia tremula, caricæ pingues, & pira cocta, & post omnem cibum commansa. Pro ciborum condimentis perbelle præstabunt passulæ corinthiades, damascena pruna, butirum recens, mel & zaccarum.



De cita alui deiectione.

CAPVT OCTAVVM.



ITA fit, & intempestiua gravidis mulieribus alui deiectione, tum prauorum esculentorum vitio, tum etiam contētricis ventriculi imbecillitate. Cum nanque ob deprauatam appetentiam, vel acerba, aut acria, vel inconsueta, & absurda appetentes, & terram cimoliam, extinctos carbones, cineres, & calcem ingerunt, contentrix tunc ab eorum prauitate, & onere adeo degrauatur, vt non arētē ipsa amplecti valeat, & continere quousque concoquantur, sed semicocta, & sumptis finitima deiiciantur. Quandoque etiam vitio potius coctricis id cōtingit, facultatis eiusdem dissoluto robore, tum ob acquisitā in ventriculo intemperiem, tum ob praua quæ in eo redundant recrementa, nec non ob aliena, & praua, quæ in ipsum ingeruntur edulia. Fluxus & causarū eius inditia deiectiones ipsæ excretæ ostendent. De prædictione autem si ingestorum ciborum vitio id contingat leui negotio sanè curabitur, si ab insuetis prauisq; edulliis se mulier continebit, simulac boni succi vtatur cibis, qui ventriculi contentricem, neque praua qualitate, neque onere grauent. Pro curatione igitur cibi accipiantur boni chimi, vt panis ex optima farina probeq; fermentatus, atque decēter coctus:

carnes

carnes vero auicularum mōtanarum sint, vel paruorum columborum assatæ potius, quam elixæ. Caueat à iusculorum nimio vsu, & præcipue pinguium, & si panem iusculo infusum appetat ipsum comedere poterit, sed à iusculo aliqualiter expresso. Poterunt condiri edullia ipsa, vel granatorum succo, vel citoniorū nec non succo agrestæ, & aranciorum, pipere, gariofillis, & cinamomo prout ipsi gratum magis fuerit.

Oua quoque concedi poterunt recentia aceto prius cum testa infusa, & decenter cocta quorum lutea comedere poterunt in principio mensæ. Proderit quoque ante alium cibum, vt sumat mulier per aliquot temporis spatium vnum, vel duo coclearia miuæ citoniorum, vel frustulū mali citonij assi, vel vino rubro cocti: potus sit vinum subrubrum, limpidum, & odorum, & ex vsu linfatum: ventriculo autem, & pro eo roborando hæc administranda erunt.

Rec. olei de spico } an. vnc.s.

Olei masticini

Masticis } an. gran. vj.

Galangæ

Ceræ, & aceti parum, fiat vnctio cum qua liniatur ventriculus, vel sic

Rec. olei de absinthio } an. vnc.s.

Olei mellini

Masticis

Gariofillorum

Corallorum alb. & rub. an. gran. vj.

Ceræ q. suf. fiat vnctio cum qua ungatur uētriculi

C 3 regio,

regio, & antequam inungatur accipiatur elisiruitæ,
vel aque vitis parum, & coto detergatur quod inun-
ctum antea fuerit, & postea denuo vngatur ventricu-
lus, & sic prosequatur mane, & sero ante cibum, vel
saltin semel in die. Poterit quoque si hæc non con-
tulerint pro maiori robore, accipi sic,

Rec. rosarum rubearum

Absinthij,

Mentæ siccæ,

Masticis,

an. q. suff.

Gariofillorum,

Galangæ,

Ferueant in aqua mentæ cum tertia parte vini ru-
bri generosi, cum quo foueatur ventriculus antequā
denuo inungatur. Vel sic

Rec. vini falerni, vel alterius ex generosis lib. j. s.

Specierum aromatici rosati vnc.s. Misce tepefiant
simul, & cum spongia finissima fiat fomentatio ante
inunctionem. Proderit quoque, vt ventriculo robur
restituatur hac confectio, vti

Rec. masticis,

Zedoariæ,

Corall. rubearum,

Terræ sigillatæ,

} an. scr. j.

Finissime puluerizentur, & adde zacchari albi vnc.
ij.s. zaccarum, & alia dissoluatur in aqua mente, atque
rosarum, an. parum; fiant arte tabellæ, ex quibus su-
mat mulier dr. s. vel circiter, singulo mane ante alium
cibum, & vini generosi haustulum superbibat.

Si

Si verò à coëtricis imbecillitate lientericus fluxus oriatur, minime autem contentricis vitio, eius facultatis videlicet diminuto robore, imminuti verò roboris vtriusque facultatis facile coniectari potest, quod sit retentorum mensium vitium ab vtero in ventriculum impertitum, nec non insuetorum, alienorumq; ciborum à gravidis ingestorum praua qualitas, quæ singula cum ventriculi temperamentum, eiusq; simmetriam perfringant, & idcirco cuiuslibet facultatis, & coëtricis præcipuè in eo vim atterant; ipsa procul dubio vitia corrigenda erunt, atque penitus delenda. Mensium vitium optimo mulieris regimine moderari poterit, & cibis boni succi aboleri. Infantis ope præfertim, vbi quartum attigerit mensem suæ in vtero gestationis. Curatio igitur tota in hoc consistit, vt ventriculi robur refarciatur: id vero fiet, vt aliàs est dictum, si grauida mulier à prauis se abstineat, & boni succi cibis vtatur, coëtuq; facilioribus, atque in se alendo, in cibo, & potu moderate se gerat. Extrinsecus præterea fomenta, vnctiones, & cætera erunt administranda, prout supra præscriptum fuit, & hoc præcipue præsidio vti pro roborando ventriculo accommodum erit:

Rec. corcitis citri conditi vnc. iiij.

Mellis hispani vnc. iij.

Spetierum diatrion pipereonis scr. iiij.

Contundatur cortex, postea ex ijs mistura fiat, de qua mane, & sero per duas, vel tres horas ante cibum cocleare vnum accipiat, & vini generosi haustulum.

C 4 super-

40 IACOBI TRVNCONII DE
superbibat, Vel in forma tassellarum sic; vti poterit.

Rec. spetierum diatrion pipereonis scr. ij.

Masticis.

Corall. rubeo, & alborum, an. gran. iiij.

Zaccari finissimi dissoluti in aqua mentæ, simul ac stillatitij liquoris cinamomi tertia parte vnc. j. s. fiant tassellæ pōdere dr. j. de quibus capiat vnam pro qualibet vice mane, & sero ante cibum per duas horas, & vini haustulum superbibat. Verum si alui fluxus ab acredine diuersorum humorum expulsiuam irritante excitetur, cū eo perseuerante non leue abortus periculum impendeat, vt Hip. monet lib. 5. aph. 34. idcirco quamprimum prouidendum, sed cum præmeditatione, atque caute agendum erit: quandoquidem medicamenta quæ collagoga dicuntur, sicuti & alia soluentia non ferāt vtero gerentes, absque fœtus perditione, neque intus retinenda bilis, vel cohibenda sit, ne sua acredine in dies expulsiuā magis proritet, & fluxum non modo foueat, sed magis augeat, vel etiam intestina abradat, & exulceret, vt inde periculū ingeminetur, iuxta Hip. monitum lib. 7. apho. 27. inquiens: Mulieri vtero gerenti si tensio superuenerit facit abortum. In hoc morbo siquidem totum corpus defatigatur, & præ ceteris matrix, quæ cognata est recto intestino, vt Gal. inquit citato loco, nihil mirum inquit ipse, si propter vehementes, atque frequentes exsurrectiones, conceptus abortitur. Quid igitur agendum, vt pericula vndique impendētia uitemus, & ab eiusmodi naufragio, fœtus vna cum matre tutus emerge-

emerge-

emergatur, si infestantem humorem euacuare, neque ipsum intus cohibere nobis absque foetus dispendio non liceat. Bini extant prosequendi scopi, ut ab eiusmodi iniuriarum incursionibus, undique foetum lacerare ualentibus, tutus euadat. Primus est, ut quæ in intestinis continetur bilis, ut ab eis leniter extrahatur, & ipsa abluant, ne ab ipsa bile abradantur. At quoniam si continuo alia noua descendat, nunquam rectè ab ea repurgari ualebunt, idcirco cum hoc curandi scopo, etiam præseruandum erit, ac præcauendum, nè iugiter alia descendat, quod quidem fiet, si bilis acrimonia, & feruor retundatur, ac refrenetur, ne amplius stimulet, atque facultates proritet, alteri quæ huic scopo satisfacere ad unguem minime ualebimus, si, nè noua denuo progignatur, inhibeamus; hoc autem alimentorum boni succi quæ bilem minime procreare ualeant, & cæterorum non naturaliũ dextero usu, rationabiliter tertio huic scopo, tanquam ultimo inuento in resolucendi methodo præcipue, & in primis magnopere prospiciendum erit. De cibo, & potu tantummodo dicere expedit, nam de cæteris non naturalibus rebus ita se gerere, ac regere debet grauida mulier, ut suo loco præscripsimus. Cibi igitur sint boni succi, quales sunt superioribus capitibus instituti, sed cum decocto carniũ, quæ ab eis uestuntur contemperandæ caliditatis gratia hæc ferueant, uidelicet endiuiã, lactuca, borrago, acetosa: Præterea cum dictis carnibus cucurbita uti poterunt, seminibus communibus, orizza, ordeĩ farina, & in die qua caro eis inter-

dicetur,

dicetur, poterunt sumere oua sorbilia si oportuerit in aceto, nec non fercula cum ipsis, & farina, & succo limonum, uel aranciorum, uel agresta condita. Elixix potius quam assis utatur cibus, præterea ipsorum edulliorum singula uitabuntur, quæ calidum, biliosumq; succum procreare ualeant. Vitentur quoque aromaticæ species. Potus sit uinum pauciferum, moderateq; dilutum, & si nimium infestaret fluxus, aqua calibeata linari poterit. Post meridiem uero per horas quatuor ad minus ante cœnam sumat ptisanam ordeaceam sic;

Rec. ordeï parumper torrefacti, & elixati q. suff. cū seminibus comunibus, & zaccaro q. satis sit ad dulcorandum ptisana fiat, quæ limonum, uel aranciorum succo conditur, ipsamq; pro secundo cibo sumat mulier. Instituto cibo, & potu, quamprimum expediet bilem ipsam ab intestinis educere ab eaque intestina ipsa abluere, quod hoc enemate fiet, uidelicet,

Rec. ordeï, ʒ
Camomillæ, } an. m. s.
Anisorum, ʒ

Ferueant simul in iure pulli galinacci, de quo accipe lib. j.

Olei rosacei unc. iij. cum dimidia,
Quorum lutea numc. ij.

Zaccari rubri unc. j. s. Misce; fiat enema: si uero abrasio aliqua in intestino recto effecta fortasse fuerit, quod ab inani cupiditate desidendi, atque conatu dignosci poterit, tunc enema fiet sic:

Rec.

Rec. anisorum,

Ordei,

Camomillæ, an. m.j.

Plantaginis,

Bursæ pastoris,

Arnoglossæ,

Ferueant in aqua borracea: de quo decocto accipe
lib. j.

Olei rosacci onfacini vnc. iiij.

Sæpi renum hirci, vel veruecis vnc. j. s. vel vnc. ij.

Luteum oui cum albumine nu. j.

Zaccari rubri vnc. j.

Misce fiat enema. Et si fortasse indicia effecti iam
ulceris, Tenasimonisq; prosequerentur, sub alia for-
ma enema sic parari poterit.

Rec. lactis caprilli in quo extincti fuerint lapides
fluuiales igniti lib. s.

Olei rosati vnc. iiij.

Zaccari rubri vnc. j. s.

Luteum oui cum albumine nu. j. Misce fiat enema,
quæ enemata secundum indigentiam prosequantur,
nihilominus cum cautela, & si oportuerit pro refre-
nanda bilis acuitate, & acredine ordinari poterit sy-
ruppus sic, urgente usu.

Rec. syr. rosati sicci,

Syr. de ribes an. vnc. s.

Iusculi galinacci non saliti, & pinguedine abiecta
vnc. iiij. s.

Stillatitij cinamomi ob flatus dr. j. Misce capiat in
aurora:

44 IACOBI TRVNCONII DE
aurora: & si dolor in pectine, vel circa os sacrum mulierem infestaret, poterit sic leniri;

Rec. ouorum lutea nu. iiii.

Olei mirtini,

Masticini, an. q. suff.

Croci parum, misce fiat frictatum, quod pectini, & vbi dolor aderit calens admoueat.

Verum si effecti tenasimonis accidentia sauiant, & ob irritamenta mulier frequenter nimis ad desiderandum cogetur, quia in hoc maxime abortus periculum impendet, ob frequentes exsurrectiones, vt Hip. & cum eo Gal. monent, vt mulierem Medicus curet, & foetum inquantum arte valebit referuet, ad validiora praesidia audacter confugiendum erit. Ad pectinis dolorem praecipue, recipi sic poterit:

Rec. Veruecis zirbum, & cum vino rubro, odoriferoq; in sertagine leuiter suffrigatur, eiq; rosarum rubearum puluere, & mirtillorum super inspersa, pectini moderate calidum admoueat, & ad libitum permutetur, si eius odorem grauida non respuat. Et si dolor, & cetera symptomata nihilominus exacerbarent, tunc ratione vrgentis inessio parari poterit, in qua non leuiter confido, cum optimo successu ea pluries expertus fuerim in nobili muliere, praecipue vtero gerente, ex familia de Anselmis in hac vrbe, quo praesidio inter cetera maxime sedata fuere symptomata, & vna cum foetu Deo Opt. Max. fauente incolumis euasit:

Rec. Verbasci,

Plantaginis,

Bursæ

Bursæ pastoris,
Anaglossæ,
Ros. rubearum,
Citini flores, malorum scilicet granatorum an.

q. suff.

Aquæ Burræ si adsit, & si eius facultas non adsit,
aquæ calibeatæ, uini rubri an. partes equales. Inco-
quantur simul, & fiat infessio tepente balneo, & ibi
per aliquam horam maneat, neque ex ea molestiam
recipiat, neque defatigetur, postea lineis pannis calē-
tibus leuiter exsiccetur, & subinde pecten linimento
apposito illinatur, videlicet:

Rec. olei mastici,ni,

Mellini, an. unc. s.

Sæpi ueruccis dr. ij.

Pulueris ros. rubearum,


Pulueris verbasci,

Terræ sigillatæ,

Corall. rubeorum, an. scr. j.

Ceræ quod satis sit, fiat unguentum molle, cum
quo pectinis regio illinatur ubi dolor percipitur, &
hæc de eiusmodi fluxus curatione.

Finis primi Tractatus.



IACOBI



47

IA COBI TR VN CONII
MEDICI AC PHILOSOPHI.

De Obstetricali arte, atque Obstetricis
officio.

Tractatus Secundus.

*De admirando naturæ opere in cuiusque animantis,
& præcipue mulieris partu.*

CAPVT PRIMVM.



INTER cætera naturæ admiranda opera, tum in progignendo, tum etiam in efformando hominem, eundemq; alendo, augendo, & conseruando hoc præceteris arduum, & admiratione dignum profectò uidetur, quòd in parturitionis tempore sagacissime natura molitur. In ipso partu namque duo spectantur præcipuè, quibus omnes homines admirari non immerito licet. Primum est, quòd infans ubi suæ speciei conuenienti forma perpulchre adornatus, incuruus, totusq; ueluti in carcere, & per angusto satis loco contractus, ad nates conuersus talis, genuaq; suis manibus ueluti apprehensus, ibiq; demissa facie,

facie, utrique pollici oculis, & intra genua naso decubentibus, in hoc situ persistat usque in præscriptum sui ortus tempus, nec antea ad exitum se properare accingat. Præscripto uerò sui ortus tempore, à uinculis, ac tenebroso carcere, ut se extricet sponte accinctus calcitrare incipit, & manibus, pedibusq; se adnitens, amnion membranam in primis disrumpit, indeq; acetabula dissoluit, & tunc matri dolores afferre incipit. Proinde se commouere, nixuq; agitari non desinit, quousque secundæ auellantur, singulaq; membranæ discerptæ fuerint, & tanquam pomum ià maturum soluto sponte pediculo à uinculorum connexu excidit: à uinculis subinde absolutus, & è cæco carcere exire contendens in caput deorsum pudendum uersus reuolutus, sursumq; elatis cruribus, brachijsq; per illia, & coxas protensis (nullo edocete) ad exitum se recte accommodat, atque ab uteri excretrice strenuè compulsus, capite sibi uiam parans, matremq; pariente spiritus detentione coadiuuante, in lucem denique illesum, & incolumem se profert; & hoc est primum admiratione dignum opus in infantis ortu à natura emanans. Aliud & non minus admiratione dignum est uteri functio, qui cum per nouem menses suæ gestationis eius ceruicis os, uel foramen per quod menses prius repurgare solebat, & maris semen excipere, occlusum, & angustum toto eo tempore fuerit, ita ut specilli acumen uix admitteret; quemadmodum Gal. attestatur lib. de differetione uulvæ cap. 7. & 3. de naturalibus facultatibus cap. 3. & 2. de simp. causis cap. 5.

Instante

Instante autem parturitionis hora, os, siue id foramen adeo dilatatur, vt quod mirum auditu sit, vt per ipsū animal totum exeat, & condecens ei tunc temporis præstetur ore vteri se dilatante aditus; vt Gal. inter cæteros valde admiratus inquit citato superius loco; Et hæc de admirandis operibus à natura factus, & mulieris vteri in partu editis.

Quod in grauidarum parturitione vna cum parturiente, & oriundo infante perita obstetrix necessariò requiratur.

CAPVT SECVNDVM.



VM natura in tam eximio opere, in quo homo in mundo paritur inter cætera animantia præstantissimus, vt qui solus incorruptibili, & æterno animo sit præditus, non sufficientibus eius intimis facultatibus, quemadmodum brutis singulis, quæ per siluas, & nemora belluæ ipsæ per se solæ nemine coadiuuante incolumiter suos partus edunt, sed ob eximiam corporis structurâ auxilio ad extra, & opere indigent obstetricis, quæ, tùm administra, tùm etiam opifex exeuntem in lucem infantem suscipiat, & susceptum à vinculis dissoluat, & pariter infantis, simulac matris vitam eius opere custodiat.



D

Quæ

Quæ & qualis debeat esse obstetrix.

CAPVT TERTIVM.



OBSTETRIX, vt græcus ille Moschio inquit, mulier est causarum muliebriū edocta, & medicinali exercitatione perita; & rursus lib. de armonia gynecorum inquit; aptissima obstetrix est quæ litteras nouit, & habet ingenium, præsentem memoriam, & est studiosa, munda, vniuerso etiam corpore integra, fortis, laboriosa, non iracunda, non turbulenta, compatiens, sobria, pudica, arguta, quæta, prudens, non auara. Aristoteles vero in suo 8. de hist. animalium cap. 9. inquit. Iam vero & obstetricis officium pars ingenij, perspicacisq; intelligentiæ est. Mirum igitur meritò videri debet quod nostris temporibus nulla reperiatur mulier, quæ in obstetricali hac arte perita sit, & ab aliquibus ex peritis edocta. At potius, quæ ad eiusmodi artem se dicarunt, mulierculæ sint ex vilioribus, & in quolibet urgente casu penitus ignaræ. Experitur hoc ciuitas hæc florentissima cum nulla reperiatur, quæ circa parientes mulieres, officium, quod tam magni momenti extat, tuto exercere valeat, sæpius namque vt ignaræ, & quæ partus tempora distinguere nesciunt, infantem putant iam in caput reuolutum esse, ad exitumq; paratum, cum adhuc minime sic fuerit, neque adhuc caput apparere

OBSTETR. ARTE. TRACT. II. SI

parere minime percipiatur, & ita se decipientes mulierem intempestive, ac temere in sella locant, cum non leui dispendio vitæ infantis, tum etiam matris, quandoquidem muliere ante tempus in sella locata, impeditur infantis naturalis in caput volutatio, & periculum ex hoc imminet, ut interim ad latera distorqueatur, & ex naturali, non naturalis inde sequatur partus; frustra quoque fatigetur mulier, cuius vires in opportunum tempus, tum ad adiuuandum infantis exitum, tum etiam ad secundas propulsandas asseruandæ essent. Ut igitur quæ ad eiusmodi artem se dicari velint, & quæ iam hucusque se dicarunt recte, tuto quoque artem exercere valeant, neque in perniciem, tum parientium mulierum, tum etiam oriendorum infantium amplius ob earum imperitiam errores contingant; in præsentì tractatu quid in quolibet parturitionis tempore ab obstetrice sit agendum, & quo pacto in quolibet urgente casu parienti mulieri, tum etiam orienti infanti succurrendum sit, omni cum facilitate ostendetur; (ut sit edocta ea peritia qua debetur) officium quoque quod maximi momenti extat in singularum salutem exercere ubicunque valeant.

Quid ab Obstetrice sit supponendum, & mente tenendum.

DOCUMENTVM PRIMVM.

IN primis non ignoret perita obstetrix, quod illustris ea, eximia quoque rerum natura quam Deus sum-

D 2 mus ille

mus ille opifex vnà cum mundo condidit (vt inquit Plato) & certa lege cunctis rebus indidit tanquam solertissima cuncta progignit, auget, tuetur, ac regit, vt Gal. est autor primo de naturalibus facul: ipsa enim est, quæ summum ostendit artificium, tùm in formâdo animali, tùm in eius incremento, tùm in perficiendo ipsum, nec non in eius partu, vt Galenus lib. 2. de diebus decretorijs ca. 2. attestatur. Ipsa enim prior tēpore est, & in operibus sapiens magis, quàm ars vel obstetricis, vel alterius artificis, vt Gal. opinatus est lib. suo 7. de vsu part. ipsa nāque est, quæ infantis ortum, & mulieri pariendi tempus præfigit, vt Galenus citato nuper loco apertissime testatur, quotiescunq; à materiæ vitio natura ipsa non impediatur, vt Gal. 3. de naturalibus facultatibus asseuerauit. Ipsa est, quæ inter miranda alia opera instâte partus hora, hoc præcæteris admirandum efficit, quod vt infanti facilior, atque tutior præstetur exitus, cū matricis collum toto eo tēpore, quo mulier vtero gerit adeo occlusus maneat, vt ne specilli quidem cuspide queas immittere; in partus tempore adeò distenditur, & dilatatur, vt integrum animal illæsum illinc egrediatur: id quidē videmus Galenus inquit citato lib. decimus quintus de vsu partium cap. septimus, & sextus de loc. aff. cap. sextus sed quo pacto id accadat mirari possumus, intelligere non possumus. At natura tūmhæc, tūm alia omnia in animalis partu admiranda machinatur commenta. Etenim diligenter prouidit, quo pacto fœtus qua cōueniebat figura ad collum,

lum.

lum matricis perueniret, nec minus quo pacto dum ipsum peruaderet nullam partē sauciaret, ne uē colon laxaret. Caput enim fœtus collo matricis primum indidit, tum per id alijs ipsius partibus viā muniuit: neque hucusque prouidens natura admirando opere destitit, sed cum iam infantis caput appareat, & propē ad sui ortum iam sit, vt incolumis edatur in lucē, adnititur puer motrici eius facultate, nec non adnititur vterus, ac etiam pariter mulier naturali eius excretice facultate. Infans motrice inquam eius facultate, vterus excretice naturali, mulier, tum animali, tum etiam naturali se adiuuat spiritu cohibito, inferiusq; expulso, quousque infantem pepererit. Constat igitur, & apud omnes in cōfesso esse debet, quod natura sagax, cum sit tempore prior, & sapiēs magis quam ars, ex se ipsa magna cū solertia mirificeq; operatur; At sicut vnusquisque fateri debet, quod hæc à natura opera oriuntur, fatebitur quoque, quod pulchrum omne, atque ordinatum, & artificiosum ex supernis innascitur, quemadmodum fassus est Gal. lib. 2. de dieb. decret. cap. 2. Miranda hæc naturæ opera quis in animalium brutorum ortu non cōtemplauit? in quibus nulla adest ratio, nullumq; in ijs consilium, nec alia, quàm naturæ prouidentia, nihilominus progignuntur, & conuenienti illorum speciei forma efformantur, augentur, & in alio tutantur, & ipsorum brutorum prægnantes belluæ per siluas, & nemora degentes statuto à natura tempore per se solæ, nullo alio opē ferente, ipsis illæsis, illæsum aīal edūt,

D 3 & suis-

& suis met dentibus umbilici vinculum, si eius exiguitate per se ipsa natura non separat, rescindunt. Provida autem, ut in cæteris natura fuit, cū bruta ipsa illud non subeāt periculum, ut homini subest, quòd si umbilicus non deligetur, vel si deligato solvatur copula fœtus sanguine effuso moritur: Arist. inquit lib. 8. de hist. animalium cap. 10. in brutis verò cum obstetricali arte, & quolibet alieno auxilio destituta forent, natura sagacissima, quæ in necessarijs nunquam deficit Gal. asserente lib. 9. de usu partium, providēs fuit, ut exili, & arefacto fere umbilico animal pariat. Præterea separato umbilico ablutionis vice, bellua ipsa lingua utitur, cum qua iā ortum, sordidumq; animal lingendo abluit, detergit, & à sorditie mundat. Non minus conspicitur sagacissimæ naturæ opus in gravida muliere, quæ in siluestribus locis habitans, à rure, & cæteris domibus distans, cæterarumq; mulierum comertia nō solum obstetrice destituta, nihilominus aduentante partu, tria tantummodo concurrunt, mulier pariens, eius vterus, & oriundus infans, infans quidem ut antea est dictum motrice facultate calcitrando, & cothilodines disrumpendo, & disruptis ad exitum se adnitens, & viam capite sibi parans: vterus se dilatans, & eius vi expultrice infantem ipsum ad maturum partum propellens: Mulier cohibito spiritu, eundemq; in pudendum conatu propellens, quousq; in lucem infans editus fuerit. Quò vero pacto tria hæc tantum simul partum perfecerint, utique docente natura respondendum erit, & firmiter ab omnibus

sic

sic authumandum fuerit. Orto infante subinde qui-
 cunque adfuerit (quamuis imperitus) vmbilicum re-
 scindet, & rescissum alligabit, quamuis id facere nō
 didicerit, natura videlicet tanquam erudita id facere
 docente, vt Gal. asserit lib. 8. de decretis Hip. & Plato-
 nis, ex eiusdemmet Hip. decreto. Natura igitur sic per
 se sola sufficiet? omnino natura in suis operibus suffi-
 cit, vt Hip. inquit primo de diebus decret. & à natura
 ipsa nihil minus, neque superfluū inquiebat Gal. lib.
 9. de vsu part. Veruntamen ratione materiæ, circa
 quam naturæ opus versatur, cum aliquando contin-
 gat inordinatum, erraticumq; naturæ opus subsequi,
 vt Gal. expressit lib. 2. de dieb. decret. cap. 2. quo loco
 inferius inquit. Expedi igitur Medicum qui Hip. arte
 dignus futurus est, si quid aliud hoc certe persuasum
 habere experientiam iudicare, naturam rem quādam
 esse ordinatam, & cum materiam superauerit propor-
 tionibus quibusdam definitis, & periodis ordinatis
 motiones ipsius fieri. At quæ præter rationem in-
 cidunt aliquando, ordinemq; peruertunt tunc ipsi
 obueniunt, cum materiam planè non vicerit, sed im-
 peditur ab ea, prohibeturq; suis proportionibus
 moueri. Hac ratione igitur ad eximium hoc opus, in
 quo homo paritur in mundo animantium omnium
 perfectissimus, & æterno animo præditus, iure meri-
 tò antiquiores celebratissimi viri (vt Arist. inter na-
 turales, simul ac vniuersa Medicorum scola) obstetri-
 ces peritas dicarunt, quæ tanquam famulatrices, ad-
 ministræq; assisterent, nec non tanquam opifices

in recoligendo infantem in lucem iam editum, ac in scindendo, atque ligando vmbilicum, & in cæteris præterea vbi forte contingat, quòd natura ipsa per se sola materiam euincere, superareq; casu aliquo non valeret.

Officij Obstetricis per tria tempora diuisio.

DOCUMENTVM SECVNDVM.



VAELIBET obstetrix scire debet, quòd eius officium varia requirit opera secundum varia parturitionis tempora. Primum namque tempus id est, quo paritura iam doloribus vexari cæperit, vbi puer calcitrare incipit, & tandiu dolores ipsi per interualla repetunt, ac seuiunt, quousque cothilodines disrumpuntur & vltra, vt ostendetur; & hic est primus parturitionis status. Ipsius status tempus ex hoc dignoscitur, quia vbi dolores prægnatē apprenderint, tunc parturitionis initium aderit, & hic status eo vsque perdurabit, donec perseverantibus doloribus à calcitrāte puero contigētibus membranæ, quibus inuolutus erat, disruptæ fuerint, & vincula dissoluta, & à cæco, angustoq; carcere se extricauerit, neque amplius à facultate contentrice continetur, & tunc primus hic status desinit, & secundus instat, de quo agemus cum prius istius primi status indicia perscripserimus. Signa sunt primi status, dolo-

dolorum perseverantia superioris partis, ventris cor-
rugatio, & concidentia, & inferioris partis dilatatio,
uteriq; ostioli aliqua ampliatio, vel levis apertio, &
lenti humoris effusio ab obstetrice immisso in uteri
ostium digito percepta; cum hæc indicia singula ad-
fuerint desinet primus, & iam secundus parturitionis
status accedit; cum infans videlicet in caput puden-
dum versus reuolutus fuerit, ac perdurabit quousque
in lucem editus fuerit infans, & in obstetricis gremio
receptus. Indicia quibus in caput obuolutum infan-
tem esse peruestigari poterit, erunt, ut si venter obual-
latus fuerit, si tormina ad lumbos & ilia perseverave-
rint, & tandem (ut obstetrix certior reddatur) manu
oleo amigdalino, vel sesamino peruncta, & in pu-
dendum immissa digitis uteri ostium attingat, & si
non modo uteri ostium satis patens reperiatur, sed etiam
infantis caput, simulac aquæ perfusionem apparuisse
persenserit, tunc secundi status tempus aderit, &
prope esse infantis ortum alia non erunt indicia per-
quirenda. Tertium vero parturitionis tempus, & sta-
tus aderit illico orto infante, & in obstetricis gremio
recepto, quod quidem cum sensibus id notum fuerit,
alia peruestigatione non egebit: Quæ quidem hoc
tertio statu opera peragēda sint ab obstetrice, quem-
admodum etiam quid in primo, & secundo sit
ab ipsa agendum, suis locis inferius distincte osten-
detur.

Quid

Quid in primo parturitionis statu obseruandum sit, & quid agendum.

DOCUMENTVM TERTIVM.



PARTURITIONIS tempus tunc initiabitur completo tēpore nouem mēsum, vel vltra si Arist. credendum sit, cum videlicet puer magnitudinem, & robur fuerit adeo consequutus, vt ore suo lac è mammis sugere valeat, ipsumq; conficere, cum nutrimentum illud, quod à matre in vtero ei supeditatur nō amplius sufficiat, vberiorēq; cibum expostulans, & acrem ampliorem, calcitrare incipit, & cothilodines disrumpere, membranasq;, ac ligamenta dissoluere, vt ex arctissimo, angustissimoq; loco vbi totus conglobatus ita extet, vt nasum inter genua, oculos supra genua, aures extra genua habeat; vt Arist. inquit lib. 7. de hist. animalium cap. 8. Hip. vero de situ pueri in vtero matris, in suo de natura pueri nu. 35. ita sentiens inquit. Caterum puer in vteris existens, manus apud genas habet, caput autem prope pedes: & non datur exquisitè ac certò cognoscere etiam si puerum in vterō videas, vtrum caput sursum habeat, vel deorsum. Auicē. autem lib. 3. fen. 22. trac. primo cap. 2. de situ pueri sic inquit. Et fœtus quidem ante motum suum ad exitum est sustentatus cum facie sua super pedes suos, & cum plantis, seu

tis, seu volis manuum superpositis super genua sua,
 & naso ipsius inter ambo genua, & oculis super ea
 ambo, & colligit ea ad anteriorem sui, & est inclina-
 tum collū eius, & facies eius declinat ad dorsum ma-
 tris eius defendendo cor. Sic de infanti situ in utero
 antiquiores tradidere. Recentiores uero apud quos
 experimentum in dies plurimum inualuit, nec non
 obstetrices id attestantes de infantis situ in utero ita
 asseuerarunt, uidelicet; quòd utero gestatus puer in-
 curuus totus, atque contractus talos ad nates appli-
 cat, manibus genua apprehendit, in quæ caput sic de-
 mittit, ut uterque oculus suo cuique manus pollici fi-
 xus adhereat, & nasus intra genua procumbat. Ita
 conglobatus, & in se totus contractus puer in angu-
 sto satis vteri loco, miram naturæ prouidentiam, ut
 in cæteris suis operibus ostendit: nam si nō ita se cō-
 traheret matris aluum, superioresque partes nimium
 occuparet, nec non eas eximio sensu præditas, quo-
 quo versum extēdendo dolore premeret, & suis mo-
 tibus nimium dilaniaret. Mirum insuper naturæ ar-
 tificium uidetur, quod ita se accomodat puer pau-
 latim caput inferius declinando, donec instante par-
 tus tempore à membranis, & uinculis extricatus puer,
 leuiori tunc negotio, faciliusque in caput se obuol-
 uat, & ad exitum uiam sibi paret; quod patefecit
 Arist. citato superius loco, inquit omnis animalis
 caput primum superius est, sed cum cre-
 uerit, & iam exitum appetat deorsum deducitur; ita
 igitur situatus puer, ubi copiosius alimētum exopta-
 uerit,

uerit, eique non amplius sufficiat id quod per vmbilicalem venam à matre suppeditatur, tunc calcitrando, pelliculasq; disrumpens partus initium matri affert, Hip.inquit citato loco; & eò vsque primum partus statum perdurare obstetrix intelligat, quousque calcitratione, & agitatione pueri membranæ disruptæ fuerint, & vincula dissoluta præter illud quod à secūdis pendet. Cum igitur perita obstetrix à prægnante muliere doloribus apprehensa vocata fuerit, & cum ad ipsam accesserit in primis interrogare debet de tēpore, quo ipsa concepisse putauerit; & inde computationem mēsium facere totius temporis, quo ab eius conceptu foetum gestauerit: subinde tangat ventrem ipsumq; inspiciat, & si eius superiores partes obuallari ceperint, & inferiores dilatari, doloresq; perscuerent; & si venter sua mole adhuc configuratus persistat, doloresq; per interualla repetant; quoniam homini non sicut ceteris animalibus præfinitum, ac determinatum est pariendi tempus, vt Arist. nec non Hip. placuit, cū aliquando nono mense, quandoque etiam decimo prægnātem parere contingat; idcirco interrogabit de qualitate dolorum, vt si circa vmbilicum, & inguina inualecant, & ad lumborum vertebrae pertingant, tunc partus initium iā adesse recte putabit; sed vt certior reddatur, nec vllō pacto decipiatur obstetrix, sua peruncta manu oleo sesamino, vel amigdalino intromissis digitis dextere ostiolum vteri pertingat, & si iā ita apertum ipsum os persentiat, vt digitum intromitti valeat, vel amplius, mulierem de proximo pariturā pronun-

pronunciare poterit, & ad sui officium illico se accingat. Prægnantem mulierem hortetur, vt in lecto decumbat, vt vires seruētur ad opportunum tempus, neque (vt nonnullæ imperitæ faciunt) parientem ipsam frustra fatigēt, sed ad opportunum tempus seruētur vires, vt mox dicetur, nam si temere parientem fatigauerint, antequam fuerit puer in caput reuolutus defessa tunc mulier erit, quando totis viribus adniti opus fuerit, & id periculi subibit, vt progressiuis illis motibus eundo impediatur puer in reuolutione sua in caput, & membrum aliquod ad latera flectatur, & non naturalis partus occasio detur, quod summo opere cauendum erit. Sic igitur locata muliere in strato, vel cubile iuxta sedile, vel sellam, ita ut nec supina protinus, neque sedens extet, sed erecto, & aliquantulum sublimi dorso, perita tunc obstetrix denuo peruncta manu digito leniter, & dextere persentiat, an vteri os adaperitum magis cōperiat, & si cum hoc etiam crassam humiditatem perfundi sentiat, tunc iam membranas disruptas esse, & cothilodines dissolutos, & puerum adeo solutum, & liberum esse, vt ab vteri contentrice non amplius contineatur, sed expultrix ad expellendum, infans ad exitum, mater ad opus adiuuandum, inuicem se adnitantur, obstetrix tunc uigilantissima esse debet, & primo pueri in caput uolutionem expectet, ut ad naturalem partum se accingat, aliud est ab ipsa expectandum, atque simul adiuuandum, ut uidelicet uteri os adeo deilcat, & patefiat, ut infanti innoxius præstetur in lucem exitus. Pueri in caput uolutatio

tio ex suis inditijs, & tactu etiam obstetrix dignoscere ualebit. Inditia aderunt quòd uentris superiores partes contrahuntur, & concidunt, inferiores uero magis dilatantur, atque tenduntur; tactu uero certior tandè reddetur, si oleo sesamino, uel liliorum alborum perũcta manu iterum cautè, dextereq; persentiat, an caput cum aquæ illius perfusione persentiat, quod si persenserit, iam puerum in caput uolutũ sensata fide cognoscet. Causam autem ob quam puer in caput se obuoluat, & sic ad naturalem partum se accomodet Arist. eximius naturæ rimator perpulchrè explicauit in suo lib. 5. de gener. animalium cap. 9. ubi sic inquit. Partus autem pronis in caput conuersus fit per naturam animalibus omnibus, propterea quòd partem ab umbilico maiorem habeant, quam inferiorem, maiora autem plus ponderis continent. Itaque uelut in statera dependentes eò uergunt, quòd trahuntur. Hip. nec non in suo de nat. pueri 37. inquit; recedit autem in caput, si secundum naturam prodierit, grauissimæ enim sunt ipsi supernæ partes, si ex umbilico propendantur; & Auic. hanc sententiã sequutus suo lib. 3. fen. 21. tract. 1. cap. 2. inquit. Adiuuant ad conuersionem grauitas superiorum fœtus, & magnitudo capitis eius propria. Vbi autem obstetrix caput iam apparere persenserit, sciat quoque, quòd in naturali partu caput anterius apparet, manusq; , & brachia ad ilia extensa sunt, ut facilior sic egressus (edocente natura) quod inter ceteros Paulus Aegineta figurans in suo lib. 3. cap. 26. inquit. Primum quidem, & præcipuũ embrij schema
in

in caput, manibus in femora dispositis, & ne paululū quidem perperam declinās recta os uersum caput porrigens. Secunda uero fœtus figura recta in pedes, ne tantillum quidem ab eo tramite declinans probatur: hæc Paulus. Iam igitur apparente capite infantis, utriq; ore deiscente, tunc obstetrix ad secundum parturitionis statum quamprimum, seduloq; se accingat, & ad ministerium suum perficiendum summopere inuigilet, ut sequenti cap. traditur.

Quid ab obstetrice seruandum sit in secundo partus tempore, & quid ab ea administrandum.

DOCUMENTVM QVARTVM.



INFANTIS capite ad os uteri apparente, & dilatato ipsius uteri ore, quamprimum obstetrix parientem in sella locabit omni cum cautela, & dexteritate, ne caput comprimatur, uel infantis membra distorqueantur in ipso motu. Summopere cauebit, nè (ut imperitæ solent) parientem ipsam in sella collocet, priusquam puer uersus pudendum in caput reuolutus fuerit, quod tùm ex indicijs iam dictis, tùm etiam sensu tactus obstetrix ipsa dignoscere ualebit. Quæ namque obstetrices secus faciunt, & ob imperitiam intempestiuè, ac temerè parientem in sella locant, ipsam fatigant, quæ ad opportunum tempus uiribus indiget, & quod magis refert, hoc discrimen inde

de pender, quòd infantis volutatio impeditur, vel quod ad non naturalem partum promoueat. Perita igitur obstetrix opportuno tempore in sella sic locabit, vt vtrunque pudendum in cauum exeat, ita vt nò impediatur, sed libera sit oris vteri, & ossis pubis, nec non partis illius posterioris, quæ ad caudam sacri ossis attinet dilatatio. Directa quoque sit parientis locatio, neque ad latera defleat, sed directo ventre, & vtero, facilius infans viam sibi parare valeat, nec in obliquum, & ad latera infantis membra deuiant, vel distorqueantur, ex quo non leuia, tum infantis, tum matris pericula subsequuntur. A sedilis tergo validam habeat mulierem, quæ fortiter suis vlnis parientem sustineat, renesque, & dorsum adeo enixe contineat, vt in alterutrum latus non declinet. Sic locata pariente, obstetrix tunc coram ipsam in decliuiori loco sedeat, & adeò se accomodet, vt facile circa pudendum parientis manus suas exercere valeat, & ex superiori ea parte infantem incolumiter adducere. In sedile sic locata pariente, & obstetrice decenter ad ministerium se accommodata, probeq; accincta, mirandū illud aliud naturæ opus expectare debet, vt videlicet vteri os, & matricis collum adaperit adeò sit, atque dehiscat, vt illeſus infans sufficientis alimenti, & aeris cupidus in lucem exire valeat. Quo pacto autem opus id efficere natura possit, vt videlicet vteri os, quòd toto grauidationis tempore adeò occlusum perſtat, vt specilli acumen non admitteret, vt autores omnes attestantur; Adueniente partus hora in tantum aperiatur,

tur, atque dehiscat, vt totus infans absque lésione aliqua per id foramen, & eius collum egrediatur: mirari possumus, intelligere non valemus, inquit Gal. lib. 15. de vñ part. cap. 7. Auicē. verò lib. 3. fen. 2. tract. 1. cap. 2. inquit. Et necessarium est, vt separentur quædam iuncturæ, & sustententur adiutorio Dei excelsi præparante, vel disponente eas ad illud: deinde reuertente eas ex proximo ad continuationem naturalem, & paulo infra subdit: Quæ virtus non comprehenditur, & est hoc de secretis Dei; Sit ergo Deus exaltatus, qui est rex verax, laudabilis, & benedictus, & melior omnium factorum: hæc Auicēnas. Interim non desistat diligens obstetrix peruenietam manum in pudendum ad mouere, denuoq; blande obseruet, quando pueri caput ad yteri collum iam descendisse appareat: tunc temporis motrice infantis se ad exitum adnidente, vteri; exeretice expellente, parientem hortari non desinat, vt ære intus cohibito inferius pellendo ad exitum adiuuet, & continuo adnitatur detentum aerem versus vterum propellere, quod quidem validius operabitur, si alterius circumstantis mulieris humerum, vel manum valide apprehenderit, atque constringens, cōtentum intus spiritum ad inferiores partes propulsare tunc adnitatur, cum dolores ipsam apprehendent, & sequius exacerbabunt. Verum si ratione pueri grandiusculum habentis caput, vel totius corporis molem, aut ratione parientis cui sit primus partus retardaret infantis exitum, & laboriosus esset partus, vel quia obesa nimis esset mulier pariens, tunc

E animosa

animosa sit obstetrix, & parientem verbis consoletur, & quod ore, & naribus occlusis aerem intus detentū ad vterum propulsare pro viribus adnitatur hortari non desinat, neque vereatur obstetrix, nec timeat, si præcipue infantis caput primo obductum, & uiam ad sui exitum cepisse iam immissa manu tactu persenserit. At obstetrix tunc ad laxandas, emolliendas, & dilatandas partes, vteri cervicem, atque os sacrum dictum, eiusque caudæ totam regionem hoc linimento perungat.

Rec. olei amigd. dulcium

Olei liliorum alborum

} an. unc. j.

Butiri recentis

Pinguedinis gallinacei

} an. unc. s.

Muscillaginis althæ

Muscillaginis fæni græci

} an. dr. vj.

Misce illinantur dictæ partes repente hoc linimento; & si nihilominus prorogetur infantis exitus ob colli uteri angustiam, poterit quoque hoc fomēto uti.

Rec. florum camomillæ

Meliloti

Maluarum

Seminis lini

Fenugræci


Anisorum

Rad. liliorum alborum unc. j. s.

Baccarum uel corticis lauri unc. j.

Efferueant simul in iure ueruccis, in quo spongia mollis intingatur, & cum ipsa ossis sacri caudæq; regio, nec

gio, nec non pecten tepenter foueatur. Poterit quoque si tardaret partus, & mora longior esset, aquilinū lapidem, uel etiam corallum dextero cruri alligare pro facilitando partu, sed orto puero, & educta secunda illico alligata hæc remoueri debent, & si mulier adeo timida fuerit, ut animo deficiat, liniantur nares, & tempora cum elixeruite, uel cum uino maluatico, & græco, in quo uino buccella panis intincta pro reparandis uiribus exhiberi poterit; & si fortasse aluus antea suppressa nimium fuerit, fæcesque ob id duriores effectæ impedimento fuerint, leni suppositorio uti poterit. Multa alia ab autoribus proponuntur præsidia, ut sunt pessī, suffumigia, infusionses, & alia similia, quæ ut suspecta, ne fatum suffocent à me nunquā probata fuere. Verum si legitimus, naturalisq; partus fuerit, superflua dubio procul eiusmodi præsidia erūt, si mulier præsertim, simulatq; obstetrix se gerant, ut supra docuimus naturæ siquidem beneficio, & opere, deoq; opt. maximo à quo cuncta bona procedunt sui gratiam conspirante, omnia bene succedent, & tūc matris partus, tūc pueri exitus incolumis, prospereq; sequetur. Infantem cum obstetrix omni cum dexterritate, blandeq; suo in gremio receperit, si secundæ mox cum infante procidant, sic obstetrix se gerere debet, ut in sequente docebitur.



E 2 Tertius

*Tertius parturitionis status. Quid sit ab obste-
trice obseruandum & agendum.*

DOCUMENTVM QVINTVM



INFANTE iam in lucem edito, & in
obstetricis gremio recepto, nō amplius
ut administra tantum, sed ut opifex ipsa
obstetrix omni cum dexteritate, atque
peritia officio suo fungi in tertio hoc
partus statu profectō debet. Si igitur secunda exitū
infantis sequuta fuerit, quamprimum vmbilicum ab-
scindere debet, & à secunda separare: duplicatum fi-
lum capiat, & pollicis latitudine uincire debet, & cau-
te fideliterq; obligando, & ab ipsa ligatura ultra qua-
tuor digitos forcipibus incidat, & eo resecto lana su-
cida, uel petia linea conduplicata, & rosaceo calente
intincta super recisum vmbilicū imponatur, & illud
caudicis, quod ultra nextum remanet, uel cotone, uel
molli linea petia obuolutum, ita super abdomen ac-
comoderetur, ne fascia comprimatur, & sic donec pars
nutrimento destituta flaccescat, & unā cum uinculo
excidat. Quod si secundæ infantem sequuta non fue-
rint, sed intus retenta, obstetrix se gerere debet, ut se-
quenti cap. docebitur. In hoc tamen monenda est
obstetrix, ut si illico ortō infante ob labores in sui
exitu, ut fere exanimatus uideatur; ut aliquando con-
tingit, tunc perita obstetrix vmbilicale uinculum al-
tius

tiusprehendat, & vmbilicum versus (velut emungen-
do)tendat, ac vino in os sumpto in faciem infantis, &
propè os, & nares ore suo exalet, & ipsi negotio incū-
bat, donee reuiuiscat.

*Quid sit ab obstetrice agendum, si secunda non procidant,
& de infantis abluitione.*

DOCUMENTVM SEXTVM.



I secunda ad infantis exitum non subse-
quatur, sed intus retineatur in primis
vtendum est ex Hipp. documento lib.
5.aph. 49. sternutatorio naribus appo-
sito, & subinde dū sternutatio promo-
uebitur nares, & os manu apprehendantur, vt violenti-
us aer ad vterum propulsetur, ad quod

Rec. castorei finissime puluerizati.

Piperis albi, & nigri similiter puluerizati.

Elleboris albi an. q. suff. fiat sternutatoriū ex castoreo
namque, & pipere laudatur ab Actio pro educēda se-
cunda. Si vero ex sternutatorio secunda non proij-
ciatur, quoniam aliquando vteri fundo coniuncta re-
peritur secunda, quandoque vero seiuncta est, idcirco
obstetrix peruncta sinistra manu oleis, & pinguedine
iam dictis, in vterumq; immissa, tentabit blande, an
secunda vteri fundo adhereat, vel seiuncta sit: si seiun-
cta reperiatur instar pilæ cōuoluta circa aliquam vteri

E 3 partem,

partem, vt Aetius docet eam blande digitis extendat, & explicet, & directam trahere blande tentabit. Si vero difficultas adsit in educendo ipsam, & aliqua educationi renitentia aderit, vt saepius cōtingit, tutius erit ab ipso opere obstetricem desistere, nec secundam dilaniare, neque vteri partes iam attritas contrectatione laceffire, & in tumorem attollere, ex quo inde nō leuia incommoda, periculaq; puerperæ subsequi solēt. Præterea ne puer ita sordidus ab insueto ambiente aere diutius permanens ledatur, & non absque eius vitæ dispendio incommoda patiatur, nec non vt in partu ex labore fatigata, lassataq; mulier aliquantisper refocilletur, & vires resumat, quamprimū quæ superius, dicta sunt peractis, atque tentatis ijs quæ tentāda sunt circa secundæ educationem, expediendus erit puer ab appendiculo secundæ, & vmbilicus refecandus erit, quo refecto, vt supra est dictum, caudex incisæ illius partis, quæ à secundis propendet cautè, & ex industria femori puerperæ adeò alligandus erit quominus fugere, & in fundum remeare valeat: nam si in vterum refugeret, ingentem noxam puerperæ, & vitæ dispendium afferre solet. Caueant igitur imperitæ, vt caudicem ipsum rectè, fideliterq; alligent, nè ob earum imperitiam puerpera periclitetur, vt saepius contingit ob muliercularum imperitiā, quæ ad hoc tam magni momenti officium temerè se accingunt. Refecto vmbilico eo modo, quo præcedenti cap. ostendimus, caudicisq; residuo, quod à secunda pendet enixè femori diligenter

ligenter alligato, puerpera in cubile ducenda erit, de centerq; locanda, atque à vinculis extricatus puer abluendus, prout sequenti capite docebitur.

*Quid agendum sit tùm circa puerum, tùm circa matrem
resecto umbilico, & cum secundæ non
procidant.*

DOCUMENTVM VII.



UM BILICO infanti resecto propè ignem ipse apportetur cauendo, ne in ignem ipsum inspiciat, nec alia lumina, ne ab insuetò obiecto visum adeo ferientē subita intuitionē ledatur oculi. Quamprimum abluendus erit, & à sorditie partus detergendus. Mater vero in lecto locata paulisper interim quiescat, donec ablutus fuerit infans, & in nutricis manibus delegatus. Obstetrices peritissimæ nonnullæ sunt, quæ salita tepente aqua nuper natos infantulos abluunt, & non absque ratione quandoquidem Gal. 1. de sanitate tuenda cap. 7. quantum falsedo ea conueniat ostendens, sic inquit. Ergo recens is natus infantulus, cuius corporis constitutio omni nota vacat, primum quidē fascijs deligetur, sed toti corpori prius sale modicè insperso, quo cutis eius densior, solidiorq; ijs quæ intus sunt partibus reddatur, & quæ sequuntur. Aliæ vero infantem oleo rosacco prius inungunt, mox tepente aqua portiuncula

E 4 vini

vinum admixta abluunt. Aliqua vero, ut detergant vitellum qui accipiunt. Nonnullae etiam in ipsa ablutione siccas rosas incoquunt, & sic per quatuor dies insequuntur, ut si qua pars tenelli corpusculi contusa in partu fuerit, vel quoquo modo pressa dictis lotionibus digeratur, & partibus robur indatur. Deinceps lotiones subsequantur prout in cap. de sanitate tuenda fuit iam dictum, sic loto infante, & linteamine, fasciaque obuoluto brachijs prius, & manibus ad coxas extensis, & cruribus, pedibusque pariter protensis, obstetrix tunc melle hispano, vel alio ex optimo intinctu digitum ori infantis imponat, linguamque, & palatum illiniat, ut à recementis facilius repurgetur, & alimentivias suggendo iam exercere incipiat. His circa infantem probe administratis, & in cuna, vel lectulo collocato, quamprimum obstetrix puerperae negotio incubat, & omni ope, & studio se conuertat.

De reasumendis puerperae viribus à refectione umbilico, & educenda secunda.

DOCUMENTVM VIII.



M B I puerpera in cubile suo locata fuerit, & paulisper quieverit donec infantis negotio prouisum fuerit, mulier sic ex partus laboribus laxata, atque defessis viribus curabit obstetrix, ut refocilletur eiusque vires reasumentur, ut ad secundam educendam ualide

ualidè rursus adnitti ualeat, ipsam igitur nutriet, uel recentibus sorbilibus ouis, uel optimo iure capi, uel contuso carnis eiusdem cum seminibus, uel melonis, uel cucumeris, necnon pineis si oportuerit cōdito, & zaccharo dulcorato. Ab assumpto coctu facile cibo in cubile ipso postquā paulisper quieuerit, donec paucus illè sumptus cibus coctus fuerit, uel digestus mulier sic locetur, ut ceruix spatulæq; ac dorsus altiori loco situentur, dilatatis coxis, pedibusq; ad eas reflexis, obstetrix uero decliuiori loco se adaptabit, & inuicta sinistra manu in dictis oleis, & pinguedine tētabit iterum, an per collum descensa fuerit secunda, sin autem descensa non fuerit abscissum ab umbilico caudicem insequens, secundam manu pertingat, ipsam manu apprehensam non directe trahat, sed hac, & illac blāde, dimouendo ipsam trahere tentabit si cedat, sin minus non erit amplius cōtrectanda, neque uiolenter trahenda, uel dilanianda, ne simul uterus procidat, uel neruosa illæ partes, uel ligamentorū aliquod perfringatur, unde sanguinis fiat effusio, uel eius putrefactio, uel corruptio sequatur, & inde abscessus, uel cancer, ut ob imperitiam obstetricum, uel chirurgorum contingere solet. Verum si forte contingeret quod uia uteri angustiores effectę essent, à recepto frigidiori in partu aere, uel ob sanguinis subsequutam effusionē, in utroque casu obstetrix balneatione hac utatur; uidelicet

Rec. maluam, camomelum, melilotum, lini scmē, fœnum græcum an. q. suff.

Ferueant

Ferueant in iure veruecis, vel capi pinguioris, & cū hoc decocto, & tertia parte olei cherini, vel amigdalorum dulcium addita, fiat ablutio simul, ac fomentatio cum spongia pudendis adnota; hoc siquidem præsidio non modo frigefactæ partes calefient, & exsiccate humectabuntur, sed lassabitur secunda, & si forte intumuerint vteri partes valde hoc proderit, & ad ipsius secundæ exitum non parum adiuuabit. Si his præsidijs extrinsecus adhibitis secunda non procidat, hæc alia per os sumenda tentabit.

Rec. trociscorum de mirra scr. ij.

Cum vino maluatico vel græco exhibeatur sequenti mane per horas quatuor ante cibum; vel sic

Rec. trociscorum de carabe, & eo magis si sanguis affatim efflueret dr. j. exhibe in vino, vt supra, quo præsidio est præcipue vtendum, vbi de nimio sanguinis effluxu concitando vereatur, vel sic

Rec. succi boraginis facta residentia depurati unc. iij. s. exhibeatur tepenter ad tres horas minus ante cibum:

Non desunt autores celebratissimi, qui dicunt quod si granum aristolochiæ rotundæ femori alligetur, ad secundas educendas ualere, At si forte contingeret quod singulis præsidijs iam traditis, & tūc obstetricis, tūc etiam medicorum omni ingenio, & ope secundæ non exeāt, sed intus retineantur, quia præsertim vteri fundo pertinaciter inhereant, vt non rarò contingere solet, non erit ob id formidandum, quia paulatim putrescens ex se ipsa decidet, & puerpera liberabitur, critq;
via

via hæc profecto melior, ac tuta magis, quàm secundam ipsam dilaniare, & ab utero violenter manu discerpere cum non leui vitæ dispendio ipsius enixæ obtrahitas superius causas; sic Paulus Aegineta monuit lib. 6. cap. 75. ita quoque Aetius cōsuluit serm. 16. cap. 24. Sic antea quoque Hipp. peruulgauit in suo primo de morb. mulierum nu. 76. & Auic. lib. 3. fen. 21. cap. 16. inquit. Et si non egreditur secundina, istis rebus tunc non sollicitemur, ex hoc ipsa enim post dies paucos resoluetur, & curret, sicut currit aquositas sanguinis. Verum quia hoc tempore dum putrescit caput replet, & tetri odoris grauitate stomachum peruertit, idcirco iugiter odorata, & quæ subducendi secundam facultatem habent supponenda erunt; ut

Rec. bdellium, calaminta, sabina, thus, stirax, vnguis odoratus, lapis gagates, aristolochiæ vtriusque semina an. q. sufficit, supra carbones inijciantur, & muliere in sella sedente, pannisq; circumtectâ vterus suffumigetur, vel fiat sic

Rec. calamintæ, pulegij, sabina, arthemisiæ, dictamni, radicum vtriusque aristolochiæ, ireos siccæ, iunci odorati, radicum maluarum, althææ an. quantum vis; ferueant in olla, cum quo decocto fiat euaporatio, cui mulier insideat vndique pannis contectâ, ut fumus, & uapor ab utero cōmode recipiatur; præsidium eiusmodi ab Aetio, & Paulo satis laudatur. Poterit quoque puerpera, si secunda intus retenta iam putrescat, ut ea noxia corrigatur, quæ cerebro, & cordi, atque vetriculo per prauos uapores communicari solet, accipere

cipere vnam ex tassellis, vt infra sic

Rec. specierum diamargaritonis. } an.dr. s.

Specierum pliris arcotici.

Zaccari albi dissoluti in stillatitio cinamomi dr. x

Fiant tassellæ ex arte, de quibus capiat scr. ij. uel dr. j. pro uice, & haustulum uini superbibat. Et hæc de legitimo, & naturali partu.

Ad dolores post partum contingentes.

DOCUMENTVM IX.



Post partum creberrimi dolores, atque non leues puerperam cruciari solent, quorum binæ assignantur causæ, una uidelicet uteri, & totius alui perfrictio ob passos in partu labores: alia vero est illud ob menstrui sanguinis, & puerperij dum retinetur, vel dum effluit eius acredine, & mordacitate dolores, & ipsa tormina induit. In curatione dolores, & tormina sui leuamen indicat, causa autem sui ablationem exposcit. Si igitur prout decet menses, & puerperia euacuentur, id totum est naturæ permittendum, si uero retineantur, uel lente nimium, & diminute effluant, sic natura ad ipsum motum adiuuanda erit; vt uidelicet.

Rec. decocti anisorum, cinamomi, radicū petroselinarum an. q. suff. Ferueant in brodio capi ad exactam coctionem, de quo iure.

Rec.

Rec. unc.v. Zaccaro dulcoretur, & tepide in auro-
ra exhibeatur; uel sic

Rec. decocti iam dicti unc.v.

Specierum diacymini.

Nucis muscatæ finissime puluerizatae an.scr.j.

Croci granlij.

Miscē capiat, ut supra.

Verum quoniam dolor ad se omnem curā trahit,
in primis ad sedanda tormina sumatur sic;

Rec. succi amig. dulcium absque igne recenter ex-
tracti, unc.iiij. s.

Vini maluatici, uel græci unc.j.s.

Præmittatur uinum in cyato, & desuper oleum in-
fundatur, & enixæ exhibeatur per tres, uel quatuor
horas ante cibum; & si nihilominus dolores urgerent.

Rec. olei cherini unc.iiij. intingantur petiæ lineæ,
& uentri calentes applicentur; uel fiat sic

Rec. pellem arietis, uel ueruecis ex animali citissi-
me extractam prop̄ talamū puerperæ, & abiecto ca-
pite, & cæteris extremitatibus, pelle ipsa adhuc calen-
te totus venter, iliaq; & dorsus parte interna circun-
dentur. Hoc præsidio utuntur gallicæ mulieres, & à
Ioanne Lebone in sua praxi celebratur, & in hac urbe
à Magnatibus felicissimo successu fuit usum.



Ad

Ad febres ex lacte post partum.

DOCUMENTVM X.



SOLENT puerperæ ob lactis exuberantiam in uberibus dolore, & febriculis uexari, quibus sic subuenitur;

Recip. croci dr. j. ligetur collo, & ad mamillas suspendatur, vel sic.

Rec. pisciculum exsiccatum, qui dicitur Hippocampus, uel equus marinus, & sic aridus collo, & mamillis appenditur. Lac namque hoc præsidio fugatur, & cum puerperijs per uterum repurgatur.

De partu non naturali, & quotupliciter à naturali decedere contingat.

DOCUMENTVM XI.



DE naturali partu dum egerimus, cum uidelicet puer in caput, manibus, & brachijs ad femora protensus oritur, modò de non naturalis, & uitiosi partus formis prodeuntibus agendum uidetur.

Non naturalis dicitur partus, quoties non dicta figura, sed ab ea diuersa quomodolibet appareat, ut si ambo pedes, uel unus tantum, & si una tantum manus, & brachium appareat, uel si conduplicatus infantis
 venter

ventē ori vteri, vel nates appareant, vel alterutrum
 latus. Causæ ut partus figuræ sic vitientur, geminæ
 ab Auicē. traduntur in lib. 3. fen. 2 i. vel videlicet
 propter corruptionē motus embrionis, vel propter
 multitudinem inquietudinis parturientis. Caueant
 igitur obstetrices, & assistentes mulieres, vt recte pa-
 rientem in sedile, ac etiam in cubile collocent, & ca-
 ueat ipsa pariens, nè in latus distorqueatur, & patien-
 tissima sit, & obediens, nè in eius vtero in discrimen
 suimet puerus distorqueatur, & à recto itinere deuie-
 tur. Quo pacto vero prouidendum sit, vt non natu-
 ralis ad naturalem partum reducat, Paulus Aegineta
 in vniuersum docet sic, partim pellendo, partim
 adducendo, partim flectendo, partim in rectum agē-
 do. Aetius nec non sermone 16. inquit. Hæc omnia
 de muliere egre pariente medicum percūctari ex ob-
 stetrice oportet, nec temere ad chirurgiam progredi:
 Neque vero obstetrici permittendum est, ut uterum
 diutius dilaniet, & paucis interpositis subdidit. Si ve-
 ro totius fetus figura mala fuerit, prius ab osculo vte-
 ri in sublime eleuetur, & postea rursus ad osculum
 recta dirigatur, fiuntq; omnia placide, leniterq; ac ci-
 tra compressionem oleo assidue locis affuso. Hoc
 enim ex salute tūm fetus, tūm parientis fuerit, & vte-
 rus ita illesus manet. Hæc de prouisione, quæ in vni-
 uersum singulo vitioso partui debetur: mox ad parti-
 cularem cuiusque descendamus. In primis de eo non
 naturali partu agamus, in quo puer in pedes oritur.
 Partus cuiusmodi si manus, & brachia ad femora pro-
 tensa

tenſa fuerint, à Paulo Aegineta naturalis cenſetur;
quàm opinionem ſectatus quoque eſt inter recetio-
res Arnaldus de Villanova. Actius vero licet inter
non naturales partus hūc referat, nihilominus minus
ſuſpectum eſſe atteſtatur. Obſtetrici igitur oleis per-
uncta manu, & pudendo pariētis inmiſſa, cūret om-
ni debita dexteritate, & uigilantia, ut manus, & bra-
chia à ſæmoribus non diſtrahantur, ſed recta ad ipſa
femora protenſa ſeruentur apprehendendo ipſa, & fir-
miter tenendo, nè retrorſum abducantur, ſed uterum
excretrice impellendo, & pariente ſpiritus cohibitiō-
ne infra ſe adnittente, & obſetricē coadiuuante ea
forma puer in lucem incolumis Deo benediſto fauē-
te progrediatur. Orto ſic infante, cetera fieri, & admi-
niſtrari debent, ut de partu naturali de ſingulis do-
cetur.

*De vitioſo partu, quando unico tantum pede infans
apparet altero intus retracto.*

DOCUMENTVM XII.



I vnicus peſ tantum ad uteri os appa-
reat, perdifficile ſanè opus conſequi-
tur, quando quidem ubi inferius prodi-
re pedes percipiuntur, in ſublime ipſos
reflectere, caputq; deorſum difficilli-
mum profeſſo ſit, ac uerbis proferre longe facilius,
quàm opere perficere exiſtat. Verum ſi figuratio hæc
manus,


manus, & brachia ad femora protensa habuerit; ut de præcedente est dictum, ad minus vitiosam, minusq; suspectam partus figuram reduci poterit: & idcirco duo sunt ab obstetrice peruestiganda. Primum est si pes alius intus non longe absit ab illo qui prodit, adeoque appropinquari, & ipsum blande trahendo alio prodeunte equare valeat. Secundum est, ut obstetrix ipsa perquirat an manus, & brachia ad femora sint protensa, ut supra est dictum, & si sic reperiatur tutius erit, si ab obstetrice reperto, & blande tracto abscondito pede, & simul ambobus adhesis, eo modo partus pergat, & cætera ab obstetrice perficiantur, ut de præcedente est dictum. Si vero forte contingat, quod absconditus pes longius sit, quam recte trahi, & alteri æquari valeat, vel si brachia, & manus in altum, vel quoquo versum distracta sint, tunc salubre magis fuerit, atque consulto potius egressum pedem in vterum sic repellere: pariens in lecto locetur, retro reflexo capite, scapulisq;, & natibus in sublime elatis, & tunc perita obstetrix extensa manu supra parientis abdomen leui compressione ad accommodum partum adiuvet, & manu pellat, prout expedire vltus videbitur. Cum sic per aliquod spatium permanserit, ad consuetum situm obstetrix mulierem redire faciat, capite videlicet, & dorso in sublime eleuatis, nates in decliuiori loco locentur, & tunc dilatatis coxis, & ad eas pedibus, cruribusq; reflexis, atque retractis, tunc peructis digitis tentet obstetrix qua figura fuerit puer reuolutus, & si forte fortuna in caput reuoluatur, tunc

F Deo

Deo fauente partui incumbat, & eadem perficiat, vt de naturali partu est dictum. Si verò in pedes similiter sequatur protensis prius ad femora manibus, & brachijs tētabit obstetrix occultum pedem reperire, & blande repertum trahere, quousque cum alio pede iam prægresso æquetur, & sic equis pedibus sequatur partus, & singula ab obstetrice perficiantur, quæ orto infante perfici debent, vt de naturali partu est dictū.

De vitioso, & non naturali partu cum manus unica tantum extra uteri os apparet.

DOCUMENTVM XIII.



SI manus in partu in primis appareat, non est trahenda, vt Aetius monet, verum digitis humero infantis dextere admotis, manum ipsam, & brachium in conueniētem locum introducatur. Ita quoque inquit Paulus Aegineta lib. 3. cap. 76. vel si ob loci angustiam difficultas adsit in intromittēdo manum, & brachium infantis, mulier tūc in lecto locetur sic, vt in altum eleuetur anus, sed caput, ac spatulæ decliuiori loco situentur, vt commodè intus remeet manus, & tunc obstetrix digitis ad pueri humerum admotis, brachiū iuxta femur accommodet, vt in caput naturali figura oriatur puer, in quo partu singula ab obstetrice peragi debēt, vt de naturali partu explicatum fuit, tūc de ijs quæ circa ortum puerum,

OBSTETR. ARTE. TRACT. II. 83
rum, tūc etiam de his quæ circa puerperam sunt
peragenda.

De vitioso partu cum ambæ manus apparent ad exitum præcedere caput.

DOCUMENTVM XIII.



V M in partu ad vteri os, vel per matri-
cis collum ambæ manus præcedūt, &
ad exitum se parant, vitiosus vtique, &
laboriosus esset nimis partus, & pericu-
lo minime vacans obstetrix diligentis-
sima hoc adueniente casu existat, & quia cereæ sunt,
nimiumq; tenellæ fætus partes, vt Gal. inquit, idcirco
caueat, ne infantis manus, eiusq; brachia, suis mani-
bus apprehendat, neque contrectet nisi cautè, & om-
ni cum dexteritate, ne ob teneritudinē lassentur, vel
distorqueantur, sed locata muliere in strato propè se-
dile, vel propè sellam, vt supra est dictum, ita supina
locetur, vt promineant nates, & coxæ, sublimioresq;
sint, caput autem, & dorsus decliuus inclinent, & di-
latatis coxis, atque reflexis cruribus curet obstetrix, vt
pueri manus in vtero regrediantur, qui us intus re-
gressis, obstetrix tunc suis perunctis manibus utrūq;
humerum pertingat, & blandè, paulatimq; versus fe-
mora, brachia, & manus extendat, ac recte accom-
modet, sic namque partus Deo adiuuante ad natu-
ralem redigetur, & puer tutò orietur; quo in lucem

F 2 edito

84 IACOBI TRVNCONII DE
edito singula perita obstetrix operabitur, prout suo
loco de naturali partu est dictum.

*De vitioso, & non naturali partu cum puer condu-
plicatus exit.*

DOCUMENTVM XV.



VER conduplicatus multipliciter in
partu ad os vteri se profert, vel enim
anterius conduplicatur in abdomine,
& manibus, pedibusq; ad vteri ostiū se
vergit, vel eleuatis coxis ad os vteri
procidit, vel flexa genua ad uteri ostium uergit. Sub
quibus figuris uitiosus, admodumq; laboriosus se-
queretur partus, si eiusmodi vitia obstetricali arte nō
corrigantur; & in primis de vitioso partu agamus cū
ambo manus, & pedes ad vteri ostium apparēt, adeo
namque uitiosa est hęc partus figura, ut impossibile
sit partum ipsum sequi absque tūm pueri, tūm etiam
matris uitæ dispendio. Quo uero pacto prouiden-
dum sit, ut huiusmodi corrigatur error, non desunt
qui doceant. O' utinam sic facile opus arduum per-
fici ab obstetrice ualeret, ut ab autoribus facile uer-
bis designatur: subiectum namque est fœtus corpu-
sculum in summa teneritudine constitutum, corpu-
sculi membra veluti cerea sunt, & ad animale[m] mo-
tum minus apta, ipsorumq; vita ex leui quapiam oc-
casione extinguibilis existit, modo autem in arcto
adeo

OBSTET. ARTE. TRACT. II. 85

adeò uteri loco, in quo velut in tēco carcere per plures menses conglobatus, & in se contractus perstitit intricatus tunc, & veluti irretitus cum sit, & à natura, li partu deuiāuerit obstetricis auxilio quàm maxime indiget. Verum cum manibus ipsis, & pedibus occluso vteri ostio vnicam intromittere manum obstetrici vix liceat, ad illud exercendum opus, quod in angusto ipso, & obscuro loco, vbi oculorum intuitus minime pertingit, ambas manus requireret, vterus vero cum maxime sensibilis existat, & tunc temporis ab ingentibus, sequissimisq; doloribus torqueri, ac dilaniari contingat, & afflicto afflictionem addere impium sit, neque valeat sic defessa mulier vltterius labores absque vitæ eius dispendio sufferre; quantū sit arduum eiusmodi opus, & quantum periculi afferant vndiq; manantes angustia latissime patet. Nihilominus tū obstetrix, tū etiam medicus recordari debent, quantum sit natura sagax, & in admirandis suis operibus nunquam deficiens, & continuò sic in Deo opt. maximo sperandum, qui cum summus sit opifex, sine labore cuncta regit, & mira cum prouidentia gubernat, vt Arist. inquit in suo lib. de mundo ad Alexandrum Macedoniæ Regem. Deo benedicto igitur, & Beatissimæ virgini mulieres preces fundant, & in eius auxilio confidant. Obstetrix igitur se ad opus accingens caueat, ne in eiusmodi laboribus perterrita vultu parientis faciem inspiciat, quemmadmodum, & cæteræ assistentes mulieres. Quamprimum igitur cum infantem senserit in manus, &

F 3 pedes

pedes prodire, tunc è sedile mulierem auferat, si in sedile tunc locata fuerit, & in strato prope ipsam locetur omni tamen adhibita cautela: locabitur sic, vt supina iaceat, & decliuiori loco capite, & dorso situetur, in sublime uero nates, & coxæ subleuentur, vt antea dictum fuit; sic locata tentet subinde obstetrix omni cum dexteritate, blandeq; , vt intus regrediantur manus & pedes pueri, atque interim cautè ac blâdè parientem ipsam conuolutando quoquo uersum expedire nouerit, manuq; dextera parientis abdomine extensa, qua parte expedire videbitur, ibi sensim comprimat, atque blandè compellat, sinistra alia manu interim in vterum immissa, pueri ad commodum locum membra sursum eleuando, quæ posterius prodire debent, & inferius, quæ primo viam capere debent, manusq; , & brachia ad ilia adherendo in quantum poterit illeſo vtero, simulac infante, ad naturalem partum ipsum accômodare omni ingenio curabit, nam sic prospere cuncta succedent: si vero difficultas aderit in eleuando superius inferiores partes, vtpotè crura, & pedes faciliusque obstetrici fuerit, & tuto magis infantem cum pretenſis ad femora, & brachijs, manibusq; in pedes ab vtero trahere, neque naturæ alienum hoc nimis fuerit, idcirco ad hoc moliendum improperebit, & in singulis se geret, vt de prima non naturali figura dictum fuit.




De vi-

De vitioso partu cum puer antea conduplicatus natibus ad partum procidit.

DOCUMENTVM XVI.



I natibus infans ad sui partum procidat, à naturali partu multum deuiabit, & labore non leui, ac periculo minime vacabit: perita igitur obstetrix sinistra peruncta manu, & in vterum immissa anum infantis in altum subleuare blandè, cauteq; curabit, vt caput simul inferius ad exitum procidat, manus, & brachia ad ilia extendendo. Et si defessa fuerit pariens, & refocillatione indigeat, in stratu locanda erit, & alimento aliquo reasumptis parientis viribus, obstetrix ab opere non desistat, quousque puer ad commodam partus figuram reducat. Verum si cum omni studio, & opere ab obstetrice adhibito infantem in caput vertere non valeat, sed facilius in pedes ipsum vertere fuerit, id deniq; tentabit, quod tutius pro puero oriundo, ac pro ipsa parienti subsequi valebit; vbi autem, uel in caput, uel in pedes manibus ad ilia extensis cōuersus fuerit puer, singula deinceps administranda erunt, atque perficienda, prout de quolibet suo loco dictum fuit.



*De vitioso partu cum infans utroque genu ad nates
pedibus conduplicatus in partum procidit.*

DOCUMENTVM XVII.



IGVRA hæc difficilem partum fore ostendit cum caput erectum in sublimē habeat, & ad vteri ostium flexa genua declinare percipiantur. Ad naturalem partum igitur cū minime reduci valeat ob erectas superiores partes, idcirco ex vitiosis, prauisq; figuris minus praua seligenda erit, & quæ ad naturalem propius accedat, & erit conuersio in pedes, quæ faciliori negotio, tutiusq; succedet. Obstetrix perita igitur blandè in vterum dextera inserta manu, utrunque genu sursum impellat, ac eleuet, quousque paulatim ijs directis, atque extensis inferius pedes ad vteri ostium prorumpi cōtingat, manibus interim circa latera seruatis, sinistra tunc ambos pedes prēhendat, & puerum ad exitum omni cū dexteritate properabit, singulaq; subinde operetur, atque perficiat obstetrix, prout de naturali partu est dictum, tū circa infantem, quemadmodum & circa puerperam. Et hæc de naturali partu, perinde ac de non naturali dicta sufficiant.

Finis Secundi Tractatus.

IACOBI

IACOBI TRVNCONII
MEDICI AC PHILOSOPHI.

Tractatus Tertius.

De conseruanda sanitate Infantis in
manu Nutricis.

CAPVT PRIMVM.

*Infantem in lucem ortum Nutrici & alicui Artis
Medicæ perito quamprimum delegandum esse.*



R T O iam infante, singulisq;
ab obsterice diligenter circa
ipsum administratis, selectæ
nutrici tunc curam, & eius re-
gimen profecto committere
licebit quæ ipsum alat, & sin-
gularum operum, quæ ad eius
uictus rationem exposcuntur
administra sit uigilantissima. Verum cum multæ, ua-
riæq; sint externarum rerum extrinsecus nobis occur-
santium causæ; à quarum iniurijs continuo laceffi-
mur, & quod longe magis calamitosum est uitæ no-
stræ, non modo ab externis iniurijs, sed intus qui est
nobis congenitus, familiarissimusq; calor, quo tan-
quam

90 IACOBI TRVNCONII DE
quam primo instrō alimur, nostrāq; tueri, ac regitur
vita, is nihilominus natiuam in nobis humiditatem
continuo depascendo, se ipsum, ac vitam nostram si-
mul destruit, ac tandem extinguit. Qua de re cum per-
difficile sit tot iniuriarū retia, quæ vndiq; nobis ten-
duntur defugere, optima ratione medendi ars neces-
sario inuenta, exculptaq; fuit, vt qui in arte ipsa cru-
ditus fuerit, quæ præsens est sanitas eandem tueri,
atque seruare, quæ vero amissa fuerit, eandem resti-
tuere ipsa medendi arte valeat. Igitur cuiusq; infan-
tis, cuius sanitatis conseruatio exoptatur alicui in ar-
te perito cura hæc deleganda iure merito fuerit, vt in
singulis operibus ad infantis regimen attinentibus
nutricem ipsam instruat, opifex vero existat in ijs quæ
medicinæ artis negotium exposcunt. Et quoniam de
sanitate infantium conseruanda est præsentis tracta-
tus intentio, in primis quid sanitas sit, sequenti ca-
pite ostendetur.

*Quid sanitas, & quotuplex ea sit, eamque ma-
gnam habere latitudinem.*

CAPVT SECVNDVM.

CVM medicinæ artis Gal. binas cōstituiisset par-
tes in suo 1. de sanit. tuen. alteram videlicet sa-
nitatis tuendæ, alteramq; morbi profligandi faculta-
tem appellasset, inferius subdit: Vtriusque facultatis
inueniendæ communis ratio est, vt quidnam ea cor-
poris

poris affectio sit, quæ sanitas dicitur liquido constet: quandoquidem nec præsentem seruare, neque amissam recuperare si quæ ea sit penitus ignorare licet: & inferius, subdens inquit, ostendimusq; similiarium quas vocant partium sanitatem, calidi, frigidi, humidi, sicci simmetriam, idest conuenientiam inter se quandam esse, instrumentalium verò ex similiarium ipsarum compositione, numero, magnitudine, figuraq; constare. Alia quoque sanitatis definitio ab eodem Gal. traditur cit. lib. cap. 5. vbi inquit, sanitas est simmetria quædam, quæ duplex existit, & differentias ipsius explicat, inquiens hæc quidem exacta, optima, absoluta, & summa, alia paulo ab hac deficiens non tamen eatenus, vt animali sit grauis; sanitas quæ ab optima deficit, non paruam habet latitudinem, vt ipsemet Gal. testatur cit. lib. cap. 4. & 5. & quod in latitudine ipsa variæ, multæq; sanitatum differentia includuntur, inquit namque cit. loco; si ergo omnium qui sani sunt membrorum constitutio in simmetria consistit, constitutiones autem ipsæ variæ sunt, quandoquidem functiones sunt variæ, utiq; multæ, variæq; ipsarum constitutionum simmetriæ erunt, quare etiam sanitates multæ, variæq; non ipsa communi omnium forma unde dictæ sanitates sunt, sed maioris, minorisque ratione inter se dissidentes. Constat igitur ex Gal. placitis, quod certus, & definitus ipsarum numerus, non est temere pronuntiandus, quandoquidem imperuestigabiles gradus sic erunt, quibus certò illæ intemperantiæ à Gal. passim tradita des-

tae designari, vel constitui valebunt. sed concludamus tandem secundum Gal. doctrinam, quod tota sanitatis latitudo in tres diuidatur partes, quarum singulae non paruam habent vltiorem latitudinem, quarum prima pars salubriu est corporum, secunda neutrorum, tertia insalubrium vt Gal. ipse est autor in arte medica cap. 8. Singula haec igitur recolligendo dicimus, sanitatem simmetriam quandam esse illius hominis, in quo reperitur, quae simmetria cum homini ipsi conueniens proportio, & equalitas sit cuiusque compositionis, quae in ipso reperitur; in quolibet vero homine triplex comperiatur compositio, prima uidelicet ex quatuor elementorum qualitatibus, & est in temperamento essentiali, siue indiuiduali dicto cuius nouem numero temperaturas Gal. tradidit; secunda est in structura partium, quae fit ex similibus. Tertia est in partium vnitate. Penes haec tria genera compositionis tres datur equalitates in quolibet homine quousque eius functiones inculpatae, & absque uitio edantur, sic autem inculpatae erunt, dum equalitates ipsae seruabuntur, at si quaelibet earum equalitas perfringatur, vitiabuntur functiones, & sanitatis in aegritudinem fiet commutatio.

Quot modis sanitas vitiari contingat.

CAPVT TERTIVM.

QVANDO QUIDEM conseruabitur cuiusque sanitas, si is qui talem suscepit curam modos

modos omnes quibus ea vitatur compertos prius habuerit, vt Gal. monet citato nuper loco, sciendum idcirco est quod sanitas triplici modo vitari cōtingit. Primo modo si similiarium eucrasia, quæ in quatuor qualitatū temperatura consistit, æqualitas videlicet ipsi cui inerit homini conueniens, & naturalis, à naturæ suæ modo recesserit, & ad intemperantiam labatur, ita vt eius functiones, vitari contingat, & ad egritudinem tendat, velut iam ægritudo ipsa accersita fuerit. Secundo modo vitari contingit sanitas, si instrumenti cuiuspiam compositio, vel suæ æqualitatis ratio perfringatur. Tercio modo vero si utrarumq; partium videlicet, vel similiarium, vel compositarum continuum dissolui, & eius naturalem æqualitatem perfringi cōtingerit, tunc siquidem vtriusque functiones necessario incommodantur, & idcirco communis morbus dicitur. At quæ sint causæ quibus sanitas vitatur, & quæ sint signa quæ ipsam vitiatā ostēdunt, in sequentibus, & suo loco dicitur.

*Prima genera explicantur circa quæ is qui sanitatem
infantis alicuius tueri studebit, suam exor-
diri debeat exercitationem.*

CAPVT QVARTVM.

CV M presentis tractatus finis sit infantium san-
nitatem tueri, & idcirco artem qua id assequi
curator quisque valeat, edocere hoc opere intēdatur,
explicato

explicato quid sit sanitas, & quotuplex ea sit, & quod magnam habeat latitudinem, nec non cum viderimus quot modis sanitas ipsa vitari contingat, expedit modo ea prima genera ostendere circa quæ is qui custodire intendit, suam exercitationem exordiri, ac deinceps eandem perficere valeat. Quæ autem ea sint Gal. ostendit 1. de sanit. tu. cap. 15. vbi inquit. In tribus namque generibus sanitatis tuendæ studium, æque, ac medendi methodus cōsistit, corporibus videlicet, causis, & signis. Vt igitur iam posita vniuersalia mox particularibus applicare incipiamus, in primis quid circa corpus custodiendum explorandum sit, ab eo qui talem susceperit curā, & deinceps quid circa causas, & signa seriatim suo loco ostendetur.

Quid circa corpus, cuius sanitas custodiri debet sit explorandum.

CAPVT QVINTVM.



IN primis, vt ad particularia descendamus, debet qui tali negotio præfuerit; peruestigare quoad ipsi licebit, quæ sit infantis natura, vt quæ sit æqualitas, tum eius temperaturæ, tum compositionis, simulac partium vnitatis, quas æqualitates ab ortu infans adeptus fuit, in quibus æqualitatibus eius sanitas consistit: in temperatura namque expendendum erit, sub qua ex illis quæ nu. 9. à Gal. & cæteris autho-

authoribus statuuntur, locanda sit temperies tùm hepatis, tùm etiam cordis, atque cerebri, nec non ventriculi ipsius infantis; nam cognito singularum istarum principum partium temperamēto haud difficile fuerit totius quoque temperamentum compertum habere. In compositione autem peruestigari debet si adest debita partium conformatio, si debita, & condecens magnitudo, si sufficiens naturæ numerus, & si earum partium situs sit conueniens, adeo vt compositio illa debitam figuram, & condecentem habitudinem à natura exculptam proferat. In vnitae partium si partes ipsę recte vniuntur, & in soluta persistit ipsarum continuïtas. His exploratis, obseruabit pariter quæ sit eius consuetudo, vt dormiendi, uigilandi, & meïendi, nec nō egerendi, & eius lactandi temporis. Et quoniam indiuidui natura per doctrinarum aliquam explorare non licet, sed per signa venanda sit quæ sensibus se præbent, idcirco ad signorum genus quibus infantis naturam probe dignoscere quisque ualeat modo accedamus.

Quid circa signorum genus sit peruestigandum.

CAPVT SEXTVM.

CV^m signorum genus unum sit eorum in quibus sanitatis tuendæ studium eque, ac medendi methodus consistit: & cum supra uiderimus quid circa aliud genus corporis sit peruestigandum, id uero sit in-

fit infantis natura, & illius ab ortu adeptæ temperaturæ æqualitas, in qua eius sanitas consistit, simulac functionum integritas, & cum natura hæc, & temperaturæ æqualitas indiuidui sit, & indiuidui per doctrinarum methodū cognitionem adipisci minime liceat, liceat uero per signa, sensuq; procedendo eiusmodi nancisci cognitionem, expedit idcirco, ut qui custodiæ præfuerit, circa infantem ipsum signa ea in primis obseruet, quæ infantis temperaturam ostendere ualeant, ut ijs sigillatim receptis dignoscatur, quæ, & qualis temperatura ea sit, quam infans ab ortu in suis principalibus membris, nec nō in vniuerso corpore adeptus fuerit. Cerebri temperaturam, ut primo uenemur capilli inspiciendi sunt, si subruffi, vel flauui, vel nigri existant, & si crispī, vel plani, si spissi, vel rari, & si celer, vel tarda sit eorum generatio, & si venæ oculorum, & frontis angustæ sint, vel magnæ, & si in facie rubicundus calor, vel albus cernatur, vel si ad nigrum, vel fuscum tendat, & si cerebri excrementa per nares, & palatum, uel per oculos, & aures multa uel pauca excernantur, si somni longiores, uel breues existant, & si mentis perspicacitas, & sensuum promptitudo, uel potius hebetudo ex his & alijs cit. loc. à Gal. traditis poterit unusquisque cerebri temperamentum peruestigare. Hepatis uero temperamentum uenabitur ex ijs signis uidelicet, si adest latitudo, uel angustia uenarum, si abundantior bilis, uel pituita, si habitus corporis calidior sit, uel frigidior, si siccior, uel humidior, si sit corpus gracile, uel ob-

sum,

sum, uel pingue, si corporis ipsius mollities adsit, uel siccitas, & si pustulæ in capite, & facie, vel alia parte ex lactumine efflorescentes biliosæ sint, vel pituitosæ; & per hæc signa, vel alia etiam à Gal. in arte med. sufficienter tradita interstinguere hepatis temperamentum, ac probe noscere valebit. Explorata hepatis temperatura facile ex hac vniuersi corporis temperatura comperta fuerit, quippe cum totius téperamentum hepatis temperiem sequatur Gal. autore in arte medica. Cordis vero, & ventriculi temperamentum omittitur, quod in tenella adeo hac ætate nō facile dignosci valeat, idcirco de temperamento similarium partium ex quatuor elementorum qualitatibus compositarum hæc satis. Ad aliam quæ constat ex similaribus compositionem, si condecens ea fuerit, visu præcipue dignosci poterit inspiciendo, si conformatio ipsa concinnam habeat figuram ad suas functiones apta, & si instrumenti, vel organi condecens magnitudo existat, & si quæ compositæ sunt partes suum conuenientem, ac definitum similarium numerum ex quibus constant, sortitæ fuerint, ac etiam si partes ipsæ probe, & vt decet inter se cohereant, & recte collocatæ fuerint, & obseruetur tandem si instrumenti, vel compositi illius ratio ita se habeat, vt conformatio, magnitudo, partium numerus, earumq; situs naturæ præscripto cōueniētia existant, & hæc de secunda compositione. Tertiæ vero compositionis quæ in partium vnitate, vel continuitate consistit, & est constitutio tūm similaribus, tūm etiā

G instru-

instrumentarijs, & organicis cōmunis dicta, cum eius
dissolutio, vtriusque partis functiones incommodet:
hæc intuitu oculorum, & sensu tactus absque alio si-
gno dignoscitur, vt si ipsarum partium sua adsit con-
tinuitas, & si adsit ipsarum adhesio, & coagmenta-
tio illa qua ipsæ secundum naturam suam consistere
debent. Hucusque, & per tradita signa quæ sit infan-
tis temperatura, & sub qua ex octo illis intemperan-
tiji à Gal. traditis in arte medica locanda sit tantum-
modo constabit, vt puta quod frigida sit, & humida;
vel calida, & humida, vel quælibet alia ex dictis. At
cum ipsarum intemperantiarum quælibet magnam
habeat latitudinem sub qua plures reperiri possunt
secundum magis, & minus tantummodo differen-
tes, idcirco non sat est comperijsse temperamentum
esse calidum, & humidum, vel frigidum, & humi-
dum, vel aliud ex octo illis intemperaturis, sed etiam
in quo gradu tale existat nouisse expedit, quando-
quidem ignorato temperamenti gradu, nō ualemus
temperamentum ipsum conseruare, vt intendi-
mus: oportet siquidem vt conseruemus, in gradu si-
milis adinuenire conseruantia oportet, alioquin nō
conseruaremus, sed ipsum vel in maiorem, vel in
minorem caliditatem, vel humiditatem, uel frigidi-
tatem, vel siccitatem commutaremus prout præsi-
dia ipsa, vel in intensiori, uel in remissiori gradu exi-
terint. Præterea in quo gradu temperamentum exi-
stat scire expedit, ut dignoscamus an adsit lapsus, uel
qui diciatur neutrum decidentia, uel alius in una, uel
in am-

in ambabus qualitatibus, & si adfit lapsus, si talis erit ut correctore indigeat, uel præseruatore, at cum correctio, uel præseruatio ex contrario fieri debeat pari gradu ipsius lapsus, neutrum fieri poterit ignorato gradu, in quo temperamētum ipsum labatur. Veruntamen cum eiusmodi gradus elementorum tū in temperatura ipsa, tū etiam circa ipsa præsidia interstinguere, atque dignoscere sit ex ijs, quæ in arte medica difficillima sunt, & fortasse impossibilia, ut optimus ac præclarissimus ille Conciliator peruulgauit inquiring. Et quia ignoramus semper, & ignorabimus in æternum quantitates, & pondera elementorum, quæ sunt in composito. Et Auerroes in suo colliget cap. 24. inquit, & hæc mensura non potest comprehendere per modum arbitrij: & rursus ò utinam ego scirem cui rei habemus comparare mensuras elementorum, quæ sunt in illo, & quæ sequuntur: Gal. quoque in suo 3. methodi cap. 7. inquit. Ego contra si cuiusque priuatim naturam explorare ad vnguem scirem, utique qualem fuisse Aesculapium mente concipio, talem me esse putarem; sed quoniam hæc fieri non potest, certe ut (quoad homini licet) quam proxime accedam, tū ipsemet exercere decreui, tū alios ut idem faciant adhortor. Quibus igitur signis, & quomodo id quod maioribus arduum ita fuit dignoscere, & impossibile ferè ut ipsi fatētur nobis peruestigare licebit? Vtique non alia via nisi qua maiores ipsi vsi fuere, & quam nobis docuere, videlicet ab editis operationibus, à temperatura cuiusque manā-

G 2 tibus,

tibus, & ab æqualitate temperatura ipsa in compositione partium, & in ipsarum vnitate consistente; quæ æqualitas non ea est, quæ in summa, optimaq; temperatura consistit, sed ea quæ sub octo illis intemperantijs reperitur vnicuiq; conueniēs, & sibi propria, à qua operationes secundum naturam probeq;, & absque vitio manant. Ab operationibus igitur vel perfectè, vel diminutè, & imbecilliter obitis, temperamenti propria æqualitas, vel inæqualitas, & qualitatum lapsus (si à sua temperie recesserint, & nimium labantur ad egritudinem versus) vnusquisque artifex internoscere valebit, quandoquidem causæ vicem ad actionem, constitutio præstat Gal. inquit in 1. methodi cap. 9. Et quemadmodum perpulchro exemplo de oculo ostendit Gal. cit. lib. cap. Supponatur igitur quod in aliquo operationes sint secundum naturam, in eisq; nullum adsit vitium, & probè edantur. Eiusmodi operationes indicant in corpore ipso esse æqualitatem, in qua sua sanitas consistit, & idcirco conseruandum esse. Verum si in alio corpore operationes non ita exquisitæ fuerint, sed diminutæ, atq; imperfectæ, non tamen corpus illud egrotet, profectò in ipso corpore non æqualitatem sicut in priore, sed inæqualitatem adesse ex ipsis imbecillis actionibus indicabitur, & hanc non conseruandam, sed sensim corrigendam esse indicabitur; quemadmodum si imperfectiores sint ipsæ actiones temperaturæ lapsus indicabitur, & eius inæqualitas, & per consequens temperamentum ipsum ab vltiori lapsu præseruandum.

ne

REG. NVTR. TRACT. III. 101
ne ad ægritudinem tendat ; & hæc circa signorum
genus.

Circa causarum genus quæ venandæ.

CAPVT SEPTIMVM.



A V S A E peruestigandæ sunt conserua-
trices dum conseruanda erit tempera-
mēti æqualitas, & correctrices vbi cor-
rigere oportebit, ac etiam præseruantes
vbi præseruatio requiratur. Sed quo-
niam eas compertas habere non valemus, nisi quæ, &
quot ea sint quæ insalubres sunt, prius venati fueri-
mus vt Gal. monet cap. 2. & 4. 1. lib. de sanitate tuēda,
vbi duplicem corruptionis causam in corporibus no-
stris assignat, alteram videlicet internam & à se, aliam
extrinsecus incidentem. Eas autem quæ sunt à se,
in duas subdiuidit, quarum prima est ob quam con-
tinuò corpus nostrum consumitur ob assiduum sub-
stantiæ defluxum, & est natiuus noster calor, qui licet
nobis congenitus sit, & familiaris, adeò vt quoad vi-
uimus nos alat, tueatur, ac regat, nihilominus suimet
substantiam, simul ac nostram depascendo, seipsum
simul, ac vitam nostram extinguit. Altera internarū
causa traditur ab eodem Gal. cit. nuper loco, & est ex-
crementorū prouentus qui prohiberi sanè nō valet,
quandoquidem eius quod continuò substantiæ no-
stræ defluit, nullus alius sit modus causam corrigēdi,

G 3 & rea-

& reassumēdi quod defluxit, atque continuò defluit quam cibi, potionis, respirationis, & arteriarum motus ope, vt Gal. cit. loco asseuerauit. Et cum necessū foret, vt illud quod loco illius deperditur, adiungitur, & agglutinatur pro resarcitione simile esset, nihil autem eorum quę eduntur, bibunturue eiusmodi prorsus sit, sed multas mutationes recipere debeat antequam corpori alendo similis fiat, vt in ventriculo, in intestinis, in hepate, & in singulis particulis. In ijs siquidem locis ex cibo primum permutatur in chilū, ex chilo in sanguinem, ex sanguine in substantiā nutriti non absimilem; ex ijs autem mutationibus singulis sua singula oriuntur excrementa, ex chilo siquidem superuacaneū stercus ad intestina crassiora depellitur. ex sanguinis commutatione excrementum est vrina, quę ē iecore, & venis in renes proiectatur, & ex renibus in vescicā profunditur, & vnusquisque superuacaneus humor, videlicet vtraque bilis. Ex eo autem quod singulis particulis assimilatur, excrementa sunt vapores per cutaneos poros exhalantes, atque sudores, ac sordes quę extrinsecus adherescūt, & hęc de excrementorum prouentu. Declaratis supra quę sint in corporibus nostris corruptionis internę causę, ad alias modo, quę extrinsecus nos occurfare solent, quę euidentes, & necessarię dicuntur accedere operepretium fuerit. Causę ipsę à Gal. dinumerantur i. de sanitate tuen. cap. 5. nec non in arte medica cap. 85. vbi sic inquit. Quot igitur numero sint ea, quę ex necessitate corpus nostrum alterant distinguētes

tes

tes proprium in singulis eorum salubrium causarum genus inueniemus. Inest igitur vnum quidem & ambientis aeris adhesionem, alterum verò ex motu, & quiete totius corporis, & partium singularum. Tertium ex somno & uigilia. Quartum ex his quæ assumuntur, uidelicet cibus, & potus. Quintum ex his quæ excernuntur, uel retinentur. Sextum ex animi affectibus; & his necesse est aliquo modo affici corpus. His sigillatim enarratis generibus idem Gal. docuit nos quo pacto singula hæc materia quoq; salubrium effici ualeat cit. loc. inquit, omnia igitur iam dicta genera materiæ quædam sunt insalubrium causarum, at usu opportuno adhibito causæ fiunt conseruatrices, atq; salubres, sed ubi à modo deliquerint insalubres redduntur. Quo pacto autem eadem materia modo salubrium, alias insalubrium esse possit cit. loc. ostendit inquit, Vbi motum corpus desiderat exercitatio quidem salubris est, otium autem insalubre: cum uero eget quiete, otium quidem salubre, exercitatio autem insalubris; & ita in singulis alijs generibus contingere dicitur. Singula namque opportuno, dexteroq; usu adhibita salubria fiunt, secus autem insalubria redduntur, & hæc de causis. Et quoniam conseruare ubi conseruandum, & refarcire, vel corrigere ubi corrigendum, & præseruare ubi præseruandum expediet, necesse est ut sanitas ipsa custodiatur, atque seruetur quemadmodum Gal. docet in suo lib. ad Tribulum cap. 19. ubi ad hoc ut conseruemus omnia hæc opera præstanda esse ostendit inquit. At nunc

104 IACOBI TRVNCONII DE
cum diffuat semper, atque dispereat aliquo præsente
obseruatore indiget, qui & quod dissipatur, quan-
tum, qualeq; sit cogniturus est, illicoq; tale ac tantum
vicissim reponens instaurabit. Vbi autem causarum
iam explicatarum materia ad hæc opera præstanda
idonea petenda sit, sequenti capite ostendetur.

*A quatuor generibus conseruantes causas, vt à qua-
tuor fontibus scaturire.*

CAPVT OCTAVVM.



QVATVOR esse genera sub quibus vni-
uersa causarum conseruatricum mate-
ria continetur Gal. ostendit primo de
sanitate tuenda cap. vlt. vbi inquit. Cau-
sis autem super quibus sanitatis custo-
dia perficitur, harum materiam quatuor generibus
Iuniorum probatissimi sunt complexi: Admouēdis,
educendis, faciendis extrinsecus, incidentibus: & lib.
5. cap. 2. inquit. Quadruplex vero materiae genus cū
sit, quæ sumuntur, quæ geruntur, quæ educuntur,
quæ foris admouentur. hoc idem lib. ad Trasl. cap. 4.
& etiam lib. artis med. constitut. cap. 14. Ab his gene-
ribus igitur tanquam à quatuor fontibus vniuersa
salubrium causarum conseruatium materia scaturit,
& idcirco à quatuor fontibus, & scorsum ab vnoquo
que suam idoneam materiam qualem, & quantam,
& quomodo, & quando oportuerit vnusquisq; hau-
rire

ire poterit. His igitur positis vniuersalibus ad particularium exercitationem descendere iam tempestiuum videtur.

*Infans proponitur sub cuius exemplo tuendæ
sanitatis exercitatio fiat.*

CAPVT NONVM.



VANDOQV IDEM in vniuersalibus methodus, in particularibus vero exercitatio consistit, idcirco iam suppositis vniuersalibus, vt ad exercitationem ipsam accingamur, particularis infans seligendus est qui sit tanquam metrum, & exemplar, sic vt ab ea quę sit circa ipsum exercitatio sanitatis custodiendę vnusquisque edoctus, ceteris alijs, & ad proportionem cuiuslibet suam exercitationē (prout expediet) accommodare valeat. Infantem igitur accipiamus, & in primis temperaturam, eiusq; naturam exploremus, & idcirco ad signorum genus recurramus, quorum differentias supra cap. 6. explicauimus. In primis supponamus infantem ipsum à sui ortu iam mentem agere in cuius tenella ætate pauca sunt quę in conspectum se proferre valeāt signa, nihilominus per ea, quę se ostendunt, temperaturam, simulac naturam infantis ipsius (quoad nobis licebit) peruestigare studebimus. Si igitur infans carnosus sit, suiq; corporis laudabilis, & pulchra magnitudo adsit comparanter

paranter ad ceteros, & optima singularum partium conformatio in ipso spectetur, eiusq; color ex albo, rubroq; commistus sit, tangētibuscq; calidior potius, quàm frigidior, molliorq; eius caro sentiatur; ex eiusmodi signis calidam, atque humidam infantis esse tēperaturam, quamvis in caliditate parum, & humiditate magis à mediocritate recedere rationabiliter unusquisque artifex colligere poterit; iuxta Gal. placitum in arte medica cap. 57. Et cum temperamentum totius sequatur hepatis temperamentū, hepar ipsum eodem temperamento præditum non est ambigendum; & si capilli recti & subflaui sint, pluraq; excrementa, eaque mediocriter cocta, & somnum facile conciliet, & in eius facie, & capite pustulæ efflorescāt cum non leui pruritu infestantes. Ex his cerebrum ad calidum moderate, ad humidum vero immoderatus tendere facile coniectari poterit. Num vero temperatura ipsa, simul ac in partium compositione, nec non in partium vnitae æqualitas ea adsit, quæ est uni cuique propria, & conueniēs constitutio ad suas functiones probè obeūdas de qua dictum est antea cap. 6. an potius inæqualitas in aliquo dictorum generum adsit, vel lapsus vnius, vel ambarum qualitatum in tēperatura ipsa, qui lapsus, vel inæqualitas vel correctione, vel præservatione indigeat, id plane ex infantis ipsius actionibus interstinguendum, & dignoscendum erit. Si namque & naturales, & animales, atque etiam vitales, quoad tenellæ eius ætati licet, rectè & absque vitio edantur, profectò æqualitatem adesse in temperatura

ratura ipsa, atque in conformatione, & partium compositione, nec non in ipsarum partium vnitare recte concludi poterit. Et cum in ipsa æqualitate sanitas consistat, iure merito æqualitas ipsa conseruanda erit, Galenus siquidem, & ante ipsum diuinus Hippocrates in suo 3. apho. temperaturam eiusmodi adeo celebravit, vt veris optimam atque laudatissimam temperiem æquari testatus fuerit. Et Galenus adeo temperamentum ipsum celebravit, vt lib. 6. de sanit. tuen. cap. 3. dixerit; ijdem, & sanitate (vbi corpus ad robur peruenit) plus cæteris fruuntur, & cæteris qui parem agunt ætatem valentiores ad extremum vsq; senium sunt. Talem profecto temperamenti simmetriam, pulcherrimamq; corporis structuram Serenissimus Princeps ab eius felicissimo ortu adeptus est, vt spectatur ab omnibus qui Serenissimum Principem inspicunt, quem Deus Opt. Max. per singulas ætates faueat, & cum optima sanitate, omniq; cum felicitate diutissime conseruet.

Quid agendum sit, vt infantis sanitas seruetur.

CAPVT DECIMVM.

QVI propositus est infans, vt ex eius æqualitate in temperatura in compositione, & in partium vnitare, nec non per signa ostenditur, ipsum bene valere, & inculpara sanitate frui profecto dici potest. Præsens eius sanitas igitur conseruationem

seruationē indicat, & hic est principalissimus scopus ad quem omnis nostra intentio dirigi debet. Vt autē principalis hic scopus perficiatur, bini illi scopi attingendi sunt, atque perficiendi à Galeno positi in suo primo de sanitate tuenda cap. 3. vbi inquit. Atque ita geminum iam scopum salubris victus sermo noster exposuit. Alterum eius quod exhaustum est, reficiendi, Alterum excrementa expellendi: Qui enim geminos hos scopos ad vnguem perficere studebit, is optimus sanitatis custos erit, quemmadmodum Galenus expressit cit. nuper loco, vbi post paucis interpositis verbis subdit inquiēs: Si enim in neutro sit erratum, nec quod exhaustum est restituendo, nec excrementis expellendis, & sanitate interim corpus fructur, & vigoris tenorem quam longissime seruabit. Positis igitur binis his scopis, qui à nobis intus congenitis intusq; nos alterantibus oriuntur ex Gal. placito, mox alius additur à sex rebus non naturalibus dictis, quæ necessario corpori nostro occurrunt, emanans, & est curandum esse, vt sex res ipsæ non naturales dictæ, & earum singulæ quales, quantum, & quando, & quomodo oportet pro sanitate seruanda recipiantur. His præfixis scopis, vt iam exercitationem ordiamur ad primum scopum accedamus: scopus primus est reficiendum esse quod est exhaustum, vel quod cōtinuò diffluit, quod autem continuò diffluit substantia est calide innati, videlicet humidum primigenitum spiritu, & calore perfusum. Quod igitur absumptum est, & assiduè absumitur, natua est humiditas vnà cum spiritu

Spiritu quo perfunditur, & hæc ea sunt quæ absumpta & exhausta reficienda esse scopus ostendit. Sed cū sit quod nisi inhibeatur immodicus æstus quo assiduo cor exardesceret incontinua ventillatione, & refrigerio ei opem feratur, & breui tādē tempore hæc ex toto absumerentur, & vnā simul caloris extinctio sequeretur, idcirco reficiendum est quod absumptum ipsius substantiæ, & inhibenda est noua, nimiaq; absumptio per inhibitionem immodici æstus. Quibus autem singula hæc præstetur, id notius est, quā vt à me ostendatur, cum à sagacissima natura id comparatum fuerit, ita vt vnumquodque animal statim in lucem editum mira Dei prouidentia, nullo edocente aerem hauriat, cibumq; , & potum sibi cōuenientem perquirat, & ore sumat; quemadmodum Gal. ostendit 1. de sanit. tuen. cap. 2. inquit. Non enim vesci, bibere, aut respirare à quopiam vsquam discimus, sed statim à principio facultates in nobis habemus quæ hæc omnia citra docentem perficiant. Veruntamen quoniam aer, cibus, & potus inter insalubres causas quæ necessario corpus nostrum alterant à Gal. recenseantur 1. de san. tuen. cap. 5. nec nō lib. de arte med. cap. 85. vbi subdit, quod si opportuno vsu res ædem adhibitæ fuerint, causæ fiunt conseruatrices, sed vbi à modo deliquerint in salubres redduntur, necesse est tū in ciborum, & potuum genere, tū etiam in aeris differentijs ea seligere, quæ tanquam causæ sint conseruatrices, minime vero sanitatem alterantes, vel commutantes cum de sanit. tuen.

tuen. ac conseruanda præcipue tractetur. In primis igitur fontē illū petemus, qui dī amouendorū, vel sumēdorū, & ab eo in primis aerē seligemus, qui sit purus vt Gal. monet cit. lib. cap. 11. optimum siquidem in pulmones trahere omnibus iuxta salubre est Gal. inquit cit. loco, vbi de aere puellis parando loquitur. Respuendus vero aer est, qui ob stagnum, vel vicinū flumen nebulosus fuerit, & qui editis vndique mōtibus in cauo loco clausus, nullum recipit perflatum vt Gal. monet cit. loco. Impurus verò si aer fuerit omni studio, & arte vitari debet. Aere sic selecto, coque inspirato, ac respirato tres præfixos scopos attingemus, primum videlicet reficiendi spiritum ipsum vitalem reasumendo, ac recreando; secundum vero excrementa expellendi cum respirato aere fuliginositates extra expellendo: Aestus quoque cordis, & natiui caloris ipso aere moderabitur, & tandem sic sanitatis ipsius infantis vna ex conseruantibus causa fuerit; & hæc de aere.

Quod substantiæ continuo defluit cibo, & potu infantis reasumendum, vel reficiendum.

C A P V T XI.

CVm aeream, igneamq; substantiam spiritum ipsum videlicet aeris respiratu tueri nobis necessario liceat, quemadmodum Gal. docet 1. de sanit. tu. cap. 2. iam ostenderimus, quicquid modo scioris

REG. NVTR. TRACT. III. III

cioris substantiæ exhaustum fuerit, ac etiam humidioris, vt scopo reficiendi satisfaciamus, sic reficiemus, cibo sicciorē, potu vero humidiorē, vt pariter Gal. edocuit cit. loco. Et quoniam infantis substantia reasumenda est ab eodem fonte admouendorum pro idonea materia cibi, & potus: lac seligemus à matris, vel nutricis vbere sumendum, & quia si velimus seligere lac, oportet necessariò seligere nutricē, idcirco quæ, & qualis sit seligenda nutrix, & qualis lac eius esse debeat, & quo tempore, & quot vicibus lactandus ab ea sit infans, & quo regimine circa infantem ipsum Nutrix vti debeat in sequentibus ostēdetur.

Qualis debeat esse Nutrix, & quas conditiones habere.

C A P V T XII.



NUTRIX seligi debet quæ sit optime conformata, & boni habitus, cuius color sit ad album, rubrumque simul tendens, vel aliquantulum ad fuscum; Aetas eius sit à vigesimo vsque ad trigesimū secundum annum, ipsaq; bis ad minus pepererit, & infantes sanos nutriuerit, & bene coloratos, & eius vltimus partus masculus fuerit, & debito tempore in aluo gestatus, caueatur uerò vbi acerbus, & non suo tempore fuerit eius pregressus partus, & tutius erit, si adhuc

adhuc viuat puer, vt inspicere possit, & ex eius presentia, an nutrix ipsa probe alat attestari possit. Præterea sit ipsa nutrix lato thorace conformata, sintque eius vbera modicæ magnitudinis, mediocresq; sint ipsarum papillæ, quandoquidem parvæ difficile ab infantibus apprehendi possunt, magnas autem infantis os non capit, palatumq; ac linguam occupant, & suctionem, deglutionemque fatigant, vel impediunt. Eius habitudo haud molli carne, sed densa, & solida existat, quò robustior ea sit ad labores circa infantem obeundos aptissima. Caueatur si nimis ruffa sit, lentiginosa & alba. Eius inspiciatur corpus, si adsint pustulæ, vel scabies, vel si dentes ceciderint, vel si in eis adsit caries, uel nigredo, quæ singula ipsam destillationibus pronam ostenderent. Præterea enixe curandum fuerit, vt peruestigetur an ipsa, vel eius vir morbo gallico vnquam passi fuerint, & curandum erit tandem, vt ea sit tam mente quam corpore sana. Cum talis comperta fuerit ad ipsius lactis probationem deueniendum erit. Lac nutricis debet esse aspectu candidum in qualitate, & gustanti, vel olfacienti suaue. Substantia debet esse æquabilis, mediaq; inter liquidam, vel subtilem, & crassam, quod sic experiri licebit. Lactis eius guttulæ vel in speculo, vel in vngue instillantur, & si commoto, vngui hæreat vel persistat, coagulati, & crassioris signum erit: & si commoto unguem diffuat, aquosi lactis signum erit: sed si sensim diffuat, ita vt gutta decidens dum fluit in ima sui parte rotunda seruetur, & non æqualiter dispersa, id opti-

id optimum in sua substantia atque laudabile se ostendit. Dictas lactis conditiones Gal. laudauit 1. de sanit. tu. cap. 9. contrarias vero improbavit.

De regimine infantis à Nutrice seruando.

CAPVT XIII.



I nutritrix infantis ortui præsens extiterit, pro primo ciborum linctu parum mellis modice cocti, & despumati exhibeat, vt clarissimus ille Moschio Græcorum vetustissimus auctor edocuit, inquiens: talem cibum primo esse exhibendum, vt stomachum, & ventrem purgare valeat, & cum nutrire. Sunt qui palatū, & linguam theriaca illiniunt, alij recente oleo amigd. dulcium: At cum tunc temporis ventres multis scateant recrementis, & præcipue fæculento illo, & nigro liquefactæ pici non absimile, quod meconium vocant ex iecore, & sanguine menstruo delatum, expedit priusquam infans lactetur, vt recrementa ipsa euacuentur, alioquin si antea lactaretur, facile sumptum lac ipsis excrementis immisceretur, & facile corrumperetur, & à corrupto lacte vapores in cerebrū delati perniciofa infanti symptomata inferre solent, quemadmodum peritissimus ille Gallorum Ambrosius Pareus in suis scriptis optime animaduertit, in suo inquā de hominis procreatione. Hac de re igitur, vt facilius meconium

H ipsum,

ipsum, & quæ in vtroque ventre superfluunt recre-
 menta euacuentur, linguaq; & fauces detergantur,
 & vt ea dulcedine ad sugendum alliciatur infans, mi-
 hi admodum probatur, quod antequam papilla vber-
 ris ori infantis indatur, obstetrix, vel vt Nutrix mel
 hispanum, vel ex nostro selecto accipiat, & digito lin-
 guam, & palatum infantis illiniat. De tēpore ab eius
 ortu quo sit mel ipsum propinandum, Moschio ille
 determinat, inquit, quòd post omnem commo-
 tionem, & vbi infans quieuerit post octauam videli-
 cet vel decimam horam à sui proxime ortu, & hæc
 de primo alimento infanti propinando, quod & ci-
 bi, & medicamenti vsum præstet. lacte deinceps in-
 fantem nutrix alere incipiat papillam exprimens, &
 guttulas aliquas in eius ore fundat, vt sic sensum in-
 stillatum deglutire incipiat, & ad papillam sugendum
 assuescat. De quantitate alimenti, vel lactis puero
 exhibenda Gal. docet 1. apho com. 15. inquit,
 quòd pueri plurimum habent calidi innati, idcirco
 pluribus indigent, & plura concoquunt. Hippocra-
 tes autem cit. 1. apho. 14. inquit. Qui crescunt plu-
 rimum habent calidi innati, plurimo igitur egent ali-
 mento, alioquin corpus absumitur. Et idem Gal. cit.
 lib. apho. com. 15. de quantitate ipsius alimenti sic
 determinauit inquit, oportet igitur alimenti quan-
 titatem esse eius quod distat quantitati proportio-
 nalem. Cum plurimum igitur sit quod defluit, plu-
 rimum quoque esse debet alimentum, vt deperditio-
 ni par reassumptio existat. De tempore Moschio sic
 inquit

inquit frequenter in die lactandus est infans, modo ex dextera, modo ex sinistra mammilla quoniam semel quod ei sufficiat sumere nō potest, lassatur enim infans diutius lactando. Non igitur determinandus est modus, sed visus fuerit velle oportet eum accipere. Auicennas vero in 3. pri. doct. 1. cap. 2. inquit Bis aut ter in die sugere mammillas debet ei sufficere, & in primis non est multum lactandus. Hæc de quantitate lactis puero exhibendi, mox de tempore in quo infantem lactare conueniat, & in quo opportunum minime sit sequenti capite.

*In quo tempore lactandus sit infans, &
in quo abstinendus.*

C A P V T XIII.



ONET Gal. 1. de sanit. tu. cap. 10. vt neque ante balneum, neque ante frictionem puello cibus exhibeatur, sed cibus balneum sequatur, neque ante lauacrum; igitur neque in ipso lauacro lactetur puer. Cauere quoque debet nutrix, vt infantem minime lactet illico dum expergiscitur à somno, sed prius per vnicam vel duas vices lac è mammis exprimat, & postea lactet si necessitas aliqua vrgeat, sin minus vrgeat, melius erit infantem non alere donec ieiuna post somnum extiterit, vt monet Auicennas 3. 1. doct. 1. cap. 2. Neque etiam infan-

H 2 tem

tem lactet, postquam exercitio aliquo fatigata fuerit, & à calore per exercitium acquisito immunis fuerit. Quando vero primores dentes emiseric, tunc nutrix infantem assuescat ad solidiorem cibum sumendum, vt est Gal. placitum 1. de sanit. tuen. cap. 10. qualis est panis medulla, vel in simplici aqua, & modico sale, vel in iure parux pullæ feruefactæ, tali siquidem solidiori cibo robur, & firmitudo magis indetur, cū namque diutius in ventriculo moretur, fit etiam vt flatus, quos recipit infans in sugendo lac, facilius, & citius à ventriculo, & intestinis propellantur. & sic ubiq; nutrices pro secundo cibo eiusmodi ferculum in pauca tamen quantitate per duas saltem uices singula die ante lactationem exhibere consueuerunt, in prandio uidelicet, & cena, & quantitatem eius cibi augendo prout in dies augetur infans. Nec desunt qui ipsis puellis offam panis exhibēt in aqua, & melle maceratam, vt etiam autor est Auicennas, & alij cū lacte maceratam, & alij cum uino ualde diluto, alij panem à nutrice commansum, quæ singula respuenda mihi uidentur præter panē illū in aqua, uel iure feruefactū: Vinum quoque, quippe cum halitu caput infantem repleat, ex quo ualde improbatur à Gal. cit. 1. de sanit. tu. cap. 11. Præterea à pane illo commanso à nutrice abstinendum uidetur, quandoquidem dum nutrices à suis mensibus non repurgantur, eisq; sæpe tum à capite; tum etiam à uentriculo ad os earum confluat excrementitia humiditas improbandum uidetur quòd cibus ille excrementosa illa humiditate

ditate imbibitus infanti pro nutrimento exhibeatur. Improbandum quoque esse uidetur panis in lacte macerati usus, cum uel muliebri, uel aliud emunctum ualde sit alterabile ab ambiente aere ut Gal. asserit lib. 5. aph. com. 64. & ob id Gal. lib. 10. de simp. med. facul. inquit quod lacte calido ab ubere uti debemus. Et cum eiuscemodi ætates redundantiæ, fluxionumq; morbis, atque putredinis teteri soleant ut Gal. asserit lib. 6. de sanit. tu. cap. 3. ex quibus putredinibus lumbrici sæpius in eorum intestinis progignuntur, & alui fluxus, ob id ab alterato lacte pueros abstinendos esse putarem. Panis uero in aqua, & melle macerati, si puer annum iam agat non displiceret usus, ijs præsertim quibus aluus dura extiterit, & sua sponte non egerat. Et si potum aliquem exhibere uelint nutrices, tutius aquam simpliciter decoctam, uel pulli stillatitium ipsa aqua linphatum exhiberem, potius quam uinum, & sic usque dum caninos dentes emisit. Per quot menses uero lactandus sit puer, plurimi usque in decimum octauum mensem, aliqui etiam usque in biennium, ut Aui-cen. cit. supra loco; & hæc de cibo, & potu infanti exhibendo, prout ex scopo ostenditur ad reficiendum.



De regimine quod Nutrici debetur.

CAPVT XV.



NUTRIX non modo ad ea quæ dicta sunt, atque dicentur circa infantem ipsum administranda vigilatissima esse debet, sed etiam cauere debet nè circa res ipsas non naturales dictas in sua victus ratione vlllo pacto delinquat, sed ea obseruet, ita vt ex tertio posito scopo ostenditur: sic namque Gal. monet 1. de sanit. tu. cap. 9. inquit. De nutrice ipsa non minimã habendã esse curam, quid edat, quid bibat, quo pacto in sôno venere, exercitatione, se habeat: vt videlicet lac eius sit tẽperatũ, quale certẽ erit si sanguis optimus erit, nascitur autem eiusmodi sanguis ab exercitatione moderata, & cibis tũm boni succi, tũm iusto tempore, modoq; sumptis. Præterea potione tempestiua, moderateq; sumpta; hæc Galenus. A fonte eodem igitur admouendorum; uel sumendorum pro ipsa nutrice seligantur cibi qui sint boni succi, & eleganter alant, vt est caro pullo- rum, paruorum columborum, turturum, phasianorum, & cæterarum auicularum montanarum ex laudabilioribus: Inter quadrupedes, vt veruecis, lactantium vitulorum, hedinar, & cæterarũ eiusmodi, quas potius elixas, quam assas comedere debet vnã cum ferculis ex ipsarum carnum iuribus, in quibus iusculis vel

lis vel borrago, vel acetosa, vel lactuca incoqui poterunt, prout continuus vsus exposcet. Poterunt quoque in ipsis iusculis fercula parari, vt cum amigdalīs, ordeo, orizza, si præsertim infantis nimium aluus flueret. Paruarum auicularum carnes affatæ conceduntur, ac etiam quandoque cæterorum animalium dictorum carnes, si tunc temporis infantis nimium flueret aluus, vt est dictum, poterunt quoque tunc temporis cum succo aranciorum malorum punicorum, agresta carnes ipsæ condiri. A puluisculis aromaticis abstinere debet nutrix, ne infantis caliditas augeatur, & humiditas sui temperamenti imminuatur. Abstineat à carne auium in aquis degentium, si præsertim infans humidam aluum habuerit. contētur nutrix in qualibet mensa vnus tantum animalis carne, & de ipsa moderate comedat, nec varia cibaria perquirat. In die autem in qua non comeduntur carnes, comedat oua tremula recentia, & cum ijs, & pane, vel farina, & limonum succo ferculum parari poterit. Vti quoque poterit iure cicerū rubeorum, vel alborum, vel ex orizza, amigdalīs, & saccaro, nec non saxatilibus pisciculis, vti quoque poterit pro condimento dictorum vbi conueniat & per se, ipso butiro recenti. Inter obsonia vero pira cocta conceduntur, amigdalæ, passulæ, caricæ, vua pensilis, & à cæteris abstineat. Potus vinum sit subrubrum pauciferum, & odorum, sit in quantitate moderata, & aqua purissima limphatum: magnopere caueat ab immoderato eius vsu, ne infantis temperamentum

perfringatur nimium calefaciendo, & ne caput petendo destillationes, & epileptica symptomata excitet. A vino autem abstinebit vbi gingiuæ prurigine tentabuntur, & eas dentes perforabunt, & eo tempore vel aqua cum cinamomo cocta, uel limphata, uel stillatio pulli pro suo potu uti debebit. De uicibus sumendi cibum obseruet eius consuetudinem, sed parcius sumat. Et cum in mane surrexerit è cubile antequam infantem ipsum lactet aliquid cibi assumat, neque ieiuna infantem lactabit, nisi aliqua urgeat necessitas, & hæc de primo & 3. scopo perficiendis cibo, & potu satis.

Faciendorum Fons Secundus.

*Somni & vigilia moderatus, & congruus vsus
ab ipso fonte seligendus.*

C A P V T XVI.



OMNVS, & vigilia cum ex conseruā-
tibus sint causæ ab hoc fonte utrumq;
decenter, & pro opportuno tempore
seligendum fuerit. Cum namque is sit
laborum omnium cessatio, corporis-
que, & animi requies, naturaliumq; functionum ro-
bur, & coëctricis præcipue facultatis, idcirco pro sa-
nitate infantis conseruanda utrumque (ut decet) se-
ligendum erit. Nutrix igitur curet, ut infantem dor-
mire

mire sinat in nocte omni hora præter tempus illud,
 quo lac sumere debet. In die uero consuetis suis horis
 dormire sinatur, neque excitari permittatur. Et si
 forte contingat quòd horis suis còsuetis dormire nò
 ualeat, papilla uberis ori indatur, & uocis modula-
 tione, & cantu ei somnus concilietur, & si nihilomi-
 nus somnus non concilietur, sed indefinenter ploret,
 nutrix ipsum in suis ulnis accipiat, & ambulando, le-
 uiterq; hinc inde se & infantē còmouēdo sònum còci-
 liare curabit. Quod si adhuc uigiliae instantia perse-
 ueret, & fletus cum inquietudine, tunc nutrix nò de-
 sistat ultro perquirere quid sit quod infantem ita di-
 scrutiet, & ad ignem accedendo, ipsum quamprimū
 à fascijs absoluat, & interim peruestigare non sinat,
 an nimius æstus, uel refrigeratio ipsum infestet: an
 arctius fuerit fascijs circūdatus, uel si pes, uel brachia,
 & manus, uel pars alia pressa nimium fuerit, uel di-
 storta, an petiæ, & lintheamina quibus inuolutus erat,
 uel à profusa urina nimium madefactæ, uel ab alui
 fæcibus sordidæ extiterint, & tandem sublato quod
 offendebat, uel præbito quod expetebat, ut Gal. do-
 cet 1. de sanit. tu. cap. 8. molestiam auferre tentabit.
 His peractis lauacro deinceps infantem abluat, & à
 sordibus mundet si opus fuerit, & mundis petijs in-
 uoluat prout suo loco docebitur. Et si forte contin-
 gat quod singulis peractis ut puer quiescat, & nihilo-
 minus puer inquietus, & cum ploratu persistat, tunc
 qui præfuerit peritus aduocetur, qui non amplius ex-
 ternam causam, sed internam peruestigare conabi-
 tur, &

tur, & adinuenta causa conuenienti præsidio quam-
primum, & expedite succurrat, & hæc de somno. Vi-
gilia autem sit ante prædium per duas, vel tres horas,
& post meridiem similiter, & in cæteris temporibus
consuetudo seruetur, & hæc de vigilia.

Pro Nutrice.

NUTRIX in nocte dormiat, sed caueat ne som-
no adeo se profundat, vt pueri querelas audire
non valeat: idcirco somnolentiam nimiam vitet, &
si quid puello expediret, administra sit vigilatissima,
& ei opem ferre ex repente vsu valeat. In mane etiam
dormiat, si in nocte vigilasse nimium contigerit. Vi-
gilet autem in meridie, & ab assumpto cibo, & hæc de
somno, & vigilia nutricis.

Faciendorum fons tertius.

De motu vel exercitio, & quiete ab hoc fonte seligendis.

CAPVT XVII.



MOTVS duo genera Gal. constituit pri-
mo de sanitate tuenda cap. 8. quippe
aut à nobis ipsis, aut ab alio mouemur.
Qui ab altero præstatur motus nauigā-
do, equitando, vehendo, atque in cu-
nis, lectulis pendentibus, & nutricis vlnis obitur.

Recen-

Recente nati puelli primis motibus profecto inepti sunt, & inualidi: sed alijs tribus modis excogitata est dimotio, videlicet in cunis, in pendentibus lectulis, & in nutricis vlnis. Nutrix igitur à posito fonte his tribus modis sumptis ad exercitium infantem debitis horis seruatis, & tempore mouere debet, exercitando siquidem, vt inquit Gal. 2. de sanitate tuenda cap. 9. infiri caloris augmentum animalibus excitati exercitiũ, necnon alimenti coctionem, distributionemq; & superuacaneorum omnium expulsionem iuuat, & præfixo secundo scopo sic satisfacere videtur, & ad primum quoque perficiendum magnopere confert. Cũ igitur infans iam decimum mensem attigerit, tũc nutrix vt magistra, ad exercitij genus quod à se ipso fit, infantẽ exercere incipiet, eius brachia dextere apprehendendo ad incessum per solẽum pedes, & crura mouere docebit, quãdoque etiam curriculo, & sic donec plenẽ edoctus pedibus suis, & ex se tuto progredi valeat. Immature verò cogendus non erit, neque immoderate, ne ipsius artus distorqueantur. Cum vero ad biennium accesserit, & suis pedibus, ac etiam accommodatis curriculis, & alijs vehiculis exerceri tũc poterit. Quantitas exercitij moderata sit, ne fatigetur, vel lassetur pueri tenellum corpus. Hora autem exercitij conuenienter est ante prædium, & quoniam lac in mane sumptum non amplius in vētriculo morabitur, & similiter post meridiem vbi à somno excitatus fuerit, & vbi ieiunus ventriculus putabitur. Ieiunus vero maxime tunc fuerit, cum infans longum
satis

124 IACOBI TRVNCONII DE
fatis somnum conciliauerit: quod quidem à nutrice
seruari debet, vt Gal. monet cit. lib. cap. 10. & hæc de
corporis exercitio, mox de animi motibus quales es-
se debeant expendamus.

De animi motibus vel affectibus.

C A P V T X V I I I .



V B eodem faciendorum fonte conti-
nentur tùm corporis, tùm animi mo-
tus, & idcirco Gal. citat. lib. cap. 8. docet
tùm corporis, tùm animi exercitijs pue-
rorum calorem seruari debere. At cum
infantes loquellæ adhuc expertes, non secus dolores
suos exprimere valeant, quàm ploratu, iracundia, &
inordinato eorum motu, & è conuerso quiete, & risu
hilariq; gesticulatione salubres eorum affectus osten-
dant, idcirco vigilantissima debet esse nutrix in per-
uestigando quemcūque animi affectum ipsius infan-
tis, quandoquidem si ipsis plorantibus, & iratis non
succurratur, infans biliosus redditur, & febres accen-
duntur, vt Gal. monet cit. loco. Quo pacto autem
infantium animi affectus explorandi sint, & quo pa-
cto subueniendum supra ostendimus cap. 16. vbi de
somno conciliando, & de instantia vigiliarum lo-
quuti fuimus: si vero puer taciturnus nimium extite-
rit, & ad motum tùm capitis, tùm cæterarum corpo-
ris partium, & ad gesticulandū piger, & segnis se ostē-
dat,

dat, quod quidem temperamento propositi nobis in
fanti non congruit, eiusmodi naturæ puerorum à
Gal. improbantur cit. loco cum ipsæ pituitosæ, frigi-
dæq; se ostendât, quas subinde habitudines iecino-
ris, & viscerum obstructions, comitiales morbi, à
poplexiæ, destillationum, fluxionumq; morbi ple-
rumque excipiunt. Idcirco nutricis modulamine,
& cantilenis, & letabundo aliquo sono, & corporis
exercitio simul est infantis animus, eiusq; appetito-
ria pars ad moderatos sui motus excitandus, & prole-
ctandus; & nutrix quandoque infanti eâ offerat, qui-
bus oblectari videbitur: quandoque etiam alter puer
natu maior coram ipso, vel pila, vel alio modo collu-
ctando, vel gesticulando, vel saltando puelli animum
alliciat, vt ad motum, vel exercitium tum animi, tum
corporis sic disponatur, & natura eius sic sensim cor-
rigatur. Infanti vero nobis proposito moderatus sit
motus, eiusq; congruus vsus existat, vt supra dictum
fuit, & hæc de animi motibus.

De quiete infantis.



VIES cum vna sit ex conseruantibus
causis, ab eodem fonte accipienda est,
quæ moderata esse debet, immoderata
siquidem non parum molesta esse de-
bet Gal. inquit citat. sup. loco, vt dixi-
mus de infantium segnitie. Calorem namque incr-
tem, spiritus segnes, & actionum ignauiam immode-
rata

rata quies reddit. Quies igitur moderata sit, In nocte adsit, & ab assumpto cibo, vitetur autem in singulis horis, in quibus (vt supra ostenditur) exercitari debet.

Pro Nutrice.



QVANTVM conferat exercitium nutrici infantem lactanti Gal. ostendit primo de sanitate tuenda cap. 9. in quibus, quòd ex moderato exercitio optimus fit sanguis, & ex opt. sanguine lac fit ægregie temperatum. Vt nutrix exercitio vtatur imperant Authores ferè omnes inter quos est Paulus Aegineta lib. 3. cap. 13. Celijs autem Aurelianus, & præcipuè vt à comitali morbo præseruetur puer: Halli abb: Similiter iubet nutrici exercitium temperatũ, si igitur hiems fuerit, vel aeris inclementia, tunc per ædes nutricem se exercere expediet, & præsertim brachia, & superiores partes, quò sanguinis in lac còuerendi maior fiat attractio, vt in suis vlnis infantem gestando, & eius linteamina, & fascias abluendo, & cetera opera obeundo, quæ circa infantem ipsum, & pro eius regimine requiruntur. In cæteris uerò temporibus, ut uere, æstate, & autumnò, poterit extra ædes, & per uiridaria mane, & sero ante cibum mediocri exercitio uti, & aeris amenitate frui. Otium atque desidiam maxime uitet, ut quæ insalubres causæ sint, & ad lac frigidum pituitosum, & crassum progignendum apta,

aptæ, quod maxime propositi nobis infantis temperamento aduersaretur. Quies igitur sit in nocte, & in meridie ab assumpto cibo donec fuerit coctus, ac distributum sit alimentum: circa motus animi, singulos animi affectus cuitabit, qui ei molestiam afferre valeant, & hilaris viuat, vt suis cantilenis puello letitiam parare valeat.

Fons educendorum.

Quæ euacuari debent, & quando, & quæ subsistere.

C A P V T XIX.



B ea qua ducimur necessitate ad alendum corpus cibo, & potu vt illud, quod substantiæ continuo defluit reasumantur, ab hac rursus alia oritur necessitas, & est excrementa progignendi, quæ ex ipsorum ciborum coctione resultant, & ex hac rursus alia videlicet, vt ad ipsorum excrementorum euacuationem necessariò compellamur. Iure merito igitur diuinus ille Hippocrates breuissimo verborum contextu, id peruulgauit iniquens. Medicina est adiectio; atque sublatio. Necessitates dictas luculèter Gal. ostendit primo de sanitate tuenda cap. 1. 2. & 3. Vt igitur secundo posito scopo satisfaciamus, à posito educendorum fonte trahemus ablationem corū quæ superfluunt

superfluunt excrementa, quandoquidem ab admo-
uendorum fonte iam cibum, & potum seligerimus,
quæ adiectioni seruiant, vt primus positus scopus cõ-
pleretur pro infantis sanitate conseruanda. Ea quæ
expellenda sunt excremēta infantibus præcipue sunt
vrinæ, alui fæces, narium mucus singulo mane; &
quando opus fuerit oculos, aures, nares, & os diligen-
ter detergat, & si vrinæ, & alui fæces sua sponte reddā-
tur, nutrix ad hoc diligentissima, & accuratrix maxi-
me sit, vt infantem ab ipsis excrementis mundet, &
abluat, & fasciæ, & linteamina quibus inuoluitur, mū-
da continuo teneantur. Verum si aluus sua sponte
non egerat qualia, & quantum, & consueto eius tem-
pore, curet nutrix, vt consueta fiat euacuatio per al-
uum, & ad hoc adiuuandum, in principio sui prædij,
vel cenę accipiat prunas damascenas in iure veruccis,
vel pulli incoctas, & saccaro conditas, & illico dum
eas comederit iusculi illius parum superbibat. Infan-
ti vero singulo mane antequam lactetur parum mel-
lis modice cocti exhibeatur, & sic donec sua sponte
venter eat. Poterit etiam infantis vmbilicus tauri-
no felle illiniri. Et si hæc non sufficiant, balano vt
poterit, vel celardone ex melle, & lacte, saleq; con-
fecto. Interdum accipiat pinna gallinæ, intingatur
in oleo, butiro, & sale, melleq; simul mixtis, & sum-
mitate pinnae illius molliori parumper complicata
immittatur in ano infantis, hæc siquidem infantibus
præcipue nati minoribus aluum facillime ciere solēt;
& si nihilominus per dicta præsidia non ciatur aluus,
enemate

enemate aliquo leuiori vti poterit, vt sic.

Rec. Brodij pulli, vel veruecis unc. tres, vel quatuor prout maior, vel minor sit natu;

Mellis rosacæi unc. s.

Butiri recentis dr. vj. vel unc. j.

Oui lutei dimidium.

Salis parum: m. infundatur ante lactationem, vel postea per tres horas; & hæc de euacuatione eorum, quæ retinenda non sunt. At si euacuarent ea quæ subsistere debent, vt per aluum alimentum crudum, & adhuc non coctum, vt in lienterijs contingit ob infantium, & puerorum voracitatem, sic subueniatur. In primis præcipiatur nutrici, vt ipsa cibis coctu facilioribus vtatur, & qui sint boni succi, suaque fercula pipere condire poterit, & in potu sit moderata: abstineat tunc temporis præcipue à pastaminibus, à frictuminibus, & à pomaceis fructibus, & singulis alijs crudum succum proginentibus. Caueat quoque ne à multa, vel crebra lactatione infantis ventriculum, vel grauet, atque fatiget, sed parcius illum alat, & per moderatas vices, & interualla vtatur ipsa vino rubro subadstringentia aliqua prædito, modo non sit acerbum, sed maturitate, & odore non careat, & sit pro consuetudine limphatum. Infantis verò stomachus hoc linimento illinatur.

Rec. olei nardini }
Olei masticini } an. unc. s.

Pulueris gariofillorum gran. vj.

Ceræ & vini stiptici parum; misce fiat vnctio mol-

I lis

lis cum qua vngatur ventriculus mane, & sero donec opus fuerit: vel sic.

Rec. olei de absintio

Olei de spico an. unc. s.

Spet. aromatici rosati gr. x.

Masticis gr. vj.

Ceræ quod satis est, fiat illinitio vt supra, & si cum lienteria adesset ventris dolor, & flatus.

Rec. olei rutacei

Olei masticini an. unc. s.

Pulueris aromatici rosati gran. v.

Pulueris cymini, vel anisorum gran. vj.

Ceræ & vini maluatici parum, vel aquæ vitis, misce & fiat vnctio mollis, cum qua illinatur vt supra. Poterit quoque si opus fuerit, & quod præscripta non sufficienter prosint vti hoc epithemate, vel fotu.

Rec. spet. aromatici rosati dr. ij.

Pulueris diacymini

Pulueris anisorum

Pulueris baccarum lauri an. dr. j. s.

Efferueât simul in vino rubro absque aqua, quantum suff. & si grandiusculus puer fuerit pro vino rubro accipiat vini maluatici tantūde cum tertia parte aquæ mentæ, uel absintij, & cum molli spongia linea petia inuoluta fiat fomentatio toto ventri ante lactationem, vel alium cibum. At si alui effluxus alterius speciei esset, quoniam curationem, non amplius conseruationem, vel præseruationem, vel correctionem exposceret, ne operis intentum transcenderemus,

mus,

REG. NVTR. TRACT. III. 131
mus, eius fluxus curatio suo loco, & in alia sequen-
ti parte tradetur.

Fons eorum quæ extrinsecus occurrunt.

Aer ambiens qualis seligendus.

C A P V T XX.



V M corpora nostra in ambiente aere
duplici ratione versari necessariò con-
tingat, quia videlicet corpori nostro
vndique circumfunditur, & nos am-
bit, ac etiam quia per anhelitum ab
ipsis corporibus velimus nolimus ducitur, quem-
admodum Gal. ostendit in suo lib. ad Tract. cap.
18. Idcirco licet à fonte admouendorum, vel sumen-
dorum à nobis receptus fuerit aer, qui sit purus pro
cordis, & caloris refrigerio, ac pro ipsum repurgan-
do, exhaustumque spiritum recreando, vt suo loco
patet, præstat modo aerem rursus seligere vltra id
quod purus sit, eas habere qualitates, tum actiuas,
tum passiuas, quæ pro conseruanda propositi nobis
infantis sanitate conueniant. Deberet igitur tempe-
ramento infantis calido, & humido, aeris tempera-
mentum simile esse, & non modo in qualitatibus,
sed etiam in ipsarum pari gradu, alioquin si excede-
ret, non conseruaret, sed augeret, & si deficeret ratio-
nem contrarij haberet, & sic potius alteraret, quam
I 2 conser-

conseruaret; oporteret igitur, vt aeris temperamen-
tum temperamēto infantis absimile in qualitatibus,
& earum gradu non existat; vt per eundem Gal. patet
lib. 3. meth. cap. 3. nec non lib. 11. cap. 3. & primo de
sanitate tuenda cap. 7. vbi eos redarguit, qui putabāt
calidas frigidis, & humidis siccis naturas esse seruan-
das; inquit eos ignorare praecepta Hippocratis su-
per 1. apho. apho. 16. vbi inquit. victus humidus &c.
Præterea in lib. art. med. cap. 86. voluit calidiora cor-
pora calidiorem victus rationem exposcere, & sic de
ceteris combinationibus. At cum secus sentire vi-
deatur primo de sanitate tuenda cap. 11. vbi sic in-
quit. In quibus verò aliqua exuperans qualitas do-
minatur, ijs vtilissimus aer est, qui ei qualitati maxi-
me est aduersus, frigidus calido, & calidus frigido, &
sic de ceteris. Hoc idem ipsemet Gal. attestatur eodē
primo de sanitate tuenda cap. 6. inquit; quippe in-
temperies quæ intra sanitatis sunt terminos corrige-
re oportebit, ita ut quæ iusto sicciores natura sunt,
humidiores reddas, & quæ humidiores sunt, siccio-
res, & quæ seq. Hoc idem expressit sup. 3. aph. com.
2. inquit cum Hippocrate. Ad æstatem itaque
frigide, & humidæ naturæ optime afficiuntur, ad hie-
mem vero calidæ, & siccæ, sicuti & male afficiuntur
æstate calidæ, & siccæ & quæ seq. Clarius adhuc idem
expressit in comento subsequenti vbi sic inquit, &
vt simpliciter dixerim, contrarij quidem ad cōtraria
bene, similes autem ad similia male; quæ singula
Gal. asserta sibi ipsis profectò contraria cum uidean-
tur,

tur, non leuem afferunt difficultatem, vt citatis locis legitur. Nihilominus ad eiusmodi ambiguitatem tollendam sic dicerem, Galenus in opere de sanitate tuenda triplici uia, vel modo conseruandi utitur, vno videlicet modo, qui dicitur conseruatio, altero qui dicitur refarcitio, vel reasumptio, alio nec nō qui dicitur correctio. Conseruationem, & refarcitionem per similia fieri in arte ipsa docetur, correctionē vero per contraria: conseruatione namque à simili utitur, quoniam vult qualis ea fuerit æqualitas intra sanitatis limites talem conseruare. Refarcitione uero substantiæ quæ continuò defluit, correctione uero cum æqualitas ipsa labatur, & ad egritudinem uersus tendat, & sic ut ad sui naturalem constitutionem redeat, uel ut ad melius commutetur, nam ij sunt scopi, qui à Galeno intenduntur in sanitate tuenda, quod ipse in suo 8. meth. ca. 9. apertissime expressit inquit. Quippe duplex nobis in ijs qui sani sunt finis proponitur, nempe uel corpus sanum in pristina eius temperie tueri, uel etiam hanc meliorem reddere. Præterea conseruationem, quæ fit à simili, & eam, quæ fit à contrario ambas edocuit lib. 6. de sanitate tuenda cap. 3. Idemmet Gal. inquit: quapropter si eorum, qui natura humidiores, calidioresq; sunt mutare temperamentum ad frigidiores, siccioresq; speciem libet, contrariam his uictus rationem exhibeas oportet, sin id custodire placet similiter. His igitur suppositis neminem profecto mirari licet quod quādo Gal. temperamentum, vel æqualitatem conseruare

I 3 docet,

134 IACOBI TRVNCONII DE
docet, talem, qualis est à simili conseruare edocue-
rit, cum unumquodque à simili tale quale est conser-
uetur. Et quoniam idem Gal. uult corrigere æquali-
tatis lapsum, uel temperantiam aliquam in una, uel
ambabus qualitatibus exsuperatam, lapsum eius per
contraria corrigendum, uel eadem ad melius permu-
tandam suo adhibito contrario edocuerit, ut ex cita-
tis locis id quod dicitur clarissime constat. Præterea
neque pariter mirari licet si Gal. super 3. aph. comen-
to 2. dixerit, atque firmiter asseuerauerit, quod frigi-
dæ, humidæq; naturæ ad æstatem optime afficiuntur,
ad hiemem uerò calidæ & siccæ, quemadmodum
& è conuerso male afficiuntur calidæ, & siccæ ad æsta-
tem, & frigidæ & humidæ ad hiemem. nam ibi cum
loquatur de intemperatis naturis in utraque qualita-
te temperamenti excedētib; ut legitur in ipso com.
nemini mirum uideri debet si Gal. dixerit intempera-
tas eiusmodi naturas ad æstatem optime affici, & suo
contrario iuuari, meliusq; ipsarum exuperante frigi-
ditate, nec non humiditate contemperata; sicuti pa-
riter quisque minime mirari debet, si idem Gal. in eo-
dem com. dixerit intemperatas naturas ad hiemem
suo contrario refrigerari, atque humectari, & idcirco
melius affici earum exuperante caliditate, atque sicci-
tate contemperata, pariterq; si dixerit intemperatas
ipsas naturas suo contrario iuuari, & bene se habere,
ad similia uerò deteritis, & male se habere. Et si unus-
quisq; hoc fatebitur, qua de causâ id quod apud om-
nes homines in confesso est, cū præsertim ad sensum
pateat

pateat ipsi quoque Gal. fateri non licuit, fortasse ob id quod sibimet repugnantia dixerit? hoc profecto non est temere dicendum, quãdoquidem nullibi locorum aliter Galenum sentijſſe legitur, si namque in opere de sanitate tuẽda dixerit, intemperatas eas naturas, quæ intra sanitatis limites continentur, probeq; suas edunt actiones à suo simili conseruãdas esse: quamuis de his loquutum fuisse, quæ non multũ à mediocritate recedunt dici posset, & nõ de illis, quæ magis in temperamento exuperantes habent qualitates, nihilominus responderetur, quod Gal. ipse docet modum conseruandi unumquodque temperamentum, & per similia conseruari debere, cum ad hoc ut conseruet, oporteat esse simile, alioquin si dissimile esset alteraret, & commutaret, minime uero conseruaret, & non propter hoc negauit unquam illud idẽ temperamentum ad melius commutari posse à suo contrario, immo idemmet Galenus quomodo idem temperamentum sit à simili seruandum, si ipsum cõseruare libeat, & quomodo per suum contrarium ad melius commutari ualeat illud idem temperamentũ, si quis illud cõmutare studeat expresse docet cit. lib. 6. de sanitate tuenda cap. 3. inquit; Quapropter si eorum, qui natura humidiores, calidioresq; sunt mutare temperamẽtum ad frigidiores, siccioremq; speciem libet, contrariam his uictus rationem exhibeas oportet, sin id custodire placet, similem. Præterea illud idem in lib. artis med. cap. 86. Idem quoque cit. sup. 1. aph. com. 16. ex Hip. placito. Idem quoque lib.

6. de sanitate tuenda cap. 2. commutationem uero ad melius temperamentum per sua cōtraria edocuit lib. 5. de sanitate tuenda cap. 2. inquit, quòd si in aliquo sit erratum corrigendus est error: corrigendi omnis erroris communis scopus esto contrarij excessus vsurpatio, cit. autem lib. cap. x. inquit. Quinetiam intemperies ipsas quæcūque adhuc intra sanitatis fines subsistunt, si corrigere studebis, contraria quodammodo victus ratione curabis. In sexto uero de sanitate tuenda cap. 3. inquit. In eo autem qui est in calido, frigidove ad intemperantiam lapsu contraria dare semper expedit, cum efficacissime eiusmodi intemperies sint, quippe cum facile similibus nutrimentis in morbosam intemperantiam abeant. In primo autem de sanitate tuenda cap. 6. Gal. ita inquit, 'quippe intemperies quæ intra sanitatis sunt terminos corrigere oportebit ita, ut quæ iusto naturæ sicciores sunt, humidiores reddas, quæ humidiores sunt sicciores: pari modo quæ frigidiores sunt, ut harum excessum castiges; quæ calidiores earum superantiam ad moderatius reuoces. Hæc, qua salubris victus ratione fiant, procedente sermone docebimus: hæc Gal. His igitur suo sensu examinatis dicendum est, quod cum Gal. utrumque scopum sanitatis tuendæ in docendo ostendere voluerit, primum videlicet sanitatis eius, quæ nō imaginaria, sed quæ sensu aduertere possit exacta, summaq; dicitur. Sui custodiam per similia docendo quæ madmodum, & eius quæ puerorum est, quam optimam censuit vnà cum Hip. lib. 3. aph. apho. & com.

18. & primo de sanitate tuenda cap. 7. secundum vero seruauit singularum intemperantiarū, quę ab exacta illa nimium recedunt, & nihilominus in ampla latitudine continentur, correctionem per contraria docēdo, vt ipsemet Gal. annuit in suo primo de sanitate tuenda cap. 6. vbi inquit. Nos interim ad eas quę in aperto sunt reuertimur: quarum cum duplicem statuamus substantiam, vnā de qua plane queri non sit, alteram de qua queri liceat; de qua modo verba fecimus, suum vtrique scopum reddamus: nempe ei quam inculpatam diximus, exactam, absolutamq; plane, quod vtrique sensu aduertere possit custodiam. alteri de qua conquerere nō exactam: quippe intemperies quę intra sanitatis sunt terminos corrigere oportebit, ita vt quę iusto sicciores naturę sunt, humidiores reddas: quę humidiores sunt sicciores: pari modo quę frigidiores sunt, vt harum excessum castiges; quę calidiores, earum superantiam ad moderatius reuoces. Per similia igitur optimas naturas, & quę ad ipsas magis proxime accedunt, Per contraria autem intemperatas, & quę ab optimis recedunt incitatis locis, & alijs Gal. seruandas esse docet; vt etiam patet super 3. aph. cit. 2. & 3. com. vbi naturas, & etates ad contraria tempora, loca, & victus genera melius se habere, deterius autem ad similia ex Hip. sententia expresse attestauerit. Idem quoque primo de sanitate tuenda cap. 11. expressit, inquit. Sed corporibus, quę optimo temperamento sunt, etiā optime temperatus aer est saluberrimus. In quibus vero aliqua

aliqua exuperans qualitas dominatur, ijs vtilissimus aer est, qui ei qualitati maxime est aduersus, & quæ sequuntur. Præterea intemperatas eas naturas, quæ non multum ab optima recedunt, per vtrumque solum seruandas docet ad libitum curantis, ut expresse patet lib. 6. de sanitate tuenda cap. 3. vbi sic inquit. Vtique si seruare temperamētum studes humidis naturis humectante cibo maxime quadrante, siccis vero, eo qui siccet, sin alterare placet contrarijs, & paulo infra inquit. Quapropter si eorum qui natura humidiores, calidioresq; sunt, mutare temp. ad frigidiorē, sicciorēq; speciem libet, cōtrariam his victus rationem exhibeas oportet, sin id custodire placet similem. nulla igitur in Gal. verbis contradictio reperitur, & idcirco contradictionis crimine temere accusandus à nemine fuerit. At si quis fortasse rursus aduersus eundem Gal. obijciat, quòd diuersimode custodiendæ sanitatis artem edocuerit, propriumq; artis eius genus transcederit, simul ac contraria præsidiorum genera vsurpāda esse doceat pro sanitate custodienda, vt qui modo similia, modo contraria celebraverit. Quamuis id supra ex dictis magna ex parte constare valeat, nihilominus ad diluendam objectionem, nōnullas rationes cum eodem Galeno adducam, quæ ipsum plenè excusatum ostendent. Inquit enim primo de sanitate tuenda cap. 5. Postea nāque quum editum in lucem animal est, perpetuo mutari eius temperamentum est necesse; quare si in temperamenti qualitate sanitas constituitur, qualitas autem

tem

tem ipsa non permanet eadem, nec ipsam sanitatem eandem seruare est possibile. In suo autem ad Trasib. cap. 19. hoc idem innuendo inquit. Cum vero aliquā tulum moderationem transierit, continuo quod deficit priusquam latius malum serpat refarciat, & paulo infra subdit. Verum si ex toto integrum, illesumq; corpus duraret tale. quale ab initio creator fabricatum reliquit, nequaquam correctore eguisset. At nunc cum diffuat semper, atque dispereat, aliquo presente obseruatore indiget, qui, & quod dissipatur, quantum, qualeq; sit cogniturus est, illicoq; tale, ac tantum vicissim reponens instaurabit, & quæ seq. & lib. 5. de sanit. tu. cap. 2. inquit. Quod si in aliquo sit erratum corrigendum, porro omnis corrigendi erroris communis scopus esto contrarij excessus vsurpatio. Et tādē in arte medica cap. 86. sic inquit. Nam tale causarum genus naturales corrigit intemperantias. Alterum vero de quo supra diximus temperaturam conseruat. Est autem vtriusque vicissim apud medicos necessarius vsus. Nam cum plurimum suppetit ocij corrigere oportet, ac sensum ad meliora transferre, & sic de correctiuæ partis necessitate iam satis constat. Vnde digressi fuimus mox est redeundum. Conseruandum est infantis calidum, atque humidū temperamentum non modo ratione ætatis, sed ab eius ortu in singulis suis particulis tale adeptum, & primo de actiua ipsa qualitate videlicet caliditate, quo pacto conseruanda sit expendamus. Conseruationem fiendam esse iam satis ex arte constat, quā-

quidem

quidem si dissimile fuerit in qualitatibus non conseruabit, sed commutabit alterando eum, si excedat, intemperantiam augebit, & ab optimo temperamento magis ipsa recedet; si verò aer ipse remissiores habuerit qualitates, rationem potius contrarij, & refrigerantis obtinebit comparanter ad temperamentum infantis, & sic non seruabit, sed commutabit vel in minus calidam, ac pariter minus humidam, vel in calidiorem, atque humidiorum. At cum perdifficile sit non errare cuilibet qui exquisitè similia adinuenire putauerit, quandoquidem ipsemet Gal. 1. de sanit. tu. cap. 11. de pueris loquens inquit. Nec ipsos super quam par est humidos, calidosque fieri, quoniam eò iam caloris humorisq; peruenerunt, ut si paululum vtramque qualitatem auxeris, iam modum excefferint. At cum excessus omnis sit fugiendus Gal. inquit cit. loco, maxime hunc fugere expedit, ex quo non corpore modo, verum etiam animo damnum accedit. Præterea cum lapsus ipsi in primis, actiuisque qualitatibus præcipue contingere soleant, ut puta in calida intemperie, quippe cum efficacissimæ sint qualitates atque potentes, ut facile similibus nutrimentis in morbosam intemperatiam abeant eodem Gal. authore lib. 6. de sanit. tu. cap. 3. Hac de re igitur ab Hip. & Gal. non recedens, sed suis autoritatibus addictus pro cōseruando infantis temperamento calido videlicet, & humido, & non multum in vtraque qualitate excedente ab ipso fonte attemperatum aerem seligerem: quandoquidem Hip.

& cum

& cum eo Gal. 3. aphorismorum aphorismo & com. 18. nec non Gal. lib. 6. de sanit. tuen. Puerorum naturam optimam statuerunt, & Hip. in 1. aphorismorum, & cum eo Galenus aphorismo, & com. 16. puerorum naturam inter inculpatas habuere, & per similia ipsorum temperaturas conseruari debere asseuerarunt, nec non idem Gal. 1. de sanit. tuen. cap. 7. illud idem asseuerauit. At cum idem Gal. 1. de sanit. tu. cap. 11. monuerit, quod corporibus, quæ optimo temp. sunt etiam optime temperatus aer est saluberrimus; idcirco pro infantis sanitate seruanda attemperatus aer iure merito est seligendus, naturis siquidem bene temperatis optimum tempus tunc est, quando optimam habent temperiem Gal. inquit cit. loco aph. 3. com. 18. Et 1. de sanit. tuen. cap. 8. recte profecto inquebat, qui curam infantis educandi suscipiet hunc plane vt acrem mediocritatis cõuenientisq; coniectorem esse oportere; quandoquidem difficillimum cum sit in arte temperamentorum ad vnguem gradus peruestigare, vt supra cap. 6. de signorum genere ostenditur; tutius procul dubio fuerit ad mediocritatem, & optimum temperamentum accedere pro conseruanda sanitate, quam modo quolibet excedere in caliditate, vel frigiditate, & ad excessum tendere: excedendo siquidem deterius temperamentum euadet, & ad morbosam intemperantiam propius accedet. Declinando autem versus mediocritatem ipsam tutius fuerit, & ad melius permutatio. Euitandæ autem sunt aeris intemperantiæ, & præci-

• pue

IACOBI TRVNCONII DE
pue cum in frigore, vel calore, vel in humido sint
excedētes, nam cum futuras latas habeant pueri ipso-
rum cerebro non leue detrimentum aeris inclemen-
tia sepæ intulit, & hæc de aeris seligenda temperi-

Idem Fons.

*Quale sit lauacrum pro infante seligendum,
& de eius commodo tempore.*

C A P V T XXI.



B eodem fonte lauacrum hauriendum
erit, sed quoniam varia sunt, quæ pa-
rari solent, quale sit à nobis seligendū
disquiramus. Antiquiores laudant la-
uacra ipsa cum aqua falsa, & vino si-
mul permixtis. Hodie vero utimur aqua dulci, &
præcipue in æstibus, cæteris verò tēporibus aliquid
generosi vini albi admiscant, quod lauacrum valde à
me comprobatur, tūm quia partibus ipsis robur ali-
quod inditur, tūm etiam quia ab humido illo excre-
mētio partibus inherēte obnoxij minus persistunt,
cum exsiccationis alicuius non sit expers. De abluē-
di vicibus, dicimus toties abluendum esse infantem,
quoties eius inuolucra, & linteamina cum infante
simul sordida ob eductas alui fæces, & vrinas extite-
rint. Post lauacrum ipsum noua, mundaque linte-
mina, & fasciæ, decenter tepefacta, quibus lauacri hu-
miditas

miditas probe exsiccare valeat, quā humiditate exsic-
cata, & sic prope ignem loto, & subinde lactato in-
fante alio mundo linteamine, vel petia (vt dicunt)
decenter calefacta inuoluatur, & munda quoque
fascia omni cum dexteritate extensis membris cum
cautela, & non arcte nimis circumdetur. De tempo-
re quo fieri commodè lauacrum valeat utique ven-
tre uacuo, & cum ventriculi alimentum, vel distribu-
tum, vel saltem coctionem susceperit: tunc vero cō-
gruum id tempus censi poterit, cum longum con-
ciliauerit somnum, à quo excitatus, non fuerit denuo
lactatus ante lauacrum. A frequenti nimis lauacro
abstinendum fuerit, necessitate aliqua non urgente,
frequens namque lauacrum, vt Moschio ille græco-
rum vetustissimus monet, infantium corpus flaccidū
reddit. Pro nutrice verò, cum sub eodem aere dege-
re debeat eo ipso fruatur. Lauacris vero ea tantum
vti debet, vt munda seruetur, & si caput pro eius cō-
suetudine abluere velit, diligenter curet tepescenti-
bus, vel calentibus lineis pannis caput ipsum probe
exsiccare, & omni ingenio caueat, vt in ablutione
ipsa destillatio aliqua non promoueatnr, vt postea si-
bi, & infanti detrimentum afferatur. Et hæc de infan-
tiū in sanitate conseruanda dicta sufficiant.

Finis Tertiæ Partis.



IACOBI



145
IACOBI TRVNCONII
MEDICI AC PHILOSOPHI.

*De curandis morbis quibus Pueri apprehendi
solent dum lactantur ex Hippocrate.*

Tractatus Quartus.

CAPVT PRIMVM.



SOLENT infantes, & pueri vt Hippocrates monet in suo 3. apho. 24. & 25. plurimis morbis varijsq; symptomatibus tē tari, quos affectus idem Hip. cit. locis recensens inquit, vt oris ulcera, quæ *αφρου* græce dicuntur, vomitus, tusses, vigiliæ, pauores, vmbilici inflammationes, aurium humiditates, ab his ante dentitionem corripuntur. Et cum iam dentire incipiunt gingiuarum prurigines, febres, cōuulsiones, alui profluvia, & præsertim dum caninos dentes edunt, quibus singulis curationem tradere post tractatum de ipsorum puerorum seruanda sanitate operæ prætium esse duxi. de aphtis igitur, siue alcula sequenti cap. pertractabimus.

K De

CAPVT SECVDVM.



P THAE, vel alcola vlcuscula sunt in summa oris parte infantibus efflorescentia, quarum binas Gal^l tradit causas, vna videlicet mollities illarum partium ob quam neque tactum, neque lactis serosam partem substinere valent. cū namque deterfioriā facultatem cum serosa illa partē obtineat, nō est mirū quod ipsa deterfione crebro illæ partes tentatæ vlcerentur, vt optime animaduertit Gal. in citatis locis. Sunt igitur causæ partium mollities, & nimia ipsarum deterfio. Alia quoque addenda dictis uidetur causa, & est sucti iam lactis portio aliqua in ore infantis detenta, linguæ, & palato, vel circa fauces inherens, & à uaporibus tū à ventriculo ascendentibus, tū etiam à respirato calidiori aere adeo alteratur, atque corrumpitur, vt acredinem acquirat, qua acredine partes illæ putredini valde obnoxie facile exulcerantur; si antequam malum serpat partes ipsæ non detergantur, atque abluantur. Nutrix igitur dextera sit, & prouida, ut si senserit infantem in suggendo lac fatigare adeo vt ploret, & papillam respuat, & tunc diligenter oris partes internas inspiciat, & si viderit dictarum partium aliquam iam dealbatam, ibiq; veluti lac concretum pertinaciter inhe-

inhe-

inherere, tunc sciat quod vlcuscula iam suboriri, & efflorescere incipiunt, & illico ad præseruandum separet, & ad curandum si opus fuerit. In primis; & quam primum partes illæ albescentes sic illinantur.

Rec. mellis leuiter despumati dr. ij.

Diamoronis unc. s.

Aquæ plantaginis

Aquæ acetosæ an. unc. ij.

Misce cum molli, & munda petia linea digito nutricis obuoluta, & ipso linimento illita partes illæ liniantur, & leuiter detergantur. & si forte in radicibus linguæ, & circa gurgulionem vlcuscula ipsa suboriri ceperint, hoc linimento vberis papilla intingatur, & in ore ad suggendum indatur. vel fiat sic.

Rec. cotonis finissimi, & cum ipso fiat penicillus qui intingatur in ipso linimento, & cum ipso pars quæ affecta fuerit abluatur, vel detergatur. Proderit quoque diamoron cum aqua ordeï in primis accipere, & cum ipso vlcuscula illinire, & subinde penicillo detergere: sed vt curentur quæ exulceratæ sunt partes, & præseruentur, quæ adhuc vlcera non fuerint.

Nutrix singulo mane antequam infantem lactet ipsi coclearis dimidium misturæ huius exhibeat;

Rec. mellis leniter despumati, & modice cocti

Aquæ Borræ an. coclear j.

Misce exhibeatur infanti ante lactationem per aliquot spatium coclearis dimidium singulo mane, & sic per duos dies tantum. Debet nutrix tunc tem-

K 2 poris

poris abstinere ab omnibus acribus, & falsis edulijs, & vinum sumat modice limphatum, & in modica quantitate. Caueat quoque, ne post exercitium, vel alium laborem, ac etiam vbi expergiscitur à somno infantem ipsū lactet, ni prius per duas vices lac ipsū è mammis emunserit. & hæc de Aphis.

De Vomitu Infantis curando.

CAPVT TERTIVM.



VOMITVS est expultricis facultatis deprauatus motus ad ea quæ in capacitate ventris contenta ipsum contristant, quam citissime per stomachum vacuanda Gal. inquit 3. de simp. cau. cap. 2. Causa autem est multitudo ingurgitati lactis, vel alterius cibi cum eo vt Gal. voluit 3. aphorismorū com. 24. Curandum igitur ne ventriculus lactis copia grauetur, debet igitur nutrix longioribus interuallis infantem ipsum alere, atque curet simul, vt moderate magis lac ipsum sugat, & ne auide nimium ingurgitet. Nutrix ipsa quoque in suo cibo, & potu moderate se gerat, & interim poterit infantis ventriculum roborare si singulo mane, & etiam sero si oportuerit hoc linimento illiniat, ut non lassetur, sed eius facultates roborentur.

Rec. olei de absintio

Olei melini an.dr. iij.

Gario-

Gariofillorum gr. ij.

Ceræ parum; misce fiat vnguentum molle, cum quo ventriculus liniatur mane, seroq; si vsus exposcet.

De tussi curanda.

CAPVT QVARTVM.



TVSSIS vt Gal. est autor in suo 2. de simp. cau. cap. 4. vehementissima est quædam efflatio, quo plurimus, celerimusque foras actus spiritus attrahat, propellatque suo impetu quæ vias suas obstruunt. uix autem, & instrumenta, quæ ab ipsa obstruente materia tentantur sunt fauces, aspera arteria pulmones, interioraque thoracis. In pueris verò causa eiusmodi tussis statuitur defluxus humiditatis in ipsorum capite scatentis, & ad partes ipsas illabentis. Ad est quoque genus aliud tussis à qua solent infantes infestari, & est à vermibus contingens, quoties vel ventris os, vel gulam morfu irritant, quemadmodum non nulli attestarunt ut Gal. asserit in 6. de morbis vulg. com. 2. com. 17. quorum opinioni subscripsisset, si re vera ita accidere compertum sibi foret, vt legitur cit. loco. At cum ego id cōpertum habeam, & oculata fide testari valeam, hanc aliam causam afferre mihi libuit, à qua non rarò infantes infestari solent, & sicut prima quæ ob defluxum à capite

K 3 oritur,

oritur, numquam humiditatis copiae est expers, hæc alia tussicula sicca est, & ab ea nulla ferè propellitur humiditas. Aliæ præter dictas ab authoribus tussis species afferuntur, sed quia illæ nunquam fere infantes tentare solent, idcirco eas omittere decreui. Ad curam igitur eius quæ ex defluxu contigit modo accedamus. Quandoquidem indicationes curandi à natura curandarum rerum desumi debet. Curanda est tussis, hæc autem cum opus naturæ sit, sed ab his quæ naturam cogunt, & idcirco inter symptomata quæ præter naturam sunt adnumeratur, ut per Gal. patet lib. 2. de simpt. caus. cap. 3. & 4. quod opus infantes ipsi nemine docente, sed ex repente usu suapte natura perficiunt, qua de re cum sagacissima natura magna solertia hunc motum, qui tussis dicitur adinuenerit, ut Gal. cit. locis asserit, ad cordis tutelâ, & instrumentorum eius himnis idcirco extollendam esse antiquiores peruulgarunt Tussis hæc sedari indicat, per remotionem excrementi obstruentis asperam arteriam, & cæteros pulmonis ductus, vel secus dictas partes afficientis tanquam eius proxima causa, causa hæc autem cum sit excrementum ad eas partes iam illapsum, indicat inhiberi antecedentem causam videlicet fluentium destillationem, quæ causam ipsam fouet. Destillatio hæc autem ut sedetur, euacuandam esse redundantiam indicat à fonte à quo effluit, uel ad ipsum fontem retrahendam, uel ab eo deriuandam. Fons ipse autem cum à cerebro redundantiam ipsam scaturiat, redundantia hæc autem magna ex

gna ex parte fiat per uaporum frigidorum, atque humidorum à uentriculo, & toto corpore ad ipsum affluxu, & ex parte etiam ob intemperiem per affluxum ipsum in cerebro acquisitam, idcirco ut fons exsicce-
 tur, & eius redundantia tollatur, & ut cerebri temperamentum ad pristinum redeat, affluxum prius inhiberi recta methodo indicaretur tanquam vltimum per resolutiuam methodum inuentum. At cum tussis in infantibus periculo non uacet, quippe cum ab eius causa respiratio impediatur, ex quo impedimento suffocationis periculum non leue imminere soleat, impeditur sonus, & exagitatione ipsa comitiales morbos excitari contingat, & plurimos ab affectu ipso enecari, idcirco ratione urgentis legitima curatione ad illegitimam uersa, proximam causam. quamprimum respiciendo primus qui prefigitur scopus est educendum esse, quod asperam arteriam, & pulmones occupat excrementum. Cateri uero qui ex suis indicationibus eliciuntur, & interim perficiendi scopi sunt inhibendos esse uapores, & eorundem affluxum; euacuandam esse cerebri redundantiam, uel alio auerrendam, uel deriuandam, cerebrum roborandum. Vt primo scopo igitur satisfaciamus, & quamprimum naturæ auxilium afferamus ad ea educenda, quæ spirandi partes occupant, hæc perscribuntur præsidia, & ut à facilioribus, leuioribusque incoamus.

Recipe olei amigd. dul. recenter, & absque igne
 ext. unc. j.

K 4 Olei

Olei amigd. amar. sic extracti dr. ij.

Mellis despumati, & vt hac dulcedine alliciatur, uel Zaccari candi coclearis dimidium, cum hac mixtura papilla vberis liniatur, & ori indatur, vt cum lacte fugat. vel sic.

Rec. pul. didragachantis.

Spet. l hoc sani, & experti an. dr. j. s.

Mellis despumati, & modice cocti unc. j. s.

Misce, & de hac mistura si annum iam attigerit sepius parum exhibeatur, vel si minor fuerit nutricis papilla aliquādo illinatur. vel sic si ad secundum annum iam accedat.

Rec. sy. de Isopo.

Sy. capillorum veneris an. unc. s.

Aquæ capillorum veneris vnc. s.

Misce exhibeatur infanti coclear j. pro vice ante alium cibum bis in die. Nutrix præterea si solidiori cibo, vt panis est in aqua, vel iure feruefactus assuetus fuerit, cum ipso ferculo oleum amig. dulcium aliquatulum immisceat, pectusque infantis cum eodem oleo inungat, vel hoc alio linimento, vt.

Rec. olei amigd. amararum unc. j.

Axungia anatis, vel galinacæ dr. ij.

Ceræ parum, & fiat vnctio mollis cum qua vngatur pectus infantis mane, & sero. Præstabit quoque si axungia galinacea pedum plantas prope ignem, antequam puer fascijs obuoluatur, inungat mane & sero. Interim dum hæc fiunt, alius quoque scopus est respiciendus, & vt vaporum affluxus in cerebrum
inhibea-

inhibeatur, tūm circa infantem, tūm etiam circa nutricem nō leuis cura adhibenda erit. Curet igitur nutrix, vt infans moderate alatur, & caueat, omninoq; vitet infantis nimiam satietatem, & nimiam lactis ingurgitationem, & optimo lacte alatur. Vt tale existat, nutrix ipsa in cibo, & potu se gerat, quemadmodum suo loco diximus, sed parcius alatur. Constat sua fercula ex amigdalīs, orizza, farina ordeī cū iure carniū, & condiri poterunt, melle, butiro recenti, passulis, oleo amigd. nec non vti poterit caricis pinguioribus, pineis, appijs malis coctis & Zaccaro conditis. Ab erbaceis omnibus edullijs, & leguminibus, & ab obsonijs omnibus abstineat. In prandio tantum potus sit vinum album, nō crudum, neque acerbum, & eius vnico cyatho decenter limphato contentetur, In sero autem à vino abstineat, & vtatur pectorali decocto, vel pulli stillaticio cū modico melle, vel cum penidijs leuiter dulcorato, uel aliquibus guttulis destillati cinamomi, si dulcedinē respuere velit lumbricorum causa super additis ipsi potui. Infantis stomachus hoc linimento inungatur.

Rec. olei de spico dr. vj.

Gariofilorum gra. iij.

Ceræ parum fiat vnguētum molle cum quo vngatur stomachus pueruli singulo mane. Curet præterea, vt ex consuetudine infantis aluus eat, sin minus ad propriū caput recurratur in præcedente parte cap. 19. & hæc de 2. scopo. Vt tertium scopum attingamus, euacuandum est à cerebro quod redundat excremen-

crementum . Euacuationum genera cum quædam sint, quæ insensibiliter, quædam vero sensibiliter euacuent. Quæ insensibiliter euaciât arte parata præsidia in infantili ætate locum profecto non habent, vti sunt frictiones, ligaturæ, cucurbitulæ, ut quæ in tenella ætate non tollerentur. Interea uerò quæ sensibiliter euacuant medicamenta, ea quæ à toto ciunt, & uniuersalem euacuationem moliuntur in tenella ipsa ætate similiter non feruntur, ut quæ satis habent unde euacuentur. Verum cum ceteræ euacuationes, quæ à parte aliqua fiunt, uel reuulsionis gratia, uel deriuationis commode præstari ualeât, idcirco à suo fonte præsidium quod à capite excrementi redundantia euacuet, uel à thoracis partibus eam fluentem reuellendo, uel à uiciniori ab ipso cerebro deriuando tuto seligendum erit. Si igitur in infantis capite, ut singulis contingit lactuminis pustulæ, uel crustula lactea efflorescant, ut simul, & semel, & unico præsidio tùm retrahamus quod ad asperam arteriam effluit, tùm etiam ab ipso cerebro deriuemus, præstabit nouas pustulas excitare, ut materia illa in cerebro redundans ad cutim, & per ipsas pustulas deriuetur, & quod deorsum ferebatur, ad ipsas uitales partes per deriuationem ipsam sursum trahatur, & sensim euacuetur. Excitabuntur uero pustulæ, si nutrix in uertice capitis, uel in occipitio quotidie lactis nonnullas guttulas exprimat, & manu sua post aspersum. Lac occipitium versus trahat, ut quæ factæ essent reuiuiscant, & saniem fundant, & ubi non effloruere, denuo

denuo excitentur, & ad saniosam illam materiam fundendam singula die leuiter proritentur. Quod si pustulæ, uel lactea crusta non appareat, & mundum sit caput, tunc si tussis molesta nimium esset, occipitium ad primam uertebam cādenti ferro inurerem, & emissarium efficerem per quod quæ continetur in cerebro redundantia deriuarem, & sic sensibilibiter continuo euacuarem, & si infans subaere Florentiæ degeret, eiusmodi præsidium nō prætermitterem, quādoquidem in hac urbe etiam qui sani sunt ad præseruationem fere omnes in occipitio inuruntur, cū, quibus sic occipitium inustum non fuerit conuulsionibus crebro, & epileptico symptomate plurimos correptos fuisse, compertum fuerit. Præstabit quoque, ut nutrix sit diligens in curando, quòd si mucus ad nares infantis labatur, nares ipsas leuiter detergat, & si forte sordes in earum foraminibus exsiccatæ forent, amigdalino oleo liniat, & meatus ipsos repurget, ut muccum ex ipsis naribus repurgare omni ingenio, & dexteritate possit, quemadmodum etiam ex ore si apparebit humiditas linguam infantis digito intincto melle deterget, & hæc de 3. scopo euacuandi. Quartus & ultimus scopus sic perficitur ut.

Rec. maioranæ.

Attriplicis, Bettonicæ,

Seminum peoniæ,

Macis. Fiat puluisculus ex singulis: misce, & leuis fiat aspersio super commissurā infantis. Et hæc de tussifatis.

De

De instantia vigiliarum pueris contingente.

CAPVT QVINTVM.




I Puer vigiliarum instantiam patiatur, cum somni abundantia maxime ijs secundum naturam insit, vt in singulis patet, & Gal. etiam asserit 3. apho. com. 24. idcirco à vigilantissima nutrice diligenter perquirendum erit, ob quam causam somnus conciliari nō possit, & citra eius consuetudinem somnum nō conciliet. Vt igitur causa peruestigetur. Nutrix eius ita diligenter segerat, & ea diligentia, & ope vtatur, vt somnum puello conciliare valeat, vt in præcedenti parte conseruandi cap. 16. docetur. Verum si adhibita in id perquirendo diligentia, & ope ab ipsa nutrice, nihilominus infans in ipsa vigilia discrucari, & flere non desistat, tunc medicus accersitus, quæ sit passio ob quam puer vigiliarum instantiam sic patitur, diligenter explorabit. Gal. siquidem cit. nuper loco ob aliquam passionem id contingere attestatur. Et si fortasse ob gingiuarum pruriginem, ob ipsam dentitionem, vel ob ventris dolorem, vel à flatibus, vel à lumbricis contingentem, vel ob febrem eiusmodi passionem contingere comperitum fuerit ad propria capita recurrendum erit, ibi namque dictarum passionum conuenientia præsidia adinuenire vnusquisque valebit. Nam breuitatis gratia, &

tia, & ne superfluous in eadem repetēdo videar, quod
semel præscriptum est, sufficiat.

De paoribus in somno pueris contingentibus.

CAPVT SEXTVM.



CCIDVNT pueris pauores, & terri-
bilis somnus, quando concurrat ven-
triculi imbecillitas, & lactis ingurgita-
tio plurima. Facultas coctrix igitur
se ipsa imbecillior reddita, plurimum
ipsum alimentum cum euincere, & concoquere, &
in benignum vertere non valeat, fit vt corrumpatur,
quo corrupto vetriculi morsus oritur, & sui oris præ-
sertim ex cuius consensu ad cerebrum impertito, ter-
ribiles per somnum fiunt imaginationes, & hoc non
modo puerulis, sed & adultis contingere solet. sin-
gula hæc Gal. asseueravit cit. 3. apho. com. 24. Quam
primum igitur, vt ad prædictionem veniamus, est
malo succurrendum priusquam augeatur, quando-
quidem comitiales morbum minatur. In curatione
autem quoniam eiusmodi affectus per consensum
oritur, inhibēdi sunt vapores qui à ventriculo suble-
uantur, & sursum petentes cerebro consensum affe-
runt, & imaginatiuam eius facultatem eorum prauit-
ate effundentes, varijs, & expauescentibus imagi-
nationibus intricant. Vt inhibeantur prauī eiusmodi
vapores, & consensus tollatur ventriculo propria
affe-

affectione laboranti, & totius mali causæ prospiciendum erit. Prouidebitur autem si quod in eo corruptum est, & inutile excrementum reperitur, euacuetur, & simul prouideatur, vt infans nimium non ingurgitet, & ventriculi facultates sic degrauet, sed parcius ab ipsa eius nutrice alatur. ipsaq; nutrix parcius sit in suo cibo, & potu, & cibis boni succi utatur. & pipere sua fercula condiantur, vt alias præscriptum fuit; porro ventriculus eius roboretur, atque cōtemperetur. Parciori cibo à nutrice prouidebitur. euacuationi vero prouideatur partim naturæ cōmittendo, partim naturam ipsam adiuuando, sic;

Rec. mellis despumati, & optime cocti coclear vnum, vel dimidium prout minor natus, vel maior fuerit, exhibeatur in mane antequam lactetur, vel per tres horas post assumptum lac ad minus, & sic sequatur prout opus fuerit, & si aluus sponte sua non egerat, ex melle & sale balanum paretur, vel ad præsidia suo loco adscripta recurratur. Interim ventriculus sic roboretur, vt 3. & ultimus scopus cum cæteris compleatur:

Rec. olei de absinthio

Olei de spico an. dr. iij.

Gariofillorum gran. iij.

Ceræ parum, misce & fiat vnctio mollis, vngatur infantis ventriculus, & eius ostiolum præsertim mane, & sero antequam nouum alimentum ei exhibeatur. Et cum infantes in concoctione ob validum caloris robur, planè cæteras ætates longe præstent Gal.
asse-

afferente i. de sanit. tu. cap. 5. sperandum est, quòd prohibita infanti nimia lactis ingurgitatione, & si parcius alatur coctrix ipsa nō amplius grauata suum robur cito adipiscetur; & dum melius concoquet non amplius fiet sumpti alimenti corruptio, & sic vaporum sublatio cessabit, & tandem in puero quietus somnus cōciliabitur, facile namque vnumquodque ad suam propriamq; naturam redit.

Vmbilici inflammati curatio.

CAPVT VII.



SI infantis vmbilicus inflammetur, in primis diebus solo lacte ab vbere, tunc emuncto supra vmbilicum vtendum erit, & rosarum rubearum puluere paulisper locus inspergatur, sin minus inflammatio sedetur, oleo rosaceo omphacino vngi poterit, vel sic.

Rec. olei rosacei omphacini.

Olei amigd. dul. an. unc. s.

Cerussæ ablutæ in aqua rosarum dr. s.

Oui luteum vna cum albumine agitati dimidium.

Misce fiat linimentum cum petijs lineis molli-
bus, atque in hoc linimento intinctis vmbilico
applicentur, neque eas exsiccare permittatur, vel
sic.

Rec. vnguenti rosati unc. j.

Optime

Optime agitetur in mortario plumbeo, & cum eo
liniatur viniblicus.

De aurium humiditate in infantibus curanda.

CAP V T. VIII.



V A M V I S nonnulli autores inter mor-
bos, qui proprie pueros exercere so-
lent aurium dolorem recenseant, ni-
hilominus vt Hip. placitum sectemur,
aurium humiditatem absque dolore
concomitante ex ipsius contextu cit. 3. apho. 24. re-
cipiamus. Dolor autem subsequi posset, si humidi-
tas fortasse retineretur, at cum humiditas ea effluat,
& non retineatur quemadmodum Gal. in com. in-
quit per omnia foramina excernuntur, & vt in praxi
quoque saepius adnotauimus, & quæ excernuntur
humidia sint excrementa putandum non absque
ratione est, quòd nullum dolorem, vel saltem leuem
afferat infantibus molestiam, modò excernatur, &
intus humiditas ea minime retineatur: sed dubium
oritur, an humiditas ipsa ab ipsius cerebri excretrice
à cerebro propellatur, an potius humiditas ipsa non
regulata ab ipsis facultatibus, proprio grauium mo-
tu ad aures labatur. In primis supponamus cum Gal.
causam affectus istius superfluam non modo totius
corporis, sed & magis cerebri propriam humidita-
tem esse, vt patet in com. cit. loco. Quod igitur à
natura

natura ipsa, & excretrici eius opus sit Gal. asserere videtur, cum dicit. Quare nō absque ratione in puerulis, cum superfluitates abundant, per omnia foramina excernuntur; hæc Gal. Per illud verbum excernuntur denotatur, quod ab excernente facultate superfluitates illæ excernuntur. Ea siquidem quæ suapte natura, & motu grauium mouentur, per hæc verba potius exprimi debebat videlicet labuntur, decidunt, ruunt, viam capiunt, & cætera verba, quæ idem exprimunt. Præterea quod eiusmodi ad aures humiditatis motus sit ab ipsa natura, & eius excretrice facultate non autem grauium excrementorum proprio motu ostenditur ex hoc quod inferius, & ad decliuorem locum versus centrum laberentur ipsæ humiditates videlicet ad colatorium, & ad nares tanquam ad patentiores, decliuioresq; vias; non autem ad latera, & ad nares. Neque obstare videntur Gal. verba in cit. loco vbi inquit, A natura autem aliena est expurgatio per aures, quādoquidem ipsemet Gal. pluribus in locis secus sentire videatur, vt 1. de sanit. tu. cap. 13. vbi inquit. Cerebrū plurimis, maximisque canalibus expurgatur, primum per aures vtrasque 2. per nares & palatum 3. per caluæ commissuras. Idem quoque asseueravit lib. 2. ad Glauc. inquit, cerebrum autem, atque eius membranas per palatum, & gargarionem, & nares, & aures. Idem quoque lib. 2. de locis aff. cap. 9. vbi inquit; cerebri vero redundantia per nares præcipue, nonnunquam vero per palatum, & aures uacuatur. Si igitur excrementum à

L cerebro

cerebro per aures euacuatur, per propriū suū excerniculum profecto excernitur, vt ex dictis autoritatibus constat, & quoniam eiusmodi excrementitia humiditas in cerebro superabundat, vt in cit. 3. apho. legitur, idcirco sui euacuationem exposcens talis euacuatur, qualis euacuari debet. Et quoniam excernitur ab excernente facultate, vt ostenditur, & non per semetipsum labitur, videtur vtiq; quod excretio dictæ humiditatis ad aures secundum naturam sit, & idcirco adiuuanda potius, quàm reprimenda esset, vel alio pacto curanda. Ex aduerso autem, cum diuinus ille senex eiusmodi aurium humiditates inter passionēs, vel morbos dinumerauerit, dicendum iure merito est, non secundum naturam, sed præter naturam esse. Ad ambiguitatem vero Gal. verba sic cōcilianda videntur. Vera quidem sunt Gal. verba super 3. apho. quod videlicet aliena sit, quæ sit per aures humiditatis expurgatio. Et vera pariter sunt Gal. verba ex aduerso citata, quod videlicet aures excerniculum sint inter cætera per quod cerebrum expurgatur, sed non ab humiditate illa, & mucro, vel pituita, siquidem hæc per nares, & palatum tantummodo secundum naturam, & sensibilibiter euacuatur. Per aures vero sordes illa biliosa tantum, quæ cerea dicitur vt doctissimus Matthæus de gradu attestatur super 9. ad Almanforem in cap. proprio in sua commentatione inquit. Primum quod cerulea humiditas, quæ cerea hic appellatur naturaliter reperitur in vacuitate auris, quia superfluitas colerica, quæ decidit ex digestionē

stione cerebri, uel partium ei vicinarum, & transmittitur illuc tanquam ad emunctorium. Vetustissimus quoque Aræteus perpulchre, & eleganter, distincteque hoc idem asseueravit, inquit enim sic. In omnibus item partibus humorum est creatio, ac separatio, sed aliorum alia singulis autem propria, ut puta in carne sudor, in oculis lachryma, in articulis, & naribus mucosus, in auribus cypselis græce dicta; latine aurium marmorata, seu cerumina nominant; hæc clarissimus Cappadocius. Tandem igitur concludendum est eiusmodi humiditatis ad aures affluxum, facultatis opus esse, sed non rite obitum, naturæque inclinationem non idoneam, & hæc de ambiguitate satis. Ad prædictionem modo redeamus, ut deinceps curatio explicetur. si humiditas ea intus non retineatur, ita ut ratione membranarum auditorij nerui inflammatio, febres, & dolor contingant, sed extra euacuetur, haud difficilis erit curatio; at difficilis sane foret, & periculo quam maximo non uacaret, si intus excrementum retineretur, & sensibiles ualde eas partes occuparet, & febris, dolorque subsequantur, ut Hip. asseueravit in suo 3. prognosticorum textu 13. nec non magnus ille Celsus, & clarissimus Alexander Trallianus. Ad curam igitur infantis festinandum sic erit. In curatione quæ iam fluxa est ad aures humiditas per eas euacuari indicat, quæ autem adhuc non fluxit ad nares, vel ad palatum deriuari: licet, tutius ad nares, quàm ad palatum fieret, quandoquidem pueruli ad expuendum sint expertes. Deinceps, ne

L 2 ulterius,

164 IACOBI TRVNCONII DE
vltcrius, denuoque redundantia progignatur, uni-
uerso corpore nec non uentriculo mandantibus, ce-
rebroq; recipienti, & ex se ipso etiam progignenti
recta methodo est prouidendum. Toto corpore, &
uentriculo pariter prouidebitur, si nutricis tū ratio-
ne sui, quemadmodum & circa infantem uictus ra-
tio ad paulo sicciorem tendat, ipsaq; nutrix se parcius
alat, & infantis nimiam uitet satietatem, curabit
quoque, vt infans solidiori cibo paulatim assuescat.
Cibus ipse panis sit in simplici aqua cum modico sa-
le, vel in iure feruefactus, sitq; à iusculo commode
expressus, & bis in die exhibeatur, antequam lacte-
tur, vt in hora prandij, aut cenæ, ut se assuescat. Nu-
trix similiter à nimio iusculorum, atque uini potatio-
nis vñ inquantū poterit se abstineat, donec infantis
superabundans humiditas, tū in toto corpore, tū
etiam in cerebro corrigatur. Vinum namque hau-
stum humectat nimium, & caput halitu replet Gal.
inquit 1. de sanit. tu. cap. 11. Et si infanti ipsi uenter
non eat sua sponte, & ex consuetudine, uel balano,
uel leui enenate ciatur, prout in alio trac. de sanitatis
conseruatione suo loco traditur. Interim cum in ce-
rebro temperamenti ad humidius lapsum corrigere
non ualemus, ni prius quam genita est iam, & in eo
redundat humiditas tollatur, hæc autem tolli non
possit in hac tenella ætate, nisi per deriuationem,
idcirco pro deriuando ab ipso cerebro infantis caput
in primis inspiciatur, si in eo pustulæ, uel crusta la-
ctea, ut singulis contingit efflorescat, & si in eis sa-
niola

niosa humiditas subsistat singula die cum dexteritate euacuentur, & si siccescant, aliquibus lactis guttulis superasperfis ab ipsa nutrice, & manu parumper eas fricando sic reuifescant, & latius excitabuntur & per eas à cerebro continua fiet deriuatio. Et si non absint pustulæ in capite, in occipitio vesicatorium sic applicabitur, & pustulæ excitabuntur.

Rec. pulueris cantaridum dr. s.

Fermenti mollioris dr. iiij.

Aceti acerrime q. s. misce fiat pasta, & emplastre-
tur in alupta ad magnitudinem monetæ, quæ Iulius
dicitur, & occipitio ad primam vertebra[m] applice-
tur, ibiq; maneat donec vesficetur locus, & illico au-
feratur, & prius oleo tepenti, vel vino foueatur em-
plastrum, ne infans in eo auferendo dolorem sentiat,
& facilius auellatur. Curet quoque nutrix, vt narium
foramina sæpe comprimantur, & detergantur, & si
exsiccatæ sint in eo sordes liniantur oleo amigdarũ
dulcium & curetur vt ipsa foramina, & meatus aper-
ti, & emolliti teneantur, vt ad ipsa excrementum de-
riuetur. Vt vero quæ iam ad nares fluxa est humidi-
tas euacuetur, atque exsiccetur, & aurium intempe-
ries per eiusmodi affluxum acquisita cõtemperetur,
in primis præsidium ab Auicenna lib. primo fen. 3.
doc. prima cap. 3. vsurpari poterit, quod in casu pro-
prio sic vitur.

Rec. vini rubri stiptici unc. j.

Mellis rosacei dr. ij.

Aluminis gra. iiij. cum coto, uel gossipio inungã-

L 3 tur

166 IACOBI TRVNCONII DE
tur aures, & de hac mistura etiā intus instilletur. uel
ex ipso Auic.

Rec. uini pontici unc. j. s.

Croci gra. ij. misce instilletur in aure.

Aetius vero sermone 4. cap. 12. simili hoc præsi-
dio utitur inquiring. Alumen uino dilue, & lanam
puram, ac mollem in ipso imbue, & in sole assicca;
& rursus sic imbuatur, atque assicetur per tres uices:
vſu uero expetente de ipsa accipe, & in aurem inde.
Oribasius simili præsidio utitur in suo lib. 5. syno-
pſeos sic inquiring; Aurium humores exſiccant lana
ex alumine imposita, aut uinum mulſum, aut uinum
uetus instillatum, aut crocum, ex uino tritum. Po-
terit hoc alio uti præsidio.

Rec. rosarum rubearum dr. ij.

Baccarum lauri dr. j. s.

Ferueant simul in uino rubro, de quo stilletur in
aure; uel sic.

Rec. croci integri gra. j.

Inuoluatur in coto, & filo ligetur, & pone in aure
infantis, & singula die permutetur; uel sic.

Rec. cotum in quo steterit muscus q. u. & de ipso
parum teneatur in aure, & permutetur ut supra. &
ſi fortasse cum humiditate ipsa aliquis concomitare-
tur dolor, tunc.

Rec. olei amigd. amararum.

Olei amigd. dulcium an. unc. s.

Axungia anatis, uel galinacea dr. iij. Misce instil-
lentur in aure duæ, uel tres guttæ pro uice, uel sic.

Rec.

Rec. olei amigd. amararum unc. j.

Olei camomilli lumbricati unc. s.

Croci gran. iij.

Misce instilletur in aure: & quoniam in hoc loco de apostemate aurium, & de alio ipsarum affectu pertractare non intendimus, quam de proposita aurium humiditate ab Hip. inter pueriles morbos apposita, idcirco de eius curatione præscripta hæc sufficiant.

*De gingivarum prurigine in dentitione
infantium curanda.*

C A P V T N O N V M.



DRURIGO, & gingivarum dolor qui pueris contingit in dentitione, ineuitabilis est eorum passio. cum namque à natura institutū, sit vt ad vitæ vsum dentes necessario oriantur, in ipsorumq; ortu necesse sit, vt dentes ipsi exitum parando gingiuas perforent, vt Gal. inquit 3. apho. com. 25. vbi subdit, quòd hi casus eueniunt, quemmadmodū vbi stimulus infigitur carni, & sane plus inquit dentes affliguntur, quam stimuli. Hi siquidem semel firmati in membro quiescunt, cui ab initio infixi sunt. Dentes uero tantum procedunt, quantum augentur, & idcirco cum ineuitabilis sit eiusmodi in dentitione dolor, aliā nō exposcit curam, quàm sui lenitionē, vt mulciatur igit̃ dolor & prurigo obtūdatur, fiat sic.

L 4 Rec.

Rec. butiri recentis q. u. cum eo gingiuae liniantur, uel sic.

Rec. axungiae galinaeae elissatae q. u. gingiuae liniantur, uel sic.

Rec. cerebelli leporis elissati q. u. & in ore teneat frustulum rad. Ireos m. valde siccatae, & melle intincta, & oleo amigd. dul. cum aqua abluto illud liniantur, & in ore instilletur.

Rec. cerebelli leporis elissati uel assi q. u. cum eo liniantur gingiuae, nam eiusmodi praesidium apud recentiores non tantum laudatur, sed ab antiquioribus ferè omnibus celebratur. Si uero prurigo potius infestaret puerum, quam dolor, uidelicet pruritus ille cum molestia ut exponit Gal. cit. 3. apho. tunc.

Rec. olei non cocti, & purissimi unc. j.

Cerae parum, misce fiat linimentum, cum quo gingiuae illinantur, hoc siquidem praesidio utendum esse Aetius, Paulus, Oribasius, & Auic. inter ceteros consularunt, quemadmodum etiam, & hoc alio.

Rec. mellis modice cocti, cum ipso gingiuae illinantur. Aetius ille Capadocius optimus Gal. sectator hoc praesidium laudauit ad exitum dentium facilitandum, uidelicet.

Rec. radicem colocinthidis siluestris canali argenteo circundetur, & collo pueri circundetur, ac suspendatur. Aliud nec non laudauit praesidium uidelicet.

Rec. dentem viperæ masculæ, argenteo circulo circundetur, & collo suspendatur; laudauit quoque Aetius, ut pueri collo suspendatur Iaspis viridis coloris,

ris, vt stomachum contigat. hæc de præfidijs ad ipsam
dētitionem facilitandam. Nutrix vero dum prurigo
ipsa, & dolor, ceteraq; dentitionis accidentia inua-
luerint, à vino abstineat, & vel aqua cum cinamomo
vtatur, vel stillatio pulli cum eadem aqua limpha-
tum, in cibo autem vtatur in prandio carnē, & iure
parui pulli, & in sero abstineat à carne, & utatur
ferculo cum dicto iusculo, & tremulis recentibus
ouis.

*De febre infantium curanda à dentitione
contingente.*

CAPV T X.



EBRES. quæ pueros exercere solent
cum dentes eorum gingiuas perforare
incipiunt, ex ephemerarum genere ef-
se patet, cum ob dolorem præcipue, &
vigilias ipsis accidant, ab ipsisque tan-
quam à manifesta, recentiq; procatartica causa ortū
habuerint, id siquidem vnum, atque præcipuum
ephemerarum indicium esse Gal. ostendit lib. 1. de
diff. feb. cap. 7. Quo pacto autem ex dolore febres
ipsæ accidant, Auicē. in 1. 4. tract. 1. cap. 27. ostē-
dit inquit: dolor quandoq; calefacit spiritū adeo,
donec inflammetur, & quæ sequitur. De prædictio-
ne autem dicitur, quòd eiusmodi febres leui negotio
curantur, modò sedetur dolor à quò vigiliarum in-
stantia,

stantia, & ipsæ febres sui duxere ortum, & quamprimum est causis occurrendum antequam ephemera in putridam degeneret, quod facile in ijs contingit, qui præcipue calido, & humido pollent temperamento vt Gal. monuit in suo 6. de sanit. tu. cap. 3. In curatione sedandus est gingiuarum dolor, & somnus conciliandus, & regenda est nutrix debito regimine victus, tum circa se ipsam, quemmadmodum & circa infantem, vt docet Auic. lib. 1. fen. 3. doc. 1. cap. 3. De 1. scopo videlicet de sedando dolore actum est in præcedente capite, ad quod recurratur: somnus vero cõciliabitur, si sedabitur dolor, attamen si opus fuerit cortex, vel semina papaueris albi ī modica quātitate sumpta cum pane in aqua, vel iure afferueant, & demum abiecta pauperis cortice, infanti ferculum exhibeatur suis consuetis horis. uel si opus fuerit accipiat unguenti populeonis q. u. & vngantur tempora, vel cum oleo de nenuphare vngantur tempora, & nares infantis. Nutrix autem se gerat, vt præcedenti cap. traditur. In potu vero abstineat à uino, & loco eius vtatur uino granatorum, vel succo cum aqua decocta, vel stillatio pulli, uel cinamomi decocto. Si febris perseveraret, & in putridam degenerauerit, debet nutrix ante cenam per quatuor horas ad minus sumere ptisanam ordeaceam cum seminibus communibus, & saccaro, cui addatur stillaticij cinamomi guttulas tres, uel quatuor. In mane autemumat sequentem syrumpum.

Rec. sy. acetosi s.

Sy. de

Sy. de cicoreo s. an. dr. vj.
 Aquarum cicorei, capillorum veneris, graminis
 an. unc. j.

Misce capiat in auroa. Interim dum nutrix syrup
 posumpserit, curet vt infans singula die, noctuque
 (prout eius consuetudo extabit) alui beneficium ha-
 beat, & si alius sua sponte non egerat, uel glande cū
 melle, & sale, uel leui enemate vtatur, vt suo loco di-
 ximus, post septem, vel nouem syrappos, si dolor,
 & febris perseueret, accipiat sequens medicamentū,
 & non lactet infantem quo vsque medicamentum
 suam non perfecerit operationem, sed alia interim
 lactet infantem, si alio ferculo sustineri non valeat.
 Medicamentum tale sit, vt.

Rec. mane calabre } an. unc. ij.
 Mellis rosacei }

Rhabarberi electi dr. j. s.

Cinamomi scr. s.

Infundatur rabarbarum in iure pulli, in quo ef-
 ferbuerint passulæ corinthiades, & pruna damascena
 cum pauco cinamomi per noctem, & facta sufficienti
 expressione cum dicta expressione, & eodem iure
 non salito fiat potio, quam tepide sumat in auroa.
 superdormiat, & tardet cibum per quatuor uel quin-
 que horas. & altera die fiat enema comune, uel sic.

Rec. cassiæ recenter extractæ unc. j.

Diafincionis dr. j. s.

Spet. hieræ simp. scr. s.

Cum Zaccaro formetur bolus, quem capiat in
 mane

172 IACOBI TRVNCONII DE
mane per dimidium horæ ante prandium, & infan-
tem non lactet, donec alius exoneretur.

De conuulsione infantum curanda.

C A P V T X I.



INTER passiones quibus infantes, & pueri infestari solent, & dum præcipue caninos dentes edunt ab Hip. recensentur conuulsiones, vt in 3. aphorismorum aphorismo 25. constat. Et quoniam multiplices, variæq; sunt conuulsionis differentiae, interstinguendum in primis est de qua conuulsionis specie intelligi debeat. Conuulsio namque alia est vniuersalis, quædam alia particularis in quolibet particulari membro, uel in pluribus, non autem in toto corpore contingenti. Et rursus eius quæ vniuersalis est conuulsio, quædam perpetua dicitur, & eius læsio nihilominus ad rectricis animæ partes non pertingit. Altera vero, quæ non perpetua, & eius læsio rectrices partes occupat, & hæc epilepsia dicitur. Eius insuper quæ vniuersalis, & perpetua dicitur sub triplici differentia reperitur, vna siquidem emprostthonos, alia epistthonos, altera tetanos: singulorum hæc diuisio à Gal. traditur in suo de simpt. diff. cap. 3. alia quoque differentia distinguuntur, quòd in ea conuulsione, quæ epilepsia dicitur faciei partes conuelluntur, in alia vero, quæ emprostthonos, episto-

epistorthonos, & tetanos dicitur, faciei partes illesæ
 seruantur. Causam reddit Gal. in 3. de locis affectis
 cap. 6. quòd in priori cerebrum affectum esse, in hac
 secunda specie vero dorsalis medullæ initium affici
 est fatendum. De qua modo cõuulsionis specie pue-
 ros infestari intelligat Hip. profecto interstinguen-
 dum uenit. Dubio procul sanè videtur, quòd de ea
 conuulsionis specie Hip. loquutus fuerit, quæ cre-
 brius pueros exercere, ac plurimos enccare solet, ob
 quam causam ab ipso Hip. in suo de aere, aquis, &
 locis cap. 2. puerilis morbus denominatur, & ab
 Auic. in 1. 3. tract. 5. cap. 8. Mater puerorum dici-
 tur. Credendum etenim minime fuit, quòd Hipo-
 crates singulos morbos recensendo, quibus pueri
 infestari solent, eo in loco morbum prætermiserit,
 quo ipsi crebrius occupantur, & à quo plurimi inter-
 ficiuntur, & qui tandem morbus ab ipsis pueris, tan-
 quam eis familiarissimus ut dicam denominationem
 accepit. Hoc idem verba Hippocratis attestantur lib.
 de aere, aquis, & locis, ubi inquit. Pueri vero inci-
 dunt conuulsiones, quæ morbus puerorum, & sacer
 esse putant. De hac tantum igitur specie, quæ epile-
 ptica dicitur pertractantes, quid ea sit in primis expli-
 cemus. Comitialis morbus est conuulsio omnium
 corporis partium non continua, sed per interualla
 quædam temporis facta, cum sensuum, & principa-
 lium operationum rationis scilicet, & memoriæ ob-
 lestone ex crasso magna ex parte humore cerebri ven-
 tres obstruente, & spirituum transitum prohibente,
 prin-

principio neruorum se ipsum quatiente, ad expellenda, quæ ipsum occupant. Pars quæ præcipue afficitur cerebrum esse Gal. vbi de eiusmodi affectu scripsit passim asseueravit, & id pariter eius sectatores omnes, & Auicennas pariter attestarunt, licet ex cerebri læsis actionibus id notius se manifestat, quam vt ab eis ostendatur. Sed si tanquam similis, vel instrumentalis cerebrum ipsum afficiatur Gal. verba ostendunt in suo 2. de simp. causis cap. 7. vbi inquit. Sicut apoplexiæ, & epilepsiæ ex pituitosi succi multitudine in ipsius cerebri ventriculis collecta gigni videntur, & in suo 3. de locis aff. cap. 7. inquit. Ita hic quoque comitalem morbum solet efficere, vbi in meatibus ventriculorum cerebri retinetur: & idem 6. de morbis vulg. com. 6. in calce commentarij. Si quis autem curiose magis qui sit vëtrculus, qui præcipue obstruitur scire exoptauerit Gal. legat 3. de loc. aff. cap. 7. vbi inquit spiritum esse, qui in ipsius ventriculis, maximeq; in postremo continetur, quamuis non contemnendus sit medius multis rationibus inducimur, vt hunc complectamur, duos vero anteriores deseramus: & inferius inquit, Ita hic quoque comitalem morbum solet efficere, vbi in meatibus ventriculorum cerebri retinetur, siue is medius sit, siue postremus. Nihilominus idemmet Gal. in 4. de loc. aff. cap. 2. inquit. Et in caro quidem anterior pars magis, in apoplexia, & morbo comitali vtraque afficitur. Quis præter naturam affectus epilepsia sit, aptissime ostendit Gal. in suo de diff. simpt. cap. 3. vbi

3. vbi inquit. Si verò non solum totum corpus conuellitur, sed principum quoque functionum prohibitio fiat, symptoma tale epilepsia nuncupatur. Symptoma igitur epilepsia est in genere noxæ functionum animalium singularum, nō autem naturalium; sensibiles quidem, atque rectrices ablatae, motrices vero deprauatae leduntur. Fortasse apud Tirones ambigi posset, num motus ille neruorum, & muscutorum ad motum sui principij consequens in proximo epileptico, sit inter symptomata locandus, & præter naturam, vel secundum naturam potius censendus. Membrorum siquidem totius corporis musculi neruorum quibus inseruntur motum sequuntur. Nerui vero ad motum cerebri, & eorum principij mouentur. Cerebrum vero principium vnde motus à nullo, neque, ab aliquo mouetur, sed à se ipso, intendit namque natura tūc per ipsum motum suum assequi finem, qui est materiam ipsam grauantem, vel occupantem, siue stimulantem à se ipso excutere, & tandē se mouendo opus aggreditur, vt à se noxium depellat. Quod autem talis sit motus, & ratione hac vt vt dictum est ab ipsa natura fiat Gal. verba ostendunt super 3. de locis aff. cap. 7. vbi inquit. Hunc maxime affectum declarat neruorum principio se ipsum quatiente, quò excutiat id, quod noxium est: hoc idem Auic. prima tertij trac. 5. ca. 8. si igitur motus eiusmodi voluntarie fit à cerebro, sequitur quòd secundum naturam sit dicendus, & minime symptoma; consequens habetur ex Gal. verbis in capite præcedente.

citati

citati loci, vbi hæc inquit: constat conuulsionem in
 conuulsis partibus factam, hac sola ratione à motu
 secundum naturam differre, quòd præter volūtatē
 nostram fit: quibus verbis Gal. aptissime ostendere
 videtur, quòd conuulsiui motus, qui in partibus fiūt;
 & à spinali medulla originem habent in hoc tantum
 differunt à motu secundum naturam, quia ipsi præ-
 ter voluntatem fiunt. At cum in hoc alio genere
 motus non sint præter voluntatem, vt ex Gal. verbis
 percepimus, & vt Auic. cit. nuper loco sequitur, quòd
 ab his quæ secundum naturam sunt minime differāt.
 Ad ambiguitatis solutionem facilis responsio vide-
 bitur: Dicendum idcirco est, quod licet opus, vel mo-
 tus quilibet à natura fiat, nihilominus cū à causis,
 quæ sic mouere naturam cogant, motus isti contin-
 gant, inter symptomata quæ præter naturā sunt me-
 rito adnumerantur: vt autor est Gal. lib. 2. de simpt. c.
 3. Additur quoque quod per destinata naturæ ipsi ex-
 cernicula motus ipse noxia non depellit, quæ vt au-
 tor est Gal. primo de sanitate tuenda cap. 13. sunt plu-
 rima, & primum per nares, & palatum, secundo per
 vtranque aurem, tertium per caluæ commissuras. Et ad
 faciliorem, exactamq; magis tironum intelligētiam
 de motibus ipsis, qui naturæ, & qui morbo, & qui
 vtrique adscribuntur, distincte loquar. Sciendum ita-
 que est, quòd tripliciter expulsionem fieri contingit,
 quædam scilicet à natura tantum, & hæc duplici mo-
 do, vt cum expultrix à loco à quo expellit, & attra-
 hens alia uirtus quod expellitur attrahit, & hic faci-
 lis

lis est, & optimus motus à binis molitus facultatibus
 vt contingit, vbi chylus à ventriculo expellitur, & à
 proximis partibus idem attrahitur, vel fit à sola expul-
 trice per decliua, & in ampla loca, qui etiam natura-
 lis dicitur motus, vt quando fæces ad intestina, vel
 vrina ad veslicam expelluntur: Secundo modo expul-
 sio alia fit à materia tantum, cum à natura vlllo pacto
 regulari non valeat, & grauium motu materia ipsa ad
 decliua loca, & centrum versus præcipitat, vel si ma-
 teria tum à contèptrice, tum etiam ab expultrice la-
 befactaris vnà cum cæteris virtutibus deferitur, per
 proximiora loca scaturit, vt in sudore diaphoretico
 contingit, & horum vterque motus est malus, vel
 pessimus dicendus. Tertio modo expulsio fit ab v-
 troque, scilicet à materia, & ab ipsa natura, vbi vide-
 licet materia vel sui mole, vel praua qualitate mem-
 brum grauat, vel eius naturam stimulat, & ad expellē-
 dum irritat, vel ea quæ expelli adhuc non deberent,
 vel quæ rite, recteq; ad propria excernicula nō excer-
 nuntur, & idcirco motus eiusmodi, cum ex acciden-
 ti à natura molitus fuerit, & ipsa cœcta, iure merito
 inter symptomata à Gal. & alijs recensentur: In pue-
 ris instantem accessionem hæc signa præcedunt, pri-
 mo infantis creber ploratus, cum quo liuescunt la-
 bia, motus tremulus inferioris labij, creber corporis
 tractus, ac capitis in dorsum, tremor in manibus, vel
 pedibus per quædam interualla contingens, mutatio
 coloris per varias partes in fuscum, inordinatus lin-
 guæ motus. Signa vero præsentem affectum osten-

M dentia.

dentia est motus conuulsiuus in toto corpore, & præcipue musculorum faciei, spuma in ore cum non leui stertore, os, & oculi vnà cum facie distorquuntur. Inspiratio, & respiratio præpeditur, & totum corpus, & præcipue labia liuescunt, concutiuntur dentes, & linguam sæpius mordent, & quemmadmodum vetustissimus Areteus tandem dici potest pueros quoque pulchritudinis inuidia perdit, & paulo infra inquit. triste medius fidius est ipsius inuasionis spectaculū. Verum cum triplex sit affectus, vnus videlicet per essentiam in capite, alter verò per cōsensum ventriculi, vt ostendit Gal. de grammatico illo lib. 5. de loc. aff. cap. 6. Alter verò, seu tertia species est, cum ab aliqua parte inceperit affectus, qui sensim ægro sentiente ad cerebrum ascendit, vt Gal. refert de duobus adolescentibus lib. 3. de loc. aff. cap. 7. & cum à tertia hac epilepsiæ specie ferè nunquam infantes infestari videantur, idcirco hac omissa ad eius, quæ à ventriculo oritur indicia iam accedamus. Tunc timendum est de eminenti epilepsia, quando vermes excitantur, & pueros infestant; & quoniam sunt loquelæ, vt plurimum expertes, & ipsorum passionem exprimere nequeunt, hæc signa dum vermes infestant concomitari solent, videlicet narium manibus crebra confricatio, leuis tussicula, inanis ad vomitū excitatio, à somno, clamore, & fletu illico expergiscuntur, labij inferioris agitatio, ventris dolor cum rugitu, & per intervalla breuia tremore excutiuntur, & hæc de signis alterius epilepsiæ à vermibus excitatæ; mox eius quæ
per

per essentiam oritur in cerebro causas explicabimus. Cum epilepticum symptoma ad morbum in cavitae, aut in via consequi iam constet, quæ modo sit ea quæ obstruit causa peruestigandum venit. Quæ ea sit vt Gal. patefacit lib. 3. de locis aff. cap. 7. inquit, crassum, lentumq; esse humorem. At cum tum pituitosus humor, tum etiam melancolicus crassæ sit substantiæ, expedit (quemadmodum Gal. inquit cit. loco) interstinguere, quis dictorum sit, qui obstructionem ipsam efficit, cum ipsorum vnusquisq; ipsas cavitates, & ductus obstruere soleat; vt Gal. uoluit cit. loco: sed cum de epilepsia pueris contingente tantum pertractet, in quibus humiditas, non siccitas dominatur, idcirco pituitam humorem esse qui obstruit in eo per essentiam affectu, iure meritò est asserendum. Antecedentes plures sunt causæ, quas Gal. recenset in 3. apho. com. 25. vbi accidentia enarrans ex decreto Hip. quæ pueris dum caninos edunt dentes contingere solent, inquit cõuulsiones autem eis accidunt, tum propter hæc videlicet dolores, inflamationes, febres, & vigilias, tum propter crudum alimentum, & quia neruosæ partes nondum satis validæ sunt. Potest quoque accedere causa alia ex externis, videlicet aeris ambientis frigiditas. In alia vero quæ à vermibus contingit, licet non adsit materia crassa obstruens, nihilominus obstruuntur per adstrictionem uentriculorum, dum noxam cerebrum sentiens, in se ipsum contrahitur, ut expellat quod contristat, & tunc coarctantur uentriculi, & uix conni-

M 2 uent,

uent, & animalis spiritus præpeditur, quominus ad artus deferri valeat. Noxa autem cerebro contingit ex praua venenosa qualitate in ipsum cerebrum exhalante, ac ipsum feriente. Praua hæc autem qualitas ab utroque ventre eleuari contingit, & à vermium putredine eis in locis excitata: Occupat hoc morbi genus inquit Paulus Aegineta, maxime pueros, eosque adhuc paruulos, deinde verò adolescentes, & iuuenes, minime senes, & decrepitos; & inter pueros qui sunt crassiores, & qui alios duras habet Hip. 3. apho. & qui caput mundum ab vlculculis habent, libro de sacro morbo magis periclitantur; hacq; ratione Hip. in suo de aere, aquis, & locis appellauit affectum hunc morbum puerorum, & ab Auic. in 1. 3. trat. 5. cap. 8. Mater puerorum dicitur. quemmadmodum & Serapio in proprio cap. De euentu autem Gal. 3. de locis aff. cit. supra loco inquit; Periculi magnitudinem ex anhelitus nocumēto conijcere oportet. Auic. autem inquit cit. loco. Et illa, quæ apud quosdam proprio nomine dicitur mater puerorum interficit multum. Et quando continuatur paroxysmi epilepsie interficit. Paulus Aegineta cit. loco inquit. In quibus igitur acutissimus est affectus, statim iugulat, & accessionum continuatione, & symptomatis uehementia. Vetusissimus Areteus cit. loco inquit comitialis morbus terribilis utiq; in accessionibus, & peracutus, & perniciosus; quandoquidem accessio vna hominem rapuit. Hip. 11. in 6. epidemiarum com. 1. tex. 5. sic inquit. Infantium effulgescentia cum

cum pubertate nonnunquam mutationes habent. In quibus Hip. uerbis non pauci decipiuntur in infantium perniciem diuinum senem nō recte intelligentes. Credunt namque epilepticos omnes infantes ætatis sola commutatione perſanari, & medici auxilio non egere; Gal. ita exponens inquit, Comitialis affectus autem à naturali intemperie prouenit, cum valde humidum cerebrum eſt, tuncque morbus iſte puerulus appellatur. Vel accidit idem affectus pueris ob errata medici curationem poſtulans: quando uerò ob humiditatem oritur, plane infantes ſtatim inuadit, deſinitq; ætatis conuerſione nullum nobis negotium faceſcens. Hæc Gal. expoſitio varium ſibi ipſi Hip. efficit: quandoquidem in ſuo de ſacro morbo ſecus ſentire uidetur, ubi ſic inquit. Qui pueri parui ſunt, & hoc morbo capiuntur, ut plurimum moriuntur. Idem Ariſto. lib. 8. de hiſt. animalium cap. 12. Cum igitur infantes qui ſtatim inuaduntur, paruuli præcipue ſint, ſequitur, quòd ut plurimum moriantur, neque ætatis decurſu perſanari valeant. Auicennas etiam hoc idem aſſeueraffe uidetur, ut in prognosico diximus. Quod verò maius paruulis, & nuper natis periculum impendat, duabus de cauſis Auic. aſſerit, vna uidelicet ex paucitate ſanguinis, & ex venarum conſtrictione altera, hoc idem Hip. lib. de ſacro morbo. Celiuſ Aurelianus hanc ſententiam ſequutus inquit in ſuo 1. Tard. paſſ. Nam vehementius afficit proximos natiuitati infantes, ſiquidem viribus inualidi paſſionum impetum tollerare nō poſ-

M 3 ſunt.

182 IACOBI TRVNCONII DE
sunt. Ad ambiguitatem igitur sic dicerem, quòd re-
cte distinguit, & recte sentit Gal. ad mentem Hip. cū
dicat puerulos illos ætatis commutatione perſanari,
qui ob intemperiem eorum natiuam ad humidum
labentem hoc morbo capiuntur, minime vero intel-
ligendum ſit de illis, qui ob errata epileſſiam patiun-
tur. Sed non propter hoc intelligit. Hip. quod epi-
leptici illi omnes ætatis commutatione perſanentur,
ſed inquit, nonnunquam, quæ dictio ſonat aliquā-
do, ergo non ſemper, ſed aliquando ipſorum alios
nō perſanari contingit, & illos perſanari ætatis com-
mutatione tantum contingit, qui ab hoc ſæuo mor-
bo forte fortuna, & Deo optimo maximo annuente
euaſere, & ſuperſtites in pubertatem uſque fuere,
quemmadmodum etiam clariffimus ille Græcorum
veruſtiſſimus Areteus ſentiit, vbi perpulcre, & ele-
ganter inquit. Interdum ſecunda fortuna euenit, vt
per ſuccedentem prouectiorem ætatem abigatur, &
hoc non abſque ratione dictum fuit, ſi ea in memo-
riam reuocentur, quæ de prognofico dicta fuere, &
ea præcipue, quæ ex Hip. decreto ſuper lib. de ſacro
morbo allegata fuere. Nam deo opt. max. annuente
nonnunquam vt dicit Hip. puer cum tali morbo
uſque in pubertatem ſuperſtes ſeruatur, & inde abigi-
tur morbus, nonnunquam uero contingit, vt in in-
fantia enecentur ab ipſo morbo, & ad aliam ætatem
non pertingant, ut in dies uidemus. His igitur ita di-
ſenſis ponamus, ut medicus ad infantem ſit accerſi-
tus, qui ſuæ ætatis iam ſeptimum agat menſem uel
etiam

etiam natu minor uel maior humidaq; temperie cō-
 stet, eiusque cerebrum ualde humidum existat, & ab
 epileptico symptomate correptus, ipsumq; uideat
 medicus in lectulo prostratum, manusque eius, &
 crura cum cæteris corpusculi partibus conuelli, ca-
 putque, & faciem, præcipueq; os, & oculos hinc in-
 de distorqueri, spuma ex ore manante, labijs liue-
 scentibus, & cum stertore quodam pene suffocari.
 Ita seuiter lacescito puero quæritur si Medicus de-
 beat accessione tunc præsentis curationem aggredi,
 uel ipsi naturæ totum permittere, & nullum facesse-
 re negotium: secundo quæritur, dato quòd puer ipsæ
 naturæ beneficio, uel artis præsidio à symptomate il-
 lo liber tunc euaserit, an deinceps Medicus ipse de-
 beat ad præseruationem eiusdem pueri ab eodem
 symptomate se accingere. Ad primum nonnulli Hip.
 autoritate innituntur lib. 6. epidemiarum comm.
 1. tex. 5. dicentis. Infantium effulgescentiæ cum pu-
 bertate nonnunquam mutationes habent; hæc Hip.
 Deinceps Gal. verba in com. inspicientes, ut retro est
 dictum temere putant infantes omnes epileptico
 morbo correptos, naturæ, & ætatis decursui com-
 mittendos, & nullum à medico negotium facescen-
 dum esse. Quibus sic respondi debet, & 1. quod nō
 recte ab eis Hip. verba intelliguntur, ut supra osten-
 dimus. Additur insuper quod Hip. propositio, eiusq;
 assertatio cum minime uniuersalis sit, neque uniuer-
 saliter prolata, uidelicet quòd in omnibus infanti-
 bus effulgescētix in pubertate mutationes habeant,

sed cum dictione hac nonnunquam, quæ nil aliud sonat, quam si diceret interdum, & in quibusdam contingere, ita sentit Auic. in prima tertij tex. 5. cap. 8. Non possunt per analogiam, neque aliter eorum opinionem comprobare, & eo magis, cum nutricum errata circa infantem lateant semper, neque ab ipsis unquam fateantur. Non potest idcirco Medicus recte, tutoq; ea distinctione particulatim uti, quam Gal. in com. ex Hip. verbis elicit, ita ut qui ob nativam cerebri humiditatem, vel ob errata ipso symptomate correptus fuerit internoscere valeat. Vbi puer igitur prostratus à sæuo symptomate sic discrucabitur, & medico anceps sic morbi euentus, ob id quia licet sola ætatis commutatione nonnunquam puerum perferant contingat, ut Hipp. cit. lib. 6. epidemiarum, ut plurimum tamen moriuntur, ut lib. de sacro morbo, ut sic Hippocratem cum Hippocrate declaremus, potius & magis idcirco verendum erit, quam cum ratione sperandum, & adhuc magis cum idem Hip. cit. lib. de sacro morbo de ipsis epilepsia correptis pueris prædicens dixerit. Si aliqua spes est ut viuant, est si humiditas sit modica; Galenus verò non modicam esse attestatur in com. allegato 6. epidemiarum, sed humiditatem valde abundare attestatur, ut eo in loco legitur. Si sic igitur, non profecto erit totum negocium naturæ permittendum, in quo vitæ discrimen sic impendet; sed misello infanti quam primum à medico erit præsidium ferendum, ne illud contingat quod Gal. monet in suo lib. 10. methodi med. cap. 10. inquit.

Qui

Qui vero mortiferam insistere viam sentit, is desperatam ægrotanti salutem fecerit, & paucis interpositis inquit; tanto profecto satius est pugnantis præsidij certare, quàm nihil agere. Morbus præterea non modo acutus est, sed magnus quoque dicitur ab Hippocrate, & Galeno aph. 5. com. 30. ac etiã Hipp. lib. 6. de morb. vulg. com. 6. tex. 7. Quod vero acuti, & qui magni sunt morbi curandi sint, hoc est notius, quàm vt à me ostendatur. Medicina siquidem est (vt Hip. in suo de arte peruulgauit) morbos ab ægris intotum tollere, & morborum vehementes impetus obtundere. Verum dato quòd ipse infans forte fortuna ex illis esset, qui ad Hip. & Gal. mentem nonnūquam, vel interdum absque medica arte, & sola ætatis commutatione perferari valēt, quod sane dubiū, & incertum erit, in quo errabit medicus si tanquam administer, & naturæ imitator, ea quæ naturam ipsam cogunt functiones, & principes ledunt facultates grauant, & ad deprauatos motus irritant, spiritus intercipiunt, vias obstruunt, & membra ipsa, & principalia præcipue fatigant, & lassant, animalemq; cum vitali virtutem penè extinguunt, tollantur, & à conflictato loco arceantur, atque auertantur; dicant quæso? At fateri liceat eis qui secus sentiūt, quod hoc saltem lucrifaciet Medicus quod vt decet naturam ipsam adiuuabit, & ab immaturo obitu infantem ipsum tutū restituet, si fortasse ex illis esset, qui vt plurimum moriuntur, vt Hipp. attestatus fuit supra cit. loco. Vidimus huc vsque quo pacto ratio, & maiorum auctoritates,

ritates, quid agendum sit ostendant, mox ad experimentum accedamus. In Florentissima hac vrbe præsertim Hipp. monitum experti in suo de sacro morbo asserentis; Infantes paruulos, qui hoc morbo capiuntur vt plurimum ab eo necari, & cum, plurimi hoc sæuo symptomate perempti in dies cernantur, increbuit consuetudo, vt singulis ferè ad præseruationem huius verendi symptomatis, occipitium inuratur, & ita plurimi hoc præsidio præseruantur, & è contra iugulentur, quibus ipsa iniustio non administratur. Concludendum recte est igitur, quod tutius sit cunctis pueris seuissimo symptomate correptis manu medica succurrendum, quam medicorum præsidio destitutos impie derelinquere. Quid modo à Medico agendum sit ostendamus. Sæuo symptomati, acutoq; ac magno morbo infantis corpusculum discrucianti præsidijs est occurrendum, anteaquam ab ipso iuguletur, sed quibus præsidijs? Fortasse cum suffumigijs naribus admotis, cum inunctionibus, & eiusmodi anilibus, vt perperam nonnulli faciunt? minime profecto in ijs confidet qui Hip. monitis non fuerit oblitus, cum primo aph. 6. peruulgauerit extremis morbis extrema exquisitè remedia adhibenda esse. Illa igitur statim ab arte vsurpanda erunt, quæ ea opera præstare valent, quæ peragenda ex suis indicationibus eliciuntur, vt ex ponendis scopis ostendetur. Vt igitur symptomata sedentur, curadus est morbus quæ sectantur. Quisquis igitur functiones motrices deprauatas, ac cæteras quæ ad sensum, & animales principes

cipes attinent iam ablatas, ad suam naturam, & absque vitio restituere voluerit, vitalemque respirandi facultatem liberare, & penè extinctum infantem in sanitatem reuocare, profecto cerebri ventriculos, eiusque ductus ab obstructione liberos reddere, ei oportebit. Ab obstructione vero liberabuntur cerebri ventres, & eorum ductus, si excrementum tollatur quod sui copia obstruit, vel etiam sua qualitate ferit, & excretricem stimulat facultatem, totiusque mali propria dicitur causa. Cum vero proxima hæc causa ab alia antecedente oriatur, & orta foueatur, ut est eiusdem excrementi destillatio siue confluxus ab ipso cerebri corpore. Confluxus autem à cerebro fiat, quia humiditas in eo redūdat, partim in ipso genita, partim vero à toto in ipsum transmissa. Progignitur autem in ipso ob frigidam, humidamque, eiusdem temperaturam. Hæc cerebri intemperies cum ortu prior fuerit, sit autem peruestigatione postrema, ab hac curationem exordiri per methodum liceret. Verum quia ratione urgentis valde sollicitos esse debemus ob imminens suffocationis periculum, idcirco ab ordinaria, legitimaque curatione decedere licet, & ad illegitimam, ratione urgentis, propemodum accedere. Binæ igitur causæ sunt, quibus quamprimum innitendū fuerit, ut accessio sedetur. Proxima videlicet, quæ iam fluxa est materia, & antecedens alia, quæ adhuc non fluxit: sed in fluxu est vel fluxura. Ambæ sui de tractionem exposcunt. Illa enim, quæ in ventres cerebri defluxit, & ductus obstruit ad vicinia deriuari postu-

postulat, ut Gal. 2. ad Glauc. cap. 2. & lib. 13. meth. ca. 11. edocuit. Alia autem, quæ fluit à cerebro, cum repenter fluat, ad reuulsionem potius renitens fuerit, quam ipsi cedat, ex quo ad aliam partem ex vicinis facilius deriuabitur, quam sic fluens reuellatur, & retrocedat, vt magnus senex monuit in suo 6. de morb. vulg. com. 2. tex. 8. vbi inquit. Deriuare cedentem, trahere statim, renitenti cedere. Quæ vero fluxura est in insultu, & accessione ipsa tutius, & expedite magis ab ipso cerebro detrahi, & euacuari non potest, quam per deriuationem ad vicina loca. Hac igitur ratione cum singulæ indicationes in deriuandi opus conspirent vnico tantum instrumento, & ab vno tantum loco, & simul eodem tempore singula nobis opera præstabuntur, quæ singulæ affectus ipsius causæ exposcunt. Instrumentum est inustio per ferrum candens, locus vero inurendus est occipitium. Tempus verò quamprimum. Quamprimum igitur Medicus, vt laceffito puero opem ferat, & à strangulatione liberet perito chirurgico imperet, vt candenti ferro pueri occipitium inurat, hoc tamen seruato quòd blâde, & caute, omniq; cum dexteritate pueri caput, & reliquum corpus moueatur, neque nimium agitur, sed tantummodo quousque inustioni commode appareat locus, quo inuento expedite, & omni cū dexteritate inustio fiat. Quod autem hoc, tum ad curandum, tum etiam ad præseruandum præ ceteris præsidium sit saluberrimum, atque celebrandum; Magnus ille ac vetustissimus Areteus in cap. 1. asseuerat, & in.

& in dies sanatio ostendit quemadmodum inquit Hip. & non modo in hac vrbe hoc verificari potest, sed vbiq[ue] locorum, & apud omnes, qui in ipso optima ratione confisi ipsum experti fuere. Inter plurimos hoc præcipue vidimus in Serenissimo M. Principe, qui dum hoc sæuo morbo correptus adeo lacesceretur, vt in cessantibus conuulsionibus oris spuma manante, cum stertore, liuescētibus labijs, & ob symptomatis prolixitatem suffocari, & pene extinguī Serenissimus puer videretur: Deo optimo maximo fauente, quamprimum inulto occipitio sedari ceperūt symptomata, & breui temporis momēto à sæuo morbo liber euasit, & nō absque ratione felicissimus fuit euentus, vt expositis hucusque liquido constat, nam iam fluxa materia vnā cum fluente, & fluxura, tūm à soluta continuitate partis, tūm ab ignei caloris vi cōfestim attrahentis ad vicinia illico facta fuerit deriuatio, & Dei summi opificis gratia accessio sedata, & Serenissimus infans optime persanatus. Infixo cauterio interim spernenda non erunt inter ea quæ collo suspenduntur, peoniæ radix quæ maseulus dicitur, quæ sit recenter extracta, cuius miras laudes Gal. Orb. basius, & alij celebrarunt; & incidatur, & tanquam corona filo conferta, infantis collo suspendatur, & ventriculum vsque pertingat. Appensio smaragdi ab Alberto magno celebratur. Aliud quoque præsidium à multis celebratur, tūm in curatione symptomatis, tūm etiam ad præseruandum, & est lapis qui reperitur in ventriculo hirundinis qui diuersi coloris est,

qui

qui argentea lamina circundetur, & colli applicetur: nonnulli primum lapidem ipsum corio vituli obuoluunt, & argenteo circulo circumdatum collo patientis appendunt, de quo lapide sic Serenus Samonicus cecinit.

*Aut lapis ex nido vaga quem congeffit hirundo
Vellitur & nexu fouet, attollitque iacentem.*

Proderit quoque ab occipitio vsq; ab ambas spatulas oleo irino, atque vulpino simul collum inungere ipsis tepescentibus. Consueuere aliqui vbi seui-ter vrgent symptomata, oleo de craneo patientis tempora subtiliter illinire. Proderit quoque ad excitandum in accessione ipsa summopere rutam aceto illitam, & infantis naribus admouere, quod quidem magis mihi arridet, quàm suffumigia, quæ à nonnullis naribus patientis indunt, quando quidem cum calida sint effumantia ipsa, fit, vt duplici ratione obesse valeant, tùm quia vbi cerebrum petant materias eliquant, & fundunt, & sic in ventriculis defluxum augent, & cerebrum ipsum, & ventres præsertim magis occupant, & contractiones augēt, & excretricem magis fatigant: tùm etiam quia inspirationem, ac respirationem impediunt magis, quod quanti sit detrimenti Gal. in suo 3. de loc. aff. cap. 7. patefecit inquiens, Periculi magnitudinem ex anhelitus nocumento conijcere oportet. His peractis præsidijs si accessio sedata fuerit, & nihilominus somnolentus sit puer, & papillam non summat, quod quidem tùm defatigatam virtutem animalem, tùm etiam ob vapores à recrementis

mentis in publicas corporis sentinas delapsis, & in eo conflictu nimium agitat, & in cerebrum ipsum effumantes contingere, non absque ratione coniectandum sit, idcirco ut inhibeantur vapores, & excitetur puer, enema hoc infundatur.

Rec. Mellicrati vnc. iij.

Butiri recentis unc. s.

Salis parum misce fiat enema. vel sic

Rec. iuris pulli saliti unc. vj.

Mellis despumati unc. s.

Butiri recentis dr. iij.

Misce de eo infundatur quātum sufficiet ad infantis aetatem. Poterit si flatuum adesset copia cum aenicis parari decoctum cum ipso iure. Si puer à deiecto enemate excitetur, nutrix tunc papillam melle modicè cocto illiniat, & ori infantis offerat, leuiter si oportuerit mamillam exprimendo donec sponte fugat. Prosequatur interim nutrix in lactando puerum suis consuetis horis, sed per biduum saltim puerum parcius alat, & singulo mane ante alium cibum, infanti exhibeat parū despumati mellis, videlicet colearis dimidium. Interim caueat, ut pēoniae radicē collo infantis suspensam, non remoueat, vel abijciat donec futurum nouilunium ad minus pertransierit, & per quatuor dies ad minus à die accessionis ipsa nutrix à vino abstineat, & cinamomo incoctam aquam pro eius potu accipiat, & hæc de cura, quæ in accessione ipsa exigitur.

Præfer-

*Præseruandos esse infantes à comitiali morbo neque in sola
ætatis commutatione fidendum.*

CAPVT XII.



ECVNDQ querebatur si puerulus ob
superfluam cerebri intemperantiam,
ad humidum epilepsia correptus, à
primoq; insultu vel nature, vel artis si-
mul beneficio euaserit, deinceps in so-
la ætatis commutatione, & condeciente alimento per
nutricem sit sperandum, atque fidendum, vt authores
plures asseuerarunt, vel potius curatione præseruati-
ua indigeant, & medicorum ope: Ad hoc dicendum
quod puerulus nuper natus, qui non modo ratione
ætatis abundanter humidus sit dicendus, sed etiã hoc
nomine, quòd valde humida sit eius cerebri natura-
lis intemperantia, ætatis sola commutatione à comi-
tiali morbo vtique persanari valebit, si prius ab hoc
sauro morbo non iuguletur, sed superstitis ad alias æta-
tes accedat, ita nemini ambigendum censeo. Cum
namque terrestris quotidie magis efficiatur animalis
corpus, dum augetur vt Gal. asserit aph. 1. comm. 14.
superflua ea cerebri humiditas totius mali origo, sen-
sim aduentitio calore exsiccatur, & cum ætatis co m-
mutatione pariter commutatur cerebri temperamen-
tum, & ita puerum à comitiali morbo ipso persanari
contingit, vt authores tradunt. Ex aduerso dicitur qd
cum

cum perdifficile in arte sit temperamentum intra sanitatis limites contentum in eius simmetriam cōseruari, difficilius multo fuerit temperamentum quod non modo etatis nomine, sed etiam ex proprio cerebri temperamento ita humidum sit, vt extra sanitatis limites decesserit, & ad ægritudinem iam lapsū, vel corrigere, vel cōmutare absque artis præsidio, & infantem ab ægritudine ipsa tutum restituere. Difficultatem hanc ostendit Gal. lib. 6. de sanitate tuenda cap. 3. vbi inquit. Verum cum humida victus ratio excrementa, & succorum abundantiam pariat, difficile est ita mediocritatem seruare, vt neque in orbi incidant, neque senectus maturetur: hæc Gal. Quo pacto igitur præhumidum infantem ab humido victu cauere poterimus, ne humidi excessus augeatur, & qđ lapsū iam est corrigatur si victum alium præter humidum eis exhibere non liceat? quemmadmodum Gal. innuit lib. 1. de sanitate tuenda cap. 7. inquiens. Cibo eo potioneq; sunt nutriendi, qui humidæ quā maxime naturæ sint. Ad hunc modum & natura ipsa pueris consuluit, & lac matris in humentis alimenti vsum præparauit. Humidum igitur humido sic non corrigitur, sed maxime augetur. tale siquidem additum tale reddat amplius tale, ut in topicis. Eadem difficultas ab ipso Gal. ostenditur in suo ad Trasib. cap. 19. dicente: Talem medius fidius, & bene ualentibus perfectum artificem opus est minime cuiusque differentia, ac noxæ obseruatorem iuxta, atque emendatorem, & paucis interpositis idem asserens inquit: At

Nunc

nunc cum diffluat, ſemper, atque diſpereat aliquo præſente obſervatore indiget, qui & quod diſſipatur quantum, qualeque ſit cogniturus eſt, illicoque tale, ac tantum viciffim inſtaurabit. Si igitur in conſervando medici negocium expoſcitur, ergo & magis in corrigendo, vel commutando quod eſt ad ægritudinem lapſum temperamentum. Adhuc difficultatem hanc melius patefecit Gal. apho. vj. com. 2. inquiens. Humidioribus vero naturis ſenſibiles fiunt ſuperfluitates, & præſertim cerebri, quoniam eſt natura frigidiuſ. Eos igitur qui ſunt humidiores ſive cerebro tantum, ſive corpore vniuerſo, non contingit ſalubrem vitam omnis expertem noxæ traducere, verum continuo deſtillationibus ex parua occaſione capiuntur, & ſi ſuperfluitates eis deſcendant, partes ſubiectæ offenduntur, fauces, guttur, aſpera arteria, pulmo, gula, ventriculus; at ſi non deſcendant, adde quod offenditur cerebrum, & cum ipſo facultates eius omnes ipſi noxæ ſubijciuntur. Non tuto igitur ſperandum videtur, quòd infantis temperamentum præ nimia cerebri humiditate ad ægritudinem lapſum totque malis ob noxium ſola ætatis commutatione, & abſque medici negotio ab ægritudine hac epileptica perſanari valeat, & ab imminētibus alijs præſervari, cum præſertim ætatis commutatio non mutet corporis, & partium temperamentum in matris utero adeptum, à quo præcipue comitialis morbus oritur, licet ea commutetur humiditas, qua prima ipſa ætas cæteras pollet, & quæ morbi cuius-

bi eiusdem adiuuans est causa ob neruosarum partiū imbecillitatem, cuius ipsa pariter effectrix causa existit. Quod verò superflua epilepticorum humiditas præsidium exposcat, eiusdem Galeni præcepta ostendunt. In primo namque de sanit. tu. cap. 6. inquit, Quippe intemperies quæ intra sanitatis sunt terminos corrigere oportebit, ita ut quæ iusto sicciores sunt, humidiores reddas, quæ uerò humidiores sunt sicciores. Et aphor. primo cit. 16. inquit simplicem affectum simplici egere curatione. Et 1. de sanit. tu. cap. 7. inquit, Quæ aliquo morbo præmuntur, ijs contra alterari & ad contrarium habitum trahi oportet. Verum quoniam præcepta eiusmodi in uniuersum notiora sunt quàm ut à me ostendantur in his perperam immorandum non uidetur. Satis namque est nouisse quod morbus qui acutus, & magnus dicitur, cum præsens fuerit profligari debet, præcaueri autem cum imminens fuerit, & quod utrumque opus medici est negotium, medicinæque artis ambæ sunt partes. His præceptis igitur, non oblitus medicus nec non experimento edoctus, ut a seuo morbo tanquam procelle fluctibus minime iactetur puer, sed ab imminente periculo tutus emergat nec immature adeo disrumpatur stamen nõ modo ad curationem irruentis accessions ut ab ipsa extrahatur liberq; euadat puer, sed etiam ad imminemtem ut ab ea tutus seruetur, maxime addictum esse debet; & idcirco postquam de curatione egimus mox de præseruatione agere opere præcium fuerit. Neque ob id Hippocratis sententiæ

super 6. epidemiarum nos aduersari, nemo dicere curatione unquam poterit, quandoquidem antiqui diuiniq; illius magistri admirandæ doctrinæ addicti, illius præcepta perpetuo seruabimus, & sic fatemur cum ipso, quod infantium effulgentiæ ætatis commutatione nonnumquam sanantur, ut cit. loco Hipp. peruulgauit. Nos idcirco tum curationem tradere ut antea, tum præseruationem modò intendimus eorū scilicet, quos sola ætatis commutatione per sanari minime putamus minime vero illorum quos sola ætatis commutatione sanari tutò sperare confidereque valeamus. Hippocrates siquidem ut alias ostendimus perditionem illam nonnumquam significare uoluit infantium effulgentias interdum vel aliquando sola ætatis commutatione per sanari, interdum uero minime ut Auic. fen. 1. lib. 3. tract. 5. cap. 8. pariter sentit. dictio illa namque ad utrumlibet refertur, ad illos uidelicet quos per sanari aliquando contingit, & ad illos qui sola ætatis commutatione minime per sanantur: dubio procul namque hoc sequitur quod si infantes aliquando per sanantur, aliquando etiam non per sanantur. Cum igitur per Hippocratis uerba, infantes, epileptico morbo aliquando nonnullos per sanari sola ætatis commutatione nonnullos uero minime per sanari recte intelligendum sit, de illis tantummodo per tractare tum curationem, tum præseruationem quos per sanari minime putamus, & qui auxilio, & medici opere destituti antequam ad aliam ætatem accedant, ab hoc seuo morbo enecarentur
(ut se-

(vt ſæpius contingit) ſi eis medica manus adiutrix citiſſime non foret. Præterea dicitur quod Hippocrates eo in loco non diſtinguit neque determinat qui ſint infantes qui nonnumquam ſola ætatis commutatione ſanantur, & qui ſint ij qui minime perſanantur, nos verò cum circa particularem infantem in praxi verſemur in præſeruando quemadmodum in curando, præſcire utiq; non valemus, an qui in acceſſione torquetur puer euafurus ſit, quemadmodum neque qui ſemel euafit an in futurum ab imminente alia acceſſione præſeruari ualeat, cū pluries cuiusmodi morbus repetere ſoleat; ut Authores ferè omnes tradunt, & inter ceteros Quintus Serenus, vbi inquit. Ipſe deus memorat dubie per tempora lunę. Conceptum, talis quem ſæpe ruina profudit. Quæ de re cum anceps ſit pueri euentus, quis nō putabit tutius tunc eſſe artis præſidijs occurrere, quam impiè infantem deferere, & nihil agere? Nemo dubio procul ſi Gal. præceptis nō fuerit oblitus, & præcipue lib. 1. 1. meth. cap. 2. 1. & eius quod Magnus Cælius elegantiffime peruulgauit, inquit ſuo lib. 2. cap. 10. Satiſ eſt anceps quam nullum tentare præſidium. Cum igitur noxium minus ſit atque tutius puerum curare, qui ætatis commutatione fortasſe perſanaturus eſſet, quam non ſanaturum deferere, & abſque artis præſidio deſtituere, qui ſubinde à morbo ipſo iuguletur, vt nemo inficias ibit, planum ſit quod ab Hippocratis ſententia minime recedamus. Præſeruandus igitur eſt infans à comitiali morbo, qui-

198 IACOBI TRVNCONII DE
bus verò id sit agendum sequenti capite osten-
detur.

*In præservingando infante à comitali Morbo
quid agendum.*

C A P V T XIII.



VPLICI de causa nuper nati infantes
comitali morbo tentari Gal. asserit
lib. 6. epidemiarum, vel enim ob val-
de humidam cerebri temperaturā in
matris utero adeptam, vel ob nutricis
errata. Cum variæ idcirco sint imminentis morbi
causæ, varia quoque erit sua cuiusque præservingandi
cura. Illi autem qui ob valde humidam cerebri tem-
peraturam hunc morbum experiuntur, sunt qui non
nunquam sola ætatis commutatione sanantur auto-
re Hip. cit. lib. 6. epidemiarum, quem vere sectatus
est Auic. fen. 1. lib. 3. tractatu 5. cap. 8. ubi inquit,
dictos infantes quandoque ætatis commutatione nō
verò semper sanari. Cum igitur eiusmodi infantes
quandoque ætatis commutatione sanentur, quan-
doque verò non sic persanentur, sed commorian-
tur, vel immature enecentur, ut ex autoritatibus
dictis constat, & ut quotidianum experimentum nos
docet; ipsorum autem præservatio tractari debeat,
statuendum in primis videtur, an intemperies eorum
valde humida cum humido excremento associetur
(ut

(vt credendum videtur) nec ne. Si diuini senis asserta legamus sup. lib. de sacro morbo causam explicantis qua infantes comitiali morbo capiuntur, & eius morbi per essentiam, euentum simul; tripliciter morbum ipsum oriri ostendit, videlicet vel à multa humiditatis copia, uel à modica, vel à valde modica. Cum a multa oritur copia cit. li. tex. 9. sic inquit. Et quicumque pueri parui hoc morbo capiuntur, vt plurimum moriuntur, si multus fluxus contingat, isque humidus existat, & quæ seq. Cum à modica eodem tex. infra sic inquit, si vero modica existens pituita in vtrasque venas defluxum fecerit, aut in alterius partis, superuiuant. Cum à valde modica eodem lib. tex. 10. loquutus fuit inquit. Quibuscunque autem imperfectis, & valde modica pituita defluxerit, & ea in dextras partes: hi citra notæ impressionem superuiuant, verum periculum est ne morbus connutrietur, ac simul vigescat, si non his quæ comoda sunt curentur; & his prædictis subdit, pueris quidem igitur sic fit hic morbus, aut quamproxime huic modo. Alexander Trallianus quoque de eiusmodi causa inquit, in eiusmodi puerulis cerebri ventriculos humiditate repleri vt apertissime ostendit in proprio cap. Præterea cum Gal. dicendum est, quod qui temperamento, & frigido, & humido, & cerebri præcipue existunt, excrementis redundant, vt patet lib. de art. med. cap. 22. Ex his itaq; iam satis constat, quòd pueruli ipsi non nuda tantum temperatura, sed cum excremento simul cum ea redundante comitalem ipsum

200 IACOBI TRVNCONII DE
morbum contrahunt. Quæ valde humida igitur tē-
peratura cerebri reperitur, sui correctionem expo-
scit: quæ vero in cerebro superfluit humiditas à no-
bilissimo membro demi postulat; caputq; tandem
roborari. Hæc sunt peragenda opera: Instrumenta
vero, quibus ea peragenda sint in triplici genere cū
contineantur, in ratione victus uidelicet, in medica-
mentis, & chirurgica manu, à quatuor fontibus hau-
rienda erunt, & idonea seligenda. Neque ob id ob-
stabit, si quis dixerit quòd Hip. sola victus ratione
seruata per ætatis commutationem morbo comitiali
pueruli persanantur, & alia non requirantur instru-
menta, quandoquidem ultra id quòd satis superq; su-
per eiusmodi negotiū quælibet diluta fuit obiectio,
amplius adhuc respondetur: quod si Gal. in hac re
præcipue admittere non dedignentur, quod Gal. ad
Hip. mentem sentiat iam pronuntiatum ab eo est,
sententiam legant super 5. apho.com. 7. exaratain,
vbi sic ad verbum inquit. Verum Hip. nunc solum
eius meminit mutationis, quæ ex ætate fit, à qua do-
cti, & formam victus unà cum medicinis inuenie-
mus, ponderent uerba, & suimet lector iudex existat.
A fonte igitur qui ea scaturit, quæ per os sumuntur
pro cibo, & potu nutricis lac hauriemus, quod & si
de humectantium genere sit, & à Gal. declaretur 1.
de sanit. tu. cap. 7. correctio vero per contraria fiat,
nihilominus, cum ex euidentibus necessarijsq; cau-
sis existat, tum sanitatis, tum morbi, & hoc solum
alimentum pro puerulis ipsis alendis à natura fuerit
adin-

adinuentum, cum Alex. Tralliano dicamus, vt in proprio cap. dum inquit: Attamen iuuare nos curâq; habere oportet, vt lac nutricis benignum sit, & recrementis liberum. Præstat tandem, vt curemus, quod vniuersa victus ratio nutricis ad calidum, pariterq; ad siccum moderate vergat. Cibi eius igitur sint boni succi, & qui leui negotio concoquantur. Carnes comedat laudabiles, caueatq; à nimio iusculorū vsu, & in cœna potius affatas quam elixas carnes comedat. Vtaturq; sorbilibus ouis, & ex ijs cū pane uel farina confectis in diebus præsertim, in quibus carniū prohibetur esus, & tandem in cibo, & potu se gerat nutrix, vt in tractatu præcedenti de conseruanda fanitâte proprio capite ostendimus, & sic in cæteris omnibus sex rebus nō naturalibus, prout in singulis suis capitibus edocetur: hoc tamen addito atque seruato, quod vniuersa victus ratio, vt est dictum ad moderate calidum, ac pariter siccum adeo inclinet, vt quod humidum est cerebri valde temperamentum, sensim corrigatur, & eiusdem nouus vltimusq; lapsus inhibeatur, & quod pro scopo habemus contemperamentum nancisci poterit, si cum hoc ceteri seruentur scopi. Vt scopo alio igitur euacuandi satisfaciamus, interim demenda est redundans humiditas à cerebro infantis. Nulli autem tuta magis euacuatio cogitari valet, & quæ facilius ab infanti atate toleretur, vt in cura accessionis ostensum est, quam ea quæ per derivationem ad vicinia efficitur per inustum occipitiū quod præsidium à Magno illo Celso celebratur, vt

in

in suo de comitali morbo legitur. Præsidium hoc si-
quidem nō absque methodo, & ratiōe, tūm ad præ-
seruandum quemadmodum etiam ad curandum
celebratur, & in hac præcipue Florentissima Floren-
tiæ vrbe, in qua cum familiaris adeo, & endemicus.
ferè sit infantilis hic morbus, pauci existunt pueruli,
quibus cum iam mensem agerent, & decrecente lu-
na ad præseruationem, occipitium nō inuratur. Hoc
namque præsidio, vt ante fuit dictum noxię humidi-
tatis fit euacuatio, & à toto cerebro deriuatio, & eidē
contemperamentum & robur præstatur: omni inge-
nio igitur curetur, & apertum teneatur emissarium
donec infans caninos dentes perforauerit. Alium de-
inceps fontem petentes qui ea quæ extrinsecus fiunt,
si in capite vlcuscula, & crusta lactea non efflorescat,
tum ad contemperamentum, tum ad robur hic pul-
uis supra commissuram in coronali futura aspergatur.

Rec. maioranæ, ciperi,

Sandaracæ, sem: peoniæ.

Bettonicæ an. q. sufficit puluerizētur subtilissime,
& vt est dictum aspergantur. Et si infantis ventris be-
neficium non habeatur, tunc nutrix vberis papillam
melle modice cocto illiniat, & ori ad sugendum inda-
tur. Si verò grandior nata fuerit exhibeatur sic.

Rec. mellis albi modice cocti coclearis dimidium
vel integrum, peoniæ gr. iij. exhibeatur infanti singu-
lo mane ante alium cibum donec ciatur aluus, & tūc
prosequatur eius exhibitio prout opus fuerit. nam
qui .duras aluos habent, facile hoc morbo corripiun-
tur

tur teste Hip. 3. apho. 25. si verò in capite infantis pustulæ, & crusta lactea efflorescat, & si cum humidiori cerebri temperamento comitalem morbum experti adhuc non fuerint, dum crusta ipsa lactea vigeat, occipitium inurere nō oportebit, modo seruetur quod per pustulas ipsas cerebrum repurgetur, Et si pustulæ ipsæ exsiccarentur lactis modicum super eas nutrix exprimat, & manu sua leuiter confricat, nam si reuiscer, & saniosam humiditatem fundent, & hoc ad euacuandum sufficiet, vt Hip. docet lib. de morbo sacro tex. 7. vbi inquit; & quibuscumque quidem pueris erumpunt vlcera in caput, ipsi in progressu ætatis facillime degunt hinc enim abit, ac purgatur pituita, quam in vtero purgari oportebat. hoc idem Auic. in 1. 3. trac. 5. cap. 8. & qui sic purgati fuerint comitali morbo ferè non apprehenduntur: Quibus verò, & è contra, & quæ seq. Verum si pustulæ in capite efflorescant, & nihilominus eo morbo tentetur, ea quæ dicta sunt præsidia requiruntur, & victus ratio eadem seruetur. A singulis tandem causis externis præcauendi sunt infantes, à quibus comitalem hunc morbum excitari contingit. quæ recensentur ab Auic. in 1. 3. cit. loco vt est vox timpani, vel tubæ, scopletorum, altus clamor, & à singulis quæ subitum timorem afferunt, & vigilia, & ira, frigus vehemens, & calor fortis, & malitia digestionis, & à cæteris excitantibus causis de quibus suo loco egimus.



De

De curando ac præseruando infante à comitali morbo causa Vermium contingente.

CAPVT XIII.



OMITIALIS is morbus de quo egimus per essentiã orto in ipso cerebro, nunc idem per consensum à ventriculo ductum puerulos crebro exercere solet, consensus verò à ventriculo per prauos vapores in ipsum cerebrum ascendentes impertitur. Eorum namque prauitate, & venenata fere qualitate cum cerebri ventres feriant, facultas verò noxam percipiens, expultricem naturalem excitat, & sic ambabus inuicem suum munus quò valeat fungentibus, contrahuntur, vt noxam à se depellant, & coarctantur simul ventriculorum parietes, & nervosæ partes conuelluntur, & ita sequitur in cavitatibus, ac ductibus adstrictio, & ex consequenti ea spiritus animalis interceptio, & sic à proximis his causis in cerebro conflictus oritur. Antecedens, atque primaria conflictus ipsius causa putredinis est minera, quæ vel à vermibus in superiori, vel in infero ventre existentibus, vel à corrupto lacte in eodem superiori ventre infantis auide nimium ingurgitantis, vel praua lactis qualitate contingit, & hæc primaria est causa à qua consensus oritur, & quæ totius mali origo est, & principium, vnde motus dici debet. Dignotione habita,

bita, sic prædici poterit, quòd non ita periculosus est
 eiusmodi affectus, neque adeo difficilis, cum nobilif-
 simum membrum in se causam non contineat. Cu-
 ratio erit quam primum aggredienda, vt ventriculo-
 rum, nec non cæterarum neruofarum partium con-
 uulsio sedetur, quæ sedabitur, nec non ab ea præser-
 uabitur infans, si prauis illi vapores, qui animali facul-
 tati tristem efficiunt sensationem, & naturalem expul-
 tricem sic cogunt, inhibeantur; inhibebuntur verò
 si putredo ea euacuetur à stomacho, à quo tetri ipsi
 vapores exhalant, & si à vermibus putredo emergat,
 educenda vnà cum vermibus putredo fuerit, & vt fa-
 cilis, tutiusq; extra ducantur eos enecare curandum
 erit, ne intestinis adhereant vt Gal. monet lib. 13. me-
 th. cap. ultimo. Vt igitur putredo ipsa euacuetur, si-
 mul ac vermes retrahantur, vel etiam enecentur, &
 enecati, vel compositi extraducantur in primis infan-
 ti enema infundatur sic:

Rec. melicrati vnc. iiii.

Butiri recentis. vnc. j.

Aloes succotrini scr. j.

Salis parum misce fiat enema: Hoc enim præsidio
 si vermes intestinis adhereant eos educemus; & si in
 superiori ventre extiterint à dulcedine melicrati edu-
 centur, & allicientur, & amaro aloë fortasse enecabū-
 tur, vel à butiro compositi foras educentur, nec non
 putredinis in ventriculo existentis ipso enemate fiet
 tractio. Vt vero scopus hic euacuandi compleri va-
 leat,

206 IACOBI TRVNCONII DE
leat, si corruptum lac, vel vermes, aut putredinis eo-
rum minera in stomaco contineatur.

Rec. mellis modice cocti vnc.j.

Pulueris vermium terrestrium in vino albo loto-
rum, & exiccatorum scr.iiij.

Misce de hac mistura alternis diebus nutrix infan-
ti coclearis dimidium exhibeat, & mensem vj si at-
tigerit exhibeatur integrum, & si nuper natus, & par-
uulus fuerit, vel digitum, vel papillam illiniat nutrix,
& ori infantis ad lingendum indat. Si grandiusculus
fuerit puer, vt iam annum egerit, sic

Rec. rhabarbari ellecti parum acerbi q. u. & cum
eo accipe saccari fini q. suf. & secundum artem fiat tra-
gea, vel pezzicata vt vulgo dicitur, de qua exhibeatur
puero. Præterea infantis vmbilicus vnguento hoc
liniatur.

Rec. vessicam cum vrina apri intus simul in furno
exsiccatam, & puluerizatam, de quo puluere acci-
piat sic.

Rec. pulueris supradictæ scr.iiij.

Olei amig. amararum persicarum vnc.j.s.

Farinæ lupinorum dr.s.

Ceræ parum, & aceti modicum: misce fiat linimē-
tum, & infantis vmbilicus cū eo liniatur, vel fiat sic.

Rec. pulueris dictæ dr. ij.

Olei amigd. amararum vnc.j.

Farinæ lupinorum dr. j.s.

Aceti parum.

Fermenti

Fermenti tenerioris q. suf. ad incorporandum: misce fiat emplastrum, & vmbilico infantis superponatur. Si affectus perseveret.

Rec. lapidis Bezoar ex vero, & non adulterato gr. ij. vel iij. secundum quod maior vel minor natus fuerit exhibeatur cum lacte, vel cum iure pulli, vel cum pulli stillaticio; exhibeatur in mane, ubi à somno expurgiscitur. vel sic.

Rec. terræ sigillatæ ex electa gr. x. exhibeatur infanti cum iure pulli. Nutrix vero amara comedat, ut cicorium, allium, oliuas cõditas, & eius modi alia vnâ cum laudabilioribus cibis, prout suo loco fuit dictû. Satietaem nimiam vitet, à coitu abstineat, somnum meridianum vitet, & exercitium non dimittat, neque quotidianum alui beneficium, & tandem se regat ut suo loco dictum fuit. Debet quoque nutrix dum lumbrici puerum infestant alternis diebus sumere catapotia hæc, videlicet

Rec. pillu. de tribus scr. ij.

Formentur pillulæ tres, inaurentur, & eas capiat per horam ante cenam. Poterit quoque nutrix quousque vermes puerum infestabunt singulo mane per duas, vel per vnâ tantum horam accipere sic.

Rec. conseruæ peoniæ vnc. ij. s.

Teriacæ vnc. s.

Oximellis squillitici vnc. j. s.

Sy. de hisopo vnc. j.

Amidi purissimi q. s. reformetur electuarium, de quo capiat nutrix singulo mane quantum castanea.

De

De curatione fluoris alui in dentitione contingente.

CAPVT XV.



LVI profluuium in dentitione, & maxime dum caninos dentes edunt, pueros exercere solet Aut. Hip. lib. 3. aphorismorum apho. & com. 25. In eiusmodi affectu crebro, & liquidiora excrementa per aluum excernuntur, & idcirco symptoma est de immodice excretricibus, vel de exeuntibus mutatis. Causa vero, vt sic non rite, & plus iusto excernantur, & liquidiores ipsæ alui deiectiones, duplex à Gal. cit. loco statuitur. Vna quippe est coëctricis attractricis, vel distributricis frustratio alia. Causas alias rursus eo in loco Gal. tradit, ob quas tùm coëctio alimenti, tùm eiusdem distributio non recte fiat. Cum namque inter symptomata, quæ dentium perforationem sectantur dinumerasset gingiuarum pruriges, febres, conuulsiones, & consequentes dolores, & vigilias tandem inquit, Ad hæc omnia etiam ex necessitate ventris profluuia consequuntur. Planum fit igitur quod ex vigilijs ob dolorem, & febrem, & inflammationem contingentibus, cruditates in cerebro præsertim progignuntur, quæ deinceps ad ginguias labuntur tanquàm ad ægram, & imbecilliolem tunc partem, nec non ratione doloris, ad ginguias ipsas attrahentis. Alui profluuium subinde oritur partim ob humiditatem

miditatem ipsam ex gingiuis in ventriculum, & intestina labentem, partim quoque ex coctricis vitio, quæ non bene concoquit, & attractricis, quæ non bene distribuit, quemadmodum Gal. cit. loco asserit. Errant quidem facultates cum se ipsis ambæ imbecilliores redditæ fuerint ob dolorem, & cætera iam dicta symptomata dētium perforationem sectantia; Igitur fluoris alui curatio in hoc consistit, vt symptomata ipsa curentur tanquam causæ, à quibus hoc aliud symptoma oritur. Dolore siquidem sedato cætera symptomata pariter cum alui fluore sedabunt: quandoquidem ob dolorem, & vigilas in cerebro cruditates procreantur, quemadmodum & in ventriculo, & facultates ipsæ naturales imbecilliores redduntur, & hac de causa tùm coctione, tùm etiam distributione frustrata ipse alui fluor contingit. Prima igitur curandi indicatio à dolore sumi debet, tanquã ab eo qui noxiam materiam ad partem ab eo conflictatam attrahit, & vires atterit, & cùm à causa quæ euitari non valeat hic pendeat, videlicet dētium perforatio, sedari saltem exposcit. Verum quia non facile sedari valet, ni prius humiditatis affluxus inhibeatur, qui gingiuas in tumorem attollit, & dolorem ipsum inuehit, & in parte ipsa inflammationem fouet. Vt vero inhibeatur affluxus demenda est quæ redundat, & etiam progenita est in cerebro humiditas, & deinceps roborandæ sunt partes, tùm quæ mandât, tùm quæ recipiunt, & sic in curâdo effluxu ad gingiuas, & subsequencia symptomata alia. Tres erunt

O seruan-

seruandi scopi, videlicet sedandus est dolor, demenda est redundantia, roboranda sunt partes, cerebrum videlicet mandans, & gingiuae recipientes. Vt post modum alui fluor sistatur, symptomati priori, à quo mali origo ducitur, dum prouisum fuerit, inferiora membra roboranda erunt, vt ventriculus, intestina, & hepar, tùm quia à superioribus noxam receperunt, tùm etiam quia ab ipsorum facultatibus bona reddatur coctio, & recta fiat distributio, & ita à singulis ledentibus causis, quæ affliguntur liberatis partibus, & eisdem roboratis cessabit alui fluor, & persanabitur Deo fauente puer. Reliquum est igitur, vt sub eorum tertio qui positi sunt tres scopi, qui est roborandum esse respiciantur naturalia dicta membra, vt sic rationalis & per methodum fiet curatio: Ex primo scopo sedandum esse dolorem nobis ostenditur, quibus id agendum sit, in proprio capite de gingiuarum prurigine supra institutum fuit, vbi recurat qui dolorem ipsum sedantia præsidia exoptabit; sequitur euacuandi scopus, Pars quæ euacuari debet est pueri cerebrum, quod euacuandum est, humida excrementi est redundantia. At cum euacuatio quædam sensibilis sit, insensibilis alia: vt hac via in sensibili fiat, nulla alia in tenella hac ætate accommoda magis & quæ tollerari valeat, quam ea quæ per victus rationem instituitur, vt qui sic satis habent vnde euacuentur dicebat Gal. sed cum in proposito nobis casu hæc nobis minime sufficiat, ea quoque molienda erit quæ sensibilibus euacuat. Et quoniam eiusmodi ætas, neque

neque eam quæ per medicamenta fit licet in casu nõ expediat, neque per venæ sectionem minime tolleretur, his idcirco omisissis ad illud euacuationis genus, quod in eiusmodi ætate magis expedit, & tolleratur tunc accedamus. Vt inhibeatur confluxus à cerebro ad subiectas partes, tùm fluens, tùm fluxum, & in cerebro redundans humiditas, vel reuellenda est, vel ad vicinia deriuanda, & euacuanda. Si igitur in capite pueri sic affecti, pustulæ, vel crusta lactea efflorescant, nullum præstantius præsidium excogitari poterit, quam per ipsas pustulas quo natura vergit, materiam ad effluxum paratam, & quæ fluit reuellere. Hoc facile assequi poterit, si pustulæ ipsæ ad saniositatem iugiter ducantur, & interim detergantur. Vt hoc facilius præstetur nutrix singula die si opus fuerit, vt reuirescant super ipsas pustulas, lactis guttulas aliquas exprimat, & manu sua leuiter confricat occipitium versus trahendo, & ita die singula redundantis in cerebro excrementi reuulsio, simul ac euacuatio fiet. Verum si in capite pueri pustulas non efflorescere contingat, quoniam ex Hip. & Gal. iam sup. posuimus symptoma hoc à dētium perforatione oriri cum cæteris dictis affectibus, vt in cit. 3. apho. tex. & com. 25. quæ symptomata, & epilepticam conuulsionem præsertim vt præcaueamus, occipitij inuulsionem præ ceteris præsidijs celebrandam esse suo loco ostendimus; idcirco si ad eiusmodi præseruationem puero iam inustum fuerit occipitium, aliud negotium medico facessere non oportebit. sed emissarium

rium illud apertū seruetur, vt suo loco dicitur; Quod si inultum infanti occipitium non fuerit, expediet vtiq; ipsum inurare, vt non modo ab alui fluore si perseveraret, verum & à cōuulsione epileptica quod magis refert, nec non à cæteris affectibus dentium perforationem sequentibus præseruaret. Modus vere inurendi, & locus inurendus, & tempus quo apertum emissarium seruari debet supra in capite de comitali morbo ostenditur. Et si fortasse cum alui fluore leuia essent cætera symptomata, & non adesset suspitio de imminente epileptico morbo, ob solum alui fluorem non esset caput inurendum, sed si euidenter cerebri destillatio fluori occasionem præberet vice cauterij vesicatoriū in occipitio ipso administrarem, & ipso pro deriuatione, simulac euacuatione vterer secundum indigentiam, roborandum interim cerebrum fuerit sic.

Rec. pul. bettonicę.

Pul. maioranæ

Rutæ. sem. peoniæ an. scr. ij.

Pul. sandaracæ scr. j.

Misce de hoc puluere aspergatur supra commissuram coronalem, & alternis diebus remoueatur, & noua reiteretur. Gingiuis uero robur præstabit prout in cap. proprio de gingiuarum pruriginē dicitur. Stomaco vero sic succurratur.

Rec. olei de absinthio

Olei masticinī an. unc. s.

Pul. mentæ siccæ

Pul.

Pul. corall. rub.

Terræ sigillatæ an. scr. s.

Ceræ & aceti parum: misce fiat unguentum molle cum quo ungatur stomachus mane & sero, sed cum vino stiptico calido illinitio iam facta detergatur, priusquam denuo illinatur: vel vngatur sic.

Rec. olei nardini }
Olei de citonijs } an. unc. s.

Spet. aromatici ros. g. vj.

Cornu ceruini vsti g. v.

Ceræ & aceti parum: misce & fiat linimentum cū quo stomachus mane & sero liniatur, vt supra. Intestinis vero robur indetur si mane infantis vter abluatur cum uino albo in quo efferbuerint rosæ, mirtilli, bacca lauri, mentha. postea ungatur infrascripto linimento.

Rec. olei mirtillorum

Citoniorum

Masticini an. dr. iij.

Spet. triasandalorum

Terræ sigillatæ

Cornu ceruini vsti an. gr. iiij.

Ceræ parum fiat linimentum quo regio ventris tepide, & subtiliter ungatur post lotionem.

Nutrix vero obseruare debet petias, & linteamina quibus puer obuolutus fuerit inspiciendo an excreta mutantur, & suo colore, uel flaua, vel crocea appareant, uel uiridia. notabit quoque ipsorum quantitatem, & si eiusmodi colore tincta appareant, & sic

O 3 perfe-

perseuerent, aduocetur medicus qui accersitus inspiciat inspicienda, & tùm qualitatem, tùm quãtitatẽ deiectionis obseruet, & simul puerum tangendo obseruet an febris adsit. Quod si febricitet, dignoscat an causa dentitionis, an ob vermes, vel ob aliam putredinis occasionem, & si causa dentitionis, vel vermium, recurratur ad propria capita supra descripta, vbi singularum dictarum causarum sua curatio traditur. Interim verò, nè à biliosis illis excrementis intestina abradantur, uel exulcerentur, si perseuerent sic.

Rec. melicrati cum melle albo, & aqua borra cõfecti, vel aqua ordei unc. iiij. oui cum albumine dimidium m. infundatur enema. uel sic.

Rec. iusculi parua pullæ non saliti unc. iiij.

Oui dicti dimidium

Sy.rosati de rosis siccis dr. iiij.

Misce fiat enema.

Venter quoque, & hepatis regio sic illiniri poterit.

Rec. olei mirtillorum

Olei melini an. unc. s.

Sandalorum rubeorum, & citrinorum an. gr. iiij.

Ros. rubearum gr. iiij.

Succi cicorei parum.

Ceræ quod satis est fiat unguentum molle, quo ut est dictum liniatur. Verum si ab eiusmodi humoribus ob eorum acedinem intestina exulcerari cõtingat, uel abradi, quod dignoscetur à cruētis deiectionibus

CVR. MORB. PVE. TR. IIII. 215

nibus à conatu in egerendo, & à fletu ob tormina, & dolorem contingente, tunc de præsidio consulere debet medicus. signum namque esset tenasimonis, cui sic succurratur

Rec. lactis caprilli, in quo filices fluuiales ignitæ, vel ferrum candens extinctum fuerit.

Olei rosacei omphacini unc. s.

Sæpi hircini cum dicto oleo liquefacti unc. s. uel dr. ij. prout natu maior fuerit, lutei oui cum albumine simul parum: misce fiat enema, quod singula die reiteretur secundum indigentiam. Si uero enema nō tolleraret infans sequens infessio, uel lotio fiat.

Rec. uerbasci

Bursæ pastoris

Plantaginis

Rosarum rub. an. m. j.

Fiat decoctio in uino rubro cum tertia parte aquæ boræ, cum quo decocto fiat lotio, uel infessio, prout ætas pueri tollerabit. Poterit quoque suffumigium eiusmodi parari, ut in perforata sede locatus puer ad anum fumigium tendat, & intus recipiatur.

Rec. therebintinæ

Picis græcæ

Masticis

Sem. uerbasci an. q. u.

Paretur arte suffumigium.

Et si primitus intestini recti dolor inualesceret, tunc pectem, & spinæ inum circa os sacrum hoc linimento ungatur.

O 4 Rec.

216 IACOBI TRVNCONH. DEO

Rec. olei mastici

Olei mirtilorum an. uuc. s.

Sæpi hircini vel veruecis an. dr. j.

Terræ sigillatæ

Pul. uerbasci

Ros. rub. an. gran. v.

Ceræ quod satis sit, fiat linimentum, quo vtatur
ut supra uel fiat sic,

Rec. oua tria cum albuminibus conquassata.

Croci gr. iiij.

Sæpi hircini uel ueruecis

Olei mastici an. unc. s.

Fiat frictatum quod supra pecten tepide appo-
natur, uel sic.

Rec. veruecis Zirbum frigatur leuiter in sartagine
cum pauco vino rubro, & de eo quantum infantis
pectini conueniat recipiatur, & ros. rub. pulueribus
asperfis desuper pectini applicetur tepenter, & ubi
frigescat iterum calefiat, & iterum apponatur quan-
doquidem in eiusmodi doloribus, & premittu sedan-
do mirum in modum valere conspeximus. Et si in-
fans mensem iam septimum attingat poterunt in-
fundi enemata ea formula qua supra descripsimus,
uel sic.

Rec. aquæ boræ calibeatæ unc. iiij.

Sæpi hircini.

Olei rosati omphacini an. unc. s. uel olei dicti q.
suf. ad fundendum, & incorporandum pinguedinem
hircinam.

Lutei

Lutei oui affati dimidium, & si quod per alium deijcitur cruentum esset, tunc ouum non assetur, sed accipiat crudum cum albumine. uel alio enemate sic uti poterit, ubi mineralis ipsa aqua inueniri non possit.

Rec. iuris pulli galinacei, uel ueruecis non saliti in quo incocta sint plantago.

Bursa pastoris

Arnoglossa

Ordei torrefacti an. q. conueniat de quo decocto

Rec. unc. iiij.


Olei mirtill. uel rosacei omphacini unc. s.

Sapi hircini dr. iij.

Lutei oui affati n. s. misce fiat enema quod omnium cum cautela, & dexteritate infundatur.

Nutrix uero tunc temporis in sex rebus non naturalibus ita se regere debet, ut eius victus ratio astringentiam facultatem habeat, ita ut singula eius fercula quæ incoqui debent, in calibcata aqua incoquantur, carnibus uero utatur assis magis, quam elixis, & potius ex montanis auiculis sint, & in dumetis degentibus, quam cæterorum animalium.


Finis Quarta partis.



APPEN-



APPENDIX
DE VARIOLIS,
ET MORBILLIS
Eiusdem Authoris.



ARIOLAE, ET MORBILLI
paruae sunt pustulae super car-
nem in cute efflorescentes, Gal.
exathemata nuncupauit. Hip.
^{εϋτιμα} Plinius papulas, Arabes
vero, & Latini omnes fere va-
riolas, & morbillos hodie vo-
cant. Morbus hic contagio-
sus est, ijsq; praecipue ipsorum contagium imperti-
tur, qui alias eiusmodi morbum experti minime fue-
re. Plerumq; siquidem compertum est, & ad huc
experientia comprobatur, quod si plures in domo
aliqua pueri reperiantur, simulq; in habitent, si ipso-
rum vnus hoc morbo aegrotauerit, ab hoc tanquam
de vno in alium idem morbus vagans, caeteros non
multo post tempus apprehendit. Est praeterea singulis
hominibus adeo communis, vt vix nullus sit, qui sua
vice ipsum non experiatur, ni praecox mors illum
tollat aliquo alio praeueniente exitiali morbo, vt in
dies experimento obseruatur. Morbus hic quamuis
inter-

*Variolae con-
tagiosae sunt*

intercutaneus dicatur nihilominus non modo vni-
 versa cutis sed intimæ quoque partes vt os, aspera
 arteria, pulmones, & intestina hac labe tentari exul-
 cerariq; solent. Morbi genus est in intemperie ob fe-
 brem, simul ac in quantitate, & aucta mole, quia sin-
 gular subiectæ partes tument, est nec non in vitiata
 figura ob capitis. & faciei deformitatem, sed etiam ex
 eo quod vniuersum corpus deforme adeo cernitur,
 vt vniuersa cute in fetetes crustas soluta oclusis ocu-
 lis, vt corpus omne queminadmodum Doct. Am-
 bianus exacte comparauit, non aliter contabescere,
 & nigrore torreretur cernitur, quam si menses quatuor
 è furca pependissent, & idcirco morbo etiam occu-
 pantur comitali, videlicet in soluta cōtinuitate. Cau-
 sa eiusmodi morbi, quæ proxima dicenda videtur
 prauis sunt humores cutim attollentes in tumorem,
 & eandem exulcerantes. Antecedens vero expulsio
 est reliquiarum ex menstruo sanguine, quo altus fuit
 factus à benigno separatarū naturalis excretriciſ ope-
 re functa; separationis eiusmodi causa sanguinis est
 ebullitio: ebullitionem hanc Auic. in 1. 4. recte com-
 parauit inquit. Per ebullitionem etenim non se-
 cus accidit, quàm in succo vuae, vel musto qui dum
 ebullit, expulsa aerea spuma, & fece terrea rectifica-
 tur, atque purificatur vinum, & ita sanguinis purifi-
 catio contingit. Causa uero ebullitionem excitans
 est uel occulta aeris qualitas, vel præsentis tunc cæli
 status aduersa constitutio, vt præcipue est Austrina,
 uel prauus inspiratione attractus aer à prauo tetro-
 que ua-

*Vanale in
 quod morbi
 est*

*Causa
 videtur*

que vapore ab vlceratis pustulis emanans, ijsq; ad
 patiendum paratis contagium præstans. Alia causa
 prauam materiam à penitioribus partibus ad cutim
 propellens est naturæ, & excreticis eius robur, vbi
 à prauo hoc fomite, & quandoque simul ab humo-
 rum redundantia, ac indebito cibi, potusque usu
 consequente degrauiata se ipsam exonerare cupiens,
 hanc molitur expulsionem, vt Auic. cit. loco author
 est, & Haly abb. lib. 8. suæ theoricæ inquit. Con-
 fortata autem super eas natura expellit ad corporis
 exteriora. Et Auenzoar lib. 2. trac. 7. inquit. Cum
 autem post natiuitatem natus incipit inualescere, &
 fortificari, natura cōfortata expellit hunc humorem
 malum, & corruptum ad exteriora, & cum moue-
 tur natura ad hanc expulsionem excitatur pro maio-
 ri parte febris, & quæ seq. Causa autem quæ subie-
 ctum dicitur, est materia quæ ebullit, atque putrescit,
 ex qua accenditur febris, & quæ expellitur, & expul-
 sa cutim in pustulas subleuat, ipsamq; erodit. Reli-
 quia sunt menstrui sanguinis ex quo in utero aleba-
 tur infans, & subinde in membrorum porositatibus,
 & in venis reseruata, vt tenet Haly abb. lib. 8. suæ
 theoricæ cap. 14. vbi sic ad verbum inquit. Fætus
 namque in matrice sanguine pascitur menstruo, qui
 superfluitas quædam est corporis mulieris, quem na-
 tura ab hepate per uenas ad matricem expellit, quem
 madmodum alio diximus loco, & paucis interposi-
 tis inquit. Fætus itaque ex meliori pascitur, & eo
 ipsius nutriuntur membra: reliquumque quod est
 in eius

*restans
 loquitur
 variolæ*

in eius remanet membris & uenis. Idem asseuerauit Auic. cit. sup. loco. Idem quoque Auenzoar lib. 3. tr. 3. cap. 4. ubi perpulchre ostendit qualiter fatus, nutriatur ex bono sanguine menstruo, nihilominus illius prauitatis portio reseruatur in membris ipsius fetus; deinceps subdit inquiring. Post exitum ipsius ab utero infans nutritur, & coadunatur naturalis calor in ipso, & natura eius augmentatur, & confortatur, & conatur digerere, & subtiliare predictum humorem malum, atque nocuum, & ipsum exterius expellere, & quæ seq. hoc idem Auerr. sentijt in suo 3. colliget cap. 8. Præterea quod fatus, ut plurimum uitioso sanguine nutriatur, extat Gal. placitum in suo 1. de simpt. caus. cap. 7. ubi inquit, Hoc autem auctius redditum tùm ipsum ampliore nutrimento utitur, tùm non solum quicquid in uenis optimum est, id trahit, ceu prius dixi, sed etiam qui plus indigeat eius quod uitiosum est, aliquando vnà trahit. Hac morbi istius supposita causa ambiguitas oritur eaq; non leuis. Non desunt namque inter recentiores præcipue qui de hoc morbo pertractantes, sicuti nouum esse statuunt, nouam quoque eiusdem causam, atque à ceterorum diuersam sententiam afferant. Dicunt namque eiusmodi morbum tunc oriri cepisse, cùm cæli uitio, uel aeris nequitia tempestate quadam eiusmodi labes hominibus communiter impertita fuit, unde si omnes qui ab illis, qui tunc temporis ægrotarunt, successiue orti fuere, proprietatem contraxere ex semine, quam & nati natorum, & qui nascentur ab illis,

ab illis contractam habuisse, & in posterum etiam successiue habituro s existimāt. De tēpore quo idem morbus suboriri ceperit, eo tempore dicunt & illo sub æuo, quo authorum Arabum qui de hoc morbo scripta prodidere, scola vigeat, & non antea. Verum hæc illorum opinio multis conuincitur, tūm rationibus, tūm etiam autoritatibus: quod à me dictum eorum pace veritatis indagandæ studio potius, quam cauillandi, ab eis recipiatur. Peruestiganda enim est variolarum, & morbillorum præcipua causa, quæ in singulis hominibus comperiatur ob quam singuli, homines hoc morbo apprehenduntur, siquidem morbi qui comuniter cunctos homines apprehendit comunis quoque debeat esse causa. At de proprietate quam ipsi dicunt à patris semine fuisse contractam sic dicendum videtur, videlicet, Quod proprietas hæc perperam variolarum, & morbillorum causa statuitur, cum absque hac à principio subortū fuisse hunc morbum statuunt, à quo primi illi correpti fuere homines his tantummodo concurrentibus causis, videlicet aeris vitiū, uel cæli nequitia, & ichores in ipsorum corporibus scatentes. Præterea sic dicitur, quòd cum nouus hic morbus, vt dicunt, surrexit, dubio, procul nō omnes homines apprehēdit, & nō omnes ægotarunt, sed eorum aliqui illesi perstiterunt, quod minime ab eis negandum uenit, alioquin vt ostendit Gal. in 1. de diff. feb. cap. 4. & Haly abb. 1. suæ theoriæ cap. 11. sequeretur quòd omnes sub æstiuo sole ægotarent, & in pestilentijs morerentur, quod
tanquam

tanquam absurdum concludit Gal. vt destruat illud ex quo sequitur. Si sic igitur est, quod in pestilentijs & aeris, vel cæli uitio non omnes homines ægrotant, necessario concludi poterit, quòd non omnes homines tunc temporis ægrotauerint, nec subinde omnes homines proprietatem illam ex semine patris cōtraxerint, & nihilominus hoc morbo omnes corripian- tur, sequitur quod proprietas hæc tanquam frustato- ria, & minime necessaria ad uariolarum, & morbillor- um morbum procreandum concurrat. Neque aeris insuper uel cæli vitium uariolarum, & morbillorum præcipue ea causa dici poterit, ut ex dictis authorita- tibus constat, & quemadmodum aptissime osten- dit Auerroes in suo 3. colliget cap. 8. vbi de variola- rum causa pertractans inquit. Et non potest dici ut fiant à causis extrinsecis, quia illæ non sunt necessa- riæ in omni homine. Vt singuli homines in quali- bet tempestate ab eodem morbo minime capiantur causam reddit Gal. in 1. de morb. vulg. in principio inquit: Quoniam sanè non parum distant ad in- uicem corpora per connatas naturas, per ætates, & per varias viuendi formas. Haly abb. vero hoc idem asserens inquit in 1. suæ præc. regalis disp. Diximus quòd pestilenciales morbi nō accidunt omnibus ho- minibus, immo quæ fiunt passionēs à complexionis aeris mutatione in eorum corporibus inueniuntur, quorum complexio consonat complexioni aeris in eo tempore. Et quæ sunt à mutatione substantiæ mali aeris, tunc temporis parati ad suscipiendas has passio-

passiones, & morbos quos prauus aer inducit. Concludendum est recte igitur, quòd causa ea, quæ aeris, vel cæli vitio oritur minime potens sit, cùm per se sola neminem ledat in alia cõcurrat causa, quæ aptitudo dicitur ad patiendum ut Gal. attestatur cit. lib. de dif. feb. cap. 4. inquires, quòd nulla causarum sine patientis aptitudine agere potest, cui sententiæ se subscripsit Haly Abbas lib. 5. suæ theoricæ cap. 11. Quæ vero aptitudo sit quæ corpora ad patiendum disponit Gal. sub exemplo ostendit cit. loco inquires, supponatur igitur vt in exemplis in ambiente quidem aere nonnulla pestilentix semina contineri, ac ea corpora, quæ ab ipso continguntur nonnulla quidem esse varijs superfluitatibus plena iam ex se ipsis ad putrescendum paratis, & hæc ad patiendum habilitatem habet, quæ habilitas est superfluitatum abundantia. Deinceps Gal. quæ habilitatem non habent ostendit inquires. Nonnulla autem pura, atque inutili materia carentia & hæc habilitatem ad patiendum non habent. His positis puris, & impuris corporibus deinceps idem Gal. inquit. Cogita quomodo vtraque corpora affici sit necessarium ab eo quem inspirant aere putredinoso. An non rationabile est inquit ille, illa quidem statim à prima inspiratione principium putredinis sumere, ac plurimū in malo procedere? quæcunque autem munda sunt, & superfluitatibus carent nonnulla nihil mali sentire, nonnulla uero minimum, ita ut ad naturalem habitum facile habeant regressum? Deinceps vt id confirmet am-

P plus

plius quod exemplo ostendit rursus ostendens inquit. Sic, & cum aeris temperamenta à naturali habitu ad caliditatem atque humiditatem fuerit immodice conuersa, pestilentes quidem oriri morbos est necessarium, plurimum verò eisdem laborare quicumque fuerint superflua pleni humiditate, quemadmodum qui moderatis laboribus se exponit, ac vitu vitur moderato in omnibus eiusmodi dispositionibus nullam omnino sentit offensionem. In primo de morbis vulgaribus in principio hoc idem asserens inquit. Cur igitur in vnaquaque tempestate non omnes eodem morbo capiuntur? quoniam sanè non parum ad inuicem distant corpora per conatas naturas, per ætates et per varias viuendi formas. Cum igitur ampla sit sanorum hominum latitudo, sub qua eorum corpora ad inuicem per dictas rationes plurimum distent illi tantum aeris vel cæli uitio patiuntur, qui aptitudinem ad patiendum cōtinent. Aptitudinem verò in se continent, quorum corpora excrementis redundant. Illi verò aptitudinem hanc ad patiendum non habent, quorum corpora excrementis vacant. De his Haly Abb. loquens inquit lib. 5. suæ theoricæ cap. 11. Eorum etenim complexio mali aeris complexionem exuperat, cuiusque frangit inimicitias. Et Gal. de iisdem loquens in 1. de diff. feb. cap. 3. inquit. Et qui boni sunt habitus, ac bene diffantur, & quiescunt, & ventriculum, atque hepar calefaciunt, his febrile est impossibile: nam in eisdem residet ventriculi, atque hepatis partibus quod-

cunque

cunque corruptum est, ac paulatim per tempus co-
quitur, atque optimum fit. Cum itaque excremen-
torum redundantia in corporibus habilitatem, vel
aptitudinem præstet ijs ad patiendum, duplexque in
corporibus nostris excrementi genus reperiatur, vnū
videlicet quod ciborum esum, & potionem conse-
quitur auctore Gal. 1. de sanit. tu. cap. 4. Aliud verò
ex vtero matris vnusquisque deferat, videlicet san-
guinis illius menstrui reliquiæ, ex quo altus in vtero
fuit, & subinde in membrorum porositatibus, & in
venis reseruata. Primum excrementorum genus in
ijs tantum redundans reperitur, qui in cibo, & potu,
atque in cæteris sex rebus non naturalibus tanquam
intemperantes delinquunt, & ipsarum debitum regi-
men minime seruant. Non reperitur autem in ijs qui
boni sunt habitus, & circa res ipsas probè se gerentes
debitum regimen seruant, quos Haly abb. studiosos
dominos suæ sanitatis appellat in sua regali disposi-
cit. nuper loco. Hoc aliud vero in singulis ortis ho-
minibus, & adhuc non ortis reperitur, cuiuslibet siqui-
dem tum generationis, tum nutritionis, tum augmē-
ti vnum ex primordijs extitit. Exponendum idcirco
venit, quòd ex dictis excrementorum genus vniuer-
salis ea causa sit, vt vniuersalis hic variolarum, &
morbilloꝝ morbus cunctis hominibus sua vice im-
pertiat. Et in primis duo supponenda sunt, quæ
tanquam requisitæ cōditiones tum variolarum, tum
morbilloꝝ morbo, tum etiam eius causæ debentur.
Vnum est quod sicuti morbus hic singulos ho-

*Bis etia Va:
nolq aduenire*

mines apprehendit, ita & eius causa in singulis reperiri debet. Secundum vero est, quòd quemadmodum morbo huic proprium est semel tantum quemlibet tentare, vel bis ad summum, quoniam materia praua à morbo prima uice ex toto dissipata non fuerit, ita & causa eiusdem morbi talis debet esse naturæ, ut semel à natura depulsa, & à primo morbo dissipata de nouo repullulare nō valeat, nec amplius morbū ipsum excitare. His suppositis primo an ad excrementa illa quæ à dictis recentioribus Ichores dicuntur, atque sanguinis pars subtilior, atque crudior sit causa ipsa referenda, vel potius ad aliud excrementi genus, ut Arabes tradunt videlicet ad mēstrui sanguinis excrementa, vel eorundem ichores. Ichores dicunt esse partes subtiliores, atque crudiores sanguinis. Si sic ichores intelligant, morbillorum causam neutiquam attingere videntur cū potius ex feruescente bile morbilli procreentur, minime vero à crudo humore, qui sua natura frigidus dicitur, ut optima ratione conijcitur, & ut per Gal. verba colligitur 1. de alim. facul. cap. 2. pituitæ siquidem potiusquam alterius succi crudus ichor naturam redolet. Præterea non facile recipitur, quòd uariolarum pustulæ ex subtiliori parte sanguinis procreentur, ut in quibus crassior materia subesse videatur, quæ eas in tumorem attollit, & cum præcipue ijs disruptis, vel perforatis crassus, glutinosusque, & lentore non expers sanies uel ichor emanet; cauaq; & indelebilia pustularum ipsarum quælibet ex se relinquere soleat. Dicent fortasse non
de cru-

de cruditate ea dictum intelligendum esse, quæ alimentorum coctioni opponitur, quæ fit in ventriculo, in hepate, & venis, sed de cruditate ea dictum intelligi debeat, quæ generali magis sensu dicitur de vitiosis illis humoribus, qui cum à natura adhuc euicti non fuerint, crudi idcirco dicuntur, cocti autem tunc dicuntur, cum à natura euicti præparatiq; fuerint, Si ita igitur ichorum cruditas intelligi debeat, cum quilibet humor ichorem sibi proportionatum, & naturæ suæ non absimilem in se contineat, vt Gal. asserit lib. 6. epidemiarum commentario 2. com. 37. possunt idcirco ichores ab vnoquoque ex quatuor humoribus emanare, vt cit. loco legitur. tum ex Platonis, tum ex Hip. decreto, & præcipue de ijs qui ex bile diffuunt de quibus Gal. Hip. verba in 2. epid. prolata cit. sup. loco refert, vbi inquit. Et sub cute ichores creabantur, inclusi autem calefcebant, & quæ sequuntur. Quamuis tamen in hoc significato recipiantur, nihilominus neque ichores ipsi, neque humores à quibus defluunt causam esse possunt, quam disquirimus nisi ex menstruo dicto sanguine ichores ipsi fuerint emanati, vt infra ostendetur. Quod humorum abundantia, quæ ex indebito victus regimine in corporibus cumulat, vel eorundem humorum ichores causam esse non valeat morbi illius qui singulos homines apprehendit, hoc notius est, quam vt à me ostendatur, quandoquidem non omnes homines superfluitatibus se replent, nec pariter eorum corpora recrementis scatent, sed aliqua magis, aliqua minus,

nonnulla verò excrementis vacant, & munda dicuntur cum authore Gal. cit. loco distent inuicem corpora per connatas naturas, per ætates, & per varias uiuendi formas. In illorum namque corporibus abundant excrementa, qui in debito regimine delinquent, & præcipue in cibo, & potu. Excrementis verò vacant illorum corpora, qui in cibo & potu atque in cæteris rebus nō naturalibus probe se gerunt, & optimo regimine vtuntur & idcirco boni sunt habitus. Cum igitur eiusmodi superuacaneorum abundantia, vel plenitudo in singulis corporibus minime reperiatur ob id neque aptitudo, neque proprietas dici poterit, quæ communiter in omnibus hominibus inest, vt inesse oportet in ijs qui variolarum, & morbillorum morbo corripuntur, secus namque, & qui boni sunt habitus, & quorum corpora ijs excrementis vacant, & qui in victus ratione optime se gerunt, vel infantes sint recenter nati sub selecta, accuratissimaq; nutrice, vel ab lactati, & sub alio eiusmodi curam gerente educati, nihilominus cum nullus hunc morbum effugere valeat, sed ipsi quoque ægrotare debeant, sequitur idcirco quod absque aptitudine ea, quam necessariò ad patiendum concurrere vult Gal. & absque proprietate quam ponit Auicennas, nihilominus ipsi ægrotarent; quandoquidem maiorum dictis repugnaret, cum idem Gal. dicat. Quandoquidem nulla causarum sine patientis aptitudine agere potest. Et Auicennas dixerit agens validum cum peruenerit, & non adsit patientis præparatio nō fit actio,

fit actio, neque passio: At cum absurdum sit à maiorum assertationibus recedere, planumq; sit, & apud omnes confessum, quod inter omnes homines, ubicumque corpora dantur pura, & superfluitatibus carentia, nec non alia impura, & superfluitatibus minime carentia, cum ampla satis sit sanitatis latitudo. Et quod superfluitatibus scatēt eorum corpora, qui malo indebitoq; victus regimine vtuntur, sicut illorum corpora munda sunt, & superfluitatibus carent, qui debitum in sex rebus non naturalibus regimen seruant, & domini studiosi sunt in custodia suæ sanitatis, vt inquit Haly. abb. omnes tamen hoc variolarum, & morbillorum apprehendi contingat, alia idcirco perquirenda causa erit, quæ cunctis hominibus comunis sit, postquam excrementorum dicta plenitudo cum in cunctis comuniter hominibus minime reperiatur, omnes tamen hoc morbo ægrotant, si ab alio aliquo præueniente prius non enecentur. Sed tandem, vt absque contradictione aliqua agnoscant qui secus tenent, quod neque excrementorum proventus, neque eorundem ichores minime causam esse, ut singuli homines variolarum, & morbillorum morbo apprehendantur, dicant ipsi quæ excrementorum abundantia, uel ichorum in nuper natis infantibus reperiri potest, præter sanguinis menstrui recrementa, vel ipsius sanguinis ichores? & nihilominus ab hoc morbo apprehenduntur. Amplius quid de infantibus ijs dicent, qui hac labe coinquinati ex matris vtero exiisse visi fuere? vt clarissimus Ambianus

*Materialis
Causa Vari-
olaz. e. sdy?
nec non*

*q. causa
efficiens
q. finalis
et formalis*

*Hippocrates
et alij veteres
variolas cognov-
erunt*

notavit. Non alia igitur quæ cunctis comunis sit cau-
sa venari, reperiri que unquam, & à nemine poterit,
quàm inenstrui sanguinis reliquæ in quolibet orto
infante, & qui adhuc oritur reservatæ: vt recte Ara-
bes senserunt. & hæc de materiali causa, quæ subie-
ctum dicitur, causa vero pravam hanc reliquiarum
materiam à probo sanguine separans est ebullitio,
ebullitionis, atque putredinis causa est attracti aeris
vitium, vel crassities ac humorum lentor, vel eorun-
dem copia obstruens, & prohibita transpiratione
ebullitionem, atque putredinem excitans. pravam
ipsam separatam materiam expellens causa est natura
ipsa excretriciis ope. Finalis causa est à prava mensium
reliquiarum materia sanguinis repurgatio. Formalis
vero est materiæ illius ebullitio, atque putredo, & ex
ea pustularum in cute efflorescentia; & hæc de causis.
Quod insuper antiquorum ævo notus hic variola-
rum, & morbillorum morbus fuerit patet non mo-
do apud Arabes, sed etiam apud Græcos. Diuinus
ille senex in suo 1. epid. commentario 1. tex. 38. &
4. de hoc meminit morbo, nec non lib. 4. eiusdem
operis sub nomine *εντιματις*, ac etiam li. 6. eiusdem ope-
ris, & etiam lib. 7. tex. 94. vbi historiam tractat, ac
enarrat filij Timonacti duos menses agentis, & hoc
morbo correpti. Inter Arabes verò Auic. Haly abb.
Rasis, Moses, Auenzoar, & alij. Quod sub ævo iam
dictorum autorum, & apud ipsos non novus mor-
bus, sed antiquus reputaretur, Testis est Haly abbas,
qui in regali sua dispositione lib. 8. practicæ cap. 14.

vbi de

vbi de hoc morbo pertractans inquit. Quam antiqui dixerunt carbones adustos, Græci autem filias ignis vocarunt. His ita discussis, & enarratis causis ad signa tandem accedamus. Signa variolarum, & morbillorum exitum præcedentia, & quæ significant eas de proximo erupturas, vel pustulas apparere hæc præcedunt, videlicet febris de genere sinocharum, capitis dolor, oculorum rubedo, & illacrimatio, tussicula, narium pruritus, pandiculationes crebræ, vniuersi corporis punctiones, & tremores, concussiuusque motus, pauores in somno; Vbi vero iam apparuerint, capitis grauitas, tumet facies, clauduntur oculi, tumet quoque vniuersum corpus, si variolæ fuerint, atque deforme redditur, albescunt subinde pustulæ, & in færentes crustulas effusa sanie desiccantur. Præterea sequitur raucedo uocis, & spiritus difficultas, si asperæ arteriæ, uel pulmonum partes hac labe fuerint affectæ, & disenteria subsequitur si intestina exulcerauerint pustulæ, & si fauces deglutitio impeditur. hæc de signis. Tunc salubris euentus erit, vt de prædictione agamus, cum febris antecedit non valida, & si dum pustulæ exeunt imminuatur febris, si celeriter efflorescant, citoque maturentur, & si paucae sint, & deceter eleuentur. Morbillorum vero salubris erit euentus, si non admodum sit intensa febris, & materia decenter expellatur, citoque digeri incipiat. Perniciosus vero iudicabitur, si plurimæ sint pustulæ, & inter eas vel cineritio, uel nigro colore ex ijs aliquæ apparuerint, & eo magis si plures sic scatere videantur, &

Signa Variolarum, et morbillorum

Prognosis

tur, & si plures simul cohereant, & decenter non ele-
 uentur, & si eleuatæ fuerint, antequam maturescant
depressæ videantur, quod in variolis perniciosum
 valde est signum, cum quo nullum fere euadere vn-
 quam vidimus, & eò magis si intensa febris profe-
 quatur, si raucedo adsit, si spirandi difficultas super-
 uenerit cum sicca tussi, si intestinorum tormina, &
 disenteria, hæc namque intestina, illa vero pulmo-
 nes, & asperam arteriã affectas partes esse indicia pla-
 nè ostēdent, & sæuissimum esse atque pernecabilem
 morbum, & hæc de prædictione. Curatio iam geni-
 to variolarum, & morbillorum morbo debetur, sed
 imminentis, vel futuri præseruationem moliri per-
 peram profecto videtur, & in ijs præcipue, qui mor-
 bum hunc semel experti adhuc non fuerint. Primo
 quia cum eiusmodi variolarum, & morbillorum
 efflorescentia naturæ sit expulsio, vt fere autores
 omnes fatentur, & præcipue Arabum omnium sco-
 la, ac etiam quia naturæ opera cum præsertim sibi
 noxia impedire non valeamus, neque etiam valentes
 deberemus, hac etiam ratione, quia aeris inclemen-
 tia in tempestate aliqua non nisi difficulter euitari
 possit, cum tùm respirare non valeamus, ac subinde
 quia in infantibus præcipue, quæ in eis reseruatae
 sunt menstrui sanguinis reliquiae à natura tantum, ab
 arte minime euacuari valeant, vt in plurimis obser-
 uatum fuit, quibus ob alterius prægressi morbi cura-
 tionem per pharmacum, ac nonnullis etiam per ve-
 næ sectionem euacuatio facta fuit, nihilominus ne-
 que ab

Præseruatio

Nota

que ab ipsa euacuatione, neque ab ipso morbo dissolutæ menstrui illius sanguinis reliquæ vnquā fuisse, sed in aliud tempus eiuscemodi morbi tentati fuisse, & à natura ipsa, depulsa praua materia ab hoc morbo postea correpti euaserūt. Nihilominus vt in aliud tempus tardetur, vel mitis atque saluber magis sit futurus, vel imminens hic morbus, & à maiori eius putredine, ualidisque febribus quisque præseruetur, debito victus regimine utendum erit, ut perpetuo obseruari debet. Primum aer cum coinquinatus fuerit, & ad hanc labem excitandam propensus quo maxime poterit euitandus erit, & in salubriorem commutandus. Cauendus est quilibet ipsius aeris excessus, & præcipue calidioris, uel humidioris, qui si à præsentitunc cæli statu talis, & non aliter condonetur, uel sub temperato magis, & clementiori cælo se transferent, uel arte moderandus erit, ut Gal. monet lib. 9. methodi cap. 14. ut qualis exigitur talis reddatur, ex quo idem Gal. inquit domus seligendæ sunt quæ ex ipsis eas præstent qualitates, quæ in salubris aeris qualitatibus aduersantur, uel arte nostra parari debent. Primo igitur selectis ædibus ut exigitur, curandum erit ut fenestræ quæ septentrionem respiciunt apertæ teneantur, vt borealibus, & aquiloniis ventis aer ambiens in ædibus repurgetur, frigidamq; ac siccam temperiem acquirat, ad frigiditatem nihilominus moderate vergat, & minime excedat, ne poros condēset, uel intus repellat. Quæ uero austrum inspiciunt, occlusæ omnes teneantur, & ut ambiens aer clemens magis,

magis, atque gratus reddatur, si aeris qualitas ad calidum nimis uersa fuerit ædes leuiter aceto rosato, & aqua lampæ irrorandæ erunt, & gratæ redolentibus floribus, & frondibus inspergendæ ut rosis, violis, aranciorum floribus, gelsiminis, & virgultis similibus, modo aeris moderata frigiditas non excedatur dictis iam de causis. Si verò ad humiditatem nimiam uersa fuerit aeris ambientis temperatura, ignes in ædibus, vel prope ædes in quibus pueri morantur redolentibus, & suauiter odoratis incendantur ignes, & propius incendantur si hiems fuerit, ut cum lauro, cupresso, pino, iunipero, & eiusmodi alijs. vel odorata fiant suffragia ut ex rosis, lauandulis, storace, isopo, maiorana, gariofillis, & similibus, & nutrix domi se contineat, nec ubi sunt ægri accedere non audeat.

Arte sic paratis ædibus, ac prout exigitur contemperato ipsarum ambiente quo cibo nutriri debeant, & quo potu, à suo fonte sic seligendum erit, Cibus si infans sit lactens sit lac sanæ, selectæq; nutricis. Eius nutricis verò cibi sint in actiuis qualitatibus attemperati, & boni chimi, cocti q; faciles, & qui eleganter alant, ut in suo loco de seruanda sanitate est dictum; hoc tamen curare debet, ut exiccanti aliqua moderata facultate non sint penitus expertes. In potu verò utantur vino paucifero, & decenter diluto sic in præseruando: in curando vero uitentur ab ipsa nutrice excrementa singula cibaria, atque calidiores carnes, & dulciora alimenta. Si vero ablactatus sit puer, eius cibus sit panis decoctus, vel stuphatus in iure parui pulli abiecto
magna

magna ex parte iure in quo efferbuerit, vel maceratus fuerit panis. Poterit quoque eis exhibere ferculum ex luteo oui, & pauco succo limonum, vel agrestæ, & panis lotus quandoque poterit, quandoque oua recentia sorbilia ipsis exhibere, & sē ex magis adultis fuerit nōnihil ex laudabilioribus carnibus eis exhiberi poterit, in quibus oxalida folia aliqua fuerint incocta. Poterit quoque eis exhiberi ferculum quandoque ex farina ordeī in furno præparata, quod ferculum ex iure parvæ pullæ confecti, ac melle sale pauco condiri poterit, poterunt quoque passulis uti, & tandem cum victus moderamine regantur, qui ad siccum moderate vergat, & nimiam societate vitent. tūm lactentes infantes nutricis regimine, tūm etiam qui iam ab lactati fuerint, & hæc de regimine eorum qui à variolis, & morbillis pueros præservare studebunt. Ambiguitati cuidam quæ per obiectionem quorundam excitari posset, responsionem modo afferre abs re non fuerit. Diximus quod in præservando pueros ab imminente variollarum, & morbillorū morbo victus ratio ad exiccantem moderate vergere debet, quod quidē Gal. verbis repugnare videtur, quandoquidem in primo de sanitate tuenda cap. 7. Gal. inquit: Haudquaquam itaque siccandi sunt pueri, si modo in his nulla præter naturā humiditas subest, qualis in raucedine & quæ sequuntur. Hipp. nec non raph. 16. idem perulgavit inquit. Victus humidus febricitantibus omnibus confert, maxime vero pueris, & alijs qui tali victu uti consuevere, quibus

Obiectio

bus verbis monet Hip. quòd neque ratione temperamenti, neque ratione consuetudinis pueri nequaquam sunt humectandi, quod Gal. in commento attestatur inquiring, oportet enim naturam eorum fovere per humida non eodem quo morbos modo demoliri. Obiectioni sic responderi potest, quòd quamquam de præservatione agatur, quæ præservatio sanitatem supponit, quæ similibus seruanda est, nihilominus cum aeris temperatura ad immodicam humiditatem versa fuerit, & ob excessum in humidis corporibus vereatur, vt sanitatis latitudo ad morbum iam prope accedat, & idcirco de imminente eo morbo inter pueros præsertim vereatur, vt Haly abb. inquit, ob id artis curatiue caput neutiquam ignorare debemus vt idem Gal. 1. aph. cit. loco, sed sciendum est quòd antevertit Hip. doctrinam, qua nos docet, quod quæcûque morbis præsentibus recte peraguntur, aut incipientibus, aut imminetibus præuertenda esse vt Gal. asseueravit nos monens in suo de curandi ratione per sanguinis missionem cap. 9. Hac de re igitur quia si morbus iam præsens esset, non similia, sed contraria exposceret, vt idem Gal. docet cit. primo de sanitate tuenda cap. 7. idcirco ipso imminente non esse ultra pueros humectandos, sed potius exiccandos iam satis constat, & sic in ceteris rebus non naturalibus dictis. Somnus sit moderatus, & pro consuetudine; reliqua verò vt de seruanda sanitate suo loco dicitur, ita regatur, & hæc de præservatione. Curatio vero iam correptorum sic fiat. Aer talis seligi, vel parari debet, vt
de

Respon.
Curatio

VARIOLIS, ET MORBILL. 239

de præseruatione est dictum. Cibi vero & potus si
infantes fuerint adhuc lactentes non alius sic quam
optimum lac à sana, selecta q; nutrice sumptum, quæ
nutrix probe se gerat in sex rerum non naturalium
vfu. Aere fruatur quem infanti conuenire dixi, In ci-
bò verò, & potu, & cæteris se gerat, vt supra de præ-
seruatione diximus præterquã quod donec morbus
statum pertrãsierit à carne, & vino se abstinere debet,
& præcipue à carne pulli donec febris omnino sedata
fuerit, & corticis ceciderint, & calor recedat inquit
Haly abbas, & vti pane in iure laudabilium carniũ
paruæ pullæ, ouis recetibus sorbilibus, ptisana ordeacea,
lentibus bis coctis, passulis corinthiadis, caricis,
pinguioribus, dactylis, potus sit aqua cinamomo caricis
decocta, & sic à carne, & vino abstineat donec
maturæ fuerint variolarum pustulæ, & quousq; mor-
billi per halitum digesti fuerint. Si verò ab lactatus
sic puer ferculum ei exhibeatur ex iure paruæ pullæ
in quo efferbuerint oxalidæ folia in quo vel ferueat
panis, vel maceretur, prout puello magis fuerit accom-
modum. Poterit quoque parari ferculum ex eodem
iure cum oui recentis luteo, & succo limonum, vel a-
ranciorum, vel granatorum muzorum, poterit quo-
que ferculum parari ex ordeĩ farina in clibano potius
prius excocta, atque decenter exiccata, quæ iocundi-
tatis gratia melle parum cocto posset dulcorari, quẽ-
madmodum cætera cibaria condiri laudauit Paulus
Aegineta, & præcipue pro ciẽda aluo, sed hoc impro-
batur ab Auenzoar cum dicat, quòd cum puer adhuc
esset,

esset, & variolarum morbo egrotaret absente eius patre, & quorundam consilio mel accepisse ex quo detrimētum adeo recepit, quòd mirum fuerit, quòd ab ipso morbo euaserit, & idcirco de melle toto vitę suę tempore recordatum fuisse, ne facile igitur assumptū mel in bilem uertatur, & eius bilis putredine intestina abradere ualeat, in morbillis præcipue ab eo abstinere, & potius ferculum ipsum cum pauco zaccaro dulcoratum succo limonum, uel aranciorum nonnihil admiscerem: sed in ualeolis in quibus adstricta foret aluus pauco melle in ipso uterer. Poterit quoque aliquando puello buccella panis loti cum aceto, uel succo limonum, uel aranciorum, uel granatorū consperso. Potus sit uel aqua pauco cinamomo decocta, uel aqua ordeï, & cum ipsa aqua pulli stillaticium. Potus quoque conueniens erit aqua capillorum ueneris, cicerbitæ, lētium excorticatarum biscoctarum balneo mariæ destillata, & ipsarum quęlibet maxime fuerit accomoda: Vinum autem eis protinus interdicatur donec maturæ fuerint uariolarum pustulæ, uel morbillorum euanuerint. Somnus & uigilia utrumque moderatum sit, & ex consuetudine. Quies seruanda potius est, & corporis labor, uel agitatio euitanda, ac prohibenda ne ebullitio magis seuiat. Si aluus adstricta nimis fuerit, melle utere aliquialiter cocto cum quo lactentis pueri lingua iblinatur, uel nutrix sui uberis papilla, & infantis ori indatur si uariolæ sint, & non morbilli quicquid dicat Auenzoar. Poterit etiam nutrix pruna damascena iure incocta comedere.

Potus

*Vino p
ueneris*

VARIOLIS ET MORBILL. 241

medere zaccaro aliquantisper dulcorata, necnō passu-
las corinthiadas, & ficus pinguiore, & iura in quibus
incocta fuerit superbibat. Quod si sic aluus nō egerat
infantis vmbilicus taurino felle inungi poterit. Qd si
minus ciatur aluus, poterit pinna galinacea in sūmita-
te butiro, vel oleo peruncta, ipsaq; summitate cōtorta
in anum intermitteri balani vice. Si vero ablaētatus sit
puer, & grādiusculus sit, & ex dictorū præsidiōrū vsu
venter nihilominus ciatur, poterit enema sic parari,

Rec. aquæ borre, vel iuris gallinacci vnc. vj.

Olei rosati omphacini vnc. j. s.

Zaccari rubei, vnc. s. misce fiat enema quo intesti-
na abluātur. Ira & excādescētia caueatur ex qua san-
guis, & bilis magis inde ferueāt, & symptomata augeā-
tur; quo pacto id cauere debeat Gal. docet 1. de sanit.
tu. ca. 8. inquiēs fiet hoc prebito qd expetit, & sublato
qd offendit: Et si ex lactētibus sit. Nutrix quoque ani-
mi molestias summopere caueat sed hilaris sit, & vo-
cis modulamine, ac cātilenis, & papilla vberis ori in-
dita infantis dolorem, & quamcunque molestiā leni-
re studeat, & ita rōne victus prouidendum erit, medi-
camentis verò vt infra. Confortanda est, & roborāda
natura, vt eius principalia membra, & cor præcipue,
& est hic principalissimus scopus. Secundus est vario-
larum, & morbillorum ichores, & labem ab intimis
ad extimas partes cutaneas depellere. Primo scopo
hucusque ratione victus præscripta prospeximus: Se-
cundo verò medicamentis prospiciendū fuerit simul

Q ac

ac naturam adiuuando, vt prauam materiã ad cutim
propellere valeat, quod quibus agendum sit Haly
Abb. & Auicen. docuerunt sic, videlicet

Rec. ficuum citrinarum dr. viij.

Lentium decorticatarum dr. iiij.

Lacce ablutæ

Dragantis dr. ij. s.

Sem. fœniculi dr. ij. decoque in lib. j. s. aquæ ferueat
ad tertias consumptionem, percoletur, & de hac in
potu exhibeatur, vt ætas consentiet, vel sic

Rec. lentiũ semicoct. & abiecta prima aqua vnc. ij.

Caricarum pinguium nu. ij.

Semin. fœniculi dr. iiij.

Capill. veneris m. s. Fiat decoctio ad tertias, de qua
puero exhibeatur in mane ieiuno stomacho, nec nõ in
sero parum pro vice per hæc namq; medicamēta atte
nuatur sanguis obstructa aperiūtur, & febrilis calor a
partibus cordis, & variolarũ, & morbillorũ materiã
ad cutim propellitur, vt author est Auic. cit. loc. si ve
ro ex lactentibus sit infans, decocti eius modi eius nu
trici exhibeatur ciathus, ac et in sero, per tres vel qua
tuor horas ante cenã; & si grandiusculus fuerit infans
ipsi nec nõ exhiberi poterit coclear vnũ ad sorbendũ
in mane priusquã lactetur, & sic prosequatur quous
que praua illa materia ad cutim propulsa fuerit, & al
bescere pustulæ incipiãt. Sed quia multoties cõtingit
oris partes, & asperã arteriã, nec nõ pulmones hac la
be tētari, & quãdoque intestina, & præcipue cū malũ
altius

Logica med.

altius serpit, vel cum iam efflorescentes pustulæ retro cedentes delitescunt, & intus remeantes intimas eas partes labefactât, ob quam labem intus sæuientē missellis infantibus intestinorū seuissimi cruciatus cōtingunt, & spiritalibus partibus hac labe scatentibus anhelatione inhibita misere suffocantur. Plerunq; etiam oculos praua hæc materia occupare solet, & pustulas procreare quibus disruptis sub cornea pus colligitur, & vlcera adeo seuiunt, vt pure humoribus deturbatis & perfriētis mēbranis, & indelebilib. cicatricib. detur patis sepius misselli infantes obcecare solēt. Omni ingenio igitur præcauendū est, atq; enixe curandū, vt in rimæ ipsæ partes quēadmodū, & oculi illæ præseruentur, oculis verò (antequā pustulæ circa eos efflorescāt) *Pro oculis* sic prouidendū erit, vt crebro hoc linimēto illinātur.

Rec. aquæ rosarum

Prunorum an. vnc. j. s. quibus infunde

Sumach loti, & aliquāliter fracti dr. j. s.

Ligetur in petia linea munda, & in dictis aquis infusa oculi sæpe illinantur. vel sic

Rec. albuminis oualis decenter infracti vnc. j.

Aquæ rosarum vnc. j. s.

Croci gr. j. in quibus aquis scutū aureū infundatur vt ex vsu apud Florētinas mulieres existit, & hoc præsidio sepius oculi tāgantur simul ac illinātur. Si oris partes, vel asperā arteriam, & pulmones pustulæ occupare ceperint, quòd visu discerni poterit, & si gutturis, & *Pro gula, aspe. de tenia Pulmone* asperæ arteriæ lædantur ex vocis raucedine, & spirandi

Q 2 di

244 IACOBI TRVNCONH DE
di difficultate conijcitur, tunc succurratur sic

Rec. diamoronis vnc.s.

Vini granatorum vnc.j.

Aquæ ordei

Aquæ plátaginis an.vnc.vj. misce fiat gargarismus
ijs qui adulti magis fuerint, quo sæpe gargarizentur,
minoribus verò digito nutricis oris partes illinantur,
vel Nutrix ipsa vberis papilla hoc linimēto prius ob-
linita ori infantis indatur, vt simul cum lacte præsi-
dium eiusmodi in fauces, & asperam arteriam lāben-
do recipiat, quod erit secundum indigentiā reïteran-
dum, vel sic

Rec.vini granatorum

Diamoronis an.dr.ij.

Ordei sufficienter decocti extractæ emulsionis tā-
tundem; misce fiat mistura qua vt supra est dictū oris
partes illinantur, & cum eadem vberis papilla oblini-
ta infanti ad suggendum exhibeatur. Si verò intestina
lædantur, & adsit fluxus alui tunc.

Pro intestinis

Rec. decoctionis plantaginis, armoglossæ, bur-
sæ pastoris, verbasci, balaustiorum, rosarum, cito-
niorum, aliquando in aqua borra, vel currentis flu-
minis q.s. albuminis oualis cōfracti vn. s. misce abluā-
tur intestina. Verū antequā vterius progrediamur,
queritur utrū pro minorāda praua materia, & ex par-
te inhibēda antecedēte causā ad ebullitionē putredi-
nēq; parata sit agris sanguis mittēdus nec ne, idcirco
quibus, & qñ mittēdus sit, & quibus non mittendus
ratione

ratione expendamus. Si puer qui ægrotare hoc morbo cœperit iam ad annum proxime accedat, calidiq; ac humidi sit temperamēti latasq; uenas habuerit, robustisq; uiribus sit p̄ditus, & cū hoc plurib. recremētis abūdet, & idcirco intēsa febre corripiatur, vt ex pulsu & vrinis ac faciei, oculorumq; rubedine tunc dignosci poterit, fueritq; in secunda, vel ad summum in tertia die suæ ægritudinis, & antequam pustulæ subortæ fuerint, morbi magnitudinem, & accidentium sequitiam verentes, vt noxia materia minoretur, & natura exoneret, cruribus applicandæ sunt sanguisugæ, & pro tenore virtutis est sanguis detrahendus, & pro ætatis ratione. Et Auicenna citato loco similiter inquit. Et si phlobotometur vena nasi confert, & tuctur partes superiores a malitia variolarum, & est magis facile inter infantes. At clarissimus ille Paulus Aegineta optimus Galeni sectator secus sentire videtur cum 1. lib. cap. 6. dicat. Primum sane nullum facessere negotium oportet vbi verò probè ad summa eruperint, tunc iam curare tentabimus, & quæ seq. Huic sententiæ adhero magis, & libentius subscribo, quippe cum puerorum, & non adultorum curationem pertractemus. Cum enim ad exalandos succos pueri maxime propensi sint, & satis habeant unde euacuentur autore Gal. Eis neque debetur sanguinis missio, nec tolleratur. & adhuc minus requiritur cū tam propter exuberātem innatum calorem, tūm ob cutis raritatem pororumq; latitudinē suapte

Q. 3 natura

natura facillima sit eis excrementorum depulsio, & superuacaneorum euacuatio, & tunc præcipue cum ad eiusmodi expulsionem, seipsam iam accinctam esse putamus. Nihilominus cum Medicus artifex sit sensatus, à natura, & robore, nec nō à magnitudine morbi illius qui ægrotabit indicationes mittendi sanguinem, vel contra indicantia Medicus tunc præsens prosequi recte valebit, vt veteres præcipiunt, & hæc de mittendo sanguine. Interim dum albescere pustulæ ceperint opus id nature permittatur donec probe maturæ fuerint, & quæ maturæ se ostendēt acu aureo perforentur, ita ut sanies extrahatur, cauendo tamen ne plures simul, & eodem tempore perforentur, sed paulatim illæ tantum pungantur, quæ maturæ magis apparebunt, postquā apertæ fuerint cum coto detergantur vsque dum saniem fundent: disruptis, vel perforatis pustulis, atque detergis, erunt deinceps salivæ cum aspersione aquæ rosarum salivæ, vel sic. Rec. decocti tamarisci, rosarum, lentium q.s. salivatur decoctum cum quo deterisæ pustulæ saliantur, hoc tamen cauendo ne illæ pustulæ saliantur, quæ de recenti perforatæ fuerint ne dolor proritetur, quæ admodum neque aperiendæ, neque saliandæ sunt, quæ maturæ non fuerint, ne dolor sine apostema contingat, vt Auic. docet cit. pluries loco. Et si hiems fuerit proderit ut idem docet sindonem tamarisco suffumigare, & cum eo leniter puellum inuoluere. Verum si cū difficultate pigra q; pustulæ maturentur docet idem.


Auic.

*Perforatio
pustulæ q;
et qm m.*

Auic. vt accipiat^{ur} tela rara, & consuatur admodum, *Adiuuabit*
culcitra, quæ postea impleatur farina rizi, milij ordeï, *reggaurat*
fabarum, super quam dormiat puer, & si forte exulce-
rentur pustulæ, liniantur unguento albo cum capho-
ra, vel vt maturefcant fiat sic inter cætera medica-
menta.

Rec. foliorum & radicum inalux, caricarum pin-
guium an. q. s. fiat decoctio in simplici aqua, cum qua
decoctione tepente cotone madefacto quæ iminatur-
ræ videbuntur contangantur, uel fiat sic

Rec. hidrelei ex præscripto decocto, & dulci amig.
oleo parati q. suff. utatur ut supra. Hoc namque præ-
sidium tum ex se, tum etiam ex accidenti supparabit
quandoquidem quæcunque cõcoqui oportet occlu-
di cõuenit, vt Hip. monuit lib. 6. epid. com. 2. tex. 24.
quod paratum sic hidreleum optime præstabit cū len-
tore quodam expers non existat, cum quo cutis spir-
acula quæ in pueris transpirantia ualde sunt infarciat,
atque obstruat, spiritumq; ac calorem natiuum intus
cohibeat, nec dissipari sinat, & præter hoc quod cutis
spiracula suo lēto^{re} infarciat ex quo cohibitus intus
calor se ipsum augefcit, maturat, & pus ipsum efficit,
& suo tēperamento moderate calefacit, humectat, ac
lenit. Et cum puerorum calor sit plurimus, & eorun-
dem naturalis uis satis ualida, ualidiora alia præsidia
paranda non videntur, sed vel in eius robore fidendū
vel in eisdem præscriptis persistendum.

De delendis vestigijs variolarum.

PUSTULARVM cavitates quæ ex praua materia per saniem euacuata relinquuntur ex quibus turpissime, ac indelebiles cicatrices subsequuntur, impleri postulant Gal. autore 3. meth. cap. ij. vbi inquit omnis quæ præter naturam est cavitatis impleri postulat. Quibus præsidij id agendum sit idem Gal. cit. lib. ca. 3. docet inquiring. Et quod siccet, & quod expurget. At quantum, & quo gradu exiccans, & quo detergens esse debeat idem cit. loc. ostendit inquiring. Cuius igitur ordinis erit medicamentum, quod carni producendæ sit aptum, quodq; modice tum siccare tum detergere proposuimus? certe primi ordinis. Quippe quod super hunc fuerit, ita ut non modo humoris qui influit redundantiam consumit, sed etiam affluentem sanguinem ipsum populatur: id refici carnem ceu materiam eius absumens prohibebit. Qualia verò hæc sint medicamenta, quæ modice siccant, & quæ sic detergant. Idem Gal. eodem in loco recenset inquiring. Porrò talis ostensum est thus, & ordeaceam, & fabaceam farinam, & quæ seq. Vt igitur quæ adsunt pustularum ulceratarum cavitates postquam a sanie uel sorde deteris fuerint, & anteaquam in callum obducantur, & anteaquam cicatrizenentur, singulo mane cum deteris cum gossipio uel cotone fuerint, uel saliatæ

faliatæ cum iam dictis decoctis, ut supra præscriptis, tunc temporis hoc præsidio utendum erit uidelicet

Rec. farinæ ordeaceæ, farinæ fabarum an. unc. s.

Thuris in tenuissimum pollinem reducti dr. j.

Lactis nutricis, mellis rosacei an. partes equales formetur linimentum, quo cavitates illæ cum coto illinātur mane & sero, ut supra dictum fuit, & cū oportuerit ordeacea aqua facies abluatur, uel hoc alio sarcotico.

Rec. far. fabarum, cicerum lentium decorticatarū, ordei lupinorum an. dr. j.

Misce de hoc pulvere inspergatur supra ulcerum, cavitates semel in die, sed prius nutricis lacte madefiant, & farina superspergatur. Et si ulcera ipsa dolorosa essent, & dolore pueros infestaret tunc sic

Rec. unguenti albi camphorati unc. j.

Pul. amidi

Litargiri an. unc. s. misce cum hoc unguento illinātur quæ magis dolorosæ, uel cruentæ apparebunt; poterit nec non hac aqua uti ut

Rec. amigd. amararum mundatarum

Lentium decorticatarum an. lib. j.

Mirrha unc. ij.

Ouorum lutea assata nu. 24.

Misce instillentur simul, & cum extracta aqua coto intincto pustularum cavitates illinantur; & hæc de sarcoticis.

Ut cicatrix obducatur.

L CERATARVM partium repletis ca-
uitatibus ad epulotica medicamenta
transcundum erit, quæ summam carnẽ
siccent, atque conuenienter consoli-
dent vel obducent ut sic

Rec. litargiri

Cerussæ an. dr. s.

Olei mirtilorum uel masticini unc. j.

Misce fiat unguentum quo faciei præsertim pustu-
larum vestigia illinantur, sed prius uino rubro stipti-
co repente madefiant in quo balaustria, rosæ, mirilli
efferbuerint, & hæc de epuloticis.

F I N I S.



DE

251

DE PRAVIS FEBRIBVS
CVM PETICVLIS
QVÆ ANNO MDXC. ET XCI. PER
ITALIAM VAGARVNT

Epistola.

IACOBI TRVNCONII
MEDICI AC PHILOSOPHI

*Ad D. Iohannem Baptistam Adiunctium Burghensem
Medicum eruditissimum.*



EFFLAGITASTI mihi vir do-
ctissime, vt prauæ huius febris
quæ per hanc urbem, & extra
cum multorû strage grassatur,
tum mores tibi significem, tû
etiam si quod præsidium inter
cetera compertum habeatur,
quod prauæ huius morbi vires
atterat, & quo tutius citiusq; ei insisterè valeamus.
Quod quidem abs te expetitur nosco, tamquam a
solertissimo viro prauæ huius morbi naturam, tû etiã
eius causæ universalitatẽ explorante, vt prudẽtis, &
generosi Medici consiliũ esse debet, qui medicamur
hanc

hanc artem recta methodo, & ratione exercere (ut iam pridem abs te actum noui) profictebitur. Vt igitur tibi morem, ut cupio, geram, ad ea explicando quæ postulas, mox calamo manum admoveo. Quæ modo uagantur febres, epidemicas esse, & in vulgariū morborum genere reponendas a nemine quidem ambigendum puto. Ipsarum si quidem calor tamquam sordida humiditate merfus non admodum sua acredine sensum feret, sed mitis primo, & ad morā acris tangentibus se ostendit. Pulsus & paruus, & non admodum frequens minusq; quam in alijs ex putredine febribus percipitur. Febris in quolibet egro in forma duarum tertianarum spuriarum, atque duplicatarum progreditur: singulo die namque accessit una, noctu uero alia repetit, & alternatim inuasionis horæ se respondent. Urinæ primis diebus sanorum. similes se ostendunt, licet paululum crudiores; In tertia die uero ut plurimum, vel quarta & alijs septima crassæ, & albæ turbulentesq; redduntur: quibus apparentibus exanthemata uel maculæ apparere iam incipiunt in dorso sub alis, & in brachijs, & paulatim sparsimq; per vniuersum corpus: aliquibus rubræ, aliquibus liuentes, aliquibus nigræ efflorescunt: In aliquibus etiā maculæ illæ altera die, vel parum ultra retrocedunt, & delitescunt, alijs uero in dies magis efflorescunt. Symptomata, quæ sequuntur vel concomitantur citra enarrata sunt prima die viriū lapsus, ut vix caput vel aliud membrum attollere valeant, ad somnum inclinatio capitis

capitis grauitas, & non absque dolore primis præcipue diebus, qui dolor maculis efflorescentibus cessare solet, sed delirium quibusdam subsequitur. Obscurescunt aures, a naribus sanguinis stille decidunt, oculi rubent, atque ingrauescunt, turbulentesq; fiunt, & in aliquibus toruus videtur aspectus, lingua circa initia in medio exsiccata, & ad latera lêtore quodam albicans cernitur, & in morbi vigore non nullis humidior apparet, fauces, & palatum aliquibus vlcuscula occupant, manus tremulæ, & prope morbi vigorem, vel in ipso vigore alui fluxus contingunt, in quibus humentia, & aquosa, & quâdoque chilosa, & symptetica vel colliquantia, & valde fetetia deiecta existunt. Quæ prauæ huius febris causæ sint, ita coniecimus. Magis proxima, & effectrix profecto ingens est putredo ad corruptionem tendens, prauæ huius putredinis excitans causa, dubio procul humidior est aeris intemperies, & occulta quæpiam eius praua qualitas vt ex magni Hippocratis decreto in 1. de morb. vulg. legitur vbi sic ad verbum scriptum reliquit. Morbi uerò fiunt partim a victu, partim a spiritu, cuius attractione viuimus, utrosque hoc modo distingues: Vbi multi uno morbo homines corripuntur eadem tempestate, causam illi attribuere debemus quod est maxime commune, & quo præcipue omnes utimur, id autem est quod respirando attrahimus; tunc enim victu cuiusque nostrum, nequaquam in causa esse manifesto constat, cum morbus omnes iuxta attingit tam iuuenes, quam

quam senes, tam fœminas quam uiros, perinde uinũ ac aquam bibentes, tam qui mazam, quam qui panẽ comedunt, tam qui parum, quam qui multum laborant, & quæ sequuntur. Iis uerbis Galenus maxime addictus recte conclusit, cœlum non uictũ uulgarium morborum omnium causam esse. At cum tempestate hac, plures tum homines, tum mulieres, tam iuuenes, quam seniores, & tam ciues quam agricolas, & agrestes homines, praua hæc febris per urbes & castra, atque per rura vagans eodem tẽpore apprehēdat, iure merito non à uictu qui tam uarius, atque dissimilis inter omnes extitit, ut dissimili potius, & sporadicis morbis quam hoc uulgari morbo singuli apprehendi debuissent. Aeris itaque manifestum uitiũ austrina fuit cõstitutio ipsum humidiores reddens, quæ aeris intemperantia quantum ualeat ad uulgares morbos procreandos Hippocrates: in 3. epid. in principio inquit, Annus austrinus pluuius, & quæ sequuntur. Galenus in commento rationem reddens inquit. Et uidetur putredo omnis ex materia quidem gigni humida. Idem quoque super 3. aph. com. 15. inquit superflue humiditates per imbres intra corpus collectæ putrescunt. Eidem sententiæ se subscripsit Haly Abbas in 1. practicæ suæ reg. disp. cap. 26. subscripsit quoque princeps Arabum in 1. 4. cit. nuper loco, ubi inquit: Pestilenciales uerò fiunt ex acre turbido, & humido, luculentius autem inter ceteros sententiam hanc propalauit Magnus Hipp. in 3. aph. inquit

inquiēs ex anni temporibus, quod in totum dixerim
siccitates imbris sunt salubriores, & minus morti-
fere. Aliam, quam occultam occurrere censemus
Auic. innuit citato nuper loco ubi inquit, & princi-
pium harum alterationum sunt formæ ex formis cœ-
li facientes esse necessarium, illud cuius aduētus igno-
ratur, & paucis interpositis inquit: Immo oportet ut
scias, quod causa prima longinqua ad illud sunt figu-
ræ celestes, & propinque dispositiones terrestres, &
his traditis causis deinceps quo pacto eiusmodi cau-
sæ læsionem inferant perpulcre ostendit inquiens: Et
quoniam necessariò faciunt virtutes agentes cœlestes
& virtutes patientes terrestres, humectationem vhe-
mentem, aeri eleuantur vapores, & fumi ad ipsum, &
sparguntur in ipso, & putrefaciunt eum cum calidita-
te debili. Et quoniam fit aer secundum hunc modum
venit ad cor, quare corrumpit complexionem spiritus,
qui est in ipso & putrefit, quod circundat ipsum de
humiditate, & accidit caliditas egressa a natura, &
spargitur in corpore causa fluxibilitatis suæ, & fit fe-
bris pestilentialis. Accedit quoque quod aer ambiens
a respirato aere ægrorum, labefactari & coinquinari
ualet, & hæc de causis vniuersalibus extrinsecis, mox
de intrinsecis quid sentiam tibi aperiā. Quoniam
nulla causarum sine patientis aptitudine agere potest
dicebat Galenus 1. de diff. feb. cap. 4. alioquin circa
canis ortum omnes ægrotarent, & in pestilentijs mo-
rerentur, sed magnam in generatione ægritudinum
partem

partem habeat eius qui passurus estabilitas corporis, quam sententiam Auicennas etiam sequutus inquit: Agens solum cum peruenerit, & patienti nō est pręparatio, non fit actio, neque passio. Habita igitur notione cōmunis illius causę, quę cunctis communicatur, quę modo sit hęcabilitas vel pręparatio ad patiendum corpora disponens mox venit peruestigandum. Causa, quę pręparans dicitur, & quę habilitatem ad patiendū corporibus pręstat, illam et utique dicenda est, quę subiectum putredinis, & materię dicitur, ut Arabum princeps ostendit in 1. 4. sic inquit, & pręparatio corporum in quo sumus de passione est ut sint plena humoribus malis, nam mūda non forsitan patiuntur ex illo. Galenus vero in suo 1. de diff. feb. cap. 3. sub exemplo perpulcre id ostēdit inquit, supponatur igitur ut in exemplis inambiente quidem aere nonnulla pestilentię semina cōtineri ac ea, quę ab ipso corpora continguntur nonnulla quidem esse uariis admodum superfluitatibus plena iam a se ipsis ad patiendum paratis, nonnulla autem pura, atque inutili materia carentia, & rursus illa, quę superfluitatibus plena sunt addatur hoc, quod in multis corporis partibus obstructio foraminum adsit in vitaq; ociosa, & multis crapulis degerit ac rei uenerę vsibus immoderatis, & in his, quę necessario cruditates progignunt assuetus fuerit: Reliquis uerō mundis corporibus, & superfluitatibus carentibus adsint pręter hęc bona, libera eis sit perspiratio, obstructionibus

structionibus adstrictionibusq; meatuum careat, ex-
citia etiam sint moderata, & victus moderatus. His
denique suppositis puris, & impuris: corporibus, co-
gita (inquit ille) quomodo vtraque corpora affici sit
necessarium ab eo quem inspirant aere putredinoso.
An nō rationabile est, inquiebat ille, illa quidem im-
pura statim à prima inspiratione principium putredi-
nis sumere ac plurimum in malo procedere? Quæ-
cunque autem munda sunt ac superfluitatibus carent
non nulla quidem nihil, non nulla verò minimum
mali sentire ita vt facile ad naturalem abitum habeant
regressum. Deinceps idem Galenus tanquam soler-
tissimus subdit. At hic quidem sermo in vno profer-
tur exemplo sed nihilominus in omni genere causæ
veritatem complectitur. Causa igitur, quæ corpora
ad patiendum disponit redundantia est excremento-
rum. Ratio autem ob quam munda corpora à com-
muni cedente extrinseca causâ nō patiantur ab Haly
Abb. lib. v. suæ Theoricę cap. xi. explicatur, vbi sic in-
quit, Eorum etenim complexio aeris complexione
exuperat eiusq; mali frangit inimicitias, & si ita non
fieret, vt dicimus certe omnes vna infirmaretur peste
& eodem tempore perirent. Quæ autem excremen-
titia hæc materia sit, quæ sua quantitate, & qualitate
peccat in eiusmodi febribus, vtrique cum iam noueri-
mus eas in forma duarum tertianarū nhotarum pro-
gredi, profectò bilem pituitæ portione a limixtam pu-
tredinis materiam, & subiectum esse nemo fuerit qui
R ambigat,

ambigat, & sic de causis, & morbi huius dignotione. Qualis vero eorum qui agrotant a nobis expectetur euentus in vniuersum tibi significabo. In aliquibus namque salubris at in plurimis perniciosus euentus ipse prædicatur, si quidem ita subsequi in dies obseruamus. Salubris etenim speratur in quibus pauca scaterere recrementa cōiectamur, & in ijs præcipue qui boni sunt habitus, & quorum corpora obstructionibus carentia facilis in eis perspiratio dignoscitur, & in quibus die critica exanthemata illa, & maculæ efflorescunt rubræ, & cum leuamine egrotantis: quæ persistant, neque citius delitescant: Speranturq; magis, si cum mentis constantia virium robur persistat, & eger ad ea quæ sibi offeruntur medico obediens, & promptus fuerit, neq; quæ sibi offeruntur alimenta respuat. Speratur quoque si in statu, & die critica copiosa per aluum deiectio fiat cum ægri tollerantia. Obseruauimus namque quod plures quibus sic effluxit aluus quamuis alba quandoque, & vt chylosa valdeq; fetentia deiecta fuerint ex huiuscemodi effluxu quemmadmodum, & ex non ita prauis, plures saluatos fuisse cōperimus modo nō in principio sed in morbi processu, & circa statum eiusmodi effluxus apparuerint. Per vrinarum quoque copiam aliquando felix sequutus est euentus nihilominus cum ex ijs infidum sit iudicium, & fallax sæpe idcirco medici decēpti fuere cū post copiam vrinarum effluxam ipsarumq; color, & sedimentum non multum a laudabili distarent, attra-

men

men ægri non pauci periclitantur, & idcirco nō in ip-
sarum copia sperandū erit sed si in die critica effuxe-
rint, & cum leuamine ægrotantis & cum cæteris salu-
bribus indicijs. Ex aduerso autem de malo euentu
prædicimus si exanthemata in morbi principio appa-
ruerint, & cito delitescant, vel si persistant, & in dies
liuescentia vel nigra apparuerint nā sic apparentibus
pauci euadunt, vt experimēto compertum habemus.
Periclitātur quoque quibus praua illa materia ad ce-
rebrum deferatur vnde delirium sequatur, Rubescant
oculi, obsurdescant aures, è naribus stillæ decidant,
manus tremulæ fiant nisi cum his præcipue viriū ro-
bur permittat, & oblatiis cibis nō aduersentur, & ijs sub-
stineantur, ex ijs namque præter spem multorum nō
nullos euasisse obseruauimus. Euentus quoque ma-
lus expectatur, si ex illis, qui circa ægrum assistūt, quis
cōtagium acceperit nam vigilijs, & cæteris laboribus
eorum viribus iam defessis licet qui primo ægrota-
bat persanetur illi vt plurimum virtute non persisten-
te moriuntur vt sæpius obseruatum fuit, & hæc de
prænoctione. In hoc morbo curando quemmad-
modum, & in cæteris duplex. Indicatio imprimis no-
bis suggeritur morbi videlicet sublatio, & virium cu-
stodia: & cum quæ à viribus inter omnes alias indica-
tiones primum obtineat locum, & idcirco cæteris
præferenda sit, vt Galenus voluit in suo lib. i x. Meth.
Med. cap. x i i. & non absque ratione cum quæ a vi-
ribus sumitur Indicatio duplici nomine præferri de-

R 2 beat,

beat, & primo quia ab ipso ortu, & etiam nobis sanis
existentibus scopum hunc reficiendi, quod exhaustū
est vt vires custodiantur Galenus præfixit 1. de sanit.
tuen. cap. 3. secundo quia medicorum. Arabum prin-
ceps in prima quarti tract. 2. c. 8. inquit. Curans enim
vt sciuit est virtus non medicus, & cum ipsa deficit
non valet curatio. A virium indicatione proxima
est, quæ ab affectibus quos curare proponimus datur,
postea deinceps reliquæ. Vt modo custodiantur vi-
res custodienda est ipsarum substantia, quæ triplex
est videlicet, spiritus, solidæ partes, & benigni humo-
res. Custodietur autem quælibet substantiæ pars di-
ctarum si dum exhauritur, quælibet resarcita fuerit.
Quantum verò reassumendum sit, & quantum resar-
ciendum Galenus ostendit lib. x. i. meth. cap. v. vbi in-
quit. Tantum adijcere oportet quantum est de robo-
re virium imminutum. Quo verò instrumento doc-
cet Galenus primo de sanitate tuenda cap. 2. & 3. spi-
ritus videlicet aere, solidiores partes cibo, humidio-
res potu. At cum instrumenta hæc in sex rebus non
naturalibus contineantur a suis fontibus quodlibet
ipforum sua condecienti qualitate, & quâtitate ac vbi
expedierit, seligendum atque hauriendum, iure meri-
tò fuerit. Ad vires custodiendas igitur consilium
primo dirigentes, & ab immodico febris estu, & exu-
berantis bilis feruore spiritum tueri atque eundem
recreare primo intendentes, & idcirco vti refrigeratio-
nem ad hæc præstanda nascamur, pro primo instru-
mento

mento aerem seligimus qui in primis qualitatibus ad frigidum moderate vergat ne excedendo cutaneos poros condenset, & exanthematibus quæ tunc temporis efflorescere debent recludatur via: in passivis verò qualitatibus ad putredinem, & ad aeris vitium iam suppositum consilium tendentes aerem ipsum ad sic cum vergentem, & omnis impuritatis expertem seligimus, & si talis à præsentis cœli statu non condonetur, tunc in ædibus talē arte paramus quemadmodum Galenus docet lib. ix. Meth. Med. cap. xiiii in quo in loco inter cætera domos seligēdas esse docuit quæ ex se ipsis eas præstent qualitates, quæ insalubris aeris qualitatibus aduersentur, & si tales non adsint arte parari debeant. Cum igitur humida fuerit quæ præcessit aeris constitutio, & adhuc talis cum aliquo occulto vitio persistat, prauarum febrium eiusmodi est auctor. Ut arte igitur contemperetur, & purificetur aer curamus ut fenestræ quæ septentrionem respiciunt aperte teneantur, occluse verò quæ austro percutiuntur: Insuper ut aer ipse ambiens in ædibus salubris magis, atque gratus reddatur hyemali tempore lignis redolentibus ignes accendebamus, ut ex lauro, pincis, iunipero, & eiusmodi alijs vel suffumigia parauimus ex lauandula stirace Gariofillis, & similibus nunc verò in estibus solium thalami aqua rosarum, aqua lampæ, & aceto optimo irroramus, vel ex eisdem & saccharo gratæ fiant euaporationes, & quandoque per solium flores prosternimus, & virides frō-

R 3 des

des, vt roſas uiolas Aranciorum flores, & folia limo-
 num Gelfimini noſtrales dicti, & huiusmodi alia, &
 hæc de aeris contemperamento. Dum aere ſic ſpiri-
 tum tueri recreareq; ſtudemus; Interim quoque ſoli-
 das ægri partes cibo, atque humidiores potu tueri re-
 ſarciriq; pariter curamus. Verum ſi nobis ſanis exi-
 ſtentibus cuiusque hominis ſubſtantia continuo de-
 paſcitur eaq; cum triplex exiſtat ſpiritus uidelicet ſoli-
 da partes, & qui benigni dicuntur humores: ſpiritus
 autem aere ſubſtantia ſolida cibo, humidior potu in-
 dies reſici neceſſariò debeat multò magis eedem ſub-
 ſtantia partes, reſuſtione, uel reſarcitione in ægris
 indigeat, cum maior in eis dictarum partium ex ſolu-
 tio fiat: Tantumq; ad nutrimenta adiungere oporteat
 quantum eſt de robore uirium imminutum auctore
 Galeno lib.x. Meth.cap. 5. Et cum multa in hac mali-
 moris febre, ſubſtantia deperditio fiat multum quo-
 que ad nutrimenta adiungere oporteret, ut uires cuſto-
 dianur. Sed quoniam duplex indicatio in meden-
 dis morbis nobis ſuggeritur uirium cuſtodia ſcilicet,
 & morbi ſublatio. Idcirco in cibando egrum non
 leuis illa oritur difficultas à Galeno prætacta lib. 1. ad
 Glauconem cap.x. ubi binos illos proponens ſcopos
 inquit; Quoniam uires longius laborare debent, pro-
 uidendum eſt pro uiribus ne morbus augeatur & ne
 ægrotantis uires proſternantur. Difficile uero eſt ſer-
 uare utrumque inquit ille, quoniam inædie qui-
 dem quantum proſunt ad morbi cactionem, tantum
 uel

uel etiam amplius uiribus efficiunt: Cibi uero in quantum ægri robur adaugent, tantum coctiones impediunt hæc Galenus. At longe magis eiusmodi augeatur difficultas in prauis eiusmodi febribus cum citra id quod in genere sint duarum tertianarum spuriarum ipsarumq; duplicatarum in quibus uiris longius laborare debent, Galeno authore citato nuper loco, additur quoque prauitas, & magnitudo morbi. Magnus quippe dici debet, tum ratione prauorum symptomatarum, & eiusdem morbi seuitiæ, tum ratione cordis quod præcipue obsidetur, & cæterorum membrorum principalium quibus eiusdem morbi symptomata impertiuntur cum magna uirium in ipsis membris insidentium imbecillitate, qua posita magna adiectione, & largiori cibo indigerent agrotantes, ex aduerso autem cum morbus magnus sit, & ad coctionem contumax, atque rebellis tenuiorem cibum exposceret quâdoquidem cibi coctiones impediunt, ut Galenus monuit citato nuper loco primo ad Glauconem, ad quam difficultatem sic dicerem, quod etiam ratione morbi in quo subest ingens putredo, vel corruptio, ut in eiusmodi febribus, & etiâ ratione, quia ad coctionem rebellis est morbus, alendi sunt ægri in morbi initio præcipue, & usq; in tempus prope statum, largiori cibo potius quam tenuiori: Et in primis ratione uirium, quæ in morbo hoc maxime labuntur, tum etiam ratione prauitatis, ob quam humores non modo putrescunt, sed ad corru-

R 4

ptionem

ptionem accedunt de qua corruptione Galenus lo-
quens in primo Aphorism. comm. xvii. inquit, si
enim vires laborantis debiles fuerint, & ea quæ est in
corpore dispositio sit ex corruptione humorum pa-
rum alimenti, sæpius talibus afferemus: Parum quia
non potest virium imbecillitas tantum simul alimen-
ti sustinere: sæpius autem quoniam multis indiget
dispositio; nec obstat quod morbus sit ad coctionem
rebellis quia non est expectanda coctio vbi non ad-
mittitur, sed nihilominus à natura ipsa, & arte euinci
praua morbi materia, atque depelli profectò valebit.
Quamobrem cum prauæ istius materiæ depulsio in
statu fieri soleat, tunc temporis tenuiori cibo vtendū
erit iuxta Hippocratis præceptum primo Aphorif.
Aphorismo viii. Imo parum ante illud erit cibus
subtrahendus, vt idem Hippocrates monuit citato li-
bro Aphorif. x. Causa autem ob quam in statu sit te-
nuissimo victu vtendum, Arabum princeps nos edo-
cens inquit, vt natura in cibo non occupetur cum
ipsa impugna ad morbum profligandum pro viribus
se adniti deberet, prius vero vberius victus adhiben-
dus est vt æger sufficiat. Hippocrates inquit citato lo-
co. Auic. verò in prima quarti tract. 2. cap. 8. nos ite-
rum monens inquit. Verum est tibi necessarium cū
in hoc, in omnibus speciebus, vt sit principium tui
regiminis grossius, & postremum tui regiminis per-
ueniens ad statum subtilius, & gradatim procedens
in eo quod est inter illa, ita vt virtus sit conseruata
vsque

vsque prope statum, & superius dixerat, dignior horarum ad ingrossandum scilicet alimentum est hora in qua virtus nō est valde occupata in materia, & est principium ægitudinis. Respectu virium igitur in principio largius est alendum, & sic gradatim quousque ad statum morbi prope accedamus tunc temporis namque ratione morbi, vt eius materiæ tum coctio vbi admittitur, tum præparatio eiusdemq; a natura depulsio fiat, & non occupetur in cibo sicut monuit Arabum princeps, subtrahendus est cibus, & tenuiori vtendum est, vt citato loco monuit magnus Hippocrates. Quo pacto autem alimenti quantitas in principio morbi, & vsque in statum sit ægro perscribenda, vel metienda hoc medico coniectandum reliquit Hippocrates aphorismorum primo aphor. 9. vbi inquit. Coniectari autem oportet an æger cum victu sufficiat perdurare donec morbus consistat, & quæ sequuntur. Ex quibus coniecturam eiusmodi medicus sumere recte debeat, vt recte cuilibet ægro sua præscribatur victitandi forma, adeo vt custodiantur vires, & morbus pariter profligetur, magnus Hippocrates pluribus in locis peruulgauit, sed præcipue in suo, de ratione victus commentario 2. text. 36. vbi hæc inquit, Conijcere autem oportet, & robur, & morbi cuiusque speciem, hominis item naturam atq; ægrotantis in victu consuetudinem, non in cibis solū verum quoque, & in potionibus. His maiorum placitis recte obseruatis vnaquæque cibandi ægrum difficultas

ficultas demitur. Cum igitur ad ægrum accedimus hac mali moris febre correptum quod quam primū per enarrata signa conijcimus, & tamquam experientia edocti dignoscimus, ex inde ægri natura eiusq; robore, & in victu consuetudine exploratis, quod ægritudinis status non prope adsit, sed vt in aliquibus vltra decimum quartum, in nō nullis vltra vigesimum prorogatur, vt etiam in dies obseruamus coniectantes, & sub inde indicationibus receptis, vt à viribus custodiendas esse, à febre refrigerandum, & modice madefaciendum, à putredine educendam esse ab obstructione aperiendum ab obstruente materia tollendam, vel prius præparandam à prauitate alexipharmacis insistendum, deinceps ad instrumenta vlturpanda, quibus ea quæ nobis indicata sunt perficere valeamus, omne consilium dirigentes pro reassumptione refarcitioneq; solidarum partium, nec non humidarum, quæ continuo vt diximus exoluuntur, ita instituimus, videlicet; Vt in prandio sumat panem iniure paruæ pullæ feruefactum, & ouum sorbile ante ipsum ferculum, & in ipso iure boraginem, uel cicerbitam, uel oxalidam incoquendam imperamus: In potu uerò pulli stillaticium magis delicatis corporibus cæteris uerò aquam decoctā exhibemus; In meridie uerò ad quinque horas à prandio eiusdem stillaticij ciathum singulis exhibemus; in cæna uerò idem ferculum, quod in prandio similiter exhibetur. & sic procedimus per duos primos dies, & quousque minorata

norata sit materia perleniens pharmacum, uel per uenæ sectionem. Minorata si quidem, quæ noxia est materia, tunc incipimus vberius ægrotantem alere, & in prandio si ex delicatis ciuium corporibus sit, vel ex nobilioribus lautis cibis, & optimi vini potui assuetus, capi iura concedimus, & vini aquæ dimidio limphati ciatum condonamus, & si vires non admodum validæ fuerint, in meridie ptisanam portiuncula pulli contusi addita exhibemus; in sero autem vt abstineat à vino imperamus, & stillaticium exhibemus, cuius etiam circa mediam noctem ciatum exhiberi concedimus. Si vero ex robustioribus corporibus sit, & vino non admodum assuetus, nec exquisitis cibis, ferculo iam præscripto, & luteū oui addimus, ut post ipsum ferculum in prandio, & cœna ut sumat buccellam panis loti acetoq; , & saccaro aspersi, ut Florentiæ parare consueuimus. & in meridie solum ptisanam ordeaceam absque contuso exhibemus, & ut à uino, tum in prædio, tum in cœna se abstineat imperamus, & sic procedimus hac uictandi forma, quo usque ad morbi uigorē ægrum propè accedere dignoscamus. Tunc temporis, ut Hippocratis præcepta seruemus cibum subtrahere incipimus, & ægrum à uino arceamus, & à ptisana contusum auferendum iubemus, & robustioribus panem lotum interdiciamus, & singulis ita cibum subtrahimus, ut solo ferculo ex pane feruifaculo in iure paruæ pullæ, & luteo illo ui contenti existant cuius ferculi in ipso uigore quantitatem etiam minuen-

minuendam iubemus, & sic quo usque morbi status perduret, & donec natura ipsa uictrix morbum debellasse, & ad declinationis tempus iam accessisse nouerimus, tunc ægrum reficere, & uberius alere incipimus. At iam audio imperitorum turbam obstrepentem, qui doctrina Hippocratica, & cæterorum maiorum placitis penitus ignari, non tantum uerbis, sed opere grauius aberrant cum in singulis ægris, & quocunque morbo ægrotantibus nulla habita distinctione morum, & naturæ morbi, neque ægroti uirium, & eius naturæ atque cōsuetudinis eiusdem in uictu, neque morbi eiusdem tēpora distinguentes futurumq; statum minime præcognoscentes, quod tam magni est manenti in hunc abusum deueniunt, ut illico cū ad ægrum accedunt, & præcipue prauis his febribus laborantem singulis eandem deitationem imperant, & eandem per totum morbi uigorem, & usq; in uniuersalem morbi declinationem prosequuntur nulla, ut diximus habita distinctione temporum morbi tãquam si unum calepodicum omnibus inferuire hominibus uelint, uel quod longe peius est cum indifferenter singulis ægrotis à principio morbi solū ferculū ex pauco pane in iusculo parux pullæ seruefacto & luteū oui, & sic in prædio, & cœna exhibeāt, & ī meridie ptisanam instituant, & singulis carnē, & uinum interdican, & ita prosequentes tam in delicatis nobilium corporibus quam in rusticis, & agricolis, & tam in illis qui imbecillioribus constant uiribus quā
in

in robustis, unde sæpius cōtigit quod cum ad statum
proxime accedunt ad quod tempus vires seruari sub-
stineri q̄; deberent, & in quō tempore cibus subtrahē-
dus esset, ipsorum egrorum plures iam cibi consueti
abstinentia, & morbo eiusq̄; symptomatibus imbecil-
liores redditī adeo inuia deficiunt, & adeo illis vires
labuntur, vt medici ipsi tunc cogantur cibum addere
vt eos reficiant in quo tempore tenuiori victu vten-
dum esset ne virtus ipsa fatigetur, & à pugna morbi
in cibo occupata distrahatur vnde fit, vt vires magis
fatigentur in pugna, & validior fiat morbus, cum non
leui ægrotantis detrimento, & sæpius cum eius vitæ
dispendio. Iam patet igitur, quod si Hippocratis, &
Galenī, & ceterorum maiorum præceptis boni isti vi-
ri addicti essent minime sic errarent, si namque Hip-
pocratem legissent in primo aphorismorum aphoris.
8.9. 10. vtique nō ignorassent quod in statu tenuissi-
mo victo vtendum est, & quod in morbi principio,
& ante statum vbērior est victus adhibendus; Et si fu-
turum statum non præcognoscant, vt ex ipsa victitā-
di forma ostendunt, ipsum præcognoscere quantum
referat Galenum legant in primo de crisi cap. 3. vbi in-
quit. Generosi autem medici, atque arte Hippocra-
tica digni, est officium, futurum statum præcognosce-
re cum omnem victus rationem ad ipsum inspiciens
instituat: & lib. 3. cap. 5. eiusdem operis inquit. In
nulla re adeo exercitandus est medicus quantum in
status præcognitione. Præterea neque sic errarent si
Galenum

Galenum legissent super 1. aphorismorum commen-
to 17. vbi monet quod vbi est humorum corruptela
multis tunc indiget dispositio, & si accessiones impe-
diant quod raro, & plura exhibenda sunt. Et adhuc
minus si Galenus legissent lib. xi. methodi dicentem,
Hoc tempore etiam vires roborare quo putredinem
superantes succos concoquant. Præterea neque no-
biliore viros ægrotantes qui vini optimi potationi-
bus sunt assueti a vino penitus arcerent si Hippocra-
tem legissent in suo de victu acut. commentario 2. se-
pius citato ubi vult, quod conijcere oporteat ægrotan-
tis naturam, & eius in victu consuetudinem non in
cibis solum, verum & in potionibus. Neque in futu-
rum etiam uinum penitus interdicerent, si Galenum
legant aphorismorum lib. 7. cōmento 56. ubi inquit.
Et cum hoc omnes humores optimos reddit. At quis
hoc anno nō obseruauit, quod ex eiusmodi febribus
plures ex uilioribus, & agricolis saluati sunt, quam ex
ciuibus, & nobilioribus quorum plures periclitariūt?
Cuius rei potiore causam non coniecto hac uide-
licet. Ciues cum mollioris habitus fuerint, & lautis
exquisitisq; cibis uiniq; potationibus largius ali con-
sueti fuerint. Rustici uerò, & agricolæ densioris habi-
tus, & laboribus assueti, & qui solo pane eoq; surfu-
raceo, uel agrestibus cibarijs, & herbaceis edulijs pau-
ci, & prauo nutrimenti, & qui aqua pro eorum potu
uti assueuerant, cum panem in brodio pulli feruefa-
ctum, & oua sorbilia degustassent, & pulli stillaticium
& quan-

& quandoque uinum absque medici consilio uti solent potauerint: In iocundum, & melioris succi cōmutato ipsorum alimento recreantur ipsorum spiritus, atque vires, & sustinentur magis demissis præsertim assuetis laboribus, vires eorum cum morbo validius colluctarunt, & idcirco ipsorum plures superstites fuere, & à prauo morbo euaserunt. Delicatis verò hominibus exquisitum, & lautum eorum alimentum in modicam panis quantitatem in iusculo parue pullæ feruefacti, & vnicum oui luteum, & in ordeaceam ptisanam cōminutatum, & in aquam præstantiora. vina fit versa vice ut ex defectu lauti liberaliorisq; alimenti, & vi morbi, & symptomatum ut breui momēto temporis concidant eorum vires, & adeo labantur ut in itinere deficient & ad pugnā in statu resurgere non valeant, & sic perduntur ipsorum plurimi. Ex ipsis verò nonnulli persanati fuere, quibus vires vberiori cibo reassumptæ fuere, & vsque in statum seruata, & quibus eorum consuetudini à peritis medicis aliquid condonatum fuit; & hæc de victu quem febrientibus instituimus pro viribus custodiendis.

Instituto victu in quantitate pro uiribus custodiendis condecēte, & in qualitate intemperiei febris aduersante eandem febrem respicientibus putredo deinceps se offert tanquā eius proxima causa, quæ educi debet, ut pro tertio scopo habemus, perducī autem hæc recte non valeat nisi prius antecedentem eius causam inhibeamus. videlicet humorum affluxum qui
ad

ad putredinem parati existentes euacuari indicant, uel saltim in principio minorari, ut facilius putredo inhibeatur nec non facilius obstructions liberentur quemmadmodum Galenus lib.xi. Meth.cap.x. nos monuit. Quo autem instrumento id fieri ualeat Galenus citato lib.cap.xv.optime edocuit, ubi in omnibus putredis uenæ sectionem saluberrimum esse præsidium peruulgauit (leuata namque dicebat ipse) quæ corpus nostrum regit natura exonerataq; eo quo ueluti sarcina præmebatur haud ægre quod reliquum est uincet. Itaque proprii muneris non oblita, & concoquet quod concoquendum est habile, & excernet, quod potest excerni hæc Galenus. Veruntamen quoniam in eiusmodi febricitantibus in uentriculo, & primis uenis multas scatere cruditates, vel corruptos humores coniecimus uenæ sectionem; idcirco in aliquibus moramur, quo usque medicamento aliquo leniente, & noxiam materiam minorante, ea, quæ in dictis partibus exsuperant, sublata à nobis fuerint: Quod medicamentum ex cassia, & electuario dedaetilis conficimus, & ægrotanti propinamus. Verum quoniam eorum, quæ in medio sunt corpore prouidentia, ut Galenus asseuerat loco proximo citato, ubi sanguis detractus non est, maximum plane est malum; ubi vero detractus est non maximum inquebat ipse. Idcirco, altera sequenti die primum inspecto dorso. & cæteris partibus, si exanthemata, vel maculæ adhuc non effloruerint ad uenæ sectionem accingimur,

mur, & scopo educendi putredinem iam factam nec-
non eos humores qui ad ipsam suscipiendā parati es-
sent educamus nec non et ex parte refrigerandi sco-
po satisfaciamus, vt præcipit Gal. cit. loco & si cætera
consentiunt hicorariam secamus, & pro tenore vir-
tutis sanguinē detrahimus, sed vt moderata sit detra-
ctio apprime curamus ne vires labefactemur, quæ cū
prauo morbo, & longius colluctari debēt sed aliquid
ad curationis spatium reseruamus, ne postea necessita-
te vlla intempestiue nutrire cogamur, vt Gal. nos mo-
nuit citato nuper lib. cap. 14. & eo magis quoniam si
qua spes est in viriū robore seruatur. At si primis die-
bus exanthemata forte appareant antequam vena se-
cetur de mittendo sanguine, vel non mittendo certāt
medici. Nōnulli siquidem valde se decipientes putāt
excretionem illam semper à natura propellenti fieri
postquam per ebullitionem ab estuante calore febri-
li in sanguine facta fuerit sequestratio, sicuti cōtingit
in variolis, & morbillis; & idcirco eandem expulsio-
nem adiuuare conantes suspectā habent venæ sectio-
nem vtquā ad centrum trahat illud quod iā ad cutis
circumferentiam expellitur: alij vero dicūt expulsio-
nem illam minime criticam esse, neque à natura mo-
litam tunc temporis, cum materia cruda sit, & coctio-
nem vllam minimē experta, & motum eius ratione
symptomatis potius quam naturæ factū dicunt, & se
fundāt in placitis Galeni quod in principijs morbo-
rū si quid excernitur nihil ratione naturæ excernitur;
cum namque natura ipsa à causis morbum facienti-

S bus

bus grauatur, & humores sunt crudi; impossibile est aliquid bene secerni Gal. inquit aphoris. lib. 4. comm. 22. & idcirco, nil sperantes, neque fidentes in expulsionem ipsa cum præcipue videant ægrum nil iuuari ex ea sed quo magis expelluntur ex anthemata, magis augeri febrem cum suis symptomatibus, & eò magis quia multi obiere quibus confertim per totum corpus exanthemata effloruerant: vnde potius materia illius prauæ exuperantiam intus, & extra coniectantes circa principaliora membra latitantem viresq; præmentē vt iam positos scopos compleant venam secant, iecorariam, vel medianam in dextero cubito, & moderatam faciunt detractionem, ægroti vires, & futurum statum consultò inuicem metiētes, & illico sanguine detracto; vt quæ iam ad cutim effloruerint exanthemata, vel quæ in via fortasse ad cutim promota foret non retrocedant inò persistant, & magis trahatur, uel cucurbitule applicantur, vel frictione fiunt circa crura, & nates, & circa dorsum, & spatulas, & sic nos utimur quo ad scopum euacuandi simul ac refrigerandi scopum inspicientes. Verum hoc præcipue seruamus, vt non secemus venam ea die, qua exanthemata efflorescere ceperint, sed sanguinis missionē differimus quo usq; sequatur exitus ab internis partibus ad cutaneas ne prauæ materiae intercipiatur exitus, sed tunc cucurbitulas applicamus cum scarificatione, & frictionibus utimur, manus fricantis cum elisir vitæ madefaciendo vt magis rubescat cutis, & facilius exanthematibus paretur exitus. Quod si per ipsam expulsionem non
leuctur

leuetur eger sed potius post multarum apparitionem morbus increseat, & augeantur symptomata tunc in expulsionem minime fidentes de sanguinis missione consulimus, & venam cubiti secamus, vt supra diximus: vel si imbecilliores sint vires ano hirudines applicamus, & postea cucurbitularum vsum, & frictiones prosequimur, vt supra est dictum. Celebrata sanguinis missione ad residuum præparandum accingimur, vt noxia materia facilius euinci valeat. Ad hoc sirupum seligimus, vt de cicorea simplici de acido citri acetosum simplicem, & quâdoque oximelitem, vel sirupum de duabus radicibus, & similes cū decocto, vel stillaticio cicorei, acetosæ, capillorum veneris, sonci, capraginis, seminum citri, scordei, & similium, quibus sirupis cinamomi stillaticij guttulas singulis addere solet, & de more exhibemus, & sic prosequimur. Verum si circa epar obstructio aliqua, vt singulis ferè contingit hippocundrium occupauerit quod ex albicantibus fecibus dignoscimus necnon ex dolore aliquo in tangendo ab ægrotante percepto loco siruppi cicoracei simplicis cōpositū accipimus, vel in siruppo iam dicto. Reobarbari serop. infundimus, & ita prosequimur; Et si forte contingit in processu morbi quod quæ apparuerint exanthemata citius delitescant, & subinde symptomata inualescant prauaq; materia cerebrum petat eiusq; functiones interpellare incipiat, vt ex delirio & surditate oculorumq; grauitate dignoscitur, & quia somnolenti fiūt, & manus

S 2

tremulæ

tremulæ eis videntur, subtiliantur vrinæ, & quandoque magis crassescunt, & turbulentiores fiunt spirandi difficultas, & cætera eiusmodi symptomata subsequuntur in quo casu non modo cocurbitulis vtimur dorso spatulis natibusq; , & cruribus applicitis: sed cum hæc prodesse minime videantur ad hirudines confugimus ano eas applicantes felici admodum successu: Reuellimus namq; a principalibus membris simulq; materiam prauam educimus, quæ licet morbus nondum ad statum accedat nihilominus, quia rebellis est materia, & coctionem non admittit eam tuto sic euacuamus, & a principalibus mēbris per eiusmodi præsidium recte auertimus, & ad yncias decē plus, vel minus pro virtutis robore detrahimus. Interim dū hæc moliantur simul, & semel prauitati occurrimus, & vires tueri eas roborando pro posse adnitimur: ad quod agendum alexipharmaca seligimus quæ suis, tūm manifestis, tūm occultis qualitatibus venenatæ materiæ aduersentur, & substantiæ nostræ familiaria opitulantiq; existant. In quorum alexipharmacorum cēsu seligimus, lapideam Bezoar qui ex optimis, & non adulteratus sit, cornu rinoceroti, vnicornum, & radix quæ conpriherba dicitur ex nouis Insulis transportata. Theriaca, electuariū Alchermes pro diuitibus necnō electuariū de Gemmis pro nobilioribus, & magnatibus bolum quoque Armenicum seligeremus pro magno præsidio si ad nos adulteratus non transportaretur, & ex his singula die exhibemus in mane, & in sero

fero, & in media nocte, vel in aurora ante siruppum
sub hac forma videlicet.

Rec. lapidis bezoar ex veris, & non adulteratis.

Si ex orientalibus sit gran.vj. vel vij.

Si verò ex occidentalibus sit gran.x.

Exhibe per horam unam, uel per duas horas ante
cœnam, uel ante prandium sic. Accipiant aquæ capil
lorum ueneris, uel sonci, uel capraginis, uel aque lam
phæ, uel stillaticij pulli guttulas quatuor ponatur in
cocleare, & desuper aspergatur puluis tenuissimus ip
sius lapidis, & ore accipiat, atque deglutiat eger, & il
lico quatuor denuo guttulas apponantur in ipso co
cleare, vt si quid de lapide in ipso relictum fuerit ite
rum deglutiat.

Si in sero eger acceperit lapidem bezoar, circa no
ctis dimidum,

Rec. Cornu rinoceroti finissime deraſi, gran.x. uel
xij. exhibeatur cum stillaticio pulli, & cum dimidio
uini albi an. quantum sufficit ægrotanti exhibeatur:

Item Rec. Electuarij Alchermes unc.s.

Confectionis ex acido cytri unc.j.s.

Diaboraginati unc.ij.

M.& de eo exhibeatur quantitate castaneæ.

Per duas horas ante prandium.

Verum si ex nobilioribus, uel magnatibus fuerit.

Rec. Electuarij de gemmis scr.j.

Deglutiat æger, & vini albi cum tantundem.

Stillaticij pulli haustulum superbibat ad quantita
tem scilicet vnius coclearij.

S 3 Si

Si verò ex pauperibus, vel agricola fuerit eger tunc.

Rec. Conserue boraginis unc. ij.

Conserue buglossi vnc. ij.

Theriace andromaci vnc. s.

Cóserue acidi citri j. vnc. s. m. de quibus capiat per horam ad minus ante prandium quantitate castanee. Vtimur quoque felici cum successu boli illius ex insula Elue optima præparatione purificati, & sigillo magni Ducis, & imagine Diui Francisci insignito ab aromatorio magni Ducis, de quo bolo, vel terra Elue reperitur albus, & ruber ad flauum vergens, quibus indifferenter vtimur felici successu: de hoc siquidem, tã nobilioribus, quam vilioribus hominibus vtimur in ptisana in contuso in sorbilibus ouis exhibere, vel cū pauco vini albi, & stillaticio pulli. & in hoc magis cōfido, quàm in eo bolo quod ad nos aliunde transportatur. & ita dictis modis ea terra vtimur.

Vtimur quoque radicis illius, quæ à nouis insulis ad nos transportatur quæ dicitur contriherba de qua exhibemus a dr. s. vsque ad integram, optime puluerizatur, & egro exhibetur eo modo, & forma quo de cæteris pulueribus est dictum. Radix hæc namque sudorem prouocat, & magni iuuāminis reperitur si legiptima veraq; sit, & non seceus fuerit: dictis sic alexipharmacis per os sumptis vtimur, vt prauitati insistamus, & egri robur custodiamus.

Ad eandem intentionem extra vtimur oleo magni Ducis quod contra venena dicitur optimo feliciq; successu non minus, quàm in cæteris pestilentibus

bus

bus febribus, elapsis temporibus cōpertum fuerit . ex hoc namque subtiliter liniuntur pulsus manuum , & in pedibus , & cordis regio quo modo inferius dicitur de lenitione fienda post epithema . Circa tempora pulsus hoc oleo minime liniunt , quia apud nonnullos suspectum habetur ob nimium eius caliditatem ne ad cerebrum materia trahatur . Eo sic utimur , vt postquam dictæ partes prima vice linite fuerint singulis sex horis iterum liniri debent , sed prius quàm vngantur ; Cum elisir vitæ primo illinuntur subtiliter dictæ partes , tum ut prioris inunctionis deterfio fiat , tum vt paretur penetratio ipsius olei .

Ad corroborandum , atque tuendum hoc epithemate utimur .

Rec. spec. epithime cordialis temperatarum dr. vj.

Aquarum cordialeum lib. iij.

Aquæ rosaceæ vnc. ij.

Vini maluatici unc. iij.

Aceti optimi unc. j. s.

Mosci leuantini gran. iij.

Offis de corde cerui scr. j.

Misce fiat epithema cordi mane , & sero ante cibū & pluribus vicibus cum panno sericio reiteratis detergatur locus , & exiccetur , & hoc linimēto ungatur .

Rec. Therices electe Andromac.

Vnguenti rosacei an. unc. s.

Boli orientalis non adulterati scr. ij.

Olei contra venena dicti dr. j.

Elisir vitæ dr. j. s.

S 4

Aceti

Aceti rosacei dr.ij.

Misce liniatur regio cordis post epithema.

Dum sic prauam materiam præparamus, & alexipharmacis insistimus enemata alternis diebus administranda curamus ipsaq; validiora, vt intestina a praua materia mundetur, & vt uenenati uapores, & praua materia unde eleuantur deorsum a principalibus membris reuellantur sic.

Rec. Decocti maluarum, florum camomeli, Anisorum, finiculi an. quantum suff. fiat decoctio de qua

Rec. lib. j. s.

Olei rosacei completi unc. iij.

Mellis violacei unc. iij. s.

Oui luteum, Hieres. unc. s.

Salis dr. ij.

Misce fiat enema, & infundatur per horam ante cibum cauendum est à iusculis, & pinguedinibus ob putredinem. & si eger non exeat extra cubile, sed in patella qua utimur Florentiæ enema deijciat, multum laudo ne insurgendo nimium fatigetur, vel animo uti solent, deficiat. & dum enema deiecerit buccella panis parumper affli in vino decenter infusa ei condonetur cum haustulo vini superbibendo. Dum hæc fiunt quoniam solent varijs accidentibus febrē hanc prauā sectatibus infestari idcirco eis sic succurrimus. Et quoniam vlcuscula oris aphtæ dictæ. sepe infestari in hac febre solent.

Rec. Aquæ borre si facultas adsit, & cum ipsa os, & fauces colluantur, & quandoq; gargarizetur. uel sic.

Rec.

Rec. Aquæ ordei

Aquæ plantaginis an. unc.vj.

Diamoronis dr.ij.

Mellis rosacei dr.iiij.

Misce fiat gargarisma, uel collutio. & instrumento argenteo, quod linguicula dicitur interim os & fauces detergatur, uel cocleare argenteo. vel sic alio gargarismate.

Rec. Aquæ plantaginis unc.x.

Vini, vel succi granatorum amabilium dulcedine aliqua non expertum unc.j.s.

Aquæ rosacee unc.s.

Misce fiat collutio, uel gargarisma. vel sic

Rec. Aquæ plantaginis

Arnoglosse an.unc.iiij.

Portulace

Decoctionis scabsten unc.iiij.

Vini citoniorum unc.ij.

Misce fiat collutio vel gargarisma.

Solent quoque sæpius fauces à prauis, & feruentibus uaporibus inflammari ex quo affertur molestia, & difficultas deglutiendi nō secus ac in ulcusculis dictis quibus sic subuenimus.

Rec. Aquæ ordei

Plantaginis

Portulace an.unc.iiij.

Aceti rosacei unc.j.s. & quandoque

Aquæ rosacee unc.s.

Misce fiat collutio, uel gargarisma.

Solent

Solent sepius in eiusmodi febribus egrotantes delirare, vel somnolentes fiunt ob uapores ascēdentes, & cerebrum petentes quibus sic succurrimus, & primo, ut a somno excitentur.

Rec. Castorei dr.s.

Mitridati dr.ij.

Succi rutę parum.

Misce illinantur nares, vel sic.

Vt auertantur uapores a cerebro frictionibus utimur spatulis dorso, & usque ad crura, & quandoque cucurbitulas applicamus: & quibus bifariam iuuamē sequitur quia retrahitur a cerebro infra tum etiam bonus sequitur tractus ab intimis ad extimas cutaneas partes prauæ materiæ intus latitantis, & ex retractione uaporum, tum somno, tū delirio occurrimus, & si hæc non contulerint sanguisugas ano applicamus, uel medicamēto aliquo noxiam materiam euacuamus prout magis expedire præsentī medico uidetur qui egri uires cum morbo, & eius statu recte conferre ualet. Solemus etiam cum materia cerebrum petere incipiat, & accidentia ipsa minari, in crura uestigatorium admouere loco quo cauteria infiguntur, sic

Rec. pulueris cantaridum scr.ij.

Euforbij recentis dr.s.

Fermenti, & aceti acerrimi an. quantum sufficit.

Fiat pasta quæ applicetur, ut dictum. Febrientibus ferè singulis in augmento morbi urina intercipi solet, & quamuis cupiditas adsit nihilominus urina non proiectatur, & frustra matellam accipiunt quibus

bus sic subuenimus.

Rec. olei de scorpionibus vnc. j.

Vngatur pecten tepide, vel sic.

Rec. Pautariæ

Si simbrij

Camomillæ

Anisorum

Dauci

Maluæ

Violariæ

Petroselini, vel appij

Fiat decoctio in aqua cum tertia parte vini greci cum qua fomentetur pecten cum spongia, & post fomentum cum oleo de scorpionibus inungatur.

Præstabit quoque non modo in reddendo vrinam sed etiam in reuellendo prauam materiam à nobilioribus membris, & ad crura euacuanda vti puluere catharidum ea forma, vt supra est præscriptum, & si ad crura appositum medicamentum ad vrinam prolektandam minime sufficiat. Sufficiet dubio procul si ad exortum spinæ applicetur, nam quibus capiti applicatum à me fuit eiusmodi medicamentum ob alios affectus persanandos singulis urinarum copiam promoueri expertus fui. quod nimirum catharidarum facultati est adscribendum: Siti ingenti quandoque febrientes cruciantur quibus sic subueniendum.

Rec. Medullæ acidæ citri conditæ eius quæ Neapoli electissima paratur cocleare unum in aqua frigida semel madefiat, & ægrotanti exhibeatur, ut teneat in lingua

lingua, & paulatim deglutiat, vel sic.

Rec. eiusdem confectionis coclearis dimidium dispergatur in aqua decocta, vel stillaticio pulli ad mensuram dimidij ciathi, & sitienti ad potandum exhibeatur, vel sic

Rec. Radicis lactucæ saccaro conditæ, & in orbiculis concisæ, & in decocta aqua decenter infundatur, ut à saccaro abluatur, & à dulcedine mundetur, & ex illis orbiculis æger vnum teneat in ore ad libitum permutando.

Transacta decima quarta die, & nulla crisi subsequuta, & aluus soluta, ut in multis solet, minime fuerit neque adsit vrinarum copia, & ea quæ expectari potest coctio in vrinis apparuerit, & iam deletis exanthematibus prauam materiam educere consulimus medicamento aliquo, quod virtutem non fatiget, neque infignem faciat agitationem, & clementiora seligimus. Recipimus idcirco sic.

Rec. Mellis rosacei solutiui vnc. iij.

Mannæ calabræ vnc. j. s.

Rhabarbari electi dr. j.

Agarici optimi scr. ij.

Zinziberis, salgemme, spice an. gran. vj.

Infundatur Rhabarbarum, & agaricus in decocto cordiali, & facta sufficiente expressione Rhabarbari, leuiter exprimatur Agaricus cum dicta expressione fiat potio breuis cui addatur,

Aquæ cinamomi dr. j. s. exhibeatur in aurora sed die præcedenti fiat enema.

Et aliud


Et aliud enema fiat alia die subsequenti a die assump-
ti medicamenti, & enema sit lotium.

Educta quæ euacuari potest noxia materia statu ad
huc non accedente iure capi sorbilibus ouis, & con-
tuso in ordeacea ptisana, & vino in prandio modice
sumpto, & decenter limphato quemadmodum à
principio minorata materia ordinatum fuit, sic ægrum
reficere studemus, vel saltem sustinere vires quousque
ad statum accedamus. Vbi vero ad statum accedere
morbum dignoscimus ex auctis symptomatibus, &
sub inde morbo ipso in suo vigore consistente, cibum
illico detrahimus, & ægrum à vino, & pulli contuso
arcemus, & solo ferculo iam dicto alimus, & sic pro-
sequimur donec status, & morbi vigor perdurauerit.
In declinatione autem, & post sequentem crism vberius
ægrum alere, & decenter reficere curamus. Verum si
post sequentem crism quæ per aluum, & vrinas in eius-
modi febribus, ut plurimum sequi solet morbi reliquæ
remanissent ægrum cauentes à nimio cibo, & potu
iusculum ei paramus parvæ pullæ in quo petroselinæ
radices, cicoreum soncum ac parum cinamomi inco-
quendum iubemus, & saccaro dulcoratum singulo ma-
ne ægro exhibendum instituimus, & sic per aliquot
dies, & tandem præparata materiæ residuo si expedire
videatur naturaque per se ipsam recrementorum resi-
duum non expellat medicamentum aliquod exhibe-
mus, ut quæ relicta sunt recrementa euacuentur, & à
Diacatholicone melle rosaceo saccherino, & Rhabar-
baro electuarioque de dactylis dulcibus non recedimus

ne

ne defessas iam vires amplius fatigemus, & quia hæc satis esse videntur. Victus rationem tandem institui-
mus qua tanquam conualescentes vti valeant, neque
in sex rebus non naturalibus delinquendi eis occasio
præstetur. Habes tandem vir doctissime quid sentiã
tum circa dignationem, tum circa prognosticum, tũ
etiam circa curationem vagantis prauæ febris, quæ si
nō ea eloquentia, & methodo, vt fortasse expectabas,
exarata fuere, ea nihilominus hilari fronte recipias
tanquam à senescentē trūco ædita, & ab homine, qui
te vehementer diligit. Expectabo interim vt vicif-
sim mihi significes an febres quæ istic vagantur, & cō
terraneos meos, vt audio, seuiter angunt eiusdem spe-
ciei sint, an diuersas esse conieccheris quod mihi signi-
ficare non te pigeat. Interim vale amicorum optime,
& me uti soles ama. Ex Florentia die xx i i. Aprilis

MDXCII.



I N D E X
 LOCVPLETISSIMVS
 RERVM NOTABILIVM.
 QVAE IN TOTO HOC OPERE
 CONTINENTVR.

A



- E**R qualis scilicet
 pag. 131
Abstinentia exci-
 tat prauum odo-
 res. pag. 3
Abstinentia indu-
 cere solet renum, & lumborum
 dolor. 29
Abstinentia quomodo praecauendus
 si menses fluere ceperint. 33
Abstinentia quare inducat Tenas-
 mon. 44
Abstinentia contingit si acetabula
 mittere replantur, nam las-
 santur, atque praepondere di-
 frumpuntur, & fit abortus. 8
Admirandum naturae opus in par-
 tu animalium, & praecipue ho-
 minis. 47.48
Admiranda naturae opera in par-
 tu Brutorum. 53.54
Ad febres ex lacte praesidium. 78
Ad utero deriuant enemata, at-
 que reuellunt. 31
Adstrictione alui grauidarum qui-
 bus succurrendum. 35
Adueniente hora partus, ut de-
 hiscat uterus, ut totus infans
 absque lacione egrediatur. 65
Alimentum cum amplius foetus
 non sufficiat calcitrare incipit,
 & ad exitum se accingit. 60
Alimentum foetus per umbilica-
 lem venam, a matre suppedi-
 tatur. 60
Alui si nimium grauidis fluat
 quibus sistendus. 37.38.39
Alui stipticitas grauidarum qui-
 bus curetur. 35. & ultra
Alui fluxus grauidarum quibus
 curetur. 37. & ultra
Animalia bruta absque ratione,
 & consilio in ventre tutantur,
 & hora partus absque ullo au-
 xilio quam naturae prouiden-
 tia, & nemine adminiculante
 illa eduntur. 53
Animalibus brutis exilem umbi-
 licum, atque arefactum natura
 progeniuit suapte natura di-
 frumperetur, atque separare-
 tur cum ipso incidendi, atque
 ligandi ope destituta forent.
 pag. 55
Animali in lucem edito eius te-
 peramen-

INDEX.

peramentum perpetuo mutari est necessarium . 138
 Alui fluxus in pueris quibus sistatur . 212. & ultra
 Aerem variolarum causam esse non posse . 222
 Agēs solum cum peruenerit , & non adsit patientis dispositio non fit actio, neque passio. pag. 256
 Aer quo pacto paratur in edibus in pestilentibus feb. 261. & 662

B

Belluarū quælibet pariēs obstetricis officio sibi met fungitur, vmbilicum suis dēribus rescindens si per se ipsum ob exilitatem non disrumpatur , & lingua lingendo editum animal à sorditie mandat, et abluir . 53. & 54
 In Brutis ventris gestatio, & par tus miram naturæ prouidentiam ostendunt . eadem
 Bruta animalia exili, & penè arefacto vmbilico natura sagax efformauit, vt per se ipsum disrumperetur, & sanguis vt in homine non effunditur Gal. 9. de vsu part. 54
 Boraginis succus ad secundam educendam . 74
 Bolus ex Insula Elue Magni Ducis in prauis febribus cum periculis elapso anno saluberrimum præsidium adinuentum fuit . 278
 Bezoar lapide ex orientalibus fe-

lici cum successu in prauis febribus vsi fuimus . 277

C

CAUSA proxima variolarū praua est materia in tumorem cutaneas partes attollens 220
 Causa antecedens expulsio est reliquiarum menstrui sanguinis quo altus fuit fetus. ead.
 Causa ebullitionem in sanguine excitans, vel aeris occulta est qualitas, vel cœli status aduersa constitutio, vt austrina . pag. ead.
 Causa separans bonum à prauo sanguine est ebullitio . ead.
 Causa materiam ad cutim impellens . ead.
 Causa quæ subiectum dicitur, et materia . ead.
 Caseus super prunas assatus grauidarum appetitum excitat . pag. 16
 Cibus grauidarum qui æqualis esse debet . 4 & 5
 Cibus in variolis qualis esse debeat infantibus, & qualis nutriticibus eorum . 238. 239
 Cerebri temperatura à quibus venanda sit . 96
 Compositio triplex in homine, vt ex quattuor elementis prima consistit, secunda in partium structura, tertia in partium vnitate . 92
 Consuetudo infantum exploranda, quæ sit dormiendi vigilandi, meiendi necnon egerendi atque

INDEX.

atque lac sugendi . 95
Corpora quæ ad patiendum habilitatem contineant, & quæ minime habilitatem habeant pag. 225

Consuetudo non in victa solum sed & in potu est à medico exploranda in egris . 270

D

DOLOR ventris grauidis mulieres infestans quomodo sedandus . 29.30

Dolor post partum grauidis in ventre contingens, & in utero quibus præsidij succurrendum . 77

Domus & eius ædes quæ seligē de in variolarum, & morbillorum morbo. 235

Dolor renum, & lumborum grauidas infestans quibus præsidij sedetur. 32.33

Dolor in tenasmo quibus cōpescendus. 44.45

E

ELEMENTORUM quātitates, & qualitates, & pondera quæ sunt in composito ignoramus & ignorabimus in æternum . pag. 99

Elementorum mensura in composito non potest compræhendi per modum arbitrij. 99

Eorum quæ in medio sunt corpore prouidentia ubi sanguis detractus non est, maximum plane est malum ubi vero detractus est non maximum . pag. 272

Equalitas cuiuslibet sua est intemperatura, in partium structu-

ra, & in partium vnitate suæ sanitati condecens . 92

Equalitas ipsa in quolibet quo pacto sit peruestiganda. 99

Exercitium grauidarū debet esse moderatum immoderatū namque acetabula dissoluit. pag. 6.7

Exercitium immoderatū est grauidis prohibendum in primis præcipue mensibus. 7

Exercitium in curribus grauidis prohibendum. ead.

Exercitia nobilium, atque magnatum primis & vltimis mensibus in sella debet esse ab hominibus dexteræ apportata. eadem.

Exercitij tempus sit ante prandium, vel ante cœnam cocto, vel distributo cibo. ead.

Error quorundam in victitando ægros. 272

F

FEBRIS ex lacte quo pacto extinguenda . 78

Fœtus ad vtericōnnectum eandē habet proportionem quā fructuum connexum ad plantas . 9

Febrium quæ anno elapso vagarant causa proxima ingens fuit putredo . 255

Causa putredinem excitans fuit humidior aeris intemperies, & eiusdem occulta qualitas . 255

Causa disponens ad patiendū fuitabilitas, vel preparatio corporum excrementis scatētium. 256

T Causa

I N D E X.

Causa quæ subiectum, & materia dicitur. 255. 256
 Februm quæ anno elapso vagantur symptomata. 252. 253
 In februm prauarum principio peticulis adhuc non apparentibus minorandâ esse materiam. 272
 In febribus dictis quando venâ secanda, & quando minime secanda. 272
 Febres, quæ anno elapso uagarunt epidemicas fuisse, & ex genere duarum tertianarum notharum atque duplicatarum videas. 250

G

Genera tria in quibus tuenda sanitatis studiû, atque medendi methodus consistit. pag. 94
 Grauidæ mulieres in primis non pigrescentes templum adire debent, & Deo gratias referre, ut concipiendi honorê sortitæ fuerint. 8
 Grauidæ mulieres si ociosam, & sedentariam vitam degant, ijs calor imbecillior redditur, & crudiora excrementa acervant. 8
 Grauidarum cibus, & potus qui & qualis esse debeat. 4
 Grauidarum exercitiû quale esse debeat. 7
 In grauidis quæ euacuanda, & quæ retinenda. 10
 Grauidæ hilariter, & iocundæ viuant timoremque, & mestitiam vitent. 11
 Grauidæ mulieres picaceo affe-

ctu, usque in quartum mensem male se habent. 13
 Grauidarum appetitum amilû & caseus assatus excitat. 16
 Grauidæ mulieres si terram, & lutum appetantur ijs conducit amilum siccum. 16
 Grauidarum appetitum excitat sinapis. 16
 Grauidarum potus sit moderatus. 17
 Grauidarum tumentes pedes, & crura quomodo curandi. 20. 21
 Grauidarû vomitus, et eius causa quomodo compescenda. 23. & ultra.

Grauidarû in ventre dolor quomodo sedandus. 29. & ultra
 Grauidarum renum, & lumborum dolor quo pacto mulciendus. 31. 32.
 Grauida mulier non est in sella locanda priusquam infans in caput reuolutus ad tactû sentiat, sed in lecto decumbat ut vires ad oportunum tempus seruentur. 61

H

Hepatis temperamētum ex quibus indicijs venari liceat. 96. 97
 Humorû si adsit corruptela multis tunc indiget dispositio. & plura alimenta exhibenda sunt pag. 270

I

Infans quo pacto in matris utero si tuetur donec hora partus accesserit. 59
 Infans in hora partus quo pacto se

INDEX.

- se ad exitum paret . ead.
 Infans si in sui ortu semimor-
 tuus videatur, quid ab obste-
 trice agendum, vt resipiscat.
 pag. 69
 Infans illico in lucē editus nul-
 lo edocente aerem haurit, ci-
 bumque ac potum sibi conue-
 nientē perquirat, & ore sum-
 mit. 109
 Infanti panis à nutrice, vel alia
 muliere commansus non sine
 noxa exhibetur. 116
 Infanti ante dentitionem præci-
 pue est vinum interdicendum
 cum caput halitu repleat.
 eadem. 129. 130
 Infantis aluus si sua sponte non
 egerat quibus præsijs cien-
 dus. 129. 130
 Infantis vomitus quomodo cu-
 randus. 148
 Infantium tussis quibus præsi-
 dijs curetur 150. & ultra
 Infantium pauoribus in somno
 quibus occurrendum. 157.
 158.
 Infanti si umbilicus inflamme-
 tur quibus medendum. 159
 Infantiū in aure humiditas quo
 modo curanda. 164 165
 Infantibus gingivarū dolor qui-
 bus leniendus. 167. 168
 Infantium febris quomodo cu-
 randa. 160. 161
 Infantium conuulsio, vel epilep-
 sia, vt plurimum eos interfici-
 cit. 181
 Infantium effulgentiæ cum
 pubertate nonnunquam mu-
 tationes habet, verba hæc hip-
 pocratis non recte intelligun-
 tur, & plures albucinantur.
 pag. 183
 Infantibus epilepticis chaute-
 dum saluberrimū cunctis præ-
 sidium esse. 188
 L
 Ac quale esse debeat nutri-
 cibus 112
 Lactis probatio. ead.
 Lapis Bezoar. 276. 277
 Lapis qui reperitur in ventre hi-
 rundinis ad epilepsiam. 190
 M
 Materia, quam sanitas cu-
 stoditur sub quatuor ge-
 neribus consistit, quæ sumun-
 tur, quæ geruntur, quæ educū-
 tur, quæ foris admoueatur.
 pag. 104
 Medicus ægrotantis naturam, &
 in cibo, & potu consuetudinē
 conijcere debet. 270
 Medicamēta alexipharmaca qui-
 bus in istis prauis febribus
 vtinur. 276. 277
 Mense primo secundo, & tertio
 leui exercitio, & motu uten-
 dum. 8
 Mense quarto quinto, & sexto
 tutius est exercitium, quia cō-
 paratur fētus fructib. iā acer-
 bis qui firmiter in arbore con-
 tinentur. 8. 9
 Mense septimo octauo, & nono
 ex leui quopiam motu, vt ma-
 tura poma ex arbore decidūt,
 sic infantes grandiores effecti
 vterum magis grauāt, & liga-
 menta suo pondere fatigant,
 ac laxāt ita, vt facile ex motu
 T 2 abor-

INDEX

abortus fieri valeat. 9
Morbi statū præcognoscere debet Medicus. 267
Mulieres agrestes absque obstetrice quomodo pariant. 54 55

N

Natura cuiusque si quis explorare ad unguem sciret alter pseulapius esset. 99

Natura summum ostendit artificium, tum in formādo animalium, tum in augendo, tū in perficiendo ipsum necnon in eius partu. 52. 53

Natura in animalis partu admiranda machinatur. 53

Natura tempore prior, & sapiēs magis quam ars. 53

Natura cuncta progignit, auget tueretur, ac regit. 52

Natura inter alia admirāda opera hoc efficit, vt toto tempore quo vrero geritur matricis os adeo oclusū maneat, ut specilli acumen non ingredi possit, & aduētante partum adeo dehiscat, vt integrum animal illesum exeat. ead.

Naturę si quando imperfectum opus inordinatum, erraticum quę sequatur fuerit rōne materię, & eius vitio, & non ipsius naturę. 55

Naturę ordo aliquando in suis operibus peruertitur cum materiam planē nō superauerit sed ab ea impeditur prohibetur quę suis proportionibus moueri. 55

Natura nihil minus, neque superfluum. 55

Nutrix qualis esse debeat. 111

Nutrix quo tempore infantem lactare debet. 115

Nutrix infantem non lactet illico dum à somno expergiscitur. ead.

Nutrix panem commensum nō sine noxa infanti exhibet. 116

Nutrix quando a vini potu abstinere debet. 120

Nutrix quo pacto somnū infantis conciliare debet. 121

Nutrix in somno minime se profundare debet. 122

Nutrix quo tempore, & quomodo puellū exercere debet. 123

Nutrix vocis modulamine, et cātilenis, tum somnum conciliare, tum letitiam infanti afferre debet. 125

Nutrici quantum exercitium cōferat. 126

Nutrix quo lauacro infantē abluere debet. 142. 143

O

Occhipitium cunctis ferē infantibus Florentię iniuritur. 202

Oculi vt à variolis præseruentur præsidium. 243

Obstetrix in partu non naturali quomodo se gerere debeat, & primo si in pedes. 80

Si vnicus pes tantūmodo appareat. 80. 81

Si vnica tantum manus appareat. 82

Si ambę manus ante caput appareant. 83

Si conduplicatus. 84

Si antierius conduplicatus. 87

Si

INDEX

- Si genua conduplicatis furis,
& pedibus ad nates primo ap-
pareant. 88
- Obstetrix quid agere debeat, si
secunda non procidat umbi-
lico iā resecto, tum circa eni-
xam sicut circa infantem. 71.
72. 73. 74
- Obstetrix quid agere debeat si
secunda non procidat. 69. 70
- Obstetrix quid agere debeat si
infans semimortuus ab ea col-
ligatur. 68:69
- Obstetrix mulierem in sella nō
locet donec puer in caput fue-
rit obuolutus. 61
- Obstetrix qualis esse debeat. 50.
- Obstetrix in partu necessario re-
quiritur 49
- Oris vlcusculis siue aphtis infan-
tium quibus succurrere vale-
mus. 146. 147
- Os, & guttur, & esophagus, vt à
variolis præseruentur præsi-
dium. 244
- P
- Partus hominis opus admi-
randum. 47. & vltra
- In partu, vt adeo dehiscat vterus
vt infans per eius collum illæ
sus egrediatur mirari possumus
intelligere non valemus
pag. 65
- In partu separantur iuncture in-
quit Auic. ead.
- Partus tempore iam instante li-
bere magis grauidæ exerceri
possunt. 9
- Partus infantis morrice faculta-
te vteri excretrice mulieris
matrice adiuuatur. 53
- Partus tempora. 36
- Partus iā imminētis indicia 60
- Pariens quomodo locanda. 61
- In partu necesse est, vt separētur
quedam iuncturæ, & substinē-
tur adiutorio Dei Excelli præ-
parante, vel disponēte eas ad
illud deinde reuertente eas
proximo ad continuationem
naturalem. 65
- In partu difficili ob arctitudinē,
& angustiam oris, & colli vte-
ri quid agendum. 66
- Pica quis affectus, & à qua cau-
sa in grauidis 13. 14
- Picaceus affectus quomodo cu-
randus. 15
- Pedum tumor in grauidis qui-
bus curatur. 19. 20. 21
- Puer in partu in caput infe-
rius obuoluitur, quia superne
partes cum sint grauiore, fa-
cilis, vt in stratera deorsum
flectitur, & commodius ad sui
exitum. 62
- Pueri caput obstetricis manu
apparente iam instat parturi-
tionis secundus status, quid
tūc sit ab obstetrice agendū. 63
- M. Princeps Sereniss. inusto
occipitio, & Deo opt. max. fa-
uēte per sanat? illico fuit. 189
- Puer cum fuerit ab obstetrice
veluti exanimatus in gremio
receptus quid ab ipsa agendū
vt resipiscat. 69
- Proprietas in semine seruata mi-
nime est variolarū causa. 222
- Q
- Q Vies potius quā exercitiū
in primis mensibus est
grā

INDEX.

gravidis instituendum . 7
 Quies intempestiva gravidis ex
 ijs præcipue quæ exercitio vti
 consuevere abortiendi occa-
 sionem præstat . 8
 Quies non est admittenda graui-
 dis exercitio consuetis . 8
 Quid in primo parturitionis tē-
 pore, & quid in secundo, &
 quid in tertio sit ab obstetrice
 agendum. 60. & ultra
 Quo pacto locanda sit parturiens
 mulier in secundo partus tpe
 cum iā caput apparere obste-
 trix ad tactum sentiet . 64
 Quo pacto locanda sit paries in
 primo partus tēpore antequā
 caput appareat, & antequam
 obuoluatur infans. 61
 Quo modo locanda sit iā enixa
 mulier cum secunda non pro-
 cidat, & à vinculo vmbilici ex-
 tricato puero ipsa que in cubi-
 le ducta, & iam ex parte quie-
 te, & cibo recreatis viribus, vt
 secunda facilius educatur. 73

R

Enum, & lumborum dolor
 gravidis quibus curandus .
 31. & ultra.
 Res quinque non naturales di-
 ctæ si opportunus sit earum
 vsus causæ sunt sanitatis con-
 seruatrices, sed si a modo deli-
 querint, & intēpestius sit ea-
 rum vsus, insalubres reddun-
 tur, & morborum procreatri-
 ces. 109
 Radix ex nouis insulis transpor-
 tata, quæ contriherba dicitur
 ad prauas has febres, apud

nos valde ex vsu comprobata
 & quomodo exhibetur . 277

S

Anguis non est mittendus,
 vbi peticulæ apparere cepe-
 rint . 274
 Sanguinis missio, quæ commoda
 præstat. 172
 Sanitas quoruplex ea sit, & ma-
 gnam habere latitudinem. 91
 Sanitatis diffinitio. 92
 Sanitatem triplici modo vitiari
 contingit. 93
 Secunda si non procidat quibus
 præsijs succurrendum . 69.
 70

Smirnum abortum inducit .
 & ultra.

Substantiæ nostræ quod cōtinuo
 defluit, aere, cibo, & potu re-
 sarciri debet . 110

Sanguine ex vena cubiti detra-
 cto in peticulis, illico cucurbi-
 tulæ dorso applicari debet cū
 scarificatione, vel sine prout
 cutis iam cucurbitulis appren-
 sa ostendet. 274

T

Tenasmon si gravidam infe-
 stauerit magnum esse abor-
 tus periculum. 44

Tenasmoni grauidarum quibus
 occurrendum . ead.

Tumor in crura, & pedes in gra-
 uidis quomodo curandus. 19
 20. 21

Trocisci de mirra ad secundam
 educendam . 74

Trocisci de charabe ad idē. ead.

V

Ariolæ à latinis dicuntur
 Galenus

INDEX.

- Galenus exanthemata Hippo-
crates Ectimata Plinius papu-
las vocauit. 219
- Variolæ sunt omnium morbo-
rum communissimus morbus
à quo vnusquisque apprehendi-
tur ni præcor obitus illum an-
tea tollat. 219
- Variolarum antecedēs causa est
sanguinis menstrui expulsio,
ex quo alti fuere. 220
- De Variolis meminit Hipp. sub
hoc noīe ectimata in 1. epid.
cōm. 1. tex. 38. & adhuc lib. 4.
eiusdem operis, & etiam lib.
6. & lib. 7. tex. 94. ubi historiā
enarrat filij Timonachtis du-
os menses agentis, & Arabes
omnes. 232
- Variolas antiquiores dixerunt
carbones adustos & Græci fi-
lias ignis vocarunt. 233
- Variolarum futurarum indicia.
pag. 233
- Variolarum euentus quando bo-
nus, & quādo perniciosus ex-
pectandus. ead.
- Vt variolæ ad cutim pellantur,
vel morbillo præsidia. 242.
243. 244
- Variolæ vbi maturæ fuerint, &
in eis sanies appareat acu au-
reo perforentur quid obser-
uandum. 246
- Variolarum vestigia quo pacto
deleantur. 249
- Ventris dolor grauidarum quo
pacto sedandus. 29. & vltra
- Venæ sectio quam saluberrimū
sit præsidium, & quæ commo-
da afferat 272
- Vinum omnes humores opti-
mos reddit. 270
- Vmbilicus brutorū exilis arefa-
ctus fuit a natura progenitus
vt orto animali ex se ipso frā-
geretur, & sanguinem nō fun-
deret cū incisionis opere, &
ligationis sint destituta. 55
- Vmbilicus non debet abscindi
plusquam secunda exierit, &
quid agendum si post infantē
non procidat. 69
- Vmbilicus cum secunda exierit
quam primum abscindi debet
& a secunda separari. 68
- Vmbilicus duplicato filo, & pol-
licis latitudine vinciri debet.
ead.
- Vmbilico recisso lana, vel coto
calente oleo rosaceo est con-
tegendus. ead.
- Vmbilicus vltra ligaturā p qua
tuor digitos vinciri debet. 68
- Vmbilici caudex quo pacto in fa-
sciādo puero debet at accōmo-
dari quousque decadat. ead.
- Vmbilici caudex à puero separa-
tus secunda adhuc non proci-
dente quo pacto femori eni-
xe sit accommodandus, & al-
ligandus. 72. 73. 74
- Vomitibus grauidarum causa, &
curatio. 25. & vltra
- Vteri os, toto grauidationis tem-
pore adeo occlusum persistit,
vt specilli acumen nō admit-
teret. 64

FINIS.

REGI-

REGISTRVM.

✦ ABCDEFGHIKLMNOPQRST.

Omnes sunt Quaterniones, præter
T duernio.



FLORENTIAE,
APVD PHILIPPVM IVNCTAM,
M D X C I I I.

Cum Licentia Superiorum, & Priuilegio.

Vangelisti Alfredo

Libreria di Lettere

Via Dante 12 - Firenze

00 5644184

